

國粹叢書第二集

上冊

張蒼水全集




國學保存會印行

明 張 蒼 水 先 生 像




明張蒼水先生遺墨



花絹本黃巖石我師齋藏

張蒼水先生墓



羅子木楊冠玉二先生墓附

張氏少墨迹

光緒初元二月廿日
諸君聚於教忠孝堂
海曙先生出示珍藏
此集得觀 名賢遺筆
增曠眼福謹為題
吳廷棗書年七十有七



常依差乎

一

腹

聖天子

卷一

子思子孟孫氏

三夏

不食君臣食

義不其誰去哉

日者車司

風和日麗

十月
八日
五
八

中人而興歎者



梅丘中筆一古師韵

同是寂寞靈精神——他世風流與玉真為

一葉飛潭——色為來相雪來三人等閒極家

凡種多少芳如步後在空香枝頭元腦破驚

聲一欄上林春

自是天生巧入神——而將醋、混真、同信、體外雅

為立於此江南第幾人鐵骨珊疑有詞玉鱗

齊响無聲餘好弄
可意遙吹徹揚州
弄柳春
點點仙仙別有神
僊船端的禮尊真
正南音
國堪稱聖
品貯瓊臺便
可人
法月穩
糊檀作
單一清
露窈窕
地玉臺
相探真
房輕
禁
扣

一
高乃應院竹葉春

一
醉於今
首品
神小
甜夢
憶

後
廣
廣
通
真
水
雲
雲

臨
南
村
石
文
煙
霞
色
相
盡
中
人
月
排
華
請
香
日
清

知春
好
清
雅
欲
解



唐
公
知
春
雅
欲
解
千
百
年
來
心
目
一
清

甲子山中記

石闕橫空，危崖大造，松木盤桓，人言某回，擲劍橫青
海，願將歌挂，望山處，似地頭佳，某則云，何能補
表，款是頭此，乳於，為其向，指施，而度，測
然，寂初，衣，未許，還伊，人，在，等，如，同，卒，一，白，望，松
社，有，月，母，名，桐，相，山，挂，類，所，麟，往，後，海，之，高，城，樓，且
向，新，榜，前，莫，福，字，雲，廷，瑞，自，悔，恨，滿，厚，廣
日，出，遠，望，去，不，過，處，是，松，皮，西，望，關，身，此，如，龍，龍，樹

冬懷
七
日

故國三陰迤邐來，兩壘條臺豹德堪。
哀龍胆夢夜，天方磨草，水凋然地亦災。
危年雖每驚武害名，流雲上雲子陵臺。
空鴻猶紅朝宗義，依舊隨陽渡海來。
驀小此夢來隔黃臺石，寫盡兒信信神。
偏酒不問供楚子，飛冰出暢曲後人。
雪堂筆一通，橫壘饒水照臺城，那識福勝有孤臣。
依漢麟海大。

何處答 明禮 悲以歸一海供 行哉 意難通 其
微素於林間也 組緹枕柳 花座度 旌旗平 昭雪
遠難歸 寄古澤 言山 賜衣勉 言微 歸其
早 南枝事似北枝 梅 梅船興甲 自
目扶桑可挂 弓豈憶 填撫衛 水 頻多 橋御 石
風田 賴 延 偏 息 歸 帛 絲 布 歸 未 恐 似 第 之 德 升
物 回 北 陸 好 惜 日 同 暮 寧 何 須 南 國 更 誰 能 就 疏

女先那三叔孫祖而着何妨傳狀

三叔孫祖而着何妨傳狀

在 受 三 山 之 司

孤 獨 之 人 而 後 知 之 十 五 年 來 之 事 亦 不 可 不 記 之 也

此 乃 天 以 示 人 之 事 也 亦 不 可 不 記 之 也 亦 不 可 不 記 之 也

此 乃 天 以 示 人 之 事 也 亦 不 可 不 記 之 也 亦 不 可 不 記 之 也

此 乃 天 以 示 人 之 事 也 亦 不 可 不 記 之 也 亦 不 可 不 記 之 也

此 乃 天 以 示 人 之 事 也 亦 不 可 不 記 之 也 亦 不 可 不 記 之 也

謝安石書

自月旦之後，世間無復有能與子為友者。子之為人，
兩意既廣，分而甘，雖薄猶足以全。子之為人，不若
此。子之為人，不若此。

謝安石書

子之為人，不若此。子之為人，不若此。子之為人，
不若此。子之為人，不若此。子之為人，不若此。

子之為人，不若此。子之為人，不若此。子之為人，
不若此。子之為人，不若此。子之為人，不若此。

南無阿彌陀佛 南無阿彌陀佛 南無阿彌陀佛

南無阿彌陀佛 南無阿彌陀佛 南無阿彌陀佛

南無阿彌陀佛

南無阿彌陀佛 南無阿彌陀佛 南無阿彌陀佛

南無阿彌陀佛 南無阿彌陀佛 南無阿彌陀佛

南無阿彌陀佛

南無阿彌陀佛 南無阿彌陀佛 南無阿彌陀佛

南無阿彌陀佛 南無阿彌陀佛 南無阿彌陀佛

南無阿彌陀佛 南無阿彌陀佛 南無阿彌陀佛

東山先生集卷之五
上二
東山先生集卷之五
上二
東山先生集卷之五
上二

詞話

東山先生集卷之五
上二
東山先生集卷之五
上二
東山先生集卷之五
上二

入雲閣在懸壘山里是七月六日被執獲

何事孤臣竟見獲魚晏不復挽斜暉

晚市整初柏樹玄清洞喚忘憂飲飯

宿五岳還一帆的似十洲歸西岳庄元公

青史他年佳具一非

將入武陵之目

義慨絕橫字多筆知高位在于溪桐江

光鈞震澤一難回元龜鼎在正鴻毛補負國恥
為碧血飲支天忠貞自是千古事

青史傳

國土家破歌作之西關頭有幾日
于氏落乾坤至聖岳家祠無不忠孝分三席
敬神丹心借一枝他日素貞一忠貞一忠貞
是必屬碼夷

惟此原水境以限世依歸一風雨以宜其間

歲時之事守其舊章以當新故其說之始也

而金板猶指恨極痛少慰其無功之志

社稷之祭也其意亦厚矣其後又有一條

道首道祠皆在城外此就誰厲者陳之

以故海濱地亦漸次未祀以安社稷

而年之世言散在天下其地田畝亦不一

然賦之者亦猶然也其地亦不一

其地亦不一

外 德 宗 帝 自 廣 德 元 年 移 居 德 宗 帝 自 廣 德 元 年 移 居
 德 宗 帝 自 廣 德 元 年 移 居 德 宗 帝 自 廣 德 元 年 移 居
 德 宗 帝 自 廣 德 元 年 移 居 德 宗 帝 自 廣 德 元 年 移 居
 德 宗 帝 自 廣 德 元 年 移 居 德 宗 帝 自 廣 德 元 年 移 居
 德 宗 帝 自 廣 德 元 年 移 居 德 宗 帝 自 廣 德 元 年 移 居

德 宗 帝 自 廣 德 元 年 移 居 德 宗 帝 自 廣 德 元 年 移 居
 德 宗 帝 自 廣 德 元 年 移 居 德 宗 帝 自 廣 德 元 年 移 居
 德 宗 帝 自 廣 德 元 年 移 居 德 宗 帝 自 廣 德 元 年 移 居
 德 宗 帝 自 廣 德 元 年 移 居 德 宗 帝 自 廣 德 元 年 移 居

德 宗 帝 自 廣 德 元 年 移 居 德 宗 帝 自 廣 德 元 年 移 居
 德 宗 帝 自 廣 德 元 年 移 居 德 宗 帝 自 廣 德 元 年 移 居
 德 宗 帝 自 廣 德 元 年 移 居 德 宗 帝 自 廣 德 元 年 移 居
 德 宗 帝 自 廣 德 元 年 移 居 德 宗 帝 自 廣 德 元 年 移 居
 德 宗 帝 自 廣 德 元 年 移 居 德 宗 帝 自 廣 德 元 年 移 居

八三九

金陵志卷三

同。但令作此和熙苦漢冠雲表國乃自石室靈寶觀以是為一
 莫主也。蓋其方曰康復原厚故有絕勝之祥不世彈一
 侯士相臣百無利生元商原意與上某自有寬者思能保合祥
 識報盡然着茲兵且韓氏今莫原彈二
 一書云：「此是種地屋與人可自說。」
 公亦心領事內之好細語

[illegible]

飛名上南門一四

年一西朔
泰昌元年
庚辰
正月
朔
日
丁未
歲
次
丁未
年
一
西
朔
泰
昌
元
年
庚
辰
正
月
朔
日
丁
未
歲
次
丁
未
年

事數必然豈信圖圖基福蓋此

忍此若且停請天休待時節

江漢子

[illegible]

一更一更春盡時

歌

唐詩集卷之四

五言子夜歌

子夜歌

子夜歌

子夜歌

子夜歌

子夜歌

卷之四

七

雜記

雜記

雜記

雜記

雜記

雜記

雜記

雜記


胡馬南來，其子孫亦必從之。
其子孫亦必從之。

同鴻仁步 兵忠王勅

江胡與王恨南北，其子孫亦必從之。
其子孫亦必從之。

木香通氣丸
此丸治氣
血虧損
年久
此丸治氣
血虧損
年久

張巡公像



子家舊藏張忠烈公寄荅趙督臺疏肅樂
諸公答子十餘牘于庚午之變可痛惜
故然公雖不巨書名世而行間周密出入
精采非淺于學力者豈可同日論哉公詩
望言玄箸箕字也甲申之變魯王撫以兵
部侍郎魯王敗公變服歸天台王遜加
兵部尚書東閣大學士屯軍于南西火燄
鼎浙江提督張杰執之使降公曰死不

能英國人不能救今日之事速死而已
遇害乾院中賜謚忠烈詳載明季殉節
諸臣事迹近又購得卮冊乃當時被執在
獄中詩稿也雖政攔塗抹筆法圓勁實爲
奇貴首尾不署姓氏惟着玄箸一印而已
讀誦之下肅然起敬嗚呼忠君愛國之心
情見乎辭它日蜚資勒石當與平原三
壯傳不朽云我亭范永稷拜識



酒器



古曲古音

投鼠忌器
不令何嫌
破製此
長此時

詩

沙換故
詩

詩



薛平
自序

簡書還越難校字冷著亦每以馳驅往來之國
否則何處

利劫生失遠乘同中三罪也第其時在眼
甜為有氣子

國字有美以不神七句為證以告士子

為吾鄉所知題亦多矣此東家笑言

明言其大盛乎則大信濟為眾種臥東山亭

艱難固湖所以堅之說項者不為所局

老伯翁一起支柱角天耳慧

手後慈海之情泉涌懸夜與及

拾物市何竟散其言夫

盟不約也 鷄犀呈

惟占 投白灰

真人更立為校開張原一深時見 象志記

昔衛珠璣封之為侯因德教不無 書卷之末

平 五口 醫家 秘訣 九

金為中標雲龍時像故京秩正

義志拜

命之出遂者豈微然哉列百位而後亦不上十人

自一勳明者九國類若倒地不及心邪曹之

諸之在國之也故謂之次而動上

扶不欠之謂能持

能士在

以勇名而具

左

序

嗚呼。何天心久不定耶。何狎於穢德。開闢未三百年。而日月復蝕耶。明室當再興。著於圖錄。非誣也。其果爲驗耶。其終不可問耶。漢之中興也。春陵之氣鬱然而世祖名在讖緯。固協天人之符矣。諸葛公數出師北征。而其自表曰。成敗利鈍。非所能逆睹。然其遺碑秘計。後世猶傳以爲神。則非不知也。知其不可爲而爲之者也。江陵淪陷。蕭梁遂亡。王子珩以一州之力。聲義抗旌。雖兵敗身奔。蓋以復仇爲事。終不北面於陳。君子哀其志焉。南宋之末。文信公忠貞冠今古。勿論矣。鄭所南。悼宋國之覆。作心史。錮之井中。三百餘年。其書始出。書中猶曰。宋室中興有日也。然則所南先生固不知宋之不復中興矣。夫興亡者。天也。亡而復興。亡而不復興。亦天也。君子不恃乎天。亦不阻乎天。諸葛公所云竭股肱之力。繼之以死。乃志士之準則也。胡馬南侵。普天同仇。死忠之臣。項背相接。於今十有八年。而褰旗鳩衆。以俟時熙者。猶不數指。而知若栖遲山海。漢臘周官。不爲羶族所羈縻。亦所在而有。豈前代所可及哉。余於丁亥秋。始與同年少司馬張玄箸相見於南國。賦詩贈答。銜枚抵掌。無間晨夕。其時以爲中興大業。指顧可定。旣而玄箸

與諸勛偕至南海。亦以爲播竿北發。神州豪杰。必有響應者。迨師之北入江。登金焦。鐘火通高。皇帝園陵題詩。蘭若中此博浪沙之一擊。其屯於北海者。有年已亥之秋。延平王以舟師取瓜步。下京口而鎮之。玄箸自以所部義從數千人。舍舟登陸。復姑熟。宣州新安銅陵諸郡。邑沿及江以北。歷陽皖口橫江諸險。要太抵皆傳檄解綬。無堅城矣。會我師蹶於金陵。城下倉卒南還。而玄箸方經營北方。未之知也。及乎大勢崩潰。聲援莫接。於是幅巾芒屨。混跡緇流。夜行晝伏。久之始達浙海。復歸口。營樹鸛鳴角。散亡乃集。昔梁將陳慶之以兵八千北伐。乘勝下元魏數十城。直據洛陽。其事與玄箸相類。及勢失。兵燭間行。得達江南。亦與玄箸相類。蓋孤軍難久持也。然溯往跡者多偉之。斯亦可以砥頑起懦。震盪中原矣。於今又二年。江之南北尙爾寂寂。四七之讖。爲有爲無。玄箸雖復枕戈將何所待。近緝綴其所著詩名之曰奇零草。而間叙於余。夫秉旄鉞以佐興運者。玄箸之志也。耽翰墨以畢餘年者。不肖之業也。乃輟軍務而留意於此。將意謂世事汗漫。特以暇日勒爲成書。以俟後世之知也耶。余聞詩能窮人。又聞窮而後工於詩。今玄箸之詩。其氣昌明而宏偉。其辭瞻博而英多。蓋明堂之圭璧。清廟之賁鏞也。長離

一。爲。世。以。爲。瑞。況。律。品。之。相。宣。乎。夫。氣。有。盛。衰。先。動。於。人。聲。取。玄。箸。之。詩。而。咏。歌。之。不。待。審。音。可。比。於。夔。曠。矣。我。明。之。再。興。可。以。推。矣。何。必。反。覆。前。代。之。已。事。而。爲。之。憂。恤。哉。時。在。永。歷。十。五。年。辛。丑。歲。九。月。之。望。華。亭。年。眷。社。弟。徐。孚。遠。題。於。思。明。之。西。埔。寓。

序

昔錢希聲先生叙賀井心史云。吾人不可一日無此心。吾人不可一日有此事。夫此心。此事。初無二理。所遭者順。則存此心。所遭者逆。則行此心。蓋當明季流賊犯闕。神州陸沈。烈皇帝殉國。起義幟於江東。聚兵南海。以至流離困苦。齎志而卒於海嶠。若錢先生。真可謂行不媿於言也。然吾鄉同時起義先輩。指不勝屈。其間抱孤貞而至死不變者。惟獨蒼水公哉。公自魯王監國。永歷繼統。跼蹐行在。無日不以戮力中原爲念。以故三入長江。不幸而同仇兵衄。卒不能申中興之志。及天下事已全去。無可挽回。一腔熱血。猶崎嶇起蹶於萬死一生之間。卒至途窮。南田從容齒劍。以還天地之正氣。嗟乎。豈非所遭非其時乎。吾因有思。夫海之爲海。誠忠義之藪耶。宋之季。則陸秀夫。張世傑。諸君子。奉小朝廷於海嶠。卒至厓山。颶起遂亡。宋祀明之季。惟公一人縱橫海島。留漢臘者二十年。向使宋無厓山諸君子。則宋季乾坤亦太落莫。明無公。則明季生氣遂至銷沈。公不幸而生明。季明季猶幸而生公。爲之震動於晚也。跡公之行事。惟宋之文山。啻足相似。然信公猶有詩文垂世。卽正氣一歌已足彪炳日月。而公可無詩文傳世乎。雖公

之忠。不。朽。不。必。以。文。而。文。自。不。可。朽。夫公凜然孤忠。皦如白日。故其文激憤而高亮。沉雅而痛快。其詩痛而不摧。鬱而愈壯。公之詩文。自可垂於天壤也。余之藏茲集。非僅爲吾鄉存文獻也。蓋將使信公不獨有詩文而長煥。實爲有明一代存文字。與正氣歌共垂千古耳。第不識他日留傳。亦有如錢先生之叙心史。如其人爲之叙否。時在□第二甲辰歲季春望前七日臥雪齋書同里後學五峰沈光宇題

序

予得此于定海。命謝子大周抄別本以歸。凡五七言近體若干首。今久失之矣。聊憶其大概。爲之序以藏之。嗚呼。天地晦冥。風霾晝塞。山河失序。而沈星隕氣于窮荒絕島之間。猶能自出其光燄。以爲有目者之悲喜。而幸覩雖掄抑于一時。要以俟之百世。欲使之終晦焉。不可得也。客爲予言。公在行間。無日不讀書。所遺集近十餘種。爲邏卒取去。或有流落人間者。此集是其甲辰以後。將解散部伍。歸隱于落迦山所作也。公自督師。未嘗受強藩節制。及九江遁還。漸有掣肘始悒悒不樂。而其歸隱于海南也。自製一櫟實糧。其中誓糧盡而死。邏卒至門。忽有二猿跳躑。哀鳴牽裙。尼之。公乃毅然出就執。既被羈。會城遠近人士下及市井屠販。賣餅之兒。無不持紙素至。羈所爭求翰墨。守卒利其金錢。喜爲求乞。公隨手揮灑。應之皆正氣歌也。讀之鮮不泣下者。獨士大夫家。或頗畏藏其書。以爲不祥。不知君臣父子之性。根于人心。而徵于事業。發于文章。雖歷變患逾不可磨滅。歷觀前代。沈約撰宋書。疑立袁粲傳。齊武帝曰。粲自是宋宗。臣何爲不可。歐陽修不爲周韓通立傳。君子譏之。元聽湖南爲宋忠臣李芾建祠。明長陵不罪藏方

孝孺書者此帝王盛德事爲人臣子處無諱之朝宜思引君當道臣各爲其主凡一切勝國語言不足避忌余欲稍掇拾公遺事成傳畧一卷以備惇史之求猶懼蒐訪未徧將日就放失也悲夫姜宸英序

尙書詩古文詞皆自丁亥以後才筆橫溢藻采繽紛大畧出華亭一派明人自公安竟陵狎主齊盟王李之壇幾於阨塞華亭陳公人中出而振之顧其於王李之緒言稍參以神韻蓋以王李失之靡落也人中爲節推於浙東行其教尙書之薪傳出於此及在海上徐都御史闇公故與人中同主社事而尙書壬午齊年也是以尙書之詩古文詞無不與之合雖然尙書之集日星河嶽所鍾三百年元氣所萃也而余以藝苑之卮言屑屑攷其源流之自陋矣嗚呼古來亡國之大夫其音必淒楚鬱結以肖其身之所涉歷蓋亦不自知其所以然者也獨尙書之著述噲呬博大含鐘應呂儼然承平廟堂巨手一洗亡國之音故闇公之序欲以尙書所作而下崦嵫之可返此其故良有不可解者豈天地間偉人固不容以常例論耶當是時以螭灘鼈背爲金湯以鮫人涎戶爲丁口風帆浪楫窮餓零丁而司隸威儀一綫未絕遺臣故吏相與唱和於其間其遇雖窮其氣自壯斯其所以爲時地之所不能囿耶嗚呼尙書之集翁洲鷺門之史事所徵也吾聞尙書旣被執籍其居無所有但得箋函二大簾皆中原薦紳所與往來送入帥府薦紳輩懼遣說客請帥焚之帥府亦恐搖人心如其請投之一炬火旣息有二殘冊耿

耿。不。可。燕。左。右。異。而。視。之。則。尚。書。之。集。也。說。客。因。竊。置。懷。而。出。遂。盛。傳。於。人。間。嗚。呼。尚。書。之。身。可。死。集。不。可。泯。殺。其。身。者。梁。父。亢。父。所。以。成。一。代。之。純。忠。存。其。集。者。祝。融。吳。回。所。以。呵。護。十。九。年。之。心。氣。夫。孰。非。天。之。所。爲。哉。乃。爲。詮。次。審。定。其。奏。疏。書。檄。諸。種。曰。冰。槎。集。其。古。今。體。詩。曰。奇。零。草。曰。采。薇。吟。其。己。亥。紀。事。曰。北。征。錄。共。十。二。卷。附。以。鄉。薦。經。義。一。卷。予。又。爲。作。詩。話。二。卷。年。譜。一。卷。以。詳。其。集。中。贈。答。之。人。與。其。事。云。全。祖。望。序。

張蒼水全集目錄

卷一

冰槎集

祭海神文

復田提督雄張鎮杰王道爾祿書

曹雲霖中丞從龍詩集序

祭建國公鄭羽長鴻達文

賀延平王啓

海師恢復鎮江一路檄

山頭重建海塘碑記

復郎廷佐書

徐允巖詩序

卷二

國粹叢書

張蒼水全集

目錄

一

國學保存會

冰槎集

上監國啓

與張承恩書

羅子木詩序

上延平王書

上行在陳南北機宜疏

祭定西侯張侯服文

答曹雲霖監軍書

卷三

冰槎集

祭山神文

寄零草序

祭四叔父文

上魯國主啓

上魯國主啓

上魯國主啓

冰槎集引

祭延平王文

荅延平世子經書

荅閩南縉紳公書

復盧牧舟司馬若騰書

荅趙廷臣書

荅趙安撫書

荅唐牧臣書

送馮生歸天台序

祭監國魯王表文

國朝詩話
一
刊
行
胎趙廷臣書

卷四

冰槎集

子房報韓論

李陵論

陳文生未焚草序

僧履端詩序

梅岑山居詩引

蒼毛軍參書

祭平夷侯周九苞文

自用研銘

丙午冬。鄧秋枚自杭州丁氏借鈔張蒼水全集十二卷。附經義一卷。年譜一卷。又附錄二卷。編首冠以全謝山張尚書集序。編末則有杭州丁丙跋。山陰

傳以禮。跋蓋丁氏得謝山尙書集數冊。獨闕冰槎集。以寄傅氏。傅氏乃取湖
郡李氏舊鈔乾坤正氣集本。張閣學集。補所未備。編爲十二卷。以符謝山原
編尙書集之數。然則此編自冰槎集外。餘皆謝山手編之本。可寶也。曩歲餘
杭章氏所刊張蒼水集。因仍舊本。編錄失次。較此本闕文三篇。詩四十五篇。
又無詩餘經義兩種。而篇中與此異文者殆八百餘字。予既取章本。與此本
校勘一過。補其闕。表其所不同。陳佩忍復取乾坤正氣集本校章本。亦有不
同。而予取佩忍所校之本。以證此本。則又有不同。蓋乾坤正氣集刻本。與傅
氏所據李氏舊鈔本。已有不同故也。故一張蒼水集也。而異於乾坤正氣集
本。異於李氏舊鈔乾坤正氣集本。異於餘杭章氏刻本。其間編錄失次。則一
也。茲編自冰槎集外。若寄零草。采薇吟即散
附寄零草中北征錄。鄉薦經義。殆皆謝山所
編之本。而傅氏重訂之。惟冰槎集則全爲傅氏所編。其間編錄失次。又無以
異於曩者。諸本予乃考蒼水之行。事以次序其文。復訂茲編。合諸謝山所編
奇零草諸種。附以經義年譜詩話附錄。爲張蒼水全集。謀與秋枚刊之。嗟夫。

嗟夫。世有寶藏。謝山所編。冰槎集者。他日幸見。示以正。吾過此則南明二十餘年。光復之鬼所更生而泣者。丁未二月。順德黃節識於國學保存會之藏書樓。

張蒼水全集目錄

卷五

寄零草

賦贈翁永年中翰燕爾之喜丙戌以前

閒居

贈盧牧舟大司馬

郭聖竝過訪出詩見示依韻酬之

步韻贈別朱子成

閒行雜感

春江花月夜值微雨限韻

白燕

和中峰韻題友人畫像

招趙友飲禪院

泊馬蹄壘戲成丁亥

妬婦津

壽鮑淵張相國

僕還

飲酒

弔熊雨殷相公

海上觀燈限刪咸二韻

寄張書紳時聞在越

七夕前十日贈少年合巹

舟行阻風口號二首

九日陪安昌王黃肅虜虎癡張定西侯服張太傅鮑淵朱太常聞玄徐給諫闇

公及沈公子昆季登鎖山和韻

丁亥留節潯城同諸公行長至禮

溪行二首

元旦步張太傅韻戊子

懷古二首

感事四首

和肅虜侯黃虎癡承制頒歷韻

送黃金吾馮侍御乞師日本

追輓屠天生兵部

天生原配投繯殉夫臨終有詩

挽楊瑤仲廣文

輓華吉甫明經

輓楊參石侍御

侍御室人從容就義

輓董若思明經

感懷

寄紀石青年丈

賦得相逢俱是歲寒人

輓董天鑑孝廉二首

南國

黎大行瀕行以途窮爲恨賦詩見示仍用前韻報之

海月

夜泛

舟行望野燒

余自丙戌蹈海奉違家君定省已四載矣茲當待罪軍旅每一念至爲之黯然

己丑

勸農遇雨時余屯兵山寨

弔肅虜侯黃虎癡

庚寅

悲憤二首

朝議以諸勳鎮積苦行間宣勅慰勞余益不勝疏逖之感焉

自嘲

鹿走弗逐自復戲成

旅愁

卜天種晝寢戲成

建夷宮詞十首

卷六

奇零草

述懷二首 辛卯

辛卯春暮鮑淵相國招賞玉樓春向晚更酌漫賦二首

端陽喜雨呈張相國

輓張鮑淵相國二首

輓朱聞平少宰二首

輓安洋將軍劉胤之

輓王完勳侍御

輓馮躋仲侍御

輓大宗伯吳穉巒先生二首

同姚興公萬美功過訪陳齊莫小酌

僞庭卽事

滑洲行 壬辰

鴻門歌

贈賂亦至二首

登涓州

送萬美功還越時其弟靜齋將赴行在

沈彤菴閣學艤舟南日山遭風失維不知所之雖存亡未卜余猶望其來歸也

送萬靜齋復命行在

步答萬靜齋留別韻兼以勸駕

贈馬爾統職方奉表行在後不果行

擬別義陽王

我師圍漳郡余過覘之賦以志慨

舟次清明拈得青字

四月八日過仙洞訪石田和尚

端陽客鷺門

夏日過鼓浪嶼飲程璵嘉將軍署中

與蔡無能論興復

感遇三首

別陳齊莫

舟次中秋

夢內

至夜傳王師出東粵志喜

書懷

同諸子步月

壽安福伯鄧如磐

弔義興侯鄭履公

贈金門蔡元戎

同陳文生坐雨步韻

馬爾統有從軍之嘆戲成二律貽之

將朝王阻颶不果

立秋同諸子限韻得鹽咸二字二首

新秋鼓浪嶼納涼分得簪字

飲吳山人

馬爾統職方改署幕府騎兵參軍未免牢落戲贈

馬爾統不應幕府辟召

讀史

壬辰除夕寓湄州禪院

卷七

奇零草

癸巳元日步友人韻癸巳

人日立春客湄島二首

春到一首

賦贈琴師

閩南行

贈東山子端陽禱雨有應三首

過仙洞訪石田出荔枝爲供

暑夜獨坐

弔沈五梅中丞

步韻答徐闇公

贈徐闇公年丈三首

暑雨同諸子限韻仍禁江窗二字二首

七夕微雨

秋夜舟中聽雨

苦雨吟

師次湄島諸勳鎮行長至禮余以服制不與志感二首

張書紳與范子瞻論余十餘年來戎馬勞苦孤危以詩見贈讀之悵然因次其

韻二首

追往八首

憶余在湄島與張鯢淵吳樾榘朱聞辛諸先輩從游一時情分宛然在目今三

君皆以國難殉而余在行間猶偷視息然慙慙靡聘蓋不勝廢興存亡之感矣

舟次琅琦謁錢希聲相公殯宮二首

重經南日弔沈彤菴相國

北還入浙偶成

送姚興公北還二首

壽忠靖侯陳燦珠兼統師北伐

送徐闇公監軍北征二首

送謝仲彝元戎

壽閩安侯周九苞

登湄洲謁天妃宮

秋風

入吳見雪忽憶車駕南巡

入吳

見友人詠懷詩有感依韻和之二首

莫指

癸巳除夕

立春日大雨雪時駐師吳淞甲午

樓船燈火一首

上巳舟中一首

春晚一首

春暮有懷

寄懷徐闇公二首

餐有絲

追慕二首

得友人書道內子艱難狀二首

暑雨舟中遣悶分得柴字

重陽偶成

舟行立冬

朱君伯遷好避地小溪來索詩余無暇爲也口占授之

沙關感懷

答古虞僞令

遊芥瓶庵贈希聞上人

舟次聽雨分得長字

壽英義伯阮季友

和定西侯張侯服留題金山原韻六首

利于湛之海上原韻六首

哀閩

壽誠意伯劉復陽

師次圖山

同定西侯登金山以上游師未至遂左次崇明二首

卽事東定西侯二首

師次燕子磯

崇沙宋子猶端士也爲閩帥所窘旣出卮詩以慰之

步韻答沈東生

寄懷徐闇公年丈

步韻和曹雲霖浯島秋懷二首

得徐闇公書爲之喟然

愁心

晚泊漫成迴文

讀史二首

和秦淮難女宋蕙湘旅壁韻

卷八

奇零草

寄紀石青乙未

秋懷三首

大安沙坐風雨復疊前韻三首

新河口雨泊二首

游龍教寺

再入長江

答紀石青年丈二首

七夕同諸子限韻

送程璵嘉將軍還閩南

歸思寓郡望姓氏丙申

楊芳生以徐闇公高弟浮海來晤于東甌爰贈一章

登菩薩頂

贈傅惕菴二首

一紀

卽事有感

夢中得句云集候秋蟲偏解語失途老驥亦長鳴意似有感起而成之

重登蘄港天妃宮

哭定西侯墓

中秋同賓從小飲步朱夏夫韻二首

送陳立之還閩

寄遠

丙申除夕

丁酉元旦余駐師秦川丁酉

客有談故園花事者感而賦此

愁思

舟山感舊四首

春雨望茅舍炊烟限六魚韻

島上祀竈

維揚姜張二友浮海來訪賦贈

戊戌元旦

戊戌

吳子佩遠遊雁蕩歸備述名勝因爲詩記畧亦志余企望之懷也
歲在戊戌余行年已三十九矣撫時感事遂以名篇

絕炊

得姚興公書以舫音集見寄二首

島居八首

舡艣行

泉穴魚

庖焚

喜從弟至兼寄中表

清明感懷

王師北發草檄有感二首

舟次三山

壺江卽事二首

五月既望行營恭祝監國魯王千秋有感

冬懷八首

聞行在所遣使至營宣諭有感二首

徐闇公入覲行在取道安南聞而壯之二首

寄金二如兼訊朱建武

送客還里門

濱海居民聞余生還咸爲手額且以壺漿相餉余自慚無似何以得此於輿情

也

野人餉菊有感四首

卷九

奇零草

代內人獄中有寄已亥

擬答內子獄中之寄

生還四首

送正舍山還長亭山房

浮蹤同舍山感賦

己亥閏元宵賦排律十四韻

閏元宵限十四鹽韻

重到羊山憶舊與定西侯維舟於

得家信有感 一首

聞貴陽失守

會師東甌漫成

師次觀音門

師次蕪湖時余所遣前軍已受降

師入太平府

姑熟既下和州無爲州及高淳溧水溧陽建平廬江舒城含山巢縣諸邑相繼

來歸

驛書至偏師已復池州府

師入甯國時徽郡來降留都尙未克復

得徐闇公信以交行詩見寄二首

新安溪行

寄宿石塘菴與居人道定西侯往事

己亥冬末立春用杜韻

己亥除夕

經鳥江二首

樅陽謠二首

黃湓謠二首

庚子元旦駐師林門

庚子

游小壘山庵

病中遣懷

寒山

得朱子成書

聞監國魯王以盜警奔金門所

贈張書紳還錢塘

上巳書懷

重過桃渚

復屯林門

中秋有懷

歲暮得蔣馭鴻信兼見其新製寄贈二首

蔣舊授御史今入道

辛丑元旦清麻十八年矣

辛丑

弔旅墓

送吳佩遠職方南訪行在兼會師鄖陽

四首

失題

秋日傳蜀郡克復瓊海反止喜而有賦

三過沙關

送羅子木往臺灣

二首

辛丑長至舟次祝聖

二首

送黎大行南訪行在

春島霧雨次壁間舊韻

雨中寒甚再疊前韻

春暮悵然有作

三月十九日有感甲申之變三首

梅花和中峯大師韻三首

雜感三首

長鯨行刺鄭芝龍

辛丑除夕行營沙關

卷十

奇零草

壬寅元旦軍次仍行視聖禮壬寅

元夕金鄉道中二首

元宵舟次步寶從韻

湯魚字

贈別陳文生還三山

辛丑秋虜遷閩浙沿海居民壬寅春余艤棹海濱春燕來巢於舟有感而作

甌行志慨三首

春心

北回示將吏

顯甥奔至

聞家難有憫四首

贈陳文生侍御返命閩嶠二首

月夜同陳文生過黃粹伯留酌

傳聞閩島近事

感懷兼悼延平王

得故人書至臺灣二首

驚聞行在之變正值虜庭逮余親屬痛念家國何能已已

秦吉了癸卯

枯魚過河泣

促織

孤桐吟

薤露吟

蒿里曲

苦饑

虜廷以余倡義既久屢復名城遂逮及族屬且開告密之門波累親朋榜掠備

至聞之泣然

次韻酬林荔望

愁泊

憶西湖

甲辰元旦甲辰

新正二日坐雨島上

懷古

月夜登普陀山二首

山居卽景四首

山中屢空泊如也偶讀淵明飢驅句猶覺其未介遂作反乞食詩仍用其韻三

首

擬古二首

懷王媿兩少司馬徐闇公沈復齋中丞

聞孤鳥有作

入山

擬古其一

清音

林中漫興二首

小猿畜之兩年以病抱樹而死爲之惻然

瀝血四首

山初中度漫詠同羅子木來韵時年四十有五

清秋憶仲弟嘉言

索居島上童子折梅來獻喜而有賦二首

卜居

荅趙廷臣二首

山中七夕限廉韵二首

疊七夕前韵

有所思二首

甲辰七月十七日被執進定海關

被執過故里

甲辰八月辭故里

宿官亭

牆角紅梅九月發花一朵偶成四絕時羈獄舍

坐次聞樂有感

甲辰九月獄中感懷四首

放歌

絕命詩

卷十一

詩餘

卷十二

北征錄

附錄一

鄉薦經義

附錄二

年譜詩話 附趙之謙張忠烈公年譜

附錄三

傳略

附錄四

墓錄

右奇零草。北征錄。鄉薦經義。暨全氏所撰年譜。爲杭州丁氏所得。舊鈔原本。丁氏跋云。公集先無刻本。全謝山竭力搜羅。僅得八卷。當日傳鈔。亦鮮遺本。予求之故家。得舊鈔數冊。喜而欲狂。云云。審此。則丁氏所得之舊鈔數冊。當爲謝山所搜羅之遺本。後經傅氏補入冰槎集。而傳略墓錄。亦由是而彙焉。傅氏跋云。視謝山尙書集所載。祇闕詩話一種耳。予案編中有鄭勳跋云。全庶常祖望既定尙書詩文集十二卷。附鄉薦經義一卷。又爲作詩話二卷。年譜一卷。勳嘗見之。而未及錄。忽忽十餘年。重見年譜於姚江黃氏。附錄詩話。亟假歸。手鈔旬餘而畢。云。則謝山作詩話時。另爲二卷。與年譜別行。後人乃附詩話於年譜。故其中有顛倒錯亂處。趙之謙撰張忠烈公年譜。乃大疑之。

然固無解於鄭氏之親見也。抑傅氏所謂獨闕詩話者，其亦未之深察歟？予既重編冰槎集四卷，復取丁氏舊鈔原本奇零草六卷，詩餘一卷，北征錄一卷，附錄鄉薦經義一卷，年譜詩話一卷，傳略一卷，墓錄一卷，檢校數過而附入趙之謙所撰張忠烈公年譜，都爲一書，其奇零草六卷爲謝山所定之遺本，編錄間有與趙氏年譜及章氏刻本後先相異者，則爲標舉而攷證之，然未之易其原次也。丁未六月順德黃節識。

張蒼水全集卷一

冰槎集

祭海神文

辛丑案丁氏鈔本有代魯王辛丑五字考魯王於乙酉監國浙東至辛卯則爲時七載與文合黃節識

予丁氏鈔本有乃字

大明高皇帝之九世孫也。自高皇帝驅逐胡元。奠甯方夏。懷柔百神。凡江

河川瀆之神。無不崇祀。而神于水中最尊。且大春秋命所在有司致祭惟謹。蓋三百年于茲矣。神豈忘之耶。近者醜虜肆行。憑踞都邑。未知其曾祭如故與否。若陳牲列俎而羅拜于下者。皆髡髮左衽之人。知神之必憤然而起吐棄而不享。予起義于浙東。與薪膽俱者七載。而兩載泊于此。風不揚波。雨能潤土。珍錯品物畢出。給鮮又知神之不忘明德。余實受其福也。今義旅如林。中原響應。且當率文武將吏誓師揚帆。共圖大事。潔誠備物。致告行期。啓行之後。日月朗曜。星辰爛陳。風雨靡薄。水波不驚。黃龍蜿蜒。紫氣氤氳。楫協力左右。同心功成事定。崇封表靈。是神且食我大明之馨香于萬世也。今日爲伊始。哉其顯承之。

復田提督雄張鎮杰王道爾祿書

辛卯案正氣集本作復田提督張鎮杰道書下注小字云此第一次回書章刻本

作復僞提督田雄僞鎮張杰僞道王爾祿書今從丁氏鈔本又案趙之謙張忠烈公年譜云是時有司亦令公父以書諭公公復父書云願大

人有兒如李通弗爲徐庶他日不憚作趙苞自贖故復書中自稱不孝云黃節識

竊聞兩間自有正氣萬古自有綱常忠臣義士惟獨行其是而已不孝一介書生遭逢

國難初學士雅匡世章刻本作子真避世久同去病忘家忠孝已難兩全華夷豈堪雜處區區此

志百折彌堅不過以恪守人倫即是深明天道緬維足下或爲本朝專閫或爲昭代巍

科今雖逢場作戲而河山之感諒章刻本彼此同之近窺象緯胡運業窮于九必有起

而驅除者爲足下計拔趙幟立漢幟蔡人即我人微但大樹勳名不得專美于前而梁

公夾日行當再見尙有何嫌何疑而以不入耳之言來相告也新莽僭號正氣集本章刻本均作位

河北羣盜皆以興復漢室爲名今日山中義師大率類此故足下得以折簡招之不孝

本來章刻本無二字面目何如亦欲以此術相籠絡誤章刻本矣昔王景略告符堅曰江南

正朔相承願勿以爲意是眞章刻本識時之語肥水之役堅不能聽而果敗秦亦隨之

以亡是可爲明鑒今日之域中存亡正亦可必抑未聞秦當作凡未始亡章刻本楚未

始存章刻本之說乎況水陸自有長技戰守早章刻本有定謀縱足下輩章刻本以全力

來勝敗亦

正氣集本無

未可知也。總之大明無不中興之理。非晉元宋高可比。我輩相晤正

自有期。不孝未便以文山自況。足下正不必以夢炎輩自居耳。

曹雲霖中丞從龍詩集序

案正氣集本作曹雲霖詩集序章氏刻本作曹雲霖詩序今從丁氏鈔本又案張名振卒於甲午序

中所謂張侯墓草已宿乃指名振又奇零草自序云丙申昌國再陷公有舟次三山詩趙譚繫之丙申則此序當作於丙申以後黃節識

甚矣

章刻本無矣字

哉。懽愉之詞難工。而愁苦之音易好也。蓋詩言志。懽愉則其情散

章刻本作

越。散

章刻本作

越則思致不能深入。愁苦則其情沈著。沈著則舒發聲動與天會。故曰

詩以窮而益工。夫亦其境然也。予自丙戌夏浮海抵昌國。未幾曹子雲霖從雲間來。葛

衣芒屨。不問而知其爲晉處士宋逋臣。章刻本作宋。蓋雲霖先從大徹荆先生倡義

來。解上荆先生死於兵。雲霖遂還矣。及由吳復入越。黃侯

正氣集本丁氏鈔本均無侯字虎癡本丁氏鈔本有夾

鈔本有夾注名斌卿肅虜伯六字

以國士遇之。遂盡護諸軍。爾時張侯侯服

正氣集本丁氏鈔本有夾注名振定西侯六字

與黃侯同據守昌國。

正氣集本丁氏鈔本有夾注即舟山三字

予亦奉命持節護張侯軍。時與雲霖旌旄

正氣

集本作應相項背。然未深知雲霖也。顧

正氣集本無顧字

予性劇鈍。

正氣集本劇鈍作喜醇於軍中一切不問。

至問字三句均無。而雲霖籌兵策餉無寧晷間。嘗進三泖號召事。蹶始還。坐是竟未暇。

索雲霖所爲詩歌而讀之計雲霖軍書正氣集本章旁午當未暇製章刻本作即有所

章刻本作亦正氣集本章不過如建安從軍諸什辭雖懽愉未必工也戊子之秋予入

山寨蹤跡正氣集本與雲霖稍疎踰年黃侯以部曲生亂資志僵死予在山中聞之驚

惋累月雲霖此時將爲臧洪乎抑爲豫讓乎潛鱗戢羽幸舟逢鄂君而實車同廣柳遵

海而南偶陷虜穴至幽囚憂思萬死而得一生其愁苦可知矣歲在壬辰予避地鷺左

雲霖儼焉在焉懽然道故予時欒欒棘人耳不敢輕有贈答而雲霖囊中草多感時悲

章刻本逝亦不肯輕以示人工不工予何由知之迄癸巳春予附樓舫正氣集本丁

歸雲霖留閩蹤跡又稍章刻本遠既而丁氏鈔又聞其自閩次楚圖入觀行在道便不得

前復自吳正氣集至閩正氣集吳風塵蕭瑟孤臣愁苦雲霖固備嘗之矣適昌國再陷予

舟過三山復與雲霖相勞苦而張侯墓草章刻本已宿矣雲霖與予論國事之廢興悲

滄桑章刻本風之變易章刻本存歿感入章刻本心脾稍稍出舊什新篇相示予既歎其

工而正氣集未始不哀其節苦而神悲章刻本也年來雲霖膺帝眷秩中丞或佐雄師

入江或從章刻本名藩泛海山河之感切中湖海之勝娛外累牘連篇無非騷雅予方

聚旅北道與雲霖蹤跡離合恒相半雲霖每以新製見寄輒作十日喜復作十日愁是

何其思深入其情沈着也工固至此哉觀止矣正氣集本無此三字然後知愁苦之音果勝於懽

愉之詞也茲雲霖將削稿以付劂厖氏貽書問序於予予謂予非知詩者即雲霖亦寧

章刻本待以詩傳惟是雲霖之境遇有與字予與雲霖之交游不可不借詩以叙次刻章

無其大槩耳若夫正氣集本無太白之詩而仙少陵之詩而聖以及沈宋沈鬱王孟悲涼凝

之雲霖或同或異則予同年徐闇公必有定論矣

祭建國公鄭羽長鴻達文案乾坤正氣集本章刻本均無鴻達二字今從丁氏鈔本又案鴻達卒於丁酉之三月文當作於是年黃節識

嗚呼我兄飛熊上將汗馬元功章刻本樓船作舡外鉦鼓江中屏藩帝室

帶礪侯封會逢喪亂益懋勳庸謀雲猛雨擊水搏風西江射虎南服從龍登壇受鉞錫

璽銘鐘豈繫心膂允矣股肱淊事既墮閩疆旋覆再展霓旌重章刻本扶日不借破

家以襄監國九伯咸征六師是督功在衣冠威行牙纛僞吏角崩羣乾坤正氣集本章刻本名酋

面縛底績扶桑揚聲簡乾坤正氣集本貴竹爰拜泥金遂膺潢玉憶昔在滯同盟連章刻本翻

珠盤正氣集本作梓玉敦實惟九賢定西昆季肅虜姻聯正氣集本章刻本作璉安福差長相國比肩中

丞司禮。雁行周旋。媿余下乘。亦競先鞭。或沒王事。或章刻本終天。惟兄正氣集。本我與余。

正氣集。本作兄。靈光。歸然。兄既解兵。余尙誓旅。渺渺參辰。盈盈帶水。千里片鴻。經年尺鯉。北顧。

章刻本。旌旗南詢。杖履奏凱。相期加餐。足喜懸擬。壯猷東山。復起。夫何訃聞。遽騎箕尾。

感切同仇。痛深後死。嗚呼哀哉。山陽哀逝。士衡辨。交此百憂。云胡弗章刻本。傷兄所。

未暝。野馬黃羊。余所爲慟。封豕天狼。庶憑章刻本。威爽默贊。一匡些詞。不文聊以薦觴。

鷺江滾滾。章刻本。蒼蒼忠貞。正氣集。章。義烈山高。水長。

賀延平王啟。案成功以戊戌晉延平王則此啓當作於是年黃節識

伏以秉鉞仗旄。蒼姬崇呂周之典。分茅錫土。李唐重郭李之勳。况績茂中興。則禮優同。

姓。當茲王封之肇。啟允爲仕籍之咸歡。恭維殿下三台捧日。一柱擎天。運掌上之奇謀。

星飛電繞。倡寰中之大義。海沸山奔。系屬籍而衍正氣集。天潢不數徐勣之在唐。婁敬。

之在漢。收版圖以章刻本。還帝室。何殊岐陽之征北。黔寧之征南。比者北極遠念奇庸。

東朝新膺殊禮。金符銀冊。等邁公侯。旅矢彤弓。寄專征伐。在耿弇。畧定北道。不過典界。

屏藩。卽寶融。保據西州。章刻本。未聞榮超蒲穀。是惟樹不世之勳猷。所以受章刻本。非。

常之名位。際斯盛事。洵足誇揚。某一介書生。十年章刻本義旅。會稽甲盾。已愧種蠡之徒。棲江左衣冠。每託正氣集桓文之後。乘敢言助籌章刻本帷幄。實望受蔭章刻本。幪伏願威揚四裔。烈炳千秋。賜履增璜。遠表章刻本東海之碣。建邦啟宇。先消南國之氛。庶幾挽日月以重明。而某亦得附風雲而益顯矣。

海師恢復鎮江一路檄

代延平王己亥案章刻本無此六字乾坤正氣集本未錄此文今從丁氏鈔本黃節識

昔五胡亂夏

章刻本作華

僅一再傳而滅。今東虜應讖。適二八秋之期。誠哉天道好還。況也

人心思漢。慨自李賊倡叛。

章刻本作猖獗

神京陸沈。建酋本我屬夷。屢生反側。遂章刻本乘多

難。竊踞中原。衣冠變爲犬羊。江山淪于戎狄。凡有血氣。未有不痛章刻本心切齒于奴

酋者。

章刻本無者字

也。本藩奉天倡義。伐罪弔民。臥薪嘗膽。法古用兵。生聚教訓。已踰十年。正

朔難偏。僅存一綫。茲者親統大師。首取金陵。出生民于水火。復漢官之威儀。爾僞署文

武將吏。皆係大明赤子。誰非中國紳衿。時窮勢屈。委質虜廷。察其本懷。寧無隱忍。天經

地義。華夷之辨甚明。木本水源。忠孝之良自在。至如遼人受我明三百年之豢養。遭逆

虜三十載之摧殘。祖父既受其刑毒。

章刻本作駢戮

母妻甚章刻本被其宣淫。爾二三孤

章刻本

章刻本作

瓜兒尙爲旗下之奴。百千弱女。竟作胡中之婦。報仇雪恥。豈待異時。歸正反邪。端在今日。則張良報韓。先揮博浪之椎。朱序歸晉。遂成淮淝之捷。或先機革面。或臨敵改圖。以全省全部來歸者。不吝分茅裂土。以一邑一鎮來歸者。定與度地紀勛。或率兵

章刻本

而至。則論其衆寡。而照數授職。或潔身而來。則就其職掌。而量材超擢。若蒙古女真。

章刻

本有人

等二字。世受國家撫賞之恩。原非一類。共在天地覆載之內。亦有同仇。無懷二心。視之

一體。不但休屠歸漢。名高日磾。且如回紇扶唐。烈光葉護矣。本藩仁義素著。賞罰久明。先機者有不次之賞。後至者有不測之誅。一身禍福。介在毫芒。千古勛名。爭之頃刻。師不再舉。時不再來。布告遐邇。咸使聞知。敬哉特諭。永歷十三年七月二十日給

山頭重建海塘碑記

案乾坤正氣集本末錄此文章刻本建字作築字今從丁氏鈔本又案趙之謙張忠烈公年譜錄此文於己亥之冬蓋是

年七月成功全師入海公以援絕路阻遂棄舟登岸潛行山谷復歸臨澧即此時也黃節識

台之綴。城枕山負海。其東鄙卽尾閭也。其章刻本。鄉名長亭。吞吐潮汐。民居日與魚鼈

爲鄰。而地脈湧出。贅附一沙。與龍山相峙。對章刻本。地號山頭。實沮洳場也。後以馮袁

二章刻本

姓來卜築於此。爲滄以瀝山泉。爲塘以捍海潮。而其族始盛。其俗樹藝之外。

皆以魚鹽爲業。久之亦遂殷阜。當我國家盛時。海波不揚。邑多賢長吏。而濱海丸封。又鮮戎馬騷騷。故上農亦已力田舉科。甍戶亦各以綱罟牢盆著姓氏。且家禮樂而戶詩書。或冠進賢。或補博士弟子員。蓋彬彬乎盛哉。但邑介山海間。田阻山則多磽。恆苦嘆田阻海則多鹽。恆苦潮。于是鄉之人聚族而謀。伐木畚土。隆其隄。丁氏鈔本作地復其障。微但滄海變而丁氏鈔本作桑田。卽瀉瀟胥化而丁氏鈔本無而字。爲膏腴矣。迨國變頻仍。鱗介易我冠裳。十餘年來。義旌徧海外。戎服繁興。海濱遺黎。朝秦暮楚。供億竭于兩國。民力用是益殫。而保據茲邑者。文則猴冠。武則虎翼。民尙家室不保。遑問封瀟。丁氏鈔本作表哉。由是沈潦內潰。洪濤外嚙。向之膏腴者。仍歸章刻本無歸字瀉瀟矣。章刻本無矣字桑田亦幾變爲滄海矣。余自乙酉倡義。漂泊海曲有年。近復鞠旅於緱城外。島聞之。悵然曰。國事滄桑矣。而民事豈可緩乎。且山頭地勢污下。一遇洪濤。噴薄無倫。阡陌巨浸。卽廬舍亦蕩漾波濤中。倘不急爲修繕。民爲魚鼈。章刻本無鼈字乎。迺出金五十爲倡。鳩工伊始。而義士馮某等爲釀金錢。聚土木。以虔其事。大抵富者輸財。貧者輸力。靡不奔走恐後。因就其故址。增以新防。凡埤丁氏鈔本作卑者崇之。圯者累之。闕者修之。薄者豐之。自冬徂春。蓋三閱月而工始告。丁氏鈔本

無告

竣。猶慮人情之易偷也。申約

丁氏鈔本無約字

以今時捐財之多寡。爲他日受田之廣狹。

焉。亦可謂計及久遠者矣。義士馮某等。以功由余始。思勒諸石。且徵文於余。余曰。天下事變。孰有甚於滄桑者乎。今乾坤陸沈。余不能塵滄海而挽皇輿。而獨能使一方桑田不波乎。凡爾之得以踐土食毛者。皆

丁氏鈔本無皆字

父老子弟。有之字。

力耳。余何知遂詮。

次顯末以應其請。若夫董其役者。則有參事

丁氏鈔本

某。執金吾某。例得並書。

丁氏鈔本作著

復郎廷佐書

案章刻本作答郎部院書。正氣集本作復郎廷佐書。下有已亥二字。丁氏鈔本同。惟已亥作戊戌。今從正氣集。又案趙之謙忠烈公年譜。

云公是書集中編年。戊戌據北征錄。則在己亥。入燕湖後上魯監國。啓亦及此事。全氏神道碑銘書。戊戌江督。郎廷佐在書。招公公峻詞。拒之。凡兩見。按江南通志。順治四年。設總督。轄江南。江西。河南。三省。六年。以後總督。不轄河南。會典九年。總督又移駐南昌。亦稱江南。江西。總督。未幾復歸江寧。郎公以十一年任。江西巡撫。十三年。授總督。戊戌爲順治十五年。公方與延平入東。甌舟覆。復退翁洲。未踰浙境。郎公爲江南。江西。總督。已越疆涉海。貽書勸降。疑非事實。集中編年。茲從北征錄。仍繫是年。據此。則丁氏鈔本或卽趙之謙所見公集之本。而誤之也。黃節識。

某

章刻本無某字

復書於皇明

章刻本無皇明二字

遼陽世胄。郎使君執事前。夫揣摩利鈍。指畫興衰。庸

夫聽之。或爲變色。

章刻本無變色二字

而忠貞之士。則不然。其

丁氏鈔本

所持。正氣集本章。者。天經地

義所圖者國恤。章恨刻本家仇所期望。正氣集本章者豪傑事功。聖賢學問。以章刻本故。

每正氣集本
無每字
毘雪甘○
膽薪彌○
厲而章刻
卒以成功○
古○今○

何。正氣不集。可勝計。草數刻本如僕者。本章無刻將略原非所長。祇作章止以讀書知大義。痛忿。

胡氛左袒。一呼甲盾山立。區區此志。正氣集本非氣心以濟則賴。章刻本非善君之靈不齊則全。豆之

節。是以。不。惜。風。壽。之。中。從。黃。章。下。乞。一。甲。

矣。同仇。益。章。刻。本。黃。晚。節。愈。章。刻。本。堅。陳。兵。解。章。刻。本。字。王。爲。乘。詩。令。可。持。平。兩。粵。章。

本作天。聲三。楚霧。而以及八。聞軍。書章刻本可音重靈。幾翁己草刻本昂夷卜江章刻

西戎內憂青人立方古其肖哉可十日而時之章刻本作將見美所當也而島東外記本作

[illegible]

晉書卷一百一十五
列傳第五十五
忠義
忠義之士得志之秋也。或無字，不然而無字，謝良平、竹帛。

詞曲說足以動其心哉乃執事儼然以書進

本作通是正氣集本無以僕爲作亦多庸庸者流可以利鈍興衰動者譬之無章譬刻之本

虎徧戒途雁奴伺夜既受其役竟忘其哀在執事固無足怪而僕聞之髮且衝

冠矣雖然執事固我朝章刻本勛舊之裔而遼左死事之孤也念祖宗之厚章刻本

澤宜何如悲傷痛章刻本父母之深仇宜何如報章刻本雪稍轉一關不失為正氣集

字中興人物顧以陵律自居章刻本華夷莫辨章刻本為執事不取也姑以章刻本

執事恩仇之說言之自遼事正氣集本陽起而征調始繁章刻本催科益急正氣集

字二潰卒散而為盜賊窮章刻本民聚而弄干正氣集戈是釀成寇禍者清人也及章刻本

氏鈔本京華失守屬國興師誠能章刻本挈故章刻本物而還之天朝將章刻本吐蕃

回紇不足稱美于前乃拒虎進狼章刻本既章刻本收漁人之利於河北而章刻本長蛇封豕

復章刻本肆蠱之毒于江南則清人章刻本二字果恩乎章刻本仇乎執事亦可憬然

自章刻本悟矣章刻本以來函溫潤諒執事非憤憤者聊章刻本附章刻本數行以復若章刻本

若斬使焚書適足以見章刻本我不廣僕亦不為也此復章刻本此復二字

徐允巖詩序案延平師與金陵公孤軍去英霍山中問道還海上

自戰國四君以盛賓客高名譽相誇尚而縱橫之士莫不奔走侯門以章刻本取一時

富貴然其間亦有奇策章刻本計為諸公子排難解紛是足稱矣漢晉以降公卿俱

無丁氏鈔本得辟除僚屬幕府弘開名流之丁氏鈔本飄纓曳組者亦復不乏一代人才

往往由之而出。迄宋則不復有參軍記室。丁氏鈔本無二字之制矣。而文丞相開府南劍。乃

廣羅英俊。置之幕中。及潤江從亾。尙有杜架閣周旋患難間。至于國亾身殞。而王炎午

謝臯羽之徒。或操文以祭。或登壇而哭。斯以見丁氏鈔本作知文山之知人能得士矣。夫士之

窮達亦何常之有。幸而短鋏長裾。傲睨王侯。如侯羸魯仲連之流。章刻本無二字是已。次之

飛書走檄。如陳琳阮瑀袁宏之流。是已。不幸而生逢離亂。慙慙靡騁。因人成事。而山河

破碎。蹉跎隨之。如杜濬鄒鳳其人。章刻本有豈字不大可慨也夫。章刻本作哉我明選舉既行。薦辟

遂廢。一命必由銓衡。丁氏鈔本作之事莫敢慕置士之磊磊落落者。不得志而敖遊公卿間。

僅堪嫵于西園之賓。而不敢躋乎東閣之吏。亦功令然也。然三百年來。卒未聞有揖客

而能急國仇。振物恥者。邇者蠻夷猾夏。六飛越在天。末牙門鈴閣始多曳裾彈鋏之士。

余謬膺節鉞。思士如渴。賓從亦不乏人。唯徐子允巖相從最久。余高其節。猶侯生魯仲

連先生不欲煩以吏事。而徐子故曾請纓挂組。居然逋臣也。己亥秋。從余入江。余下名

城數十。徐子多所贊襄。迄延平王兵舁于金陵城下。余提孤軍走英霍山。徐子躡躡擔

簪。章皇山澤中。幾欲與余共賞秦軍格鬪以死。回視杜架閣輩。古今若出一轍。而重趼

不。前。余。遂。勸。祝。髮。伏。匿。山。中。土。人。疑。爲。亾。將。多。金。榜。掠。備。至。較。架。閣。之。冒。白。刃。其。相。去。幾。何。既。而。我。師。竟。潰。余。以。閒。道。還。海。上。徐。子。復。間。關。來。歸。出。其。新。製。皆。酸。楚。不。可。讀。是。爲。幸。乎。不。幸。乎。夫。以。徐。子。之。才。豈。不。能。草。露。布。如。袁。宏。作。燕。歌。如。琳。瑯。輩。而。孤。吟。以。當。勸。章刻本哭。且。將。與。田。橫。賓。客。爲。伍。彼。所。謂。奇。謀。章刻本祕。策。足。以。排。難。解。紛。者。安。在。豈。所。從。非。其。人。耶。抑。時。爲。之。耶。余。自。愧。不。逮。丁氏鈔本無文。山。遠。甚。倘。河。清。難。俟。則。徐。子。雖。不。得。爲。鄒。杜。諸。人。吾。知。其。必。爲。王。謝。兩。賢。矣。因。書。而。授。之。以。冠。其。詩。

張蒼水全集卷二

水槎集

上監國啓

庚子氏鈔本獨缺此篇今從正氣集本章刻本補入鄧實識

竊臣萬里孤踪一軍特立違越潛邸屢易星霜雖傾日有心而瞻雲無路又懼旁疑他

妬未敢輕達封章己亥夏於東甌晤錦衣指揮陳貴曾附疏轉達豈意章刻本無意字陳貴隨

艚北上後因南師挫衄流落江上聞今已往山東矣若臣自入長江先驅直奪鎮江礮

口即復孤提本轄正氣集本作船兵深入上游傳檄而下徽寧池太四郡和州無爲州及招

降漂水漂陽高淳建平廬江巢縣舒城含山諸邑通計得江南北府州縣三十餘城遂

駐扎蕪湖且撫且恢水陸兵至萬餘豈意延平藩師潰於金陵倉卒章刻本作猝南旋正氣集本作渡

臣之孤軍竟陷重地虜酋百計阻截歸路貽書招誘臣遂焚舟登陸入英霍山寨以圖

震動中原提三千餘衆正氣集本有與口二字轉戰千里相持二十七日屢有斬獲楚豫之間蠢

蠢欲應終以勢孤援絕士卒罷倦而敗臣單騎突陳竄伏山谷中由間道徒步二千餘

里賴義士扶衛始得生還海上皆賴主上章刻本無之字之福蔭也然志猶未已力圖收燼以

冀桑榆之效幸而散亡漸集正在整製章刻本俟時而動奈囊空釜罄章刻本力不如

心茲仗延平藩正氣集同仇誼篤分地給兵或可望後效於將來耳其如虜警頻仍窺

伺日迫倘瀚海決不可支亦當南帆一觀睿顏也昨差官自思明州回始正氣集知主

上移蹕金門之信當此漢厄未回卽違時養章刻本晦章刻本尙無其地是臣所爲日夕徬

徨者也臣垂翅之餘百事艱難芹曝之獻容俟後期竊有錦衣張士魁楊澄亦經患難

俱得生還章刻本現在臣營合并具報茲因便帆具啓章刻本睿安臣不章刻本

勝惶悚瞻依之至

與張承恩書

庚子 案章刻本作與僞鎮張惟善書今從正氣集本丁氏鈔本鄧實識

竊慕英名章刻本久矣南北相隔未遑識荆使人夙夜依依昔年使者至舟山備道足

下高誼章刻本卽欲奉迎復以喬遷致失良會至今悵快不佞聞之智者識興亡於未

形仁者懷君親於既往勇者決去就於先機若世俗之常見以僞朝章刻本正氣

全盛之勢正氣集本作形必能圖磐石於永久然不知內實虛弱發號施令全無開國規模貴

滿賤漢吏藉官貪兵疲糧乏民困財盡章刻本人心莫不思亂豈久安長治之徵哉英

雄之士明華夷之辨莫不以被髮爲辱雪恥爲懷所恨力不從心是以待時而動唯海上羣雄聲大義于天下十有七載矣去歲長江之役幾得復失皆因人事不齊豈曰天意有待如今者胡阿達里章刻本從浙而出不知費幾許民膏傷幾許民命兵未一舉而名酋番部病沒過半遂不及接戰而遁此足見天意之亡胡矣達素自閩而出亦不知費幾許民膏傷幾許民命矢纔發而水陸三路同時覆沒胡章刻本甲滿酋章刻本所恃爲衝鋒陷陣者爲我殲滅殆盡此又足章刻本見人事之亡胡矣況虜丁氏鈔本欲舍鞍馬而仗丁氏鈔本舟楫與我爭勝於波章刻本濤間何不量之甚也章刻本知章刻本如本作足下忠謀義槩誠識時俊傑不於章刻本此時改圖更何所章刻本待乎且胡貪章刻本暴無章刻本常章刻本有章刻本賂章刻本者超遷有功者罷黜近復重文輕武掣肘倍常足下當世賢豪豈能俛章刻本首聽命受文墨吏之侮弄哉若馬李高三公舍逆取順聲名赫赫膾炙人口但李高二公直至兵臨城下然後來歸方之馬公以無事之秋奮然反正不無軒輊故物望因之亦有重輕章刻本若足下原國朝之宿將章刻本更當先著祖鞭且明春大軍必至鐵騎金戈如雲而下黃龍青雀蓋地而來以此攻摧何所不克正

可共建奇勳。首膺茅土。此足下之素志。亦不佞所企。章刻本望。章刻本也。古人有言。當斷不斷。反受其亂。丁氏鈔本今足下反正之形。未著。章刻本傳已喧。章刻本於遠近而嵩門失事。鎮防寧能免咎。第恐虜中疑忌。橫生。章刻本守見責寸符片檄。便足以解兵柄。而從吏議。雖欲飛騰。不可復得矣。如吳嵩。丁氏鈔本章馬惟善。前章刻本鑒不遠。不佞竊爲足下惜之。亦爲足下危之。大丈夫。章刻本夫見機貴於明決。既有良謀。義無反顧。倘不以鄙言爲棄。幸密遣信使。確定師期。如欲據台以取寧。則不佞當統水師入定關相應。如欲據台以取溫。則不佞當檄陳阮二鎮進黃岩。正氣集本作華相應。倘以浙東。章刻本西四戰之地。易取而難守。不若會師解道。共圖金陵。亦祈明示。或從陸地而發。則拱正氣集本集本迎於桃渚。或從水道而行。卽遣舟解門。正氣集本以候。散布腹心。惟祈台炤。不宣。章刻本無字

羅子木詩序

子木名綸。溧陽人。案成功師潰在己亥七月。而辛丑成功。取台灣。公遣子木致書阻之。則子木之稅公行營蓋在庚子辛丑之間。此序。

應作于是時黃節識

曩歲義師北指瀨水。羅生謁余于江上。年雖少。指陳山川形勢甚悉。余業以清河客擬。

之然竟引去曰親在身未敢許人也余遂章刻本有亦字揚鈴西上收復姑熟宛陵聞羅生已

膺章刻本延平王招從其族父將軍章刻本往徇吳會而延平師潰踉蹌挂帆又聞羅

生涕泣遮說不克留于是奉其父隨大軍道江浮於海夫海固今日忠義淵藪也中多

古嶠逋臣處士率抗節其間而越嶠與閩嶠蜿蜒錯落相距數千里雲岫微茫風潮噴

薄鼇柱之離奇蜃樓之變幻章刻本真足洞心駭目羅生將縱覽焉因奉其父而南未

幾羅生悄然有所思恍章刻本然若有所失則又奉父以北舟次閩之三山猝與虜遇羅

生促其舟人鑿戰思以死衛章刻本有乃字父格鬪踰時矢集鎧如蝟墜水得生而乃父竟就

縛以去羅生流離滄溟宛轉島嶼間欲出奇計以救父卒不得乃父生死音耗然後稅

駕於余行營焉悲涼酸楚至于嘔章刻本作嘔于血故其所爲詩篇清峭蒼寒一如夜猿秋鶴

可聞而不可聽斯足悲矣余聞之瀨水實伍子胥章刻本無胥字投金之所章刻本也方子胥

躬丁家禍違命而奔髮髯爲白彼非不知父死之當殉也章刻本而大懼夫父仇之不

復章刻本不得復也瀕死者屢矣賴蘆中丈人瀨上女子危其身以相援僅僅得章刻本達吳

市然終不免吹簞乞食而後乃稍稍見用也章刻本能入郢以報家仇乃章刻本構

李之役師敗君。又能相其嗣。君入越以報國。仇此其人爲何如者哉。今羅生所遭國難。家難兼之矣。是誠不共戴天之仇也。而困頓顛躓。章刻本亦無以異乎蘆中人。豈天將老其材以報復君父之深仇耶。抑生不逢辰。坎壈終身。移其孝以成忠耶。固不可與清河客同年而語矣。然則羅生始以親在未敢以身許人。而終不免以身許者。許國也。以身許國。而因不能全其親。究之親不獲全。而身將焉許。是誠古今之所深悲也。欲知羅生盡讀羅生之詩。

上延平王書 辛丑

竊聞舉大事者。先在人。和立大業者。尤在地利。故晉武以獨斷而平吳。章刻本符堅

又以獨斷而敗于晉。尉佗以僻處而據粵。正氣集然章刻本劉禪又以僻處而亡于魏。

則人和地利審之不可不精也。卽如殿下東都。章刻本之役。豈誠謂外島足。章刻本以

創業開基。不過欲安插文武將吏家室。使無內顧之憂。正氣集本章刻本庶得專意恢章刻本

征勦。但自古未聞以輜重眷屬置之外夷。而後經營中原者。所以識者危之。或者謂女

眞亦起于沙漠。我何不可起于島嶼。不知女眞。丁氏鈔本正房原生長窮荒。入中土如適

樂郊悅以犯難人忘其死若以中國師徒委之波濤漂章刻本正氣渺之中拘之風土

狃榛之地真乃入于幽谷其間感離恨別思歸苦窮種種情懷皆足以墮士氣而損章刻

本作軍威況欲其用命于矢石改業于耰鋤何章刻本可得也故當興師之始兵情將

意先多疑畏茲歷暑徂寒彈丸之城章刻本攻圍未下是無他人和乖而地利失宜也

語云與衆同欲者罔不興與衆異欲者罔不敗誠哉是言也今虜酋章刻本短折孤難

章刻本空二方新章刻本立所云主少國疑者此其時矣滿黨分權離畔疊告章刻本所云將

驕兵懦者又其時矣且災異非常征科繁急所云天怒人怨章刻本又其時矣兼

之虜勢已居強弩之末畏澦如虎不得已而遷徙沿海爲堅壁清野之計致萬姓章刻

室棄田園焚廬舍宵啼路露章刻本處蠢蠢思動望王章刻本師何異飢渴我若稍爲激

發此並起秦之候也惜乎殿下東征各汛守兵力綿難恃然且東避西移不從僞令

則民情亦大可見矣殿下誠能因將士之思歸乘士民之思亂廻旌北指百萬雄師可

得百什名城可下章刻本矣又何必與紅夷較雌雄于海外哉況大明之倚重章刻本

殿下者以殿下之能雪恥復仇也區區臺灣何預于神州赤縣章刻本而暴師半載

使壯士塗肝腦于火輪宿將碎章刻本肢體于沙磧生既非智死亦非忠亦大可惜矣

况普天之下止思明州一塊乾淨土四澗所屬望萬代所瞻仰者何啻桐江一絲繫漢

九鼎故虜之虎視匪丁氏鈔本正朝伊夕而今守禦單弱兼聞紅夷構虜乞師萬一乘

虛窺伺勝敗未可知也夫思明者根柢也臺灣者枝葉也無思明是無根柢矣安正氣集本

章刻本無安字能有枝葉乎此時進退失據噬臍何及古人云寧進一寸死毋退一尺生使殿

下奄有臺灣亦不免爲退步執若早返思明別圖所以進步哉昔年長江之役正氣集本

雖敗猶榮已足流芳百世若捲土重來豈直汾陽臨淮不足專美卽錢鏐寶融亦不足

並駕矣倘尋徐福之行踪思盧敖之故跡縱偷安一時必貽譏千古卽觀史載陳宜中

張世傑兩人褒貶可爲明鑑九仞一簣殿下寧不自愛乎夫虬髯一劇祇是傳奇濫說

豈真有扶餘足王乎若章刻本箕子之居章刻本朝鮮又非可以章刻本語于今日也

某倡義破家以來恨才力謏薄不能滅胡章刻本恢明所仗殿下發憤爲雄俾日月幽

而復明山河毀而復完其得全髮歸故里于願足矣乃殿下挾有爲之資值可爲之勢

而所爲若是則其將何所章刻本依倚故不敢緘口結舌坐觀勝敗然詞多激切觸冒

章刻本
作冒觸威嚴。罔知忌諱。罪實難道矣。章本無字惟願殿下俯垂鑒納。有利於國。某章刻本無某字雖死亦無所恨。謹啟。

上行在陳南北機宜疏

辛丑

章刻本作上。監國魯王。章氏案曰。此疏既言不

非對監國語也。且請定大計。一啓在壬寅歲。而此疏則言伏乞皇上親統六師。出臨滇蜀。是時魯王不應稱皇上。出臨滇蜀。又豈僑都海上者所辦此疏題上。監國魯王必是傳鈔者臆增。

今從丁氏鈔本鄧實識

奏爲胡運已終。王師宜奮。謹陳南北機宜。伏望刻期親征。以申國威。以鼓士氣。事竊臣

本書生。遭逢多難。自經倡義。十有六年。雖棲山橫海。備嘗艱苦。而恢復章刻本作興未奏。但

覺有罪之當誅。實無功之足錄。蒙皇章刻本作主上綸綽頻頒。節鉞謬寄。臣感極生慚。憤極

思奮。故於己亥丁氏鈔本無五月。追隨延平王臣成功。直擣長江。仰仗威靈。爪鎮克捷。

臣分道疾趨。孤軍深入。半月之間。章刻本作內遂薄定徽甯池太四郡。兼下和陽。漸收廬鳳

屬邑。竊謂迎鑾有期。奠鼎非遠。不意延平王金陵挫衄。倉猝班師。臣之孤軍。竟陷重地。

臣念上游父老。夾道遮留。奮不顧身。沈舟破釜。與虜轉戰兩旬。終以援絕。勢孤。遂至潰

敗。臣突圍間行。始得完節而返。復蒙皇章刻本作主上遣監臣劉之明。賁到恩章刻本作齋勅一

道時臣方收燼於淵而使臣又停棹於閩未獲具疏陳謝至今悚仄嗣聞章刻本無聞字胡氛

流突行京不審六飛所駐何地但稽之天意參以人心漢厄當興勢過丁氏鈔本作通時可虜

酋章刻本缺天折章刻本作札孤雛章刻本空二方蒙位足知中興有象臣日夕圖維自恨力綿不

能長驅迅掃幸而舊兵盡歸新軍漸集山東河南以及兩淮三吳義勇無不遠通約期

章刻本作期約摩厲以需在延平王亦更加選練謀定而戰則桑榆之收當亦未晚第兵有倚

角則敵勢始分使敵若潰癰則兵威始振況數章刻本有十字年之間遠邇聽聞久不知天南

確信恐報韓之念倏衰思漢之情轉章刻本作旋冷則事機得失關係非輕伏乞皇上親統

六師出臨滇蜀仍勅諸王公分道大舉先遣信使星馳宣諭直省俾天下曉然知報仇

雪恥之義將見忠臣義士必且雲合景從矣臣雖駑鈍亦當枕戈以待卷甲而趨斷不

敢逡巡却顧以負國恩茲以職方郎中臣吳鉏不憚萬里間關願得見章刻本無見字陛下

陳恢復大計特具疏章刻本疏字附奏可勝翹首感激章刻本作翹企感泣○案吳鉏原名

龍徐孚遠起義毀家十萬佐軍既而隱遯膠州大竹山值莊烈帝忌辰一慟而絕陳去病識

祭定西侯張侯服文辛丑

嗚呼我兄墓草已宿矣。墓木已拱矣。回念乙未之冬。棄捐賓客。距今僅七載耳。其間廢興存亡之感。月異而歲不同。如我兄既歸三尺土而尙丁氏鈔本無尙字不能保百年墳。致有發冢開棺之變。余聞之痛何可言哉。幸我師入定。毀逆民之廬。屠逆民之族。英丁氏鈔本作陰魂其亦可少章刻本作稍慰獨余以飄零患難之身。入閩入吳。浮海浮江。數年內章刻本作間屢蹶屢奮。徒深挂劍之懷。每阻炙雞之願。空山寂寥。知兄當慨章刻本作慨然而悲矣。茲憑仗靈爽。駐師林門。苦以軍滯。未遑瞻掃高塋。特備椒漿。遣員代侑。嗚呼。滄州孤島。今存荒壤。丁鶴歸來。徒有華表耳。能不痛哉。

答曹雲林監軍書

趙譜此書繫壬寅而全譜則繫之辛丑之冬當繫壬寅黃節識章刻本作復曹監軍書

徐兄來接有手教。想徐兄掛帆時。敝差官尙未到臺城。故社翁不審北方消息耳。然敝差官去後。淞事又一變。及徐兄至。弟已移師寄寓沙關矣。種種虜情。已具在前日報文內。不必更贅。獨是僞令遷徙沿海居民百萬生靈。盡入湯火中。洵洵欲章刻本作灼灼思動惜無一勁旅爲之號召章刻本作召號以致顛連莫告。我輩坐視其荼毒而不能章刻本作無能救真媿殺也。弟栖遲沙關。幾三月矣。金盡粟空。誰能爲景升仲謀者。只得仍圖北返。兩番鼓棹。

又爲石尤留滯。今春風至矣。決計回潮。亦且晚間事。弟非不知兵力單極。況二

章刻本作三

阮一陳。俱徘徊閩境。則弟聲援

章刻本作勢

甚微。然弟之區區。以爲寧進寸。毋退尺。寧玉碎。

毋瓦全。其素志然也。但不知果能自存否。近有小詠云。虬髯定擬浮家去。雁足虛傳屬。

國還。又云。平原一旅真孤掌。可有天戈靈武間。感慨係之矣。弟中夜自念。一片孤忠。或

是天地間一男子。而時勢交迫。終不克一

正氣集本無一字昂首伸眉。夫亦命也已。

章刻本意延平藩

章刻本爲千古第一流

章刻本人欲爲千古第一等事。又何忍使同仇陷危。

章刻本而不策應耶。聞海遷徙。十已八九。將來南北魚雁。必愈闊疏。握手之期。杳未可料。幸社

翁努力努力。倘張生竟

章刻本以鬪死。或以飢死。

章刻本作譏餓而死社翁能不一爲

表揚否耶。徐兄適會弟于阮途。勿克稍爲分潤。何梁伯鸞偏遇范萊蕪乎。一笑。

表揚否耶。徐兄適會弟于阮途。勿克稍爲分潤。何梁伯鸞偏遇范萊蕪乎。一笑。

張蒼水全集卷三

水槎集

祭山神文

壬寅 案公辛丑引軍入閩壬寅之春還軍臨壘則此文蓋作於是時黃節識

竊聞盛德在御而四靈可畜至誠所格則百獸皆馴余自倡義以來思挈山河而還帝室揭日月而返重光章刻本神之聽之亦既有年迨從閩嶠回師駐節章刻本茲土神所憑依將是在是矣乃疇昔之夜忽有猛獸傷我畜牧是胡爲乎來哉昔者空山寂寥獐獐之輩張牙露爪得借此以爲逋逃藪余今芟章刻本舍于此計當滅跡潛蹤矣而猶然不戢是亡等也聞毛蟲之長制命山靈神職在彈壓而使若輩暮夜縱橫將典守之謂何或以余老章刻本在島上未及薦馨聊遣山君以儆匱祀則神亦饗養者流又何正直之足云夫五嶽視三公等而下之封內名山宜各有分限余奉天子之命開府東南論階辨秩山神應受節制用是遣官傳飭神其速顯威靈非我族類章刻本卽遣之境外或其惡貫滿盈不妨自斃山中倘挾彼負嵎之技仍肆伏莽之奸章刻本余當焚其林掃其穴惡獸斯盡神亦震驚令在必行神其毋忽

奇零草序 壬寅

刊

行

余自舞象輒好爲詩歌。先大夫慮廢經史。屢以爲戒。遂輟筆不談。然猶時時竊爲之。及登第後。與四方賢豪交益廣。往來贈答。歲久盈章刻本。篋會國難。頻仍。余倡大義於江東。穀甲敵。干凡從前雕蟲之技。散亡幾章刻本。盡矣。於是出籌軍旅。入典制誥。尙得於餘閒。吟詠性情。及胡馬渡江。而長篇短什。與疏草代言一切。皆付之兵燹。中是誠筆墨之不幸也。余於丙戌始浮海。經今十有七年矣。其間憂國思家。悲窮憫亂。無時無事。不是以響動心脾。或提師章刻本。北伐。慷慨長歌。或避虜南征。寂寥短唱。卽當風雨飄搖。波濤震蕩。愈能令孤臣戀主。遊子懷親。豈曰亡國之音。庶幾哀世之意。乃丁亥春。舟覆於江。而丙戌所作亡矣。戊子秋章刻本。節移章刻本。于山。而丁亥所作亡矣。庚寅夏。率旅復入於海。而戊子己丑所作又亡矣。然殘編斷簡。什存三四。迨辛卯。昌國陷。而笥中草竟靡有子遺。何筆墨之不幸一至於此哉。嗣是綴輯新舊篇章。稍稍成帙。丙申。昌國再陷。而亡什之三。戊戌章刻本。覆舟于羊山。而亡什之七。己亥。長江之役。同仇兵燹。予以間行得歸。凡留供覆瓿者。盡同石頭書郵。始知文字亦有陽九之厄也。年來嘆天步

雄之士明華夷之辨。莫不以被髮爲辱。雪恥爲懷。所恨力不從心。是以待時而動。唯海上羣雄聲大義于天下。十有七載矣。去歲長江之役。幾得復失。皆因人事不齊。豈曰天意有待。如今者胡阿達里章刻本從浙而出。不知費幾許民膏傷幾許民命。兵未一舉而名酋番部病沒過半。遂不及接戰而遁。此足見天意之亡胡矣。達素自閩而出。亦不知費幾許民膏傷幾許民命。矢纔發而水陸三路同時覆沒。胡章刻本甲滿酋章刻本所恃爲衝鋒陷陣者。爲我殲滅殆盡。此又足章刻本見人事之亡胡矣。况虜丁氏鈔本欲舍鞍馬而仗丁氏鈔本舟楫與我爭勝於波章刻本濤間。何不量之甚也。章刻本知章刻本本作足下忠謀義槩。識時俊傑。不於章刻本此時改圖。更何所章刻本待乎。且胡貪暴無章刻本常。有賂章刻本者超遷有功者罷黜。近復重文輕武。掣肘倍常。足下當世賢豪豈能倖章刻本首聽命受文墨吏之侮弄哉。若馬李高三公舍逆取順。聲名赫赫膾炙人口。但李高二公直至兵臨城下。然後來歸。方之馬公以無事之秋奮然反正。不無軒輊。故物望因之亦有重輕。章刻本若足下原國朝之宿將。國家宿將更當先著祖鞭。且明春大軍必至。鐵騎金戈如雲而下。黃龍青雀蓋地而來。以此攻播。何所不克。正

可。共。建。奇。勳。首。膺。茅。土。此。足。下。之。素。志。亦。不。佞。所。企。章刻本望。章刻本有。者。字。也。古。人。有。言。當。

斷。不。斷。反。受。其。亂。丁氏鈔本今。足。下。反。正。之。形。未。著。謠。章刻本傳。已。喧。章刻本於。遠。近。而。

嵩。門。失。事。鎮。防。寧。能。免。咎。第。恐。虜。中。疑。忌。橫。生。章刻本見。責。寸。符。片。檄。便。足。以。解。

兵。柄。而。從。吏。議。雖。欲。飛。騰。不。可。復。得。矣。如。吳。嵩。丁氏鈔本馬。惟。善。前。章刻本鑒。不。遠。

不。佞。竊。爲。足。下。惜。之。亦。爲。足。下。危。之。大。丈。章刻本夫。見。機。貴。於。明。決。既。有。良。謀。義。無。反。

顧。倘。不。以。鄙。言。爲。棄。幸。密。遣。信。使。確。定。師。期。如。欲。據。台。以。取。寧。則。不。佞。當。統。水。師。入。定。

關。相。應。如。欲。據。台。以。取。溫。則。不。佞。當。檄。陳。阮。二。鎮。進。黃。岩。正氣集本倘。以。浙。東。章刻本

西。四。戰。之。地。易。取。而。難。守。不。若。會。師。澥。道。共。圖。金。陵。亦。祈。明。示。或。從。陸。地。而。發。則。拱。正。

集。本。迎。於。桃。渚。或。從。水。道。而。行。即。遣。舟。澥。門。正氣集本抵。海。門。以。候。敬。布。腹。心。惟。祈。台。炤。不。宣。

章刻本無
不宣二字

羅子木詩序子木名綸。溧陽人。案成功師潰在己亥七月而辛丑成功

辛丑之間此序應
作于是時黃節識

翼。歲。義。師。北。指。灝。水。羅。生。謁。余。于。江。上。年。雖。少。指。陳。山。川。形。勢。甚。悉。余。業。以。清。河。客。擬。

之。然竟引去。曰親在身未敢許人也。余遂章刻本有亦字揚鈴西上。收復姑熟宛陵。聞羅生已

膺章刻本延平王招。從其族父將軍章刻本將往徇吳會。而延平師潰。跟踰挂帆。又聞羅

生涕泣遮說不克留。于是奉其父。隨大軍道江浮於海。夫海固今日忠義淵藪也。中多

古嶠。通臣處士。率抗節其間。而越嶠與閩嶠。蜿蜒錯落相距數千里。雲岫微茫。風潮噴

薄。鼉柱之離奇。蜃樓之變幻。章刻本真足洞心駭目。羅生將縱覽焉。因奉其父而南。未

幾。羅生悄然有所思。恍章刻本然若有所失。則又奉父以北。舟次閩之三山。猝與虜遇。羅

生促其舟人鑿戰。思以死衛。章刻本乃字父格鬪。踰時矢集。鎧如蜩墜。水得生而乃父竟就

縛。以去。羅生流離滄溟。宛轉島嶼間。欲出奇計以救父。卒不得乃父生。死音耗。然後稅

駕於余行營焉。悲涼酸楚。至于嘔。章刻本字血。故其所爲詩篇。清峭蒼寒。一如夜猿秋鶴

可聞。而不可聽。斯足悲矣。余聞之。灑水實伍子胥。章刻本無胥字投金之所。章刻本也。方子胥

躬丁家禍。違命而奔。髮髯爲白。彼非不知父死之當殉也。章刻本無也字而大懼夫父仇之不

復。章刻本不得復也。瀕死者屢矣。賴蘆中丈人瀨上女子危其身以相援。僮僮得。章刻本是達吳

市。然終不免吹篴乞食。而後乃稍稍見用也。章刻本能入郢以報家仇。乃章刻本及章刻本機。

忘明德則興滅繼絕端在主上此非欲邀福也免禍亦宜然即未暇雪恥也圖存亦宜然臣今擬上詔書一道伏祈主上密與寧靖王及諸縉紳謀之發憤爲雄以慰遐邇臣不勝激切翹望之至

又壬寅八月案正氣集本及丁氏鈔本皆列此啟在後而以下啟列前殊爲倒置今從章氏刻本鄧實識

啓八月初八日御史臣陳修捧綸音至臣營臣焚香開讀知主上薪膽憂危較昔倍甚臣南望倉皇罔知所措猥念臣違顏以來忽經十載百折千磨壯心未已原非動念勦名特以越國義旅魯邸侍從止臣一人尙在軍次雖乖哭廷之義章刻本尙圖埽境之功苟良會可乘則迎鑾豈遠大命克集則奠鼎非難向以皇上當陽故謳歌有待章刻本且以主上養晦故潛躍宜權臣何敢妄思推戴以啟猜疑章刻本區區此誠章刻本銘章刻本之幽腑何期行闕章刻本空一方染胡氛攀髯莫逮而延平王忽捐賓館章刻本秉鉞無人論國勢疑興漢益難章刻本察人心幸尊周轉切近來虜中亦喧章刻本傳主上親征北發正氣集本作上故臣于七月終章刻本具有密疏章刻本專官馳奏茲奉章刻本字異命渙頒倍增感奮但臣以孤軍子處荒壤章刻本艘星列五倍于臣而臣又無

蟻子之援臣日夜枕戈與死爲鄰亦以死自章刻本誓若輕章刻本爲移蹕則風鶴頻驚臣罪誰諉倘仍棲梧島竊章刻本恐號召正氣集遠復與臣呼應不靈伏乞主上與諸縉紳勳鎮熟籌妙策或揚帆海上章刻本或保據沙關結納忠義聯合勳爵俟羽翼已成然後旌旗四出仍乞歛鐸韜光以絕敵人窺伺臣亦得趨觀容顏稍將芹曝臣猶慮魏絳之策得行則華戎錯雜尤宜章刻本戒備不虞主上必得勁旅數千鉅艦近百常相擁衛方爲萬全驚門牙蠹纍纍相望就中豈無耿弇其人伏乞主上并覽前疏深思臣言臣愚幸甚爲此具啟附奏不勝踴躍翹企之至

又 壬寅

啟八月十五日御史臣章刻本陳修返命嘗具疏附奏總以去冬緬甸之變君亡臣死天下已無章刻本復字正氣集室矣止海上猶存一綫而主上尙在龍潛章刻本眞乃天留碩果自當誓師討賊以維繫人心以嗣續正統昔莽移漢鼎光武中興章刻本不廢山陽昭烈踐祚懷愍北狩晉元稱制徵欽蒙塵宋高繼立以視今日誰曰不然顧島上勳貴罔識春秋大義而臣實兵微將寡餉匱糧窮孤掌難鳴既見宗國之亡而不能

救猶幸舊主之在而不能扶所以中夜椎心淚盡而繼之以血也尙望諸縉紳或能旋乾轉坤臣已在厲兵秣馬章刻本作秣厲但得南國首爲推戴臣敢勿協力扈從伏維主上潛算雄圖以凝景命茲恭進膳銀少抒葵霍章刻本無此句特具本差官賁獻臣不勝激切惶悚之至

冰槎集引 壬寅

嗚呼此余槎上作也昔之乘槎者或爲客星而犯斗牛章刻本作而入犯斗或入女宿而得支機故至今羨爲勝事余獨不然浮踪浪跡當淒嚴霜不得已而棲托靈槎筆墨所及率成冰聲則是槎非貫月章刻本多也字亦非挂星也而茲集所存又皆余晚節所作于是以冰槎名嗟乎水澤腹堅天根盡見矣章刻本無矣字乃從淩陰千尺間而欲論列古今辨正夷氣集本夏不失君臣父子章刻本誤作母朋友之義不其難矣哉異日者東風解凍尙有想見枯槎中人而興嗟章刻本作歎者否歲在壬寅菊月朔章刻本有張煌言三字自記

祭延平王文 壬寅

維王金符啟曜玉牒分光勛追武肅忠貫汾陽昔在草昧翊我隆皇寵承西第謨展東

廂山河茅社。日月旂常。將壇專制。甥館齊行。赤靈幾斷。丹腑彌彰。難回駿馭。益厲鷹揚。
玄圭錫命。黃鉞開疆。霓旌鐵騎。錦纜牙樯。聲馳沈木。威壓扶桑。貫胸貢贐。剖腹增璜。始
開朱邸。仍總碧幢。蠱思幹父。謙撝讓王。迺戒韎韐。爰整舳艫。肅將九伐。勤宣一匡。醜夷
面縛。賊虜屍僵。陵遲展謁。城高受降。中原冠帶。夾道壺漿。悲笳復動。鳴鏑猶強。盟津雨
洗。閭島雲翔。再揮水犀。以射天狼。溫禹章刻本作禹誤。釁鼓屠耆。染戕肇基。東鄙拓地。南荒乾
坤。猶關夷夏。咸康伋班。師旅終仗。尊攘夫何。月掩忽而。星亡九關。翼折百谷。瀾狂吹臺。
寂寞疑塚。淒涼樹還。際章刻本誤作靡。漢系尚存。唐豈無雙。烏載彼歸航。應有三矢。捧茲遺囊。
緊維善繼。厥後克昌。某丁氏鈔本有乃字。焦桐爨下。苦李溪旁。萬間庇廈。十載依牆。驚聞劍化。
痛切舟藏。所愧匏繫。徒結中腸。薤露在紙。絮酒在觴。非敢告奠。聊志不忘。彷彿袞衣。翩
然帝鄉。

答延平世子經書

章刻本正氣集本作斧延平長子書壬寅案此書正氣集

在壬寅黃節識

不肖

章刻本有某字

以王人之微。重荷先王殿下客卿之禮。圖報未遑。昨知肇基東土。正擬躬

執鞭弭稍効馳驅。差員南返。捧接訃音。震魂動魄。母論國恥。家仇尙稽。報雪而五侯九伯。誰爲指麾。在不肖空瞻帷幄。章刻本似失帡幪。更不禁淚之淫淫下也。幸而老世臺

丕承前業。壁壘增新。昔禽父在喪。專征誓衆。伯符英銳。遂霸江東。以視今日。豈異人任

不肖。托在同仇。待罪軍旅。夙仰仲謀之器。今聞亞子之風。自當竭此孤忠。報茲舊誼。但

荒汎孤軍。當上游勁敵。伏望提攜。庶聯聲援。倘虜謀叵測。尙圖遡迴。南下求一支于萬

廈。安擇兵衆。則奉令承教。諒亦匪遙。恭聞續緒。撫軍不勝雀躍。緣在大喪。章刻本未敢

稱賀。統祈崇照。母章刻本任瞻依。

答閩南縉紳公書壬寅案正氣集本章刻本皆不繫年據中云

候牘久虛。疎節殊甚。不肖以孤軍扼上游。日望天南好音。以爲聲援。昨差官至。自思明

驚悼。章刻本延平殿下。遽捐賓客。私衷忉忉。幸聞伯符英銳已出。臨戎元勳。舊德同心。

夾輔。不但正氣集本丁氏驚門有磐石之固。而長驅迅掃。直旦暮間事。又不覺悲喜交

集。日來浙直老穉。章刻本喧傳。驚左勳鎮紳衿。復奉魯王監國。正在疑信間。及接章刻本

棒。老先生公函。諄諄以魯國主玉食爲商。猶憶壬辰之春。不肖同定西侯張公。扈從南

下。蒙延平殿下。

章刻本

誼篤瓜瓞。慨然安置。則不肖輩之擔已卸矣。今不幸延平殿下

章刻本

薨逝。大喪未畢。繁費難支。即軍儲尙恐不給。何暇言及宗祿。旁觀者豈不諒當

事苦心。若不肖梁園舊從。敢愛方物之獻。但南北相距。動輒數千里。近來賊哨出沒。孤

艇難行。安得時時供億。再四躊躇。偷國主能韜光晦。章刻本迹移寓。漸上。章刻本或沙。

關之間。則不肖尙可稍將芹曝而浯島。亦免親伺之虞。否則鞭長莫及。正氣集本作弗及。

雖智者亦難爲計矣。然我輩所爲何事。而致親藩流離。瑣尾饑餓。於我土地。非特諸勳

貴。

章刻本

之責。亦諸老先生之羞也。若新府肯敬承先志。敦厚。正氣集本作重。天潢哀王孫而

進食。又何煩不肖之片芹寸曝哉。惟老先生裁察之。

復盧牧舟司馬若騰書

章刻本月成功卒於復盧州大司馬。書王卒於金門。書中云。近聞五

蒼梧不返。炎鼎幾燼。飛熊星殞。適與輻湊。蓋指是時。全譜云。公有得

故人書。至自台灣。詩是盧司馬。若騰。王司馬。忠孝徐中丞。平遠沈中

丞。佺期皆在延平軍中。相國望其激發。延平使之回軍。西指。故有只

疑之句。云。肥遯老裴床。皂帽亦徒然。寄語避秦島。上客衣冠黃綺。總堪

以。後。冀若騰。收合。延平。餘衆。回軍。西指。故有。早商。同志。之語。黃節。識

十餘年來。

章刻本無來字。南北鱗羽。往來如織。每于老祖臺曠焉聞問。豈其疎節。知老祖臺方

在方章刻本無却掃尋常寒暄不足以壓典籤也近聞蒼梧不返炎鼎幾燼而飛熊星隕

適與輻湊國瘁章刻本誤作碎人亡何能無淚今虜實徧布楚歌焚惑觀聽止恐成紀茂陵今

亦不可復得自非乃心王室以伸大義即號召必且不靈未審尙有寶周公在否第才

非鎗鎗勢單援絕孤危特甚儻老祖臺肯執耳齊盟則元老臨戎軍聲克振况并州士

女誰不感切棠陰若糾一旅溯章刻本有泗字流而北百里之內牛酒日至天下事尙可爲也

祈早商同志勿使祖鞭先著幸甚

答趙廷臣書壬寅案此書爲章刻本所未收觀後答趙安撫書云何必復通竿牘則此書蓋亦作於壬寅而當在後書之前黃節識

台翰優頒殊深內訟豈僕一片愚忠尙未足取信于天下耶台下清朝佐命僕則明室

孤臣時地不同志趣亦異功名富貴早等之浮雲成敗利鈍且聽之天命寧爲文文山

不爲許仲平若爲劉處士何不爲陸丞相乎倫云桑梓塗炭實爲僕未解兵僕亦何難

斂師而去但未知台下終能保障否乎區區之誠言盡于此間使說詞請從此絕

答趙安撫書一作答王招撫光裕書章刻本作答招撫書壬寅

不佞明室孤臣也有死無貳章刻本作實與執事非有同朝之雅義無外交何必復通竿牘

但天理民彝。及不佞生平。不可不正告天下。故勅書附使者以報。竊觀章刻本古今來

何代無廢興。其興也天啟其機。其廢也人謀之謀。或興而復廢。或廢而不復興。然有志

之士。尚謂人定可以勝天。彼漢阨十八年。而光武重昌。夏亡四十載。而少康復祀。蓋不

特覆楚復楚。事在俄頃間也。即使歷運推移。朝市遷變。章刻本作改選興王。章刻本每寶禮

勝國君臣。錄用前朝宗室。不但開基忠厚。卽爲享祚長久之符。亦將使忠臣義士戴新

朝之盛德。慰故國之悲思。且其當鼎革之際。軫念瘡痍。莫不省刑薄斂。偃武修文。與天

下更始。所以四解章刻本作海內謳歌。羣雄歸命。其間雖有疾風勁草。不以盛衰改節。不以成

敗易心者。無非欲爲萬古留綱。常爲兩間存正氣。英君察相。尙能略其迹。而原其心。感

其誠。章刻本而哀其遇。故漢高以之封雍齒。蜀主以之禮劉巴。唐太宗有堯君素之旌

而無。章刻本而字我太祖有余闕福壽之祠。祭其或不忠所事。縱歸附獨先。必擯斥恐後。如丁

公可誅危素。可謫前軌。昭然豈好爲顛倒哉。帝王大度。原欲扶名義以培風教。故也。今

則不然。夫昔日之北庭。非本朝之屬國乎。建州之甲。已忘休屠之恩矣。遼左之烽。胡爲

乎。北平之旗。章刻本似同同紇之義矣。南牧之馬。又胡爲乎。舊都嗣服。正朔相承。冠蓋

方達于薊門鼓聲已震于吳會自是而蠶食東南剪滅之正氣集本無此三字不遺餘力凡屬章刻

本無我天潢雖在遐荒靡弗章刻本芟薙夫以高皇帝駿德鴻功而使其子孫禍酷徵

飲祀荒祀宋宜人心不服者一也從來更姓改物皆因處置得宜然後人情豫附今不

過宋室之逋臣而稱爲僞命無非晉家丁氏鈔本國之遺老而被以惡名甚至一人抗節而

逮及一家一姓守義而株連他姓遂使抱慙懷忠不忍逃雨章刻本即欲埋名變姓亦

恥趨風而喪師辱國者率秩以三公正氣集本主求策者反爵以五等是以不忠不義正氣集本

令也開國規模固如是乎宜人心之不服者二也邇來清人正氣集本初無招携章刻本

柔懷遠之誠正有納叛招亡之術或使同輩操戈或令下人棄甲此豈足以訓型天下

而奸詐之徒以爲仕宦捷徑往往私鑄章刻本印符僞刊牌節以覲壟斷之功名章刻本

名當事明知其然亦陽爲網羅陰行羈縻以冒招來之功績殊正氣集本不知黃綺衣

冠必不輕出商山夷齊薇蕨豈肯頓易周粟宜人心之不服者三也若以近事而論濱

海遺民既苦朝秦而暮楚乃安邊勝策惟聞竭澤而焚林俾百萬生靈棄田園毀廬舍

捐墳墓而又不知所以安插之蜚鴻滿道碩鼠興嗟將以爲清野耶而野未必清將以

爲堅壁耶而壁未必堅豈我旌麾甲盾果丁氏鈔本作必繇蜀道遷人抑綱罟牢盆亦是新豐

鉅族乎名爲息黥補劓實則救療助薪宜人心之不服者四也他若征求無藝殺戮非

辜選將遷官先論賄賂登賢籲俊亦藉苞苴債師掩敗以飾功驕兵宣淫而肆掠兼之

毀裂冠裳章刻本作衣冠崩壞禮樂蓋不待智者而知胡運之不長矣如謂今章刻本作此日域中

幅幘盡入版圖華夷庶幾一統章刻本作一統獨不見強秦方啟霸圖何竟亡於二世暴隋既

成王業亦遂失於再傳况賴宗廟社稷之靈吾國已自有君行當迎楚昭于雲夢奉齊

襄于莒城又何煩執事之恫疑虛喝哉至于不佞本末固可得而言矣不佞夙承先學

謬獵時名自遭國難輒棄家園始則聲大義于江東既而抱孤忠于海曲自分戴髮含

齒之倫幸南國尙同左袒倘論踐土食毛之誼于北朝原等風牛矧豫讓漆身其妻不

識張良破產惟敵是求而有司不容章刻本作察籍我田宅矣未幾囚我妻孥矣用是依牆

乞援淚盡申胥敗冶鑄兵誓深祖逖然志匡王室豈恃兵威念切神州尤憐民瘼如長

江之役樵蘇不驚市肆靡章刻本作不易凡縉紳之家韜鈴之族効力清人者槩無誅求以

示寬厚諒執事之所知也及同仇挫衄不佞遂間道言旋彼時豈不能提數千勁卒以

震盪中原。據數十名城。以號召天下。正慮鋒鏑橫章刻本及無辜。是以旌旗不妨左次。

何意泰運將開。屯期尙篤。枕戈待旦。又歷歲時。但三戶亡秦。讖緯已兆。一成祀夏。厥數

有徵。不佞方以孤臣皂帽。待眞主黃衣。安所事解甲投戈。俛章刻本首屈膝者哉。卽或

赤符未歸。暫作隆中之臥。黃石已遇。猶從圯上之游。則爲龍爲蛇。不佞進退固之餘裕

矣。雖然。不佞之所以百折不回者。上則欲匡扶宗社。下則欲保捍桑梓。因國事章刻本

之靡寧。致民生之愈蹙。十餘年間。浙閩郡邑芻蕘章刻本牧糗糧之供。樓櫓舟航之費。可

謂百孔千瘡。敲骨吸髓。而曾不得鋒消燧息。波章刻本靜潮平。執事亦可惕然矣。尙復

重之遷徙。貽以流離。哀我人斯。迄可勞止。今執事旣銜命而來。以保境息民爲意。則章刻本

則字莫若盡復章刻本濱海之民。卽以濱海之賦界我海章刻本上之師。在清人旣能

無能字開誠布公。捐棄地以收人心。在海上亦何惜講信修睦。且休兵以待天命。不佞

與執事輩從容羊陸之交。往來僑胥之好。旣省墩堡守望之成。并章刻本免舟楫營繕

之需。藉我外兵以備他盜。因而煎熬。則鹵鹽可行矣。因而採捕。則魚鮮可給矣。因而貿

遷。則商賈可通矣。匪直暫解兵爭。亦以稍甦章刻本民困。是珠崖雖棄。休息宜然。朝鮮

自存艱貞。斯在特恐。執事畏耳。畏則無成也。又恐執事疑耳。疑則又無成也。不佞何心。
章刻誤必欲重。丁氏鈔本正氣因此一方民哉。章刻本則請與執事約。但使殘黎朝還。
章刻本故里。則不佞即無即字。當夕挂高帆。十洲三島。莫非生聚教訓之區。嘗膽臥薪。
作歸本別有扶危定傾之計。則臣靡尚在天意。未忘禹功。諸葛猶存。正統還歸漢。肯惟執事圖之。

答唐枚臣書

壬寅

案丁氏鈔本此書繫辛丑正氣集本章刻本皆不繫年予

義十有六年而此書云相持十有七年又案辛丑為順治十八年壬寅即為

康熙元年與書中所言蒙襲之意實相符合此書當作於壬寅也黃節識

某生也。晚不及見盛明之章刻本字典。型始策名而輒遭國難。故署名削牘之儀。益為闕

焉。然自垂髫。遙企岱斗久矣。倡義以來。南北各天。遂勿獲親奉光塵。茲捧雲翰。驚與愧

俱。孔北海亦知世間有劉備耶。獨計某一書生耳。朽戈鈍甲。與胡人章刻本相。章刻本無相字

持者十有七年。濫膺節鉞之寄。尺土未恢。徒然傾家。湛章刻本族。為章刻本天地。章刻本有

間罪人而老先生顧以孤忠見許。得母愛。嚶嚶嗜痂之癖。乎所幸垂翅之餘。舊部復集。兼

偽廷奪魄。胡雛蒙襲。正可乘時奮袂。奈兵單援寡。惟有枕戈泣血而已。大刻諸體。並臻

鍾呂而樂府直追漢魏而上。奉教之下。眞足移情佩服。章刻本有兩佩服字溯洞杖履。展謁難期。專員肅候。愧乏侑緘。不備不莊。統希鑒正。

送馮生歸天台序

識

案清兵克江南下難髮令乃順治二年乙酉事序中言馮生披髮入山殆將十九年則此文應作於康熙壬寅癸卯之間黃節

夫髮者血氣之餘也。於人身疑若駢枝贅疣。然而無髮。吾未見其爲全人也。所以羽化鱗介。總成異類。而戴髮含齒。則獨鍾於保靈。譬如百辰麗天。萬卉附地。蒼蒼茫茫。振古如茲。已然則章刻本作則夫髮者。亦人身之百辰萬卉也。是故古今來元公以握髮稱名卿。以濡髮著高士。以散髮爲曠達。逋臣以晞髮爲艱貞。即使箕子。佯狂滿頭霜雪。左徒憔悴雙鬢風塵。未始不以髮短心長。章刻本作髮誤睨千古將人。以髮重乎髮。以人重乎以是知凡有血氣者。有髮則形骸非幻。無髮則鬚眉不揚。蓋有老而禿者矣。未聞章刻本有字童而髡者也。惟魑魅之鄉。龍蛇之族。始號窮髮之地。故斷髮者蠻俗也。祝髮者胡教也。辨髮者夷風也。章刻本作俗也。華戎所分。莫不於髮取辨焉。今則敷天魑結。率土髡鉗。獨山澹海濱。章刻本作山阿海濱猶然櫛風沐雨。與鱗介爭此冠裳。乃赤城馮生。則謂與其被髮祭野。

母甯披髮入山含華隱曜殆將十九年一日渡海來謁余衣冠甚偉鬢毛如漆儼然桃
源中人也且出舊製數篇相示其采芝之曲與抑章刻本采薇之歌與蓋不可章刻本
卒讀而髮已上指矣余因以馮生之髮較蘇卿之節則十九年割粥斷芥章刻本固無
愧於吞氈嚙雪也異日明天子出而詢茲黃髮馮生雖顛毛種種乎對鏡彈冠卽一髮
千鈞矣

祭監國魯王表文 癸卯

伏以龍逝橋陵璵璠結攀髯之痛麟遊闕里桐珪含解紱之悲況欲執羈勒而無從祇
覺納管簫之莫逮魂消閩嶠淚洒越臺欽惟我主上位膺乾四德備咸三青社雲從蔚
矣東藩佳氣赤城霞起巍然南紀靈光屬以國事頻仍遂爾義師首舉章刻本栖秦望
之甲盾豈僅虎賁三千建梁孝之旌旂共仰龍飛九五而志梟逆虜故功高讓皇月羽
星銑射江湖而立四極白旄黃鉞橫海嶠而總六師迨瀚閩之瘡痍尙圖收燼適滇黔
之擁戴是用歸藩風雨漂搖悲五蛇之失所章刻本波濤震撼悵六鷁之退飛雖潛邸
依斟酌薪彌厲而許田易鄭髀肉漸生方期再廻靈武章刻本之鑾誰意遽掩蒼梧之

駕八音遏密千

章刻本作百

里震驚臣才愧鄒枚任同種蠡十九年之旄節屬國不殊廿四

郡之鼓旌平原無恙恨哭廷而未效嗟掃墓以何時投璧還秦早慚狐偃扁舟去越敢學鴟夷徒蘊扛鼎之懷愈抱號弓之痛嗚呼薇垣墜曜楓陛垂靈穆王馭駿以來歸已孤此願望帝化鵲而猶在莫慰餘思

貽趙廷臣書

甲辰秋破繫杭州時書也案此書亦見正氣集本爲章刻本所未收黃節識

大明遺臣某謹拜書於清朝開府趙老先生臺前昔宋臣謝枋得有云大元制世民物維新宋室孤臣只欠一死竊以疊山業經市隱賣卜宜可以遠害全身而元參政魏天祐必欲招致之乃疊山有死無隕招之不來餽之不受卻聘書尙在可考而知也卒觸天祐之怒執之北去疊山遂不食而死蓋未嘗不歎古人守義之堅殉節之篤也況某今日南冠而繫視疊山所處已自不同而臺下尙欲貸其餘生屢遣貴屬存注有加勸之加餐嗟乎此固臺下褒忠錄節之盛心較之天祐真不啻霄壤顧某自律斷不可因此而苟延旦夕也所以每思慷慨引決而爲館伴者防閑嚴切不克自裁絕餐三日迫於貴屬勸勉稍稍復食他人聞之寧不以某寡廉鮮恥晚節可嗤哉揣臺下之意不過

欲生膏斧鑕始足爲忠義者戒。然大丈夫冰視鼎鑊。慷慨從容。原無二義。故鬱鬱居此耳。猶記去歲華函見及某之報書。有寧爲文山之語。非但前識。蓋齋心居念時已早辨。此至今日敢有食言。夫自古廢興亦屢矣。廢興之際。何代無忠臣義士。何代無通臣處士。義所當死。死賢於生。義所當生。生賢於死。蓋有舍生以取義者焉。未聞求生以害仁者也。某之憂患已過乎文山。隱遯殆幾于疊山矣。而被執以來。視死如歸。非好死而惡生也。亦謂得從文山疊山異代同遊于事畢矣。獨惜臺下之經綸仁厚。可稱一代名賢。後世不察。猥云與張宏範魏天祐比倫。不重可歎。息乎哉。謂某散兵在先。歸隱恐後。可以覲覲。賒死殊不知散兵者。憫斯民之塗炭。歸隱者念先世之暴荒。謬思黃冠故里。負土成墳。然後一死以明初志。原非隱忍偷生。自留賒死。何期擁兵則歲月猶存。解甲則旦夕莫保。箕山不有安瓢。而潁水弗能高枕。身爲纍囚。貽笑天下。是某之忠孝兩虧。死難塞責者矣。臨難苟免。非我本懷。偷存視息。更何所待。今羈留旅邸。被累賓從。並膺鑕鍊。以日爲年。生不如死。伏冀臺下立賜處決。俾某乘風馭氣。翱翔碧落。或爲明神。或爲厲鬼。是誠臺下大有造于某也。不則某當追隨首陽之後。塵必不俟炎午之生祭。母以

館伴者不善調制而譴及之幸甚。

張蒼水全集卷四

冰槎集

子房報韓論

案自此文以下皆年月無可考者彙爲一卷黃節識

自古稱張良始終爲韓。先儒論之詳矣。今世之

正氣集本無之字

事。僞。庭。者。多。借。此。以。無。以。字。

爲口實。以口衷。

正氣集本作口口

固嘗

章刻本

驅賊。遂以沛公亡秦。子房事漢爲擬。噫。何其不。

倫之甚也。夫子房在韓。未嘗通籍而仕也。特以五世相韓。散金結客。於時六國已無餘。

燼矣。博浪一椎。不過舒其憤鬱。無聊之氣。豈謂其必能碎祖龍之車哉。藉令偶中。而扶。

蘇尙在。蒙恬輩皆宿將。咸陽之火。固未可覬覦也。迨副車誤擊。下邳潛遊。子房之

章刻本無

之智勇。亦幾交困。然而鎬池壁返。羣雄並起。而無

章刻本無而字亡秦。子房更出而將。

本有遊字。

章刻本

地。與沛公遇于留。以兵屬焉。韓尙未有王也。迨沛公至薛。與項梁共。

立楚懷王。子房求得韓諸公子。而曰橫陽君成賢。說梁立之。子房遂以韓司徒。狗韓地。

其從漢入關。懷王命也。

章刻本於略地下作求得韓公子成而遂以兵屬沛公

夫亡韓。

者。秦也。亡秦者。楚與漢也。子房仇秦。則欲亡秦。欲亡秦。則必德亡秦者。若是乎。子房德。

楚則宜事。楚德漢則宜事。漢何必韓公子。又何必韓司徒乎。且韓王成不過諸公子。非

眞當立者。而子房卒相之。欲偕之國。嗟乎。斯其所以爲章刻本無報韓也。及羽留韓王於

正氣集本無於字彭城。弗章刻本作勿遣。而韓司徒不得不徘徊於漢正氣集本無於漢二字。以觀其變。觀史

載漢王歸國。章刻本無國字子房送之南鄭。辭歸。勸以燒絕棧道。此時雖爲畫策。章刻本無雖爲畫策四字

尙未委贄於漢。正氣集本無於漢二字也未幾楚竟廢章刻本無廢字殺韓王。子房間行歸漢。于是不得

不以仇秦者仇楚。既仇楚不得不借漢以滅正氣集本作疾楚。楚既章刻本無既字滅而韓竟無後。正氣

集本無此八字然子房終不欲用於漢。乃擇留以自謝。辟穀以章刻本無以字自詭焉。然則楚不留正氣

集本作殺韓王。子房固不爲楚用。楚不殺韓王。子房亦安肯爲漢用耶。或者曰。子房嘗阻漢

立六國後矣。爲韓者固如是。章刻本作此乎。正氣集本作耶抑知漢王還定三秦。已無公子成

矣。襄王孫信。又齷齪不足輔。章刻本無此十字使酈生計行而漢益弱。漢弱而楚終不得滅楚

不得滅而韓仇終不可報。子房之爲漢。蓋有大不得已于其間者焉。至于我明則大異

于是當闖賊之犯闕也。烈皇帝身殉社稷。所陷沒者不過秦晉燕薊耳。非若三韓之盡

折入于秦也。有子房者在。必倡大義于天下。較沙中椎正氣集本作狙擊之無之字功相萬萬

章刻本萬祇一字

也。況天潢之在東南者何止一公子。成金陵。擁立以至閩越。推戴中原。章刻本作

正統方與日月爲昭。彼中原士大夫者。章刻本無者字卽不爲子眞歸闕。而四皓可攀。卽不

爲仲連蹈澠。而兩生可趾。獨奈何甘。正氣集本無甘字以衣冠之族爲左袵。正氣集本作口口驅策哉。

夫口曾。正氣集本作口口固我屬夷。正氣集本作口口也。一舉而踞北都。再舉而竊南紀。共主蒙塵。宗藩

化碧而亂臣賤子。顧曰彼沛公也。亡秦者也。我子房也。報韓者也。則是闖賊得比秦始

皇而沛公實殺韓公子也。則是子房當事。楚霸王而口曾。正氣集本作口口可稱漢高。正氣集本無高

字。帝也。嗚呼。誣子房矣。

李陵論

世以李陵報蘇子卿書。出自史遷之筆。蓋遷欲掩其保舉之失。而所云欲得一。章刻本無一字

當以報漢者。陵則無有也。余謂不然。今觀其。章刻本無其字河梁諸什。未始不歎風波之失。所

而流離感慨。無一。章刻本無亦字愍漢之詞。是亦。章刻本無亦字豈遷所僞製耶。卽就陵當日之事而

論之。方陵之出塞也。初非疆場不靖。正氣集本作靜而亭障失守也。武帝特。章刻本作時欲示威于

四夷。故窮贖其兵。千里而趨利。陵不過一偏裨。提不滿五千步卒。深入沙。正氣集本作荒漠。殺

傷相當。而又鮮飲飛貳師爲之後勁。其勢固已危矣。迨矢盡力竭。

正氣集本作持

而後降。志亦

大可哀也。

正氣集本作矣

夫陵之罪在不能死耳。與棄師辱國者稍有間。與事仇噬主者更有

間矣。而漢連坐之不少貸。則安望陵之

章刻本有不字

能爲朱序哉。設令漢武聞陵之敗。臨軒

而歎。側席而思。爲之恤其母。撫其孥。或誤傳陵已死事。更爲招魂以祭。

章刻本有之字

卹

馳字典以贈之。陵雖犬豕。當必悔恨。

章刻本愧悔

自裁矣。敢忘漢恩德哉。夫何功罪之

正氣集本章刻

本無

不明。陵卒以族母怪乎論者。

章刻本有之字

謂漢少恩也。倘陵而心懷逆節。

章刻本有夾注元校一作

德五

氣結重誅。或教匈奴以犯。

正氣集本章刻本作盜

邊。或引華人

以助虐。不特子卿故節難留。

雪。而匈奴十萬控弦直可。

章刻本有以字

長驅中土。

章刻本作原并有夾注元校一作土五字

豈僅僅烽達甘泉。

而已哉。然陵于子卿之歸國。纏綿反覆。贈之以詩。而曰陵之罪上通于天。其亦可哀也。

已。夫陵當漢盛時起偏裨。提孤軍出遠塞。戰敗而降。漢若九牛亡一毛。

正氣集本章刻本無此七字

其族屬輒蒙顯戮。當世

正氣集本作日

士大夫無一言爲之

章刻本無之字

辯解。惟司馬遷稍稍言之。

乃以爲爲陵游說。

正氣集本章刻本無此七字

遂下蠶室。

正氣集本章刻本作而亦下蠶室

此足見國憲之有常。而

軍律之不可道也。假使陵荷節鉞之重。會匈奴。張玉關淪陷。漢家埽境內甲兵。以託

陵。不。幸。而。被。圍。遂。倒。戈。解。甲。屈。膝。僞。庭。則。其。罪。居。何。等。也。又。使。陵。受。賜。卹。之。殊。恩。冒。祭。
饗。之。異。數。而。乘。潢。池。弄。兵。反。戈。相。向。覆。漢。之。宗。社。毀。漢。之。衣。冠。甚。至。牽。犬。羊。以。
芟。薙。漢。之。子。孫。黎。民。則。其。罪。更。居。何。等。也。由。是。觀。之。陵。之。罪。不。當。未。滅。而。平。反。
之。也。哉。雖。然。刑。者。酬。也。一。成。而。不。變。故。君。子。用。心。焉。春。秋。之。義。美。召。陵。城。濮。者。
深。內。夏。外。夷。之。防。也。怒。仲。遂。季。友。者。甚。亂。臣。賊。子。之。辜。也。明。乎。此。則。知。我。之。所。
以。論。李。陵。矣。

陳文生未焚草序

祖。龍。一。炬。六。籍。煙。飛。然。博。士。掌。故。猶。未。焚。也。迨。咸。陽。三。月。火。而。經。史。無。餘。燼。矣。乃。後。世。
不。罪。羽。章刻本而。罪。政。何。哉。殊。不。知。樞。不。蠹。章刻本流。不。腐。文。章。一。道。獨。存。章刻本陳。陳。
相。因。毋。甯。付。之。祝。融。章刻本有。氏。字。之。爲。快。也。究。之。秦。皇。焚。書。而。書。存。漢。儒。窮。經。而。經。亡。嗚。呼。
是。豈。焚。之。罪。也。哉。況。乎。風。雅。之。林。日。趨。于。新。而。動。輒。刻。劃。開。寶。步。趨。慶。歷。譬。之。寒。灰。其。
能。復。然。乎。夫。焦。尾。之。桐。出。爨。而。宮。徵。始。發。火。流。之。布。經。焰。而。色。澤。彌。新。物。固。有。待。焚。而。
成。其。貴。者。矣。胡。陳。子。文。生。則。又。以。未。焚。草。名。篇。吾。知。之。矣。年。來。烽。舉。燔。燹。章刻本奚。啻。

秦楚之際。幾疑此日乾坤。劫火洞燒。而文生夷猶其間。每遇名勝。輒欲焚魚。凡經倡和。都令焚硯。一吟一咏。簇簇能新。若鑽燧槐榆。遞相代換。章刻本非未焚也。蓋有不可焚。章刻本在焉。余因謂文生。法言有之火滅修容。戒之哉。火攻固出下策矣。

僧履端詩序

世之關佛者。率以

章刻本作謂

浮屠氏爲外教。而瞿曇氏亦往往逃於枯空。謂不如是則非

禪也。然東林思

章刻本作惠

遠。白社風高。未嘗不陶情吟嘯。則詭於禪之外。非禪而拘於禪

之中。

章刻本作內者

亦非禪也。夫善易者不言易。今使進禪而賦詩。而字摹貝葉。句

勒曇花。則亦偈而已。何名爲詩。夫詩本性靈。

章刻本無而字

禪理何如。而微吟高咏。絕非枯空

潑地者。此卽禪機也。普陀端公者。吾未知其

章刻本有於字

禪理何如。而微吟高咏。絕非枯空

者可比。彼豈欲以詩名鳴哉。母亦禪機所觸。不禁其灑灑洋洋矣。余偶得其數什。而諷

之。固無貝葉曇花風味。以是知端公能超於禪而不拘於禪者也。端公之師朗公。有秋

興數十首。清微婉淡。業剏剏傳世。

章刻本有而字

端公復能繼其宗風。真不愧

章刻本有爲字

傳衣鉢

章刻本無鉢字矣。是爲序。

梅岑山居詩引

從來儒墨分席。然詩律可通於禪。禪鋒每寄於詩。是何以故。蓋詩家格律甚精。不避空虛三昧。而禪家機鋒相觸。原具風雅三摩。故禪有覺。而章刻本無而字。詩亦有魔。而詩稱聖。禪亦稱聖。超悟者本無殊趨也。芥舟上人。以遠公宿根。得生公妙解。振錫名山。玄風掩曖。禪悅之餘。遂成梅岑新咏。騷耶。偈耶。讀之如坐光明藏矣。是使騷人雕風鏤月。總是章刻本似本作拈花。釋子說乘參宗。無非夢艸。提起法幢。高翻章刻本作抵翻騷。直疑大士現身。豈僅老僧饒舌。則滿恆河章刻本有沙字。皆詩也。滿恆河章刻本有沙字。皆禪也。有聲聞者。當作如是觀。即無色相者。亦當作如是觀。

答毛參軍書

案章刻本謂毛檢討別傳云。保定伯毛有倫。軍云。予

鼓琴進托末族。保定將官。而江上之事。去遂亡。匿乃自謂。曾預義師。辭暨軍之命。皆鳥有也。已而江上之人。有怨於保定者。其事連及西河。亡命良久。其三年丙戌。江上師潰。其時蒼水方奉使閩中。為事。以其時致之順治三年。戊戌。江上師潰。其時蒼水方奉使閩中。為事。人安有縉紳交。權事。然或以書中池魚市虎之言。有似於保定之怨。而連及西河者。則或以為毛。卽西河。今姑存疑。黃節識。

蓋聞赤驥騁衢。跡弛章刻本固章刻本難御。青蠅玷璧。磨濯則重晶。日者貴督主樓船。

襄義知雨謀雲。不佞縞紵交懽。昆金友玉。豈惟左提右挈。方將北伐南征。慘此

章刻本

先鞭。洵

章刻本

愧同舟碌碌。瞻彼後乘。每懷記室翩翩。爰聞留後之司。遂違師中之吉。

老謀壯事。詎意星殞前營。重地孤軍。亦幾珠沈滄海。迨蘇武生還之日。正鄒陽見收之期。禍及池魚。知欲甘心於往事。疑成市虎。恨莫緩頰於當塗。幸而照起覆盆。愈覺悲深。挂劍。乃琅玕遠賁。綺縠遙抒。吟華屋之篇。益信羊曇於今日。拜景升之墓。難忘伊籍於當年。但叢薄蕭蕭。豈托搏風之翼。而行潦涓滴。何煩興雨之鱗。若儻油幕從容。仍恐鹽車困阨。伏希台照。曷任神馳。

祭平夷侯周九苞文

嗚呼。天荒地老。達人每等視於電光。琴亡劍化。哲士或寄慨於星芒。然而菀枯者旦暮。修短者陰陽。委形順命。夫何用其悲涼。獨廢興存亡之感。交切于中。而不能自解者。其在公之喪。蓋公之勛名。如橫海下瀨。則英威不可謂不彰。公之壽考。幾營平新息。則景福不可謂不康。公之胤嗣。如瓊枝玉樹。則承家不可謂不昌。公之部曲。皆鐵膽石腸。則報國不可謂不莊。惟是鯨鯢雖靖。而中原之虎豹

章刻本

尚狂。帶礪雖盟。而中興之旄。

鉞誰張。

章刻本
作勳

奚不慙遣元老。以九合而

章刻本
無而字

一匡。而遽騎箕尾以上翔。此則慰公

者高爵希齡。令名完節。而所以惜公者。未及搏風細柳。捧日扶桑。卽公之當自惜而不

能自慰者。猶有遜於銅柱之平蠻金城之平羌。鹿鹿如余。列公之盟。

案此處應
有缺字

亦謬稱

雁行。冀公之義旗。

章刻本
作或

庶幾鷹揚。忽聞舟壑之移。不禁悽惻而涕滂。愧行營之既

章刻本
作羈

阻。弗克執紼以趨跽。敬遣一介。陳詞而告奠兮。聊寫予之悲。

章刻本
作盞

傷。倘炎輪

之非

章刻本
作匪

遠兮。尙來格乎椒漿。

自用研銘

據拓本
本章刻本

案此銘爲正氣集
所未收黃節識

投鼠支牀。幾經磨劫。堅貞不渝。何嫌破裂。佐我揮濡。長此昕夕。

張蒼水全集卷五

奇零草

賦贈翁永年中翰燕爾之喜丙戌以前

豔陽玉樹正堪攀。一捻桑枝翠幙間。賦就梅魂誰競爽。唐來柳絮自幽閒。鸞回欲寫輕蛾樣。燕婉偏諧小鳳斑。最是流蘇春暖夜。餘香疑傍御爐還。

間居

案趙譜云此詩疑作於甲午亦無確據黃節識

揮手歸鴻望已乖。風塵依舊兩芒鞋。人居間處非佳境。事到難時且放懷。無限興亡看越絕。何妨奇怪說齊諧。孤踪轉覺支難甚。一任蒼苔自上階。

贈盧牧舟大司馬

自昔公爲兵使者。於時我作上書人。鑑湖一曲皆棠樹。碧海重逢並葛巾。劍氣終當開日月。履聲早已傍星辰。并州正有來蘇望。忍說桃源可避秦。

郭聖竑過訪出詩見示依韻酬之

誰云仲蔚長蒿萊。白板雙扉隨意開。掃石我饒籠翠輿。磨嵐君擅草玄才。杖頭時掛千

峯月篋裏爭鳴萬壑雷。自是主人能慰客。頓忘鴻鴈已南回。

步韻贈別朱子成

如烟芳草色還飛。有客乘槎欲賦歸。拂袖曾經罷醴未。鳴榔倘章刻本作尙爲弄濤非。蒼茫越劍龍文暗。慘澹燕臺駿價稀。若到會稽應大笑。朱君那得老鳧磯。

間行雜感

鍊幢纔解又芒鞋。姓字章刻本作氏逢人且自埋。夜踏巉巖驚伏虎。朝披霧露避羣豺。乾坤

蒼莽章刻本作茫投金瀨章刻本作灘徑路蕭條章刻本作涼阻玉階。贏得風衣兼雨帽。相看不舊似

形骸。章刻本有自注茫音莽灘音炭八字

一椎可奈誤秦車。蕭瑟秋風圯上書。伏匿那能忘鍊馬。潛遊猶覺負銀魚。荒村雲擾難欵枕。單衲霜深已敝裾。總是姓名隨地變。任呼牛馬亦何如。

春江花月夜值微雨限韻

春光何處不迷難。江月江花帶雨時。玉暈浮波千萬里。檀痕浸水兩三枝。人行濛濛清輝濕。天入滄浪翠靄奇。若使扁舟乘夜去。暗香疏影更相宜。

白燕章刻本有次友人韻四字黃節識

燕燕何來素質稀。寒光曉曉正熹微。唧泥自合栖銀蒜。掠水分明曳縞衣。月滿空梁偏失影。雲封舊壘倍生輝。羽毛自愛天然種。不傍尋常王謝飛。

和中峰韻題友人畫像

章刻本作題某畫像和中峯韻黃節識

一泓秋水剪瞳神。紺髮纒纒看逼真。冰雪聰明林下客。烟霞色相畫中人。騷魂取次宜呵凍。道貌由來欲避塵。却笑化工難免俗。半留綺語到陽春。

招趙友飲禪院

清酒今朝買百壺。擬邀佳客醉屠蘇。玉山倒處人爭看。可有連城一壁無。

泊馬蹄壘戲成丁亥

問馬蹄。春風陌上走銅鞮。誤被秦皇驅入海。玉勒金鞍不敢嘶。龍媒自是波間種。何用天閑錦障泥。

笑馬蹄。骨亦千金志千里。追風逐電何處來。却與鯨鯢鬥江水。安得飛騰去渥注。依然負圖獻天子。

妬婦津

妬婦死津頭。津亦名妬婦。少女相經過。風雨不得渡。或爲蓬垢顏。竊恐逢彼怒。古云。甯倉庚可以療此癩。惜哉。彼婦愚雖死。猶弗悟。

壽鮑淵張相國

扶桑之國蓬萊鄉。日月所胎生。氣長遙與九峯三泖接。神仙窟宅天地房。乃有格人降

箕宿。兵甲胸藏。

章刻本作羅胸

腸篆籀。鳬鳥先從闕下飛。鷹冠獨向殿中騾。天佑膚公爲洗兵。

朱旂玄鉞仗南征。日轂朝扶辰極正。星鉞夜掃彗躔平。乾坤有待銅馬帝。制閭旌旄橫。

海濟蚩尤欲殄夢。吹塵胥靡爰登歌。作礪丹心洞達入荒開。黃髮溫恭萬厦恢。謝棋墅

上時時賭。狄李蹊遙處處栽。先生花甲今復始。考擬中書二十四。鼎內和羹手自調。焉

用金鹽與玉豉。况對仙山咫尺間。徐市曾尋章刻本作傳大藥還。避莽子真丹井在安期。醉

墨桃花斑。卓哉先生能壽國。鼇柱孤擎章刻本作撐挽百六。虞淵倒景浴咸池。上台含曜融

寒谷。君不見吾家三戟世。

章刻本作考

風流杖履從容燕子樓。自是綸扉同瞰蔗。何須海屋

別章刻本作復

添籌。又不見漢興正賴子房策。封留高蹈求黃石。世間更無却老方。不朽功

名綿史冊。宗風千載。先生存。轉軸旋樞。裕後昆。婆娑彌覺。朱顏駐。園綺衣冠。安足論。

僕還

僕貞良不易。旅瑣更爲難。已任辭韓去。還同戀棧着。章刻本敝帷原有待。墮履未應拼。作衣自是無銀鹿。猶勝形影單。

飲酒

世事驚心強自娛。蕭條旅館日提壺。嘗言諸葛眞名士。猶作高陽一酒徒。座上何須分雅俗。杯中原不入榮枯。且將章刻本杖策春陵去。王粲登樓賦有無。

弔熊雨殷相公

案海東逸史熊汝霖傳戊子元夕爲鄭彩所縛投之海中此詩列之丁亥謝山殆誤黃節識

鳥章刻本飛夾日勢排空。蠻觸云何又伏戎。半壁雄才終抱石。三台殺氣已成虹。高名未許容周顓。正色繇來忌孔融。猶憶錢塘留戰血。至今春草帶殘紅。

海上觀燈限刪咸二韻

案此二首爲章刻本所無黃節識

島嶼微茫午夜間。魚龍曼衍出塵寰。蘭缸射水翻星漢。蓮幕傳烽破玉山。香擁虹橋千里外。芒寒蜃市九霄間。遙憐歌舞長安地。銀鑰今宵自不關。

極目滄波明鏡函。火珠獨見燭龍啣。鮫人夜貢珊瑚樹。雲母春開錦繡帆。金谷未須誇富貴。瑤池應不隔仙凡。自來三五傳柑勝。豈惜霞觴付酒監。

寄張書紳時聞在越

雁到寒沙一片秋。聞君猶作下邳遊。江山雄視渾綿叢。湖海輕裝只蒯緱。醉後諫書多逐客。愁中詩史盡離憂。赤城霞起章刻本作氣今依舊。何必衣冠禹穴求。

七夕前十日贈少年合羣

玉渦檀暈自生妍。綠幘青鞵正少年。恰是雙星銀漢渡。風流却占一旬前。

蘭湯浴罷不勝衣。一曲菱歌百轉歸。自是合歡憐子

章刻本作口

夜玉山對倚照羅幃。

章刻本自

玉字下俱作口

舟行阻風口號二首

十載曾經犯斗槎。天門昨夜特宣麻。乘流只恐排闥闔。故遣長鯨鬪浪花。勅水鞭潮勢自雄。此身原不畏蛟龍。明朝鷁首還東指。禁得誰擲萬里風。

九日陪安昌王黃肅虜虎癡張定西侯服張太傅鯢淵朱太常聞玄徐給諫闔公

及沈公子昆季登鎖山和韻

鼇背霜寒菊目開。欣看萸佩宴吹臺。尙書履近東山駐。大將旗聯西府迴。香冷金華雙使至。秋明玉樹二難來。追陪誰復題糕字。媿向蠻坡問筆才。

丁亥留節潯城同諸公行長至禮

幾年臥節夢金鑾。綿叢猶班舊握蘭。葭管初開周甲子。葱珩聊章刻本作重見漢衣冠。嵩呼恍覺爐香近。海曙還疑扇影寒。惟有臣心冰雪淨。章刻本將綵綫續雙丸。

溪行二首

扶筇到處見山晴。峯色溪光次第迎。滿徑莓苔人語靜。畫眉宛轉兩三聲。小立寒林意獨醒。清泉石竇自泠泠。撥雲更望前溪去。樹底飛來一片青。

元旦步張太傅韻

戊子旦步張說案章刻本作戊子元

椒花幾度頌千春。惆悵瞻雲祇遠臣。海國尙留圖章刻本作桑版舊山家。又見柳條新。三年噉雪雙蓬鬢。萬里乘風七尺身。賴有老臣章刻本作成持劍履。相看端笏對楓宸。

懷古二首

我懷申大夫。哭秦卒。復郢人定。能勝天。一言重九鼎。亦有張長史。唐室賴藩屏。富其語。江中籌畫先。井井古人秉。忠貞謀國無微倖。操此左券言。勳名終彪炳。如何通播臣。智勇不得聘。廢興甯有運。吾欲訟青冥。

雲本依龍翔。風亦附虎烈。古來王佐才。遑遑待

章刻本作得

聖哲。白水產真人。乃能顯高密。

先主自梟雄。隆中願蕩滌。卓哉一臣靡。赤手挽禹厓。澆泥既迭生。郭灌且並滅。君方娠有仍。臣也奔有鬲。國亡四十年。興滅復繼絕。祀夏伊誰功。萬古冠臣節。

感事四首

箕子明夷後。還從微外居。端然殊未恪。終莫挽殷墟。青海浮天闊。黃山列地虛。豈應千載下。摹擬到扶餘。

聞說扶桑國。依稀弱水東。人皆傳燕語。地亦關蠶叢。筆路曾無異。桃源恐不同。鯨波萬里外。倘是大王風。

田橫嘗避漢。徐福亦逃秦。試問三千女。何如五百人。槎歸應有恨。劍在豈無嗔。慚媿荆蠻長。空文採藥身。

古曾稱白狄。今乃紀紅夷。蠻觸誰相鬪。雌雄未可知。鳩居粗得計。蜃市轉生疑。獨惜炎洲路。春來斷子規。

和肅虜侯黃虎癡承制頒歷韻

案全譜此詩繫之丁亥而此編繫之戊子黃節識

駿馭遙巡斷赭鞭。孤臣頻歲紀星躔。曉籌冷落雞人唱。寒管驚回龍子眠。舊放梅花知漢臘。新添莫葉是堯年。義熙何用陶潛載。日月中天正朗懸。

送黃金吾馮侍御乞師日本

案趙譜乞師日本乃戊子事全譜繫此詩於丁亥而此編繫之戊子黃節識

中原何地作章刻本作足依牆。惆悵徵師日出方。龍節臥持多斧客。魚書泣捧豹衣郎。黃河北去浮青雀。滄海東回獻白狼。佇聽無衣萬里外。繡弧應復挂扶桑。

追輓屠天生兵部

案章刻本無兵部二字又案天生死於戊子翻城之舉此詩全譜列之戊子而題爲追輓則不能決其爲是年作也黃節識

雉壇曾記探陰符。共挽天戈指羯胡。我似魯連還抗節。君爲翟義竟捐軀。旄頭應避祁連冢。七首空藏督亢圖。歸去延陵須挂劍。只愁零落是楷模。

天生原配投繯殉夫臨終有詩

碧血流乾滄海塵。深閨誰是未亡人。曾聞脫珥都忘緯。豈惜磨笄并化燐。苟女當章刻本作

尙
慚珠未碎。明妃莫怨玉難春。臨危猶作離鴻調。字字遺丹在縞巾。

輓楊瑤仲廣文

澤國由來已墮天。敢云補闕有青氈。欲逃東海波難挽。縱餓西山蕨。章刻本亦羶屋上作薇幾時曾集鵬。堂前從此不升鱣。相遭猶記言珍重。豈意歸吟薤露篇。

輓華吉甫明經

魚檄纔傳身已危。英魂烈骨任披離。華夷兩字書生辨。節義千秋史氏知。逝去玉樓堪作賦。投來鐵匣尙留詩。更聞鍛鍊神偏壯。慷慨如歌易水辭。

輓楊辛石侍御

避莽爭誇漢兩龔。逋臣浩氣正如虹。何期士雅鞭先着。轉覺賓王檄未工。華表應歸千載鶴。夜臺誰騁章刻本作避五花驄。獨憐江左風流盡。禾黍依然滿故宮。

侍御室人從容就義

何人重上望夫山。血影模糊不可攀。漆室有憂曾曳綯。崩城無計竟投縵。沈來婺彩光猶映。揮到湘筠淚自斑。多少鬚眉巾幘態。却留彤管嘆紅顏。

輓董若思明經

昨夜貪狼照越軍。蚤嗟玉折與蘭焚。孤臣錯擬清河客。力士空求滄海君。函谷丸泥封未得。豐城劍氣杳難分。悲歌不獨爲姻婭。雁影遙天奈失羣。

感懷

滄江一臥已心灰。避地何人賦七哀。欲遣新愁悟後去。翻招往恨醉中來。六橋歸夢催衰柳。五月寒巖聽落梅。擬欲冥鴻差章刻本强意回看半髮又徘徊。

浮名世上長蓬心。我自商歌獨抱琴。流水非因鍾子調。陽春只合郢人吟。乾坤大抵分王霸。治亂由來半古今。轉悔十年塵事拙。不如章刻本經濟在山林。

寄紀石青年文

歸帆一挂鷺江濤。紫氣南迴望轉高。關塞羽書偏間隔。乾坤蓬鬢正蕭條。山中到處巢玄鶴。海外何人釣巨章刻本鼉。極目寒雲空在章刻本抱。不知鴻雁爲誰勞。

賦得相逢俱是歲寒人

相逢俱是歲寒人。遲暮偏驚搖落辰。鴻雁接天關塞影。漁樵滿地雪霜身。論交四海慚

兄弟抗節。千秋泣鬼神。此日炎趨應不少。道旁裘馬正紛綸。

輓董天鑑孝廉二首

三策天人罷董生。誰憐日馭已西傾。遊從麋鹿身將隱。識應龍蛇意未平。晉代猶留靖節謚。漢家原重孝廉名。卽看墓石封題處。尙有賢書是大明。

入洛衣冠江左餘。逋臣肯復待公車。風雲早冷三鱸兆。日月長懸五馬居。孝廉先人官州刺史章刻本無此八字。結客黃金良不易。修文白玉竟何如。茂陵今日皆禾黍。遺草空留封禪書。

南國

案此首爲章刻本所無黃節識

雲肥大澤正高秋。南國旌旄何處留。良會偶逢偏易失。好音頻致恐終浮。海中似有金銀闕。域外曾無麟鳳洲。祇惜漢家懸異數。每將白馬誓王侯。

黎大行瀕行以途窮爲恨賦詩見示仍用前韻報之

案章刻本作送黎大瀕行報字作答黃節識

柳色河橋弄晚陰。臨歧攀折思偏淫。乍來紫氣原干斗。此去皇華爲漑霖。殿上未歸和氏璧。橐中誰賜陸生金。飄零莫漫愁書劍。六傳平驅正在今。

海月

海嶠看明月。蒼茫練影多。不知鄉國夜。皓魄復如何。

夜泛

秋雲何淡淡。影入夜波清。倒作銀河看。依然星斗橫。

舟行望野燒

朔氣偏蕭瑟。千山落木聲。征帆殘燒外。隱隱見孤城。

余自丙戌蹈海奉違家君定省已四載矣茲當待罪軍旅每一念至爲之黯然

己丑

獵犬年年急羽書。飄零子舍竟何如。不因閫外驚投袂。那見庭前嘆絕裾。燕語空梁泥自落。鵲啼細柳血應枯。遙知今夜關山月。獨照龍鍾人倚閭。

鐵衣何事換斑衣。朔雪炎風歸未歸。莫慰兇觥娛晝錦。聊憑龍盾報春暉。停雲轉悔辭家易。夾日還慚補章刻本國微。記得青箱多舊訓。丹心半髮敢相違。

勸農遇雨時余屯兵山寨

濃雲似墨滯行旌。點染春郊最有情。話到桑麻風自古。災餘草木雨還生。土龍不用胡

僧。呪。竹。馬。偏。喧。稚。子。迎。烟。火。幾。家。寥。落。盡。空。山。布。穀。一。聲。聲。

弔肅虜侯黃虎癡

庚寅案斌卿被殺於己丑之八月趙譜此詩繫己丑章刻本繫辛卯全譜與此編繫庚寅黃節識

百。年。心。事。總。休。論。墮。淚。憑。看。石。上。痕。竹。帛。早。應。傳。魏。勝。河。山。終。不。負。劉。琨。當。時。杖。履。知。何。在。此。日。衣。冠。賴。孰。存。一。自。將。臺。星。隕。後。胡。塵。天。地。尙。黃。昏。

悲憤二首

案此二首爲章刻本所無黃節識

越。裳。行。闕。復。爲。烽。痛。哭。數。天。左。祖。空。結。約。更。無。燕。太。子。匡。扶。那。得。寶。周。公。祚。移。雲。夢。誰。收。燼。勢。存。微。盧。亦。伏。戎。豈。是。十。旬。還。帝。醉。故。教。三。日。借。神。叢。漢。家。磐。石。重。天。宗。奕。葉。金。枝。並。剪。桐。入。塞。烏。孫。驕。射。日。開。基。赤。帝。冷。歌。風。虛。傳。馬。渡。江。阜。外。尙。憶。龍。潛。海。嶠。中。却。望。絳。衣。愁。不。見。春。陵。夜。夜。氣。成。虹。

朝議以諸勳鎮積苦行間宣勅慰勞余益不勝疎逖之感焉

中。朝。新。復。下。追。鋒。爲。問。神。州。息。戰。烽。漢。將。自。驕。黃。石。法。胡。人。尙。畏。紫。泥。封。但。留。

大。義。垂。千。古。敢。望。虛。名。到。九。重。稍。待。鑾。迴。掃。境。後。五。湖。烟。雨。儘。從。容。

自嘲

章刻本作存

年華一擲三十餘。對鏡鬚眉復何如。鄧禹殊有封侯骨。虞卿空留解相書。不貪雞肋猶爾爾。徒羨驥尾亦區區。若待功成始歸去。溪山主人笑我愚。

鹿走弗逐自復戲成

案弗章刻本作忽章炳麟注云忽疑當爲勿應是傳鈔之譌以此本爲正黃節識

失鹿何曾得鹿期。重來豈獻牡丹枝。隍中蕉葉章刻本作口原非夢。爲待仙人夾穀隨。

旅愁

故園花候又辛夷。夢自惺忪涕自洟。雁去燕來相笑語。何年客子是歸期。

卜天種晝寢戲成

新秋蕭颯北窗涼。一枕羲皇夢亦長。試問漆園蝴蝶影。可曾逆旅鬧黃梁。

建夷宮詞

十首案刻本無建夷二字當是傳鈔時削之耳黃節識

平明供奉入彤闈。亦舞霓裳唱羽衣。千騎驂驪知侍章刻本作侍獵。揮鞭馳道擁明妃。

盤龍小袖稱身裁。馬上雕弓抱月開。太液池邊金彈落。疑從紫塞射鵬來。章刻本此首次第三

義殿春寒乳酪香。近臣偏得賜新嘗。老璫不解駝酥味。猶道天厨舊蔗漿。

弓靴椎髻儼天魔。胡女宮粧新樣多。醉捧官家還笑問。燕支山色近如何。

朝罷。瞿。雲。次。第。迎。內。廷。深。處。說。無。生。不。知。鸚。鵡。能。胡。語。偷。向。金。籠。誦。佛。名。

十部黎園奏尙方。穹廬天子亦登場。纏頭豈惜千金賞。學得吳歌章刻本作歛進一觴。

上壽觴

章刻本作稱

爲合卺尊。慈寧宮裏爛盈門。春官昨進新儀注。大禮恭逢太后婚。

掖庭猶

章刻本作又

說冊闕氏。妙選孀閨作母儀。椒寢夢回雲雨散。錯將蝦子作龍兒。

六曹章奏委如雲。特敕新書翻譯聞。笑殺鍾王空章刻本作多妙筆章刻本作楷而今鳥跡是同

文。

玉几憑來顧命新。負扆聞道有家臣。從今賭却鑽刀呪。不信華人信滿人。

張蒼水全集卷六

寄零草

述懷二首 辛卯

王室方板蕩。萬里颺悲風。

章刻本
作颺

南紀亦滔滔。島嶼有羣雄。

章刻本
作若

羣雄苦不成。歲月

坐冰融。五侯并九伯。化爲蒿與蓬。樓船出閩越。軍聲正及鋒。金符剖異數。玉牒綴強宗。

匪云優晉錫。所以厲康功。孤臣懷共主。髣髴五雲封。九關踞虎豹。閭闔不得通。迴棹天

漢際。躑躅倚王公。顧念命卿微。一旅甘附庸。蒙恥期匡濟。敢言塞匪躬。但慮踪跡異。復

慮踪跡同。悠悠千載下。誰更想孤忠。

弱齡尙遐異。辟穀慕青鸞。骨肉相驚涕。時復勸加餐。因緣誤煙火。塵鞅日以攢。上書獻

天子。索米走長安。義和忽西匿。烽燧起樓蘭。萬古有綱常。肯爲興廢寬。橫戈希雪恥。屹

柱誓迴瀾。原軫富貴氣。終鮮妻孥歡。蕭然世外味。曾無九還丹。仙靈重名教。忠義固其

端。所惡精已搖。何以生羽翰。神靈尙章刻本
作理尙不滅。無勞白玉棺。

辛卯春暮鮑淵相國招賞玉樓春向晚更酌漫賦

二首

案章刻本題目無辛卯
二字春暮下有張字黃節識

曲江花事已闌珊。春富名園色可餐。香韻乍經羞後見。風流恰向醉中看。不妨豔質偏叢綠。却羨芳心自握丹。小雨疏窗遙望斷。輕綃低護絳雲團。

看花相對數花籌。綺谷偏宜清夜遊。欲比酒容來葉底。頻疑燈影上枝頭。粧殘蓮粉精神別。夢入梨雲顏色浮。暮靄迷離渾一片。湘簾挂處隱朱樓。

端陽喜雨呈張相國

案章刻本此詩列之己丑又題目張字下有鮑淵二字節案海東逸史已丑十月肯堂至舟山始晉太傅端陽時不得稱

相國且未至魯當從此編列之辛卯黃節識

海國懸符爲辟兵。驅來雷檄又縱橫。中天雨露天中節。半夜風雲夜半晴。繁露何須災異對。商霖原爲相公生。憂民幸慰祈年意。笑把菖蒲泛酒觥。章刻本作鎗

輓張鮑淵相國

二首案章刻本題目國字作公字又有夾注云自注先生諸姬盡殉一孫被囚元校此詩當在辛卯云云又案全譜此詩列之辛卯與

此編合黃節識

一身眞可繫危安。垂死威儀尙漢官。魂返黃墟應化碧。顏留青史卽還丹。千秋共惜遺金鑑。十載何慚戴鐵冠。也識公歸箕尾上。定依日月倍芒寒。
小龍姓字迥無瑕。晚節何如五柳家。欲報君恩餘白髮。祇留相業在黃麻。樓空燕子從

風墜門冷。龍孫帶雨斜。先生諸姬同殉一孫被案章刻本無此夾注一自墨胎歌斷後。華亭鶴唳更堪嗟。

輓朱聞平少宰

二首案全譜此詩列之辛卯與此編合黃節識

風流名節總相兼。冰鑑高從北斗瞻。老去漢臣猶澹莽。歸來陶令未名潛。一官直與夔龍並。七尺甘隨豺虎殲。試向星辰還聽履。炎輪應爲返西崦。極目烽烟點鬢毛。間關已識兩難逃。黍離社稷無薪膽。草昧朝廷有節旄。自許孤忠遺海岸。人悲啟事失山濤。臨風不盡招魂賦。那忍重看舊佩刀。

輓安洋將軍劉胤之

案全譜此詩列之辛卯與此編合黃節識

羽聲落日泣兵殘。斗大孤城獨據難。虎體拚隨朝露盡。龍精空向暮雲寒。數奇偏少封侯骨。力竭惟餘報主肝。歲歲芳洲腥草綠。飛燐猶繞舊登壇。

輓王完勳侍御

案章刻本題目動作助又無侍御二字全譜此詩列之辛卯與此編合黃節識

憶君被褐草間來。慷慨論兵未易才。薄海誰堪師書呂。下江應許畫雲臺。星沈漢壘貪狼耀。風勁胡營戰馬哀。仗劍猶聞歌正氣。心懸陵母亦悲哉。

輓馮躋仲侍御

案章刻本無侍御二字又編在壬寅年後黃節識

一夜烽烟薛鼎

章刻本
作五丈原

文星蚤共將星昏埋肝尙擬扶宗社灑血何辭濺廟門同穴

先悲梁上燕覆巢暗泣峽中猿只今大樹還零落異域誰招馮母魂

瘳仲妻縊子戮母
被沒入故云案章

刻本此十二字在題目下
冠以自注二字黃節識

輓大宗伯吳穉巒先生

二首

案全譜此詩列之
辛卯與此編合黃節識

冰稜玉尺倚容臺一片孤忠天地哀儼爾鬚眉留四皓黯然羣李入三台引年難遂懸
車去逐日徒悲化杖回深負先生歸骨望吳江楓冷鶴還來章刻本有自注先
生吳江人七字

一掌河山亦踐蹂老臣霜雪正盈頭掀髯猶抱滄桑恨扼吭甘從孤竹遊自是澤宮堪
薦俎先生畢命於學宮章刻本此數
字在末韻之下又有自注二字豈無夜壑可藏舟趨朝當日稱先達惆悵生芻何
處投

同姚興公萬美功過訪陳齊莫小酌

回首鄉關北海濱南來猶見故鄉人君因久客翻爲主我亦同仇況比鄰八載滄桑愁
欲老一尊清酒話相親共悲吳楚烽烟急太史占星正聚聞章刻本有自注姚興
人萬楚人故云八字

僞庭卽事

案章刻本祇標國
題二字黃節識

頻年長狄掃黃圖。此日狼星斂角無。石矢未曾賓肅慎。金人猶自祭休屠。雖然下殿當天象。可復穹廬滿帝都。獨笑中華皆婦孺。幾回膜拜捧胡雛。

滌洲行

壬辰案全譜趙譜此詩均列之辛卯章刻本列之壬辰與此編同黃節識

自從錢塘怒濤竭。會稽之栖多鍛翮。甬東百戶古滌洲。居然天塹高碣石。青雀黃龍似列屏。蛟螭不敢波間鳴。虎鬚爭如秦婦女。魚旄半是漢公卿。五六年間風雲變。帝子南迴開宮殿。繇來澤國仗樓船。烏鬼漁人都不賤。堂怡穴鬪幾經秋。胡來飲馬滄海流。共言滄海難飛越。況乃北馬非南舟。東風偏與胡兒便。一夕輕帆落奔電。南軍鼓死將軍禽。從此兩軍罷水戰。孤城聞警早登陴。萬騎壓城城欲夷。礮聲如雷矢如雨。城頭甲士早瘡痕。雲梯百道凌霄起。四顧援師無螻蟻。裏創奮呼外宅兒。誓死痛哭良家子。斯時帝子在行間。吳淞渡口凱歌還。誰知勝敗無常勢。明朝聞已破嚴關。又聞巷戰戈旋倒。闔城草草塗肝腦。忠臣盡瘁伯夷山。義士悉剄章刻本作剄田橫島。亦有人自重圍來。向余細說令人哀。椒塗玉葉填胷井。甲第珠璫掩却灰。而今人民已非況。城郭闕饌跳號甯復肉。土花新蝕遺鏃黃。石苔蚤繡缺斨綠。嗚呼。問誰橫驅鐵襖。襠翻令漢土剪龍荒。安

得。一。劍。掃。天。狼。重。酌。椒。漿。慰。國。殤。

鴻門歌

項王怒。漢王畏。鴻門。

章刻本佚此二字

宴罷鴻溝潰。漢人喜。楚人悲。玉玦謀空玉斗碎。重瞳隆

準兩英雄。天意有興必有廢。成豈噲也一篲肩。敗或亞父疽在背。不殺沛公。豈云誤。此事却有霸王度。當時長者號漢王。俎上老翁不相顧。既無父子。況君臣。三軍縞素爲何人。

贈駱亦至二首

客自涪州至。蕭然野鶴姿。青雲猶冉冉。白雪故離離。混俗原無我。廉頑更有誰。蒲輪指日下。莫漫采江籬。

唐室當中葉。君家有右丞。雄文堪討賊。苦節亦爲僧。蹤跡今相似。遺逢古未曾。會須扶日月。滄海見鱣升。

登湄州

不盡滄浪興。孤洲

章刻本作舟

眺晚暉。海翁稱地主。野父說天妃。舴艋風前出。鑱鋤雨後歸。

侏儻雖未解一笑亦忘機

送萬美功還越時其弟靜齋將赴行在

令弟將南邁。元方又北征。炎荒萬里節。越絕一歸旌。欲聚非麋鹿。難分是鵲鷄。祇應山鬼語。但見送人行。

沈彤菴閣學艤舟南日山遭風失維不知所之雖存亡未卜余猶望其來歸也

案章

刻本章氏識云彤庵卽沈光文號斯庵據埼亭外集及甬上耆舊詩官至太僕卿蓋兼閣學者明制閣學卽知職故後有重經南日吊沈彤庵相國一首斯庵卽形庵之誤云云節案海東逸史沈宸荃號彤庵慈谿人與錢肅樂等迎魯王監國從王次長垣擢兵部尙書東閣大學士復從王至舟山加太子太保舟山破又從泛海抵厦門至金門後艤舟南日山遭風沒於海據此則彤庵相國卽沈宸荃無疑章氏所言實誤黃節識

昨夜驚濤勢轉雄。孤帆何處御長風。沃焦不信膠舟解。博望初疑銀漢通。欲問馮夷愁莫應。倘成精衛恨何窮。章刻本作哀歸當有支機石。豈遂騎鯨向碧空。

送萬靜齋復命行在

聞君攬轡向蒼梧。三月椰花媚客途。星漢初回英蕩節。風流未減繡螭弧。嶺梅見使慙相接。岸柳懷人強自扶。莫怨胡塵連瘴雨。王師傳說下荆湖。

步答萬靜齋留別韻兼以勸駕

經旬客邸正相尋。君去應嗟徑草深。帝子偏安猶半壁。王孫盡報只千金。梁鴻自是難分手。范蠡何堪有隱心。好向屬車勤獻策。楚才莫作楚騷吟。

贈馬爾統職方奉表行在後不果行

頻年北極未迴鑾。萬里朝宗行路難。孝直終當扶蜀鼎。太眞時亦奉劉丸。乘風共聽尙書履。近日應隨御史冠。此去君家銅柱在。長纓好請繫樓蘭。

擬別義陽王

案章刻本譌云南都既破淮撫田仰監軍荆本澈與奄人李國輔共立義陽王以舟師駐崇明沙隆武立後復退居藩位事具朱子素東塘日

劉黃節識

紫橐玄戎事。幾秋傷心忠孝竟何酬。投間肯寄通侯廡。招隱空登學士舟。滄海拂來唯兩袖。赤霄攜去有雙鉤。月明倚下緱山鶴。準擬追陪伊雒遊。

我師圍漳郡余過覘之賦以志慨

溟南見說築金臺。長揖諸侯壁上來。地險分明形似米。天驕竊據勢如鬼。愁登廣武論劉項。倦向梁園逐馬枚。却聽雄風歸楚望。聊當飲至一啣杯。

舟次清明拈得青字

春光客路轉飄零。擬踏平蕪採小青。自覺草生偏入夢。可憐花醉未曾醒。松楸雲隔千峰斷。楊柳煙迷兩岸暝。欲隱尙違慚介子。年年寒食臥江汀。

四月八日過仙洞訪石田和尚

炎鄉白晝苦難眠。也逐孤雲學問禪。行到精廬知浴佛。坐來古洞憶飛仙。遠公暫向名山住。管子初從遼海還。不是宰官能說法。疏泉品石總隨緣。

端陽客鷺門

偶逢南海菖蒲節。轉憶西山薜蘿生。風俗不殊鄉國異。年華一去夢魂驚。何須繫縷爲長命。安得懸符盡辟兵。客況淒其聊對酒。莫辜好景是朱明。

夏日過鼓浪嶼飲程璵嘉將軍署中

入林偏愛晚涼生。灌木疏疏墜月明。鶴夢到山原獨醒。蟬聲繞樹有餘清。不堪歸興逢人急。眞覺炎趨較世輕。相對素心聊一醉。盤殮何用五侯鯖。

與蔡無能論興復

塵纓濯罷便投綸。忽道風雲起孟津。豈有龍文成五色。猶然鹿走在三秦。赤符奉去應非謬。黃石傳來自是真。安得此身生羽翰。高搏橫擊待攀鱗。

章刻本作翰有注云元校一作鱗

感遇三首

自憐錯節尙千盤。信是人間行路難。落拓何曾誇馬骨。淹留豈爲戀豬肝。交遊亂後知誰在。故老閒來傍若看。多少雄心空對酒。能無清淚滴琅玕。

相傳霸越有神山。國破空留匹馬還。赤堇純鉤難復鑄。黃間勁弩似堪彎。此時始識通侯貴。何事翻令傲骨閒。總是是非千古定。好將腐史手重刪。

片石誰能砥亂流。冠裳無計且依劉。未須名附青雲顯。祇覺心同白日留。避地幸存周甲子。論人漫著晉春秋。微軀慮向風塵老。後死終慚清惠侯。

別陳齊莫

偶乘越榜向南飛。客夢驚回起拂衣。瀛海屢經龍戰後。滄江漸見雁來稀。杜陵入蜀悲難去。枚叟遊梁笑未歸。今夜刀頭明月滿。臨歧那得竟忘機。

舟次中秋

淡蕩秋光客路長。蘭橈桂棹泛天香。月明圓嶠人千里。風急輕帆雁一行。此夜啣杯慚
庾亮。幾年持斧笑吳剛。觀濤豈必錢塘去。碧海銀潢自渺茫。

夢內

到處青山足住家。無端歸夢繞天涯。中宵細語蘋蘩節。滿地離愁蘆荻花。約略刀環窺
月影。分明砧杵喚霜華。遽然一枕成何事。亂逐秋風向若耶。

至夜傳王師出東粵志喜

案章刻本至夜作至後釋詩意當從夜字又案此詩次序當在新秋納涼一首之後章刻本此詩編在長至志感後

同列壬辰兩詩同列則至夜字承上有根今此編長至志成一首列在癸巳而此首列在壬辰恐有倒置黃節識

土圭才見影初長。忽報天聲出五羊。始信半陰銷北陸。懸知赤伏耀南荒。金魚尙自唐
分錫。銅馬翻爲漢辟疆。此日孤臣淹漲海。衣冠拂拭待從王。

書懷

一劍橫磨近十霜。端然搔首看天狼。勳名幾誤乘槎客。意氣全輕執戟郎。圯上書傳失
絳灌。隆中策定起高光。山河縱破人猶在。試把興亡細較量。

同諸子步月

醉餘散步興過飛。挈伴耽看素月輝。濠濮自然成獨往。關山幾處照人歸。橫襟坐嘯風微至。曳履行吟星漸稀。清影自憐同鶴。章刻本作鶴瘦可能肥。遜遂初衣。

壽安福伯鄧如磐

鵲石文垂早建牙。歸來長嘯餌丹砂。漫言赤社千秋恨。且種青門五色瓜。匣內芙蓉堪捧日。杯中薏苡富流霞。興朝若復論人物。自是雲臺第一家。

弔義興侯鄭履公

五陵豪客徹侯封。翼折天門第幾重。陳勝亡秦先發難。劉琨爲晉竟罹凶。稽山甲盾從今散。橫海樓船不自容。一似鷗夷乘浪去。我來何處弔遺踪。

贈金門蔡元戎

炎風吹客到窮途。慷慨逢君意氣孤。此日高牙。章刻本作才追大樹。多年長劍枕陰符。金城不獨留天險。銅柱還應入地圖。最羨蔡遵饒雅度。時時緩帶一投壺。

同陳文生坐雨步韻

經春作客傍龍門。春去猶憐映蝶魂。花醉可。章刻本作何曾澆白墮。草成還。章刻本作盡道勝辛。

言江河滿地愁。偏入湖海頻年病。尚存正爲陸沈。衛石隱。那堪風雨更煩喧。

馬爾統有從軍之嘆戲成二律貽之

一劍南來說曳裾。鉞聲早怨出無車。

章刻本作興

粉曹回憶馮唐節。油幕間誇阮瑀書。應悔

鶴翎先自剪。翻憐雞肋轉成虛。烟霞清供難分寄。恐爾蓬心尚未除。

北山奈可又移文。投筆雄情誰似君。掉舌尙能高揖客。掀髯誰許薄參軍。嘗秦白璧歸何處。閒楚黃金費幾斤。始信臥龍明出處。草廬先已定三分。

將朝王阻颶不果

擬向平臺一間津。驚濤無那

章刻本作奈

拍江濱。去留轉覺隨龍子。來往何能逐雁臣。似放

沅湘猶戀主。非關河朔肯迎賓。緣知歧路風波惡。決計尋山學隱淪。

立秋同諸子限韻得鹽咸二字二首

客擬巢居爲避炎。曉來秋氣忽窺簾。山因寥寂容偏瘦。

章刻本作肅

水到澄清意自廉。荷蓋

初低看墜粉。菰絲乍憶下晶鹽。滄江物色撩人甚。刷羽丹青莫久淹。

肺病朝來謝酒監。迎秋偏愛試單衫。樓中豈獨愁王粲。林下何曾醉阮咸。清露微微沾

薛荔涼風淡淡拂松杉。故鄉消息渾無據。滿望鴻來寄一函。

新秋鼓浪嶼納涼分得簪字

孤嶼蒼涼沁客心。偏宜散髮坐長林。山川戰後形容老。草木秋來情性深。影亂秋蟬知墜葉。聲飄絡緯似鳴琴。披襟已在芳洲上。塵俗何能解盞簪。

飲吳山人

柴門巷口碩人寬。盡日相尋河朔歡。說劍不妨頻脫轄。懸壺何必學投竿。主賢高擁烏皮几。客醉同彈紫箨冠。佳興邇來真半減。爲君一笑譜幽蘭。

馬爾統職方改署幕府騎兵參軍未免半落戲贈

國破蘭香已半消。侯門誰復贈虔刀。可憐宦拙同牛皂。正覺官閒似馬曹。漢落簾金應易散。陸沈囊粟恐難叨。相攜賴有紅顏在。枚叔遊梁興尙豪。

馬爾統不應幕府辟召

案章刻本有自注爾統受知於熊相國張定西十三字黃節識

何勞帷帳借前籌。司馬於今已倦遊。但傲自知無媚骨。得閒還許且科頭。雙扉斜日眠黃犢。一榜兼雲伴白鷗。只恐存亡猶有恨。莫教沈醉過西州。

讀史

故人。卽。非。寒。使。者。殊。不。薄。交。滿。天。地。間。綈。袍。何。落。莫。

壬辰除夕寓湄州禪院

浪跡天涯又歲寒。強將枯影對辛盤。鄉心暗逐鯨波瀉。

章刻本作寫

世事明隨漁火看。柏葉

尊前催律呂。蓮花漏上換支干。江山百戰渾非舊。留得磻溪把釣竿。

張蒼水全集卷七

奇零草

癸巳元日步友人韻癸巳

靈槎容易度流年。海角春雲思黯然。地近虹津堪浴日。潮生蜃市欲黏天。東來已識陽
富震。北望誰云歲在燕。先甲後庚應有象。抽豪預擬中興篇。

人日立春客湄島二首

勞生了解宜春。梅笑重驚物候新。俗入秦餘疑近古。時從夏正識生寅。土風薄似村
醪惡。海錯鮮兼寒具陳。野草年年依舊發。王孫何許一沾巾。

海外行藏不計春。起看天地亦維新。鼓鼙往歲聞呼癸。斗柄今年說指寅。讀禮每思箋
大戴。授書尙擬續君陳。東風似爲羈人至。暖氣偏吹白氍毹。章刻本作口口巾。

春到

春到何關鄉國情。無言芳草自分明。一經作客流離久。幾度逢人嫵媚生。雄劍携來空
顧影。祥琴彈罷不成聲。閒身總絕浮雲意。特爲鬢眉未放行。

賦贈琴師

入夏園林長新綠。小庭疎雨黃梅熟。

章刻本
作賓

雜坐觴數巡。清言卒論驅煩煥。座中

有客伯牙儔。起撫瑤琴弄寒玉。初彈秋意滿瀟湘。

再彈忽唱陽關曲。揮絃振軫轉繁音。

往鶴來雲節更促。我聞三湘煙景自蒼涼。淚痕斑斑猶在竹。得君譜入龍門桐。無數離

情紛相觸。况復驪歌纖指間。羈人聽之淚盈掬。願君翻作洞越聲。莫怨孤鴻與寡鵠。君

不見少文動操。響衆山又不見中散。絕唱廣陵寒寥寥。千載同調章刻本作
同調千載難今遇知

音爲一彈。

閩南行

案全譜此詩列之壬辰而此
乃列之癸巳與譜異黃節識

閩南自古龍蛇孽。犬羊闌入爲窟宅。元公仗鉞起海東。劍履蜿蜒弓霹靂。一戰築京觀。

再戰解椎結。三戰合圍漳州城。萬竈星羅盡樹柵。彈丸小醜尙陸梁。登陴不畏河魚疾。

迴首章刻本
作看

百雉蜚懸燈。照耀閩闌光爲赤。城頭刁斗寂。不聞惟聞死聲動。筆策我軍。

鼙睡聲如雷。戰馬高嘶待橫擊。平明兩軍仍相持。似惜人命膏鋒鏑。嗟嗟狡虜何其愚。

奚章刻本
作何

不肉袒轅門行。自絕憶昔秋深章刻本
作深秋胡馬肥。燒荒獵火天成血。囊駝九陌

換銅駝。指顧中原少。

章刻本作鮮

堅壁不數年間殺運回。漢人復熾胡人滅。區區阱獸與釜

魚。天戈所指應無敵。應無敵。多鹵獲。或獻俘。或獻馘。此時龍戰血爭黃。功成誰念溝中瘠。兵家奇正鮮常形。頓軍堅城。豈善策。試籌遁甲探陰符。大武何嘗窮矢石。

贈東山子端陽禱雨有應

三首 案章刻本作賦贈又端陽禱雨作禱雨端陽黃節識

眞覺星辰可換移。端陽豈是

章刻本作寧復

亢陽時。幽風畫出田家樂。續命何須臂上絲。

霹靂車中呪孽龍。炎輪直欲掩靈窿。馬鬃一滴濃雲黑。失却榴花數點紅。繁露春秋說大雩。誰憐五日欲無襦。杯中惟有樂巴酒。灑作千家攝水符。

過仙洞訪石田出荔枝爲供

丹霞朱纈亂垂垂。壁上蓮生總不奇。君自瞿曇我自客。相逢疑是嶺南時。

暑夜獨坐

案此詩章刻本旁注已丑二字此編乃列癸巳黃節識

炎燄如酷吏。入夜氣猶蒸。晞髮涼初透。撚鬚興欲乘。風斜穿密牖。月午漏疎藤。四壁蟲聲咽。誰堪一語冰。

弔沈五梅中丞

香臺咫尺渺人琴。萬里寒潮送夕陰。報國千年藏碧血。毀家十載散黃金。名山難瘞孤臣骨。瀚海空磨戰士鐔。留得荒祠姓氏古。春歸惟有杜鵑吟。

步韻答徐闇公

窮途長日更難消。賸有圖書伴寂寥。霸業徒看秦望氣。客愁似瀉廣陵潮。共歌叢桂山中發。誰識焦桐爨下燒。潦倒未應猶倔強。丈人久已學承蜩。

贈徐闇公年丈三首

王謝風流誰更傳。雄文廿載國門懸。胡牀高據談經日。漢室初徵射策年。每擬珊瑚爲架筆。雅聞纓組並當筵。豈知把臂蓬壺外。江左衣冠傲昔賢。竹箭東南橫得名。飛來龍劍却爭鳴。誰云四海同科第。自是中原一社盟。懸楊君應稱快事。乘槎我亦歎勞生。地年若遂蓴鱸興。擬共山陰道上行。吾道滄洲任所遭。豈因標榜益名高。重逢尙握蘇卿節。久別誰彈鍾子操。明月開尊皆勝侶。春風入座似醇醪。偉長未便從軍老。已羨文章晚更豪。

暑雨同諸子限韻仍禁江窗二字 二首

火雲蒸雨勢難降。斜倚繩牀聽石淙。愁滿風塵侵鄂被。夢回煙樹繞吳艘。蕭條莫怪壺
堪碎。章刻本澀應憐劍自雙。客路幸逢好友在。且須乘興倒春缸。

幾年辛苦擁油幢。留得完身鼎漫扛。風雨似爲驅熱至。衣冠終不受魔降。沾來濁酒卮
如斗。賦就新詩筆似杠。最憶鑑湖晚霽後。采蓮人盡唱吳腔。

七夕微雨

碧漢生波蕩素秋。良宵又向客中流。銀鈎閣處虛穿巧。玉璽分來總織愁。天上何常須
駕鵲。人間那得似牽牛。故鄉風物空回首。誰買喉羅戲綵樓。

秋夜舟中聽雨

不盡蕭蕭意。還從入夜生。草枯沙磧氣。木落洞庭聲。欹枕聞疏密。敲篷辨濁清。渾疑刁
章刻本 斗靜鐵騎暗縱橫。作北

苦雨吟

案此首爲章刻
本所無黃節識

商聲八月何勃舉。破雨兼旬復泥滑。魚腸寂寞生紫鱗。燭首依稀長綠髮。榜人停橈且
臥蓑。天公倘或倒銀河。萬里陰霾猶未掃。霄漢飛騰奈我何。

師次涓島諸勳鎮行長至禮余以服制不與志感

二首 案趙譜此詩列之壬辰黃節識

棘人經歲解朝簪。憂國江湖一片心。太史徒然吹鳳律。諸侯空自噉鸞音。風塵飄泊隨南北。雲物淒涼變古今。慰藉新陽來六管。朝霜朔雪不須侵。

陽回曙鼓動樓船。遙憶千官上壽年。漢殿徹侯原裂地。周廬亞相盡朝天。香爐重傍疑難望。繡線初添喜復憐。猶恨身違冠帶會。心隨日影到虞淵。

張書紳與范子瞻論余十餘年來戎馬勞苦孤危以詩見贈讀之悵然因次其韻

二首

案章刻本勞苦上有頗爲二字以字作有悵字作愴無次其韻二字作因成二首黃節識

屈指浮生四十強。驚魂歧路總堪傷。河山蕭瑟平原幟。江海蒼茫下瀨航。國破龍蛇都失穴。時危狼狽每依牆。盟壇今日誰雄長。敢說邢茅亦雁行。

相業侯封非我望。伯圖王業向誰論。

章刻本作頗

憐節在旄全落獨恨交亡劍。尙存上客

攝衣空有鈇孤軍。裏甲已無禪也知戈朽難回日。誓死何妨絕影奔。

追往八首

棄繻猶及到燕關。慘淡風塵十載還。狼貘日從富日舞。龍髯能得幾人攀。漢陵弓劍存

亡後晉室衣冠興廢間轉眼書生成故老慚無媯石補江山

六朝遺蹟雨花臺舊識先皇草昧開南渡尙留龍種在東遷祇避犬戎來却悲羯鼓荒
原動不見羊車複道迴國破何人猶抱膝當年應有管蕭才

長驅胡騎幾曾經草木江南半帶腥肝腦總應塗舊闕鬚眉誰復嘆新亭椎飛博浪沙
先起弩注錢塘潮亦停回首河山空血戰只留風雨響青萍

王業分明記昔年乾坤日月尙雙懸虹蜺章刻作霓初亘牽牛際雨露遙承附鳳偏握節

可能章刻本作會干斗象持籤時亦傍爐烟由來國難調久自省原慚祖述章刻本作士雅鞭

浮生踪跡嘆勞薪倒挽天河又幾春細柳屯中稱漢使扶桑洲章刻本作州上避秦人曾嘗

虎口身仍在爲歷羊腸性已馴鏡鏡每憐形影瘦誰從百折飽風塵

幾投珥筆幾凋戈屈指滄桑意若何金狄豈愁王氣盡銅焦誰說死聲多五千甲盾收

餘燼百二山川挽逝波天夢到今疑未醒沈吟轉憶采薇歌

曾挂星槎滄海東冠裳涕淚捧重瞳禹餘風物成離黍越絕功名類章刻本作類轉蓬早歲

頻書惟羽檄經年徒讀是檀弓無家况復鵲啼急腸斷江花爛漫紅

危峰斜日照疎墩。往事蒼涼那可論。司馬名因方外貴。臥龍才合世間尊。一時市道看梁苑。千古交情問翟門。高據繩床還睥睨。幾回海沸與山奔。

憶余在滄島。與張鯢淵吳穉巒朱聞玄諸先輩從遊。一時情文宛然在目。今三君

皆以國難殉。而余在行間。猶偷視息。然感感靡騁。蓋不勝廢興存亡之感矣。

年來灑淚看桑田。陶謝風流已盡捐。伊昔幾人陪後乘。我今何處競先鞭。未消肝膽堪誰託。無恙鬚眉祇自憐。轉覺諸公眞羽化。夜臺杖履亦珊珊。

舟次琅琦謁錢希聲相公殯宮二首

琅江東去水如油。拜墓停橈古渡頭。赤手曾扶板蕩運。黃腸猶帶黍離愁。波濤腥擊蛟龍蛻。風雨荒塋麋鹿遊。懸擬轉車歸兆日。同天應已靖旃裘。句餘霸氣已成灰。轉憶當年漢幟開。王謝聲名原伯仲。溫劉事業總追陪。自從化劍分豐獄。誰復調琴到夜臺。戎馬南方猶未息。故人空負炙雞來。

重經南日弔沈彤菴相國

木落天空霜

章刻本作肅

氣森重來海岸悵人琴。從秦狐偃空投璧。去越鴟夷枉范金。渭曲

璜隨雙鯉逝。延津劍化一龍吟。只今桑下誰相語。獨倚孤篷淚不禁。

北還入浙偶成

南浮北泛幾經春。死別生還總此身。湖海尙容奔鬲客。山川應識報韓人。國從去後占興廢。家近歸時問假真。一寸丹心三尺劍。更無餘物答君親。

送姚興公北還二首

客中送客復何言。門外驅歌酒一尊。芒屨故應尋帝子。藜牀豈必戀公孫。只愁白社高風散。況看滄州落日昏。吳越交遊如見問。雞聲竟夜舞劉琨。

三山幾度費逢迎。今日重辭萬里行。短髮雖凋猶晉士。長裾不曳似侯生。蒼茫挂席供圖畫。蕭蕭章刻本灑空囊。賸墨兵此去莫愁無遇合。姚崇原有抹時名。

壽忠靖侯陳燦珠兼統師北伐

曲逆勳名蓋代才。却從祖帳獻霞杯。威弧自昔懸仙嶠。寶劍新經挂將臺。桃實偏隨榴火豔。章刻本星精正向陣雲開。歸來燕喜歌繞日。席上還應張仲陪。

送徐闇公監軍北征

二首 案章刻本
征字作上黃節識

魚檄朝來幕府傳。夕攜龍節上樓船。元卿未許先開徑。士雅還期共着鞭。始識山中留宰相。非關海外覓神仙。佇看露布橫飛處。不是涼州倚柱年。幾年獨立金華省。此日重登青翰舟。準擬真人開北極。豈容高士臥南州。錦帆直指天聲壯。羽扇輕揮王氣浮。匏繁如余甘瓠落。秋風倘許脫鷹鞬。

送謝仲義元戎

疊鼓鳴笳出。欣飛將軍此日挂征衣。千屯夜失機槍耀。萬壑朝揚組練威。共喜龍驤臨溟渤。已知鶴唳動淮淝。捷書好向潛夫寄。擬趁輕帆便北歸。

壽閩安侯周九苞

倚天秋鏑老芙蓉。鼎內神丹碧色同。露浥滄洲饒爽氣。烟飛赤壁想雄風。大椿不獨傳蒙叟。細柳還應拜上公。此日轅門羣獻壽。錢歌取次奏平戎。

登湄洲謁天妃宮

蒼茫一曲帶煙霞。聞說飛仙此駐家。石髓沁香流乳酪。雲根滌霧想鉛華。樓前縹緲凌波襪。檻外參差貫月槎。湘女維妃多往蹟。曾無精爽徧天涯。

秋風案章刻本作扶風列之丙申黃節識

長爲秋

章刻本作扶

風惜羽翰。年來入翼夢中看。呼牛翻覺人情媚。歌鳳深疑物論寬。末路。

勳名難自料。他鄉親故強爲歡。祇應一曲高荆筑。唱徹蕭蕭易水寒。

入吳見雪忽憶車駕南巡

案此詩與下入吳一首趙譜亦列之癸巳與此編同黃節識

往歲南中不見雪。今年吳地雪偏濃。繁華轉逐冰心冷。瑞色還疑鎖甲同。湖海看來元復旦。江山戰後漸成翁。穆王此際猶巡狩。黃竹歌詞總漫工。

入吳

萬里寒江一棹過。連天野燒奈

章刻本作那

愁何。風雲矯首憐毛羽。霜雪攢眉羨薜蘿。聞

駿蹄骨

章刻本作口

自好。滇池龍起瘴猶多。年來出處渾無據。見說蒼生倍轍軻。

見友人詠懷詩有感依韻和之

二首案章刻本作遂倚韻和之黃節識

梨花春雨半含秋。太息當年桑下謀。國事幾番真似奕。人情到處盡如鈞。金雞雲樹空瞻闕。石馬風榛自滿邱。未必策勳先上賞。綿山一過汗應流。

漫從季野定陽秋。霸略誰堪孫仲謀。末路行藏關漢鼎。中朝興廢仗吳鉤。杜鵑影重迷

荒徑。謝豹聲多恨故邱。此日河山猶破碎。敢言江左有名流。

莫指

案此首爲章刻
本所無黃節識

莫指招搖望泰階。小戎同澤已難諧。三山波浪靈鰲跡。半壁烽烟祖逖懷。紀事可能無鐵匣。班師豈復有金牌。皇天倫識匡扶義。萬古臣靡獨我儕。

癸巳除夕

八載他鄉蜡鼓催。鄉心撩亂鼓聲哀。無情天地猶擲甲。有意山川獨畫灰。兒女藏鉤離別後。君臣投璧播遷來。年華如許人將老。孤負春風又幾回。

立春日大雨雪時駐師吳淞

甲午功全師復入京口此詩作於是時黃節識

春信驚催半臘殘。江梅猶帶六花幡。屠蘇飲出冰餘冷。組練光浮木末寒。吹垢豈期風入夢。洗兵自合雨成溥。征人感荷東皇意。且逐年華奮羽翰。

樓船燈火一音

澄江春色夜還明。雲漢微茫星斗橫。銀蒜萬條垂甲帳。大珠千樹章刻本挂霓旌。燭龍勅水張響出。彩鷁凝烟啣尾行。何處香塵空雜遝。却教燈市滿蓬瀛。

上巳舟中一首

不解芳菲節。人傳上巳時。何須修禊事。蚤是弄濤兒。

春晚一首

芳洲春晚徧蘼蕪。一抹烟光挂綠圖。好鳥弄晴聲劇膩。野花催煖氣流蘇。中年豪舉還多少。來日佳游定有無。可惜豔陽閒謝却。祇應吾道在江湖。

春暮有懷

案章刻本此詩
戊戌黃節識

嗟予初衣柔翰勃窣。國難驅人。衽金袖鐵。日月如駛。踟躕地踏天汎汎。滄海盤桓。少年薄暮酒歌。愴焉彼美。安得九還。以度靈紀。山川窈窕。爰奏素琴。琴言維何。寫此素心。章刻本

寄懷徐闇公二首

蹇余倡姁修。始服遘天步。擾擾風塵。章刻本馳念之徒心怖。四海還交游。椒蘭漸非故。會合總泥塗。乖違隔。章刻本衢路所貴。膽與肝。在遠彌相附。寒江已腹堅。鴻雁莽南驚。太息物候遷。含情託毫素。

黃鵠翔漢表。厲氣何崢嶸。朝飡方壺寶。暮掇圓嶠英。網羅不得章刻本。挂稻梁。安所馨。
俯視滄溟章刻本。流驕語。鵬與鵬。萬里母乃隘。千仞何章刻本。足驚。豈意彌天。買礙爾。
莫長征。明時重羽儀。雲路距冥冥。

鬢有絲

曉起窺雙鬢。衰容變二毛。鬚眉長自照。筋骨總徒勞。物態離情換。年華苦節銷。自憐蒲
柳質。秋意早蕭蕭。

追慕二首

國難驅人出。家傾待子歸。可能磨墨盾。其奈冷斑衣。金革三年淚。冰霜寸草暉。髮膚雖
不毀。猶恨故園非。

甘戰嗟何怙。長銜梧櫓愁。節旄看盡落。斧鼂悔遲謀。燕去巢應改。烏號屋僅留。在堂有
委蛻。無計剪青章刻本。松楸。

得友人書道內子艱難狀二首

尺牘胡然至。寒溫不自通。殷勤報閨外。辛苦嘆閨中。鎔斧原兼絕。蠶校亦屢空。鹿車誰

共挽。羞殺是梁鴻。

家計深行側。朱顏亦固窮。漸來應化石。遮莫但飛蓬。寄託誠交道。支持仗女工。可憐纖箔手。未得到從戎。

暑雨舟中遣悶分得柴字

偏舟蒸暑悶難排。況復霽霖氣欲埋。豈意薰風能解愠。乍來好雨足開懷。炎雲向曉多於岫。病骨兼愁似柴。忽憶采蓮湖上去。荷香十里趁芒鞋。

重陽偶成

案章刻本題目上有壬寅二字與此編異黃節識

九日素秋晴。霜容淡倍明。香孤知菊傲。寒重覺衣輕。蕭瑟茱萸佩。躊躇鴻雁聲。不愁吹落帽。華髮故多情。

舟行立冬

寒暄原物候。忽忽已

章刻本作且

揚舲。歲月偏如鵲。乾坤總似萍。江聲浮碧落。爽氣混

冥。笑問銀河上。曾無犯客星。

朱君伯遷將避地小溪來索詩余無暇爲也口占授之

案章刻本題目作朱伯遷將避地小溪索詩口占授之黃節識

賀監抽簪去。君恩賜鑑湖。至今高尙宅。猶在四明墟。此地能真隱。斯人亦不孤。所愁溪鳥笑。閒殺輞川圖。

沙關感懷

飄泊曾何濟。蕭然一撫襟。呼童酬

章刻本作刪

白髮。結客煉黃金。擊水垂天翅。依風縮地

心。得閒聊把卷。非敢學書淫。

答古處僞令

案章刻本題目下有夾注自注乃祖官尙書七字趙譜此詩繫之己丑與此絕異黃節識

漢職年來半壁標。何期賢令賦同袍。睢陽自昔猶瞠目。彭澤於今暫折腰。好爲家聲看魏笏。還將國恥問蘇旄。龍荒多少江南客。老皺胡顏說北朝。

遊芥瓶庵贈希聞上人

斲入雲根便臥雲。禪棲真可鶴爲羣。數竿漸覺龍孫長。一徑斜從鳥道分。山是

章刻本作似

舟次聽雨分得長字

小雨江天倍渺茫。翩然有客度鳴榔。坐來知己忘觴薄。話到英雄看劍長。殘角分明悲

渤澥。

章刻本
作海渤

孤篷展轉憶瀟湘。相憐身世眞飄泊。豈爲春風欲斷腸。

壽英義伯阮季友

案趙譜此詩繫之甲午與此編同黃節識

蟠桃隕上小陽春。飲至筵開介壽頻。共識天台前度阮。還知靈嶽又生申。主恩半髮承三錫。將略丹心動八閩。笑我尙爲籠鷁客。相期何日捧龍鱗。

和定西侯張侯服留題金山原韻六首

漢壇左鉞授宗臣。飛翰傳來消息眞。壁壘象橫開北極。艤艫流斷接南閩。雙懸日月旄幢耀。百戰河山帶礪新。從此天聲揚絕漠。還應吳會是臨津。

朝宗百谷識君臣。江漢依然拱赤眞。烽靖三湘先得蜀。瘴消五嶺復通閩。水犀飛渡扶桑遠。燧象橫驅貴竹新。指顧樓蘭堪立馬。肯令胡騎飲江津。

鍾阜銅駝泣舊

章刻本
作從

臣。孝陵弓劍自藏眞。猶聞雄雉能興漢。豈似乾魚僅祭閩。天

入金焦鎖鑰舊。地過豐鎬鼓鐘新。何人獨受專征詔。賜履由來首渭津。

自古匈奴屬外臣。降王毳殿散稱眞。千屯烽燧聯吳楚。萬舳波濤下浙閩。北固雲移龍節近。西陵潮湧虎符新。焚庭絕漠

章刻本
作幕

尋常事。銅柱先標若木津。

白草黃沙笑雁臣。衣裳鱗介已非真。豈知捧翟猶賓粵。未必分茅可擅閩。南國羽書氣欲淨。西京露布墨應新。上游誰擁龍驤節。日轂親扶出漢津。飛椎十載誤通臣。喋血憑誰破女真。霸就鴟夷原去越。兵聯牛女正當閩。投鞭不覺江流隘。傳檄兼聞饒吹新。正爲君恩留一劍。莫教龍氣度延津。

和于湛之海上原韻六首

黃埃胡騎獵。桑乾長狄笳。聲九塞寒。金雁俄從別殿識。銅駝幾向故宮看。星槎飄泊留旄節。雲樹依栖拂羽翰。不是孤臣甘浪跡。肯將獨爾着漁竿。貪狼夜指翠雲高。鷗鷺痕腥淬寶刀。鼉極人傳曾補石。龍荒天限莫投膠。翠華迢遞干星漢。青翰浮沈捲雪濤。澤國自來冠帶好。鬚眉誰不共仙舠。海門潮咽越王城。伯業蕭條風雨驚。獨少囊金堪結客。猶留袖鐵足鏖兵。馴來龍性岬嶸在。狎罷鷗心汗漫行。若論兩河豪傑客。登壇豈必讓齊盟。風流江左半凋殘。孤鶴橫空轉自嘆。瀚海不妨逃漢尉。神仙未必誤秦官。瑠戈北向慚推轂。銅柱東遊憶據鞍。留得完身眞百折。河清人壽古來難。

芥舟天地竟焉如。賦就三閭未卜居。淚比蛟龍悲海客。章刻本輕狗監擬焚魚。繡
弧。空。指。燕。然。石。雕。管。將。成。越。絕。書。忽。驢。陔。章刻本吟清夜後。旅魂長繞塞門廬。
長纓。章刻本縞帶重論交。把視吳鉤未忍拋。慘淡中原誰牧馬。蒼茫絕壑尚潛蛟。才
名似爾依劉表。詩律何人壓孟郊。青眼尊前倍感慨。春風旅燕且南巢。

哀閨

聞說西陲還帶甲。愁看南絕尚橫戈。朱門久已辭翁仲。黃屋胡然擅尉佗。空際蜂衙誰
北里。隙中蟻陣總南柯。試將班管論王命。漢鼎於今火德多。

壽誠意伯劉復陽

案章刻本作壽劉復陽誠意伯黃節識

燕喜初成介壽詩。捧觴細論國恩時。侯封雨露留年表。祖武風雲蔚帝師。舊佩金魚分
陝出。新橫鐵馬謁陵遲。元臣自古多難老。帶礪行看疊紫泥。

師次圖山

長江如練繞南垂。古樹平沙天塹奇。六代山川愁鎖鑰。十年父老見旌旗。陣寒虎落黃
雲淨。帆映虹梁赤日移。夾岸壺漿相笑語。將毋俛後怨王師。

同定西侯登山以上游師未至遂左次崇明

二首 案趙譜左次崇明事
繫之壬辰全譜繫之甲午與

謝山撰蒼水神道碑銘同此詩繫之
甲午與全譜及碑銘相合矣黃節識

割雲半壁倚中流。天劈東南形勝收。鐵甕潮函飛鷺嶺。牙檣影撼浴龍洲。畫江何代空
鼙鼓。橫海今來駐虎旂。

章刻本
作游

咫尺鍾陵王氣在。可能瞻掃問松楸。

相聞赤伏啟重離。一詔敷天並誓師。萬里鯨波歸海鏡。南山鼉鼓擁金羈。已呼蒼兕臨
流早。未審辛膠下濕遲。瓜步月明刁斗寂。長安雲暗鼓鼙移。

卽事東定西侯二首

誰提矛鉞向燕雲。姓氏江南草木聞。已指黃龍廳

章刻本
作揮

戰士。何勞青雀駕。颶軍。

河父老猶揮涕六詔乾坤正策勳。縱有魚符專亦得。只今豈少信陵君。

十載冰霜誓枕戈。豈應歧路轉風波。和戎魏絳終當謬。結客燕丹恐亦訛。剖竹已非秦

郡縣分茅。可是漢山河。孤臣獨有干將在。紫氣青旻

章刻本
作雲

自不磨。

師次燕子磯

橫江樓櫓自雄飛。霜仗雲麾盡國威。夾岸火輪排疊陣。中流鐵鎖闢重圍。戰餘落日鮫

人。窟。春。到。長。風。燕。子。磯。指。點。興。亡。倍。感。慨。當。年。此。地。是。王。畿。

崇沙宋子猶端士也爲閩帥所窘既出厄難以慰之

兵聲誰遣向江濱。狼籍漁樵及隱淪。可是風塵迷物色。到來天地失陽春。鑿。坏。亂。後。無。全。計。飄。瓦。傷。餘。亦。愴。神。轉。覺。桃。源。非。世。外。漁。郎。猶。自。憶。章刻本秦人。

步韻答沈東生

木落江臯闔闔風。翩然尺鯉下婁東。已知種菊惟陶令。誰復圍棋似謝公。三。朔。霜。深。丹。

葉老。雙。鋒。

章刻本

星散紫霓同。書郵却問逃虛客。詩律何如在剡中。

寄懷徐闇公年丈

洛下仙舟不可尋。長因秋水憶橫襟。雲翔閩嶠誰高枕。楓冷吳江獨抱琴。歧。路。行。藏。空。扼。腕。亂。流。聞。見。倍。關。心。蓴。絲。千。里。猶。章刻本無恙。那得君來共醉吟。

步韻和曹雲霖浩島懷二首

荒烟殘燒越王臺。憶昔雄圖今倍哀。丹葉三秋何事老。翠華六詔幾時迴。纔從驚島懷人遠。忽得魚書對客開。詩律邇來知漸細。高吟低唱且徘徊。

天長地闊總傷秋。閨嶠寒雲路更悠。戴漢節旄空自脫。強吳薪膽向誰謀。百年形勝留天塹。一望風烟達帝溝。堪笑魚龍還寂寂。祇餘章刻本陵樹鎖江流。作應

得徐闇公書爲之喟然

案此詩爲章刻本所無黃節識

長看北極望南陽。傾日依風總渺茫。愁過魏牟還戀闕。病同莊舄肯投荒。應憐牛酒遲江左。莫道魚鹽擅海王。偷去三山須問訊。君家徐市在何方。

愁心

案此詩爲章刻本所無黃節識

一水秋明繞萬山。愁心似水總相關。虬髯定擬浮家去。雁足虛傳屬國還。聲入鼓鼙龍自鬪。夢回砧杵鶴難攀。平原一旅眞孤掌。可有天戈靈武間。

晚泊漫成迴文

寒潮晚落半江空。燒帶羣山亂映紅。殘角霜聲愁雁斷。難將送挂一帆風。

讀史二首

秦鹿橫飛六國殘。狐鳴篝火亦登壇。留侯若也歸強楚。更有何人解報韓。清秋蕭瑟井梧寒。在莒齊襄淚未乾。七十二城猶在望。却無舉火是田單。

和秦淮難女宋蕙湘旅壁韻

獵火橫江鐵騎催。六朝鎖鑰一時開。玉顏空作琵琶怨。誰教明妃出塞來。



0

112341

(1)

國粹叢書第二集

中冊

仙蒼求全彙

國學保存會印行

張蒼水全集卷八

奇零草

寄紀石青 乙未

憶昔公車歲在午。太乙飛旌挂河鼓。閩南紀生豈其儔。搏風遂奪吳剛斧。余亦持鋒起越中。謬於文章稱跋扈。乾坤排蕩會有人。日月沈淪忽無主。言也左袒一奮臂。章刻本作臂

呼。五千甲盾色如土。斯時屬縣望漢官。君獨躬耕吟梁父。終編不棄意何深。賈組長擐節殊苦。迨余收燼赤崁山。錫涸銅乾抑何補。低眉始作下邳遊。屈指誰向中宵舞。短衣皂帽乍相逢。濁酒素筭安足數。予理能令萬象開。鴻文直並三墳吐。別來國步尙滄桑。藉甚襟期在幹蠱。聞君曳履近夔龍。笑余袂衣逐罷虎。寂寂溫劉竟屬誰。悠悠絳灌徒爲伍。歐越予雲自卷舒。勾吳落月空分割。何時功成歸去來。重與尊前說破虜。

秋懷三首

秋色來何許。滄江對晚潮。宜人偏淡蕩。似我總蕭條。隼翮憑誰健。狼心尙爾驕。也知雲意薄。聊自擬丹霄。

屈指金行半。流光不我予。鱸膾味信美。雁足耗全疎。客散黃金盡。兵飢白粲虛。只愁綿

力弱。何以挽。

章刻本
作慰

皇輿。

天方尊肅氣。民已苦兵聲。高枕真無事。扁舟似有情。靜同仁者壽。隘得聖人

章刻本
作之

清。遣放應如此。毋勞造物爭。

大安沙坐風雨復疊前韻三首

風雨添新漲。荒洲幾尺潮。場禾愁滯穗。渚荻響叢條。茅舍炊烟淡。篷窗暝色驕。秋鷗母

乃妬。未敢說摩霄。

不解因人熱。新涼忽起予。單衫輕自好。雙鬢落應疎。冷暖秋中節。升沈覺後虛。九州多

怪事。無賴

章刻本
作復

問堪輿。

尋常悲旅況。可復雜秋聲。砧杵千家夢。蓴菰八月情。寒蛩啼露重。健鶻喜霜清。始識乘

除理。平心了不爭。

新河口雨泊二首

案章刻本此詩列
之庚子黃節識

一水眞衣帶。今行報幾籤。迴颿何震盪。飛沫更廉纖。嶺岸潮聲壯。膠舟風勢嚴。叢祠堪

蔽雨分旅向山尖。

四時冬不用。况乃問舟程。自與泗人伍。章刻本令颺母輕。枯槎粘水骨。虛枕挂魚睛。珍重陽侯意。毋勞費送迎。

遊龍教寺

案章刻本此詩列之壬辰黃節識

雲林次第望中收。碧湖清泉曲曲流。山勢有情留古寺。海潮無意到孤洲。素冠獨刻章許黃冠伍。芳草渾同衰草愁。自覺行藏章刻本猶廓落。五湖烟雨釣魚舟。

再入長江

案趙譜及章刻本此詩皆列之甲午以為再入長江乃甲午事趙譜且援全氏神道碑銘言之極詳似宜從之黃節識

江聲萬古似聞欸。天險依然渡水犀。涿鹿亦曾章刻本經再戰。盧龍應復待三犁。珊瑚挽處驅平武。鎖甲攢來失白題。兵氣只章刻本今猶未洗。自慚無計慰雲霓。

答紀石青年丈二首

秋雲一片自蒼涼。千里鴻心對夕陽。蘭蕙年來宛似雪。蒹葭露下正爲霜。驚開尺素干戈淚。賦得聯珠襟袖香。解道安危關出處。可能無意掃天狼。

十年心事半江湖。浮泊眞同

章刻本作猶

五石瓠。多難交遊渾陌路。至尊警蹕尚泥塗。已

知世態。供談虎。豈爲微名重。憶鱸早晚封。題通動定報。余旌旆指勾吳。

七夕同諸子限韻

淡淡明河帶露痕。驚秋長自問天孫。斗間槎到應非誤。壁上梭停章刻本作勝且莫論興。

至正須浮玉。攄愁多何必弄銀盆。年年此夜傷離別。獨有西風識故園。

送程嶼嘉將軍還閩南

聞說君廬傍若耶。却從閩嶠問歸槎。十年許國懸旄節。千里徵師點鬢華。過越新霜憐客冷。留吳舊雨悵人遐。興朝會有掄侯賞。莫羨東陵五色瓜。

歸思寓郡望姓氏丙申

兵甲破章刻本作破天來。邱樊亦改氣。中田一揮手。十年悲捐棄。四晞髮扶桑津。希蹤渺

無儼。胡已歲寒心。古今迥自異。明弦月挂霜口。半禽沒雲際。悵悵章刻本作悵悵遠章

本作行。人生竟安寄。張交游漸爲乖。父書將終章刻本作終廢幼穉儼成行。刀環徒繁繫。

系等身五嶽間。寸土焉留滯。睹物起離情。目斷歸鴻易。著

楊芳生以徐闇公高弟浮海來晤於東甌爰贈一章

楊生美髯白接籬。來自雲間映少微。自言年少曾問奇。南州高士貽我師。南州迢迢不可極。且去杖藜看山色。永嘉山水稱妙絕。君獨掉頭噴耳食。旣疑雁宕構虹橋。復怪龍湫剪蛟綃。着履扶筇何太苦。丹崖翠嶂枉相招。古人相馬惟相骨。今君看山但看筋。想君胸中自有五城十二樓。安用巉舞巒飛之突兀。楊生能酒復能棋。酒章刻本不分有亦字。遁甲君已稍稍知涉獵。願君章刻本不辨雄雌。左手一枰。右一卮。掀髯大噓。誇兵機。兵機無過古塗。那曉春陵赤伏符。今君不向辛亭老。差章刻本勝當年莽大夫。

登菩薩頂

絕磴凌虛嵌佛龕。捫天拄笏恣豪探。蒼茫遠水橫空碧。歷亂羣峯倒蔚藍。雙屐俄從雲章刻本漢落。一拳章刻本幾與石梁參。如來肉髻應非幻。最上何須駕鶴驂。

贈傅惕菴二首

多君姓氏章刻本動芳郵。一揖高踪豈暗投。經濟東山殊未起。文章北海迴章刻本無儔。風塵握章刻本手沾衣袂。霄漢論心睨壁鈎。更向尊前問鄉土。幾時扶醉六橋。

遊。

孤劍蒼茫十載餘。扁舟東過重躊躇。黃金客散韓何在。白壁人歸趙自如。大澤魚龍聊混跡。中原豺虎正端居。莫嫌介子勲名晚。麟閣而今席尚虛。

一紀

一紀戎衣有寸塵。到來江漢只孤臣。龍編未達劉琨表。蛟島空存豫讓身。顛墮妻孥復惜。劍懸朋友更誰親。頻年慙負蒼生望。敢向桃源別問津。

即事有感

久已浮萍寄此身。倦遊何意轉風塵。即看蓬鬢難逢世。況到灰心懶應人。一旅尙堪扶共主。百年誰肯鑒孤臣。也拚海岸投簪去。自有桐江足釣緇。

夢中得句云集候秋蟲偏解語失途老驥亦長鳴意似有感起而成之

一枕新涼夢自清。詩竄偏向睡魔生。從來物態蜉蝣似。未必人情蝴蝶輕。集候秋蟲偏解語。失途老驥亦長鳴。世間何限榮枯跡。底事通人眼劇明。

登萊港天妃宮

案此詩爲章刻本所無黃節識

羣山依舊枕滄洲。風雨蕭然雜暮愁。梅蕊經寒香更遠。松枝帶燒節還留。荒祠古瓦興亡殿。絕壁迴潮曲折流。身世已經飄泊甚。如何海外有浮鷗。

哭定西侯墓

案此詩爲章刻本所無黃節識

牙琴碎後不勝愁。絮酒新澆土一抔。冢上麒麟那入畫。汀前鴻雁已分儔。知君遺恨猶瞋目。似我孤忠敢掉頭。來歲東風寒食節。可能重到剪青楸。

中秋同賓從小飲步朱夏夫韻

二首章刻本所無黃節識

海若秋高賦壯遊。開尊此夜景全收。坐來爽氣原蕭散。醉後清光可拍浮。拾桂不妨同着屐。傳柑何惜且擎甌。年來戎馬眞塵夢。坐嘯輸君已一籌。盤空雕鶚恣天遊。極目雲霄淚未收。幕下風流名自擅。樓中月滿興誰浮。行廚玉糝無兼味。促席金莖更一甌。佳客莫須嫌草貝。欲從樽俎問前籌。

送陳立之還閩

案此詩爲章刻本所無黃節識

路江一別榻空懸。潯水槎來意惘然。君較虎頭原獨步。我甘龍尾尙高眠。天聲到處憑揮羽。國恥談間欲置鉛。若問歸帆何所載。祇應圖得越山川。

寄遠

寒燒荒原映夕烽。海槎猶阻石尤風。故園梅信今何似。可有鴻書雲外通。

丙申除夕

亂後年光似客郵。每逢蜡日越生愁。傷心繞樹猶三匝。屈指浮章刻本槎已一周。國事存亡關正閨。人情冷暖逐春秋。啣杯却問東皇信。應爲催花出嶺頭。

丁酉元旦余駐師秦川 丁酉

閩國旌旗越國船。春風奚倖到江天。未能捧日眞虛歲。且復占雲似往年。辛苦椒盤一紀後。衰涼菱鏡二毛先。夜來見說旄頭闇。拂拭吳鉤競祖鞭。

客有談故園花事者感而賦此

案章刻本賦此作有賦又此詩繫之乙未黃節識

故國春應滿。花枝解照人。馱笙還出郭。燒笋或呼隣。此事眞無價。吾行未有津。繁華豈不愛。天步屬艱辛。

愁思

案此詩爲章刻本所無黃節識

楓葉殘江秋漸橫。楚臣芰制正寒生。晚香愛插黃金菊。倚醉思調白玉笙。風急龍鬚吹。

浪走雲高鵬。鵬望空行欲知我。獨淹留意露掌西京無限情。

舟山感舊

四首 案道譜此詩
繫之戊戌黃節識

孤雲兩角委漁磯。極目滄桑事已非。隔浦青燐相揜映。傍溪紅雨自霏微。橋鳥轉逐危舟宿。社燕空尋舊壘飛。獨有采芝人尚在。天荒地老不知歸。

十洲三島憶登攀。煙火仙

章刻本
作山

原半闌闌。豈意晉陽仍禍水。枉傳越絕有神山。荒

城睥睨眠還立。虛殿罍罍廢莫關。誰與海翁爭地主。到來却讓白鷗閒。

江臯烽盡燼猶紅。獵火歸然滿故宮。樓閣總隨蜃氣散。鼓鑿迸

章刻本
作并

入角聲空。田

橫島上淒涼月。杜若洲前零落風。翹首靈光何處是。五雲應復捧南中。

島嶼

章刻本
作樹

微茫兵甲殘。千年碧血恨漫漫。空村人跡疑毛女。野寺僧閒說漢官。獨

喜亡秦三戶在。翻憐興夏一成難。只今漲海胡塵裡。莫作當時天塹看。

春雨望茅舍炊烟限六魚韻

江村煙雨復何如。野外人家雲外居。松爨蒼茫

章刻本
作寒

春社近

章刻本
作杜曲

茄檐滑迥

古。秦餘水雲半入漁樵宅。煙火堪傳風俗書。最愛陰晴剛社日。啣泥小燕傍精廬。

島上祀竈

絕島寒宵亦薦陰。聯從越俗祀非淫。曾聞五祭尊盆盎。却憶西歸賦釜鬻。老婦偷能來絳節。少君空說致黃金。只憐漢臘無多地。柏葉梅花自古今。

維揚姜張二友浮海來訪賦贈

案章刻本訪字作晤黃節識

廣陵春擁雪濤來。禹里江聲亦壯哉。忽訝龍文臨越嶠。何須駿價起燕臺。陰符欲捲滄溟闊。借箸能令瘴癘開。帝室只今還卜臘。飛熊好待後車回。

戊戌元旦

戊戌刻本所無黃節識案此詩爲章

扶曦初拂上枝寒。曙海春回歲月寬。塞柳江梅看次第。朱旗玄鉞影闌干。獨驚馬齒垂垂長。却抱魚腸細細看。要識嵩呼南極近。而今天末是長安。

吳子佩遠遊雁蕩歸備述名勝因爲詩記略亦志余企望之懷也

名山繫慧業。遐覽情亦怡。恭聞永嘉勝。拱揖乃失之。吳子骨森秀。獨往良所私。白矜破蒼煙。短筇橫指麾。歸來氣色驕。嵐光生鬚眉。磐折前問訊。抵掌登眺奇。雲根插萬笏。一攀青霓梯。霞轉證道衆。妙來參差靈巖割。元氣陰洞礙。朝曦巖中何所有。
章刻本作妙

萬象迸葳蕤。林立丈人峯。高冠肅威儀。危岑古形容。箕踞各隨宜。洞中何所妙。複道夾軒墀。宛轉石竇間。髣髴陰風吹。居然天地房。日月安敢競。更復捫浮屠。寂觀豁天機。老僧相候門。爲告山靈知。章刻本 飛柯攢石棧。叢棘閤。章刻本 天池。所以廻雙屐。恒懼鬼物揮。章刻本 但見飲長虹。蜿蜒挂翠微。時或展湘簾。散作千珠璣。聞言殊嘆惜。兩腋出寒颼。豈無濟勝具。而爲塵鞅羈。拍手問愚公。茲山詎可移。

歲在戊戌余行年已三十九矣撫時感事遂以名篇

人生百歲安。得有我今草。草三十九。猶憶中原蕩。赤風結束辭家歲。在西銀魚嘗挂鐵。補籥金馬長懸玉。七首江東霸。氣條蕭條純鉤繡。澀沈槍朽縱橫露。布浪飛書突兀星。槎莽犯斗。風雲縮胸帝應噴。日月膏盲鬼亦吼。丈夫意氣豈勳名。何況文章等芻狗。頭顱如許可奈何。慷慨悲歌還自詬。太史公牛馬走。鯨涎蛟沫日攢眉。虎符龍節憑誰手。擲揄醜醜里中兒。章刻本 佩肘帶礪山河安在哉。五侯空綰龜文紐。自昔英雄多妙年。隆中圯上相先後。如彼南陽鄧仲華。丹青獨畫雲臺右。其人鬚眉尙宛然。咄咄微軀眞斂帶。古來何代無廢興。雌伏雄飛更某某。上不爲富春澤畔羊裘翁。下

即爲山中宰相。天子友不見。故侯原上瓜。請看徵士門。前柳誰能出。處兩無憑。蹕。獨。千。秋笑雞口。莫論兵。且飲酒。今人爭羨古人賢。後人亦羨今人否。

絕炊

案章刻本此詩緊之壬辰黃節識

炎涼雖世態。不信在同舟。自是梁間燕。真如水上鷗。婢原無赤脚。僕已鮮蒼頭。亭午炊烟絕。何能免百憂。

得姚興公書以舫音集見寄

二首 注法號耀公六字黃節識

何處纖鱗至。瓊雲落滿函。虎溪聞卓錫。鷺島憶歸帆。詩律隨人老。禪鋒已不凡。慚余塵夢在。兀兀趁征衫。

救世嗟無具。爲僧亦自嘉。只愁新舊雨。總作暮朝霞。楓落江煙澹。梅橫溪章刻本月斜。何時雙得下。相對飯胡麻。

島居八首

案章刻本此詩緊之辛亥黃節識

天地勞何章刻本甚空山足息機。辛黃悲鼎沸。蒼莽看帆飛。誤世芙蓉劍。撩人薜荔衣。迷途知未遠。還復臥烏磯。

鳥事幾滄桑。何勞更辨亡。人能扶日轂。我且挾雲囊。傲骨甘鷗鷺。雄心怯虎狼。誅茅還闢土。海外有封疆。

古賢多大隱。豈必盡攀龍。所惜辜三輔。其如礙兩雄。計疎憑鑄錯。道廢漫書空。仰止羊裘客。千秋一冥鴻。

山中仍逐鹿。却喜少雄雌。蛋戶供新錯。屨樓獻祕嬉。鑿坏聊偃蹇。拜石故支離。試問門

前雀。

章刻本
作鶴

何如翟尉時。

閭闔不可極。投荒小有天。行藏疑橘叟。變化媿梅仙。野火漁燈外。機風雁字前。到來生

百感。嘆

章刻本
作太

息理詩篇。

浮槎非我好。戀戀爲衣冠。豫讓橋應近。田橫島正寬。蘆中長磬折。圯上獨盤桓。雖未成

嘉遁。人呼管幼安。

十洲曾卜築。師過毀

章刻本
作化

爲薪。荆棘任公宅。蓬蒿夸父津。老聲

章刻本
作廢

避客去。

舊犬逐人親。不忍乖初服。茆檐日又新。

鳩工嚴部勒。治屋亦猶兵。據水軒轅法。依山壁壘橫。短垣繚却月。中霑貫長庚。只此扶

桑國居然細柳營。

解艦行

案章刻本此詩繫之癸己黃節識

乘舴艋。載餘腥。撻鉦。擗鼓。走風檣。滿船兒。郎。抹額黃。人言若輩真鷹揚。飢則攫人飽則颺。江村雞犬絕鳴吠。老稚吞聲泣道旁。聲我餅中粟。使我朝無糧。斷我機中。章刻本
苧。使我暮無裳。我亦遺民事耕織。當身不幸見滄桑。入海畏蛟龍。登山多虎狼。官軍信威武。何不恢城邑。願輸夏稅貢秋糧。

泉穴魚

南有鮒魚。實生泉穴。臣於龍君。鼉行仰沫。水族失歡。暴腮弗。章刻本
餌故。章刻本
絕。

庖焚

案章刻本此詩繫之己亥黃節識

已自傷餘燼。何堪

章刻本作勞

廚傳災。早應。

章刻本作成

防厝火。空復冀燃灰。鼎俎渾輕擲。

盤盂且盡隕。明朝添菜色。那得爨烟開。

喜從弟至兼寄中表

玄雲蕭瑟望鄉臺。雪影霜聲雁自哀。消息鴿原家。雞後行藏。蜃市國仇來。孤踪橫被黃。
金笑晚節爭。禁白髮猜。回首故園華萼冷。誰知三徑總蒿萊。

清明感懷

案章刻本此詩緊之乙未黃節識

江天小雨恰清明。杜宇聲中故國情。傳蠟祇成前代事。藏烟何意異。章刻本時名蕙

蒿三徑荒應廢。松柏千年黯自驚。翹首只今傷暴露。一杯空擬醉。章刻本佳城。

王師北發草檄有感

二首案此詩章刻本緊之乙未考乙未無王師北發事當從全譜戊戌五月滇中分道出師因有是作黃節識

似聞天地悔瘡痍。片羽居然十萬師。走檄故嫌阮瑀拙。射書正覺魯連遲。丸中但說明。
三表麾下。寤忘試六奇。要識遺民垂涕處。當年司隸有威儀。
期門取次出貔貅。首路軍聲胡騎愁。何獨止戈非廟算。還應聚米足邊籌。嚇蠻事往疑。
虛語。諭蜀才窮媿老謀。自古殊勳歸躍馬。幾人談笑得封侯。

舟次三山

案此詩及下盡江詩趙譜與章刻本均緊之丙申是年蒼水軍於秦川故有入閩之作然考全譜戊戌蒼水會延平克復樂清

等縣則戊戌亦嘗入閩此本緊之戊戌亦與全譜暗合也黃節識

每擁旄旛欲淚潛。萍踪無奈又三山。才非命世空沈族。事尙因人亦強顏。猿鶴秋深刻。

本作
深秋悲別岫。魚龍夜舞。

章刻本
作靜夜

泣間關。途窮未就行藏計。華髮朝來已半斑。

壺江即事二首

倦飛無路且投閒。滄海人來第幾灣。真覺壺中留日月。猶疑畫裏對江山。飄流

章刻本
作零

蛋戶還相笑。偃蹇柴門長自關。閩越波濤千里闊。那能有夢寄刀環。
壺天乍可一枝安。畏壘危機轉自嘆。駭浪扁舟輕似葉。重圍匹馬跳如丸。創深已信傷
弓數。痛定應愁捲土難。但使胡塵終隔斷。餘生猶足老衣冠。

五月既望行營恭祝監國魯王千秋有感

寥落吹臺望紫宸。上觴此日正千春。乾坤縹渺靈光殿。江漢潏洳黯黶津。一自玉輿蒙
霧露。遂令金鑑轉風塵。可憐節下遙稱祝。

章刻本
作慶

獨有瑤池舊從臣。

冬懷八首

案章刻本作戊戌
冬懷八首黃節識

故國辛陰泣

章刻本
作江

未開。蕭條景物總堪哀。龍蛇蟄伏

章刻本
作後

天方屈。草木凋殘

地亦災。禿節誰留蘇武窖。名流幾上李陵臺。賓鴻獨解朝宗義。依舊隨陽渡海來。

九邊鎖鑰斷胡烽。醪續先朝費歲供。猾夏已無秦塞險。防秋豈復漢家封。黃河凍解應

夢起龍。寄語金微多。舊成草。崑崙海。揚枯蓬。折爲誰從。

鍾山紫氣隔黃塵。石馬金鳬倍愴神。縮酒不聞供楚子。藏冰空憶典。章刻本凌人雲。

寒輦道橫毡帳。火照臺城臥鐵輪。賸有孤臣依漢臘。海天何處答明禋。

滇池洱海拱行畿。玉輅遙章刻本巡正式微。蒼葭林間章刻本屯組練。空榔花底。

度旌旗。中朝夢遠難歸節。大澤寒深少賜衣。矯首嶺頭春信好。南枝爭似北枝稀。

清角悲笳思黯然。長因滄海問桑田。越王臺榭風雲章刻本暗。禹會冠裳日月鮮。黃。

屋建時曾割據朱弓。章刻本受罷亦依遷。只今冷落蛟螭章刻本窟。雪夜徒吟鬼。

苑篇。

樓船戈甲自羣雄。指顧扶桑可挂弓。豈意空填精衛水。頻年猶御石尤風。田橫避去偏。

多客。徐市歸來恐似翁。見說斗杓回北陸。敢將消息問蒼穹。

何須南國更招魂。甌脫江山幾處存。豫讓有身還未漆。要離無族已先燔。最憐燕子來。

孤島。獨負梅花到故園。縱使鬢眉仍健在。炎風朔雪不堪言。

朝。蹴慘淡夕颼寒。痛飲豪吟且自寬。萬里孤槎真汗漫。十年長劍總蹢躅。先鞭未許終。

章刻本
作先

輸祖前箸。何妨借報韓。安得三塗還帶礪。却令百越盡衣冠。

聞行在所遣使至營宣諭有感

二首
案此詩爲章
刻本所無黃節識

傳聞使節下牂牁。天語啣來識聖波。南國衣冠猶似昔。北門鎖鑰竟如何。時危還說依銅馬。道阻徒勞想玉珂。料得楓宸能燭遠。黃麻紫綬不須多。

頻年東國賦無衣。百越依然守六飛。彤管幾曾參講幄。辛戈空復仗戎幃。

時余官少
司馬兼學

士徵師已審皇情重。掃境猶慚臣力微。從此羣材須努力。星輶到處卽天威。

徐闇公入覲行在取道安南聞而壯之

二首
案此詩爲章
刻本所無黃節識

益部星文紫氣躔。遙知雙鳥去朝天。孤臣白髮還投闕。眞主黃衣尙備邊。五嶺折衝春瘴癘。九溪舊闢漢山川。旌旗只在昆明裏。好說中原望凱旋。

萬里行朝古夜郎。從龍敢復憚梯航。使車合浦愁風黑。賈舶交州怯日黃。白馬侯王今異姓。青牛令尹久炎荒。多君不負溫劉約。玉佩先歸銅柱旁。

寄金二如兼訊朱建武

案此詩爲章
刻本所無黃節識

越絕衣冠已入胡。年來故老盡瞻烏。吹簫江上虹誰變。栖甲山中月自孤。似我鬚眉還

戴漢多君姓字欲逃吳。羣豪獨有朱家在。猶向西京結客無。

送客還里門

案此詩爲章刻本所無黃節識

鑑湖揮手十年餘。里社誰尋舊草廬。今日相逢皆後乘。高風端不爲長裾。臯比暫向龍門設。塵尾聊從虎帳舒。惆悵君歸當雨雪。故園梅信復何如。

濱海居民聞余生還咸爲手額且以壺漿相餉余自慚無似何以得此於輿情也

案此詩章刻本繫之己亥當是江甯之敗成功入海蒼水至無爲州棄舟登岸復歸臨壘之時此本列之戊戌殆誤黃節識

虛名浪說逐羣雄。垂翅何心得楚弓。每把金魚羞父老。豈應竹馬笑兒童。衣冠不改秦時俗。雞黍相遺晉代風。正覺漁樵多厚道。不將白眼看途窮。

野人餉菊有感

四首 案章刻本此詩題下注云元校一本作餉菊索題甲辰在獄室之作細釋詩中無獄中語恐非甲辰作黃節識

戰罷秋風笑物華。野人偏自獻黃花。已看鐵骨經霜老。莫遣金心帶雨斜。柴桑杯酒寄東籬。種菊書成在義熙。今日風光如昨否。殷勤且自把花枝。嘗言愛菊耐霜威。晚節都甘與世違。章刻本自愛字至違字俱作口只恐秋來容鬢改。幾人插得滿頭歸。章刻本口改幾

天寒萬木盡悲秋。誰殿羣芳鬪未休。寄語黃花應努力。須知搖落有黃州。

張蒼水全集卷九

奇零草

代內人獄中有寄已亥

國破已飲泣。家破復間關。自君之出矣。妾媵君亦繲。兒女雖有情。不在別離間。上堂潔脯脰。下堂代斑斕。知君驅汗馬。豈敢怨紅顏。夷官張羅網。忠義委草菅。奄忽大椿謝。君滯滄海灣。兀然生死魂。并作鮫珠潛。君行寶膚髮。奔跳安所還。妾自感百懼。飛蓬任雙鬟。衰門既零落。空閨誰貞艱。哀哉井臼婦。終年困狴犴。非不輕微生。將離實且孱。圖屏滋味惡。燐青碧血殷。古稱東海婦。嚴霜暑露斑。胡天嘗夢夢。莫辨玦與環。如何貫索星。獨照望夫山。視彼磨筭峯。高名良可攀。難將妾巾幘。來佐君羽綸。報君還祝君。旂常樹人寰。

擬答內子獄中之寄

案趙譜及章刻本之寄作有寄又趙譜上首及此首均列己亥與此本同黃節識

盛年不惜別。客久始懷慚。我非蓬蒿人。江湖遂屢淹。況復避豺虎。誰能解征衫。孤雁自西來。彷彿墜書函。書中寄珍重。書外淚重緘。章刻本恍見閨中秀。吞聲寫素緣。卿今

陷虎穴。雙魚何從探。珊珊魂魄來。關河諒非諳。棘林魑魅鄉。骨肉各生嫌。稚子亦囊頭。狼狽形影兼。憶我初行役。兵戈未解嚴。驅馳悲九折。輾轉歲華添。白雲空繚繞。長此傷鳥喙。水鷗雖忘機。安得此鵲鵲。名教自束躬。柔情非章刻本所耽。憐卿持門戶。鼎俎心已甘。豐獄有埋劍。紫氣若煙炎。莫邪獨掩抑。干將慘不銛。神物庶終合。造化焉能殫。生當挽鹿車。死當駕雲驂。

生還四首

案章刻本列之已亥與此本同黃節識

落魄鬚眉在。招魂部曲稀。生還非衆望。死戰有誰歸。蹈險身謀拙。包羞心事違。江東父老見。一一問重圍。

痛定悲。疇昔江臯滿陣雲。飛熊先失律。騎虎竟孤軍。鹵莽焚舟計。虺隤汗馬勦。至今頻扼腕。野哭不堪聞。

本以揚旌去。胡爲棄甲旋。名城空繡錯。故老盡株連。百折終何補。千秋尙章刻本復憐。亦知收燼易。蕭索媿金錢。

奔北誰能殿。圖南我亦迷。翻令百步笑。未得一枝栖。孤島搖烽燧。登壇恃鼓鼙。風雲嗟

跌後無計展霜蹄。

送邱含山還長亭山房

案章刻本題下有自注邱舊任中書舍人九字黃節識

投老猶垂橐。忘歸未拂衣。江山雙淚迸。家國寸心違。作客悲王粲。爲郎憶紫薇。入林還恨望。吾道已全非。

浮蹤同含山感賦

案章刻本浮蹤作萍踪含山上有邱字又此詩列在上首之前黃節識

蕭瑟干戈事浮蹤已似萍。半牀留破席。一室欠疏櫺。霜月。窺人白。漁燈。入夜青。天涯知已在。猶自嘆零丁。

己亥閏元宵賦排律十四韻

案章刻本題無已亥及賦字黃節識

獻歲杓頻指。良宵箭獨稠。東皇添玉厯。南陌駐銀駒。莫葉

章刻本作莢

應雙吐。椒花已兩

浮。小年燈市永。午夜漏聲悠。月令初中節。風光第

章刻本作報

幾籌。蟾輝看倍皎。鶯語聽

全流。復擬傳柑會。偏宜秉燭遊。流黃連夕怨。拾翠隔旬愁。柳弱先披拂。梅寒故逗遛。乾坤分正閏。夷夏辨春秋。只此尊天統。因之念帝憂。耗磨何足論。伏臘豈相謀。金鑰方重闢。銀缸可再篝。香塵冉冉去。歌吹幾時休。

閨元宵限十四鹽韻

案章刻本閨元宵上有已亥二字無韻字黃節識

每惜春宵未可淹。天留倒景上元添。燈毬前度何時再。簫鼓平分此夜兼。靈雨故遲桃李候。香風仍入柳梅占。不愁曉箭相催急。只恐金吾令已嚴。

重到羊山憶舊與定西侯維舟於此

案章刻本無此首黃節識

海國天空一柱撐。重過畫鷁似逢迎。雙牙舊憶聯翩駐。八翼新看跳盪行。化去鸞旂難入望。分來龍劍尚孤鳴。羊山亦有羊公淚。片石應同峴首名。

得家信有感

二首案此二首爲章刻本所未錄黃節識

漫向空閨問別離。年來翟萼已難期。失林應惜飛蓬早。出獄仍悲曳綺遲。豈爲留賓還斷髮。聊因佞佛故低眉。天涯亦有刀頭夢。恰是塗山化石時。浪跡何如五嶽遊。尙平累在轉生愁。佳兒天幸猶完卵。弱女人憎似宿瘤。敢望童烏能接武。祇令老蚌自含羞。故園倘有歸來候。最好沙頭趁野鷗。

鼎貴陽失守

百粵河山已自愁。播遷此日更堪憂。方傳檣杪從南竄。豈意機槍自北流。險阻莫能關。

象。郡。炎。荒。何。處。割。鴻。溝。一。成。賴。有。滇。雲。在。捲。土。誰。爲。借。箸。籌。

會師東甌漫成

案全譜章刻本此詩及以下五首列之已亥與此本同黃節識

甌。越。江。聲。動。鼓。鼙。霸。圖。南。北。尙。雞。栖。誰。爲。揖。客。稱。司。馬。獨。將。遊。兵。是。水。犀。箸。借。章刻本作借箸

自來非爲漢琴操

章刻本作操琴

猶恐未工齊十年種蠹成何事敢向人前說會稽

師次觀音門

樓船十萬石頭城。鍾阜依然拱舊京。弓劍秋藏雲五色。旌旗夜度月三更。中原父老還扶杖。絕塞山河自寢兵。不信封侯皆上將。前茅獨讓棄繻生。

師次蕪湖時余所遣前軍已受降

元戎小隊壓江關。面縛長鯨敢逆顏。吳楚衣冠左袵後。蕭梁城郭暮笳閒。王師未必皆無戰。胡馬相傳已不還。寄語壺漿休怨望。懸軍端欲慰民艱。

師入太平府

案章刻本作師次黃節識

天驕取次奉冠裳。畿輔長驅鐵櫓檣。王業昔誰開采石。伯圖古亦起丹陽。太平府即古丹陽百年禮樂還豐鎬。一路雲霓載酒漿。此去神京原咫尺。龍蟠虎踞待重光。案章刻本無夾注太

平府八字
黃節識

姑熟既下和州無爲州及高渚溧水溧陽建平廬江舒城含山巢縣諸邑相繼來歸

千將一試已芒寒。赤縣神州次第安。建業山川吳帝闕。皖城戈甲魏軍壇。東來玉帛空胡虜。北望銅符盡漢官。猶憶高皇初定鼎。和陽草昧正艱難。

驛書至偏師已復池州府

赤羽飛馳露布譁。銅陵西去斷悲笳。橫流錦纜窺三楚。出峽霓旌接九華。歌吹已知來澤國。樵蘇莫遣過章刻本。田家前驅要識王師意。劍耀作耀。弓鳴亦漫誇。

師入甯國時徵郡來降留都尙未克復

千騎東方出上游。天聲今喜到宣州。威儀此日驚司隸。勳業何人媿徹侯。舊闕烽烟須蚤靖。新都版籍已全收。遺民莫道來蘇好。猶恐瘡痕未可瘳。

得徐闇公信以交行詩見寄

二首
詩列之
案章刻本此
戊戌黃節識

天南消息近成虛。一卷新詩當尺書。誰看墜鷺偏擊權。似聞鳴犢竟迴車。蠻夷總在天

威外越。寓應非王會。初讀罷。瑤篇還涕淚。行吟何獨有三閭。
瘴海誰堪汗漫行。知君五月在舟程。鯢人鼓鬣驚濤暗。烏鬼含沙宿霧生。溫嶠已乖歸。
闕望。張騫徒負泛槎名。武陵溪畔桃源客。故節依然蘇子卿。

新安溪行

案趙譜及章刻本此詩列之已亥與此本同黃節識

曲曲溪流面面山。青峰千折水千灣。山亭擁霧遙疑塔。水碓春雲巧作關。越榜下灘雙。
槳疾。吳鹽到界一帆間。却看兩岸楓林晚。似送離愁照客顏。

寄宿石塘菴與居人道定西侯往事

漢臘誰留十五年。零亡島嶼尚蒼然。野人偏愛甘棠樹。義士猶吟華屋篇。海有浮鷗憐。
後死。村無眠犢憶前賢。請看綴嶺今宵月。可得將軍勒馬還。

己亥冬末立春用杜韻

案章刻本題首無已亥冬末四字黃節識

臘殘海嶠懸桃日。正是山家爆竹時。寂寞兩京寒玉瑄。蕭疎雙鬢點銀絲。干戈回首都。
成夢。杖履隨身那免悲。不飲也應春酒笑。強邀石凍助新詩。

己亥除夕

湖海椒觴十五星。故園咫尺却揚舲。流年與日相將去。歸夢兼愁總未醒。蜡鼓何如鼙鼓急。閩船猶並越船停。春來消息茫無據。起把菱花仔細聽。

經烏江二首

楚歌聲裏霸圖空。匹馬歸來勢自雄。四百年餘炎火

章刻本作口

斷。誰知隆準一重瞳。

旌旗垓下亦堪翻。戰士其如憶故園。縱向江東收燼去。應無子弟到中原。

樅陽謠二首

八尺風帆百丈牽。樅陽湖裡去如煙。江南米價飲來長。喜殺桐糟賣稻船。

沿章刻本作江

湖下網蕩湖船。網內纖鱗錦樣鮮。燈火湖邊兒女笑。魚秧種得不須田。

黃湓謠二首

妾家生小住黃湓。亂挽烏雲剗着禪。九月魚腥湖上熟。自搖蘭槳過前村。黃湓賈客百金裝。湓口長年醉索郎。聞說江干烽火急。停橈一曲古襄陽。

庚子元旦駐師林門庚子

中華正朔古相傳。永歷於今十四年。玉几南荒新日月。

聞乘輿與播遷緬甸

金戈北道舊山川。

春來水逐桃花漲。章刻本

老去人憎柏葉先。猶幸此身仍健在。擬隨斗柄獨回天。章

刻本無夾注聞乘與七字黃節識

遊小壘山庵

案章刻本作游小壘山庵九字黃節識

春郊彌望盡蒼煙。選勝還探小有天。筍發新篁饒玉版。花迷野菊章刻本似金鈿。客

來漸與山欒狎。僧去惟章刻本留海鶴眠。堪笑阮生幾兩屐。桃源總在亂峰前。

病中遣懷案章刻本此詩列之乙未黃節識

潘鬢蕭疏已自驚。何當一豎復縱橫。漸安藥竈同丹鼎。早廢詩瓢共酒鎗。俠骨風中添

寒山

寒山一息影。歧路總章刻本忘機。敢望充藜藿。其如斷蕨薇。徘徊貪有髮。惆悵賦無

衣。此地兼烽火。孤踪何所依。

得朱子成書案趙譜及章刻本此詩皆列之庚子與此本同黃節識

書來惜分手。正憶皖城秋。入海仍精衛。還山尚蒯緱。參差非恨事。倉卒少良謀。異日傳

心史孤忠冀見收。

聞監國魯王以盜警奔金門所

揮淚東南信。初聞羣盜狂。扁舟哀望帝。匹馬類康王。流彘終何限。依爵儻不妨。只今謀稅駕。大地已滄桑。

贈張書紳還錢塘

露棹蕭然向

章刻本
作入

虎林。論兵十載儻知音。千金散盡仍

章刻本
作還

彈鋏。四海交空

且碎琴戶。牖陰謀天地。忌夷門奇計。古今深風塵。何處躬耕好。垂老還爲梁父吟。

上已書懷

九十春光強半空。今朝禊事媚東風。亂紅過雨應千點。新綠含烟自一叢。曲水無觴娛島上。遠山似笏供簾中。子規歲歲啼成血。不道勞人太轉蓬。

重過桃渚

案章刻本題下有自注在
台州臨海縣八字黃節識

一棹天台依舊迷。重來秋爽足攀躋。苔衣慘慘髯偏美。石磴鱗鱗齒未齊。夢到赤城霞氣近。感深滄海水聲低。臨流空作桃花想。媿殺仙源是武溪。

章刻本
作夷

復屯林門

十年兵甲滿滄洲。此日迴戈又上游。人去鹿場仍舊蹟。秋高蟹浦章刻本足晨羞。空山餓犬聲如豹。失路窮黎狀似鳩。自笑經營何太拙。誤將島嶼作并州。

中秋有懷

去年拾桂英山裡。今夕浮槎漲海中。關塞每憐鴻雁影。江湖應悵鯉魚風。金甌玉露原無異。躍馬乘舟已不同。明月當前人在側。持螯把盞莫辭章刻本從。章刻本有元凌

歲暮得蔣馭鴻信兼見其新製寄贈二首

蔣舊授御史今入道案章刻本無二首字蔣舊授御史上有自注

二字黃節識

海嶠多雲入歲除。遠從苔水下雙魚。少微慘淡愁無賴。章刻本中散蕭疎調有餘。仙

鳥不妨神武外。法冠何似惠文初。鑑湖珠樹今安在。黃鶴摩天未卜章刻本居。

梅花一寄起相思。聞向江湖學采芝。吳市尚章刻本留仙尉跡。青門何限故侯悲。鴻

冥豈爲飛揚倦。驄瘦還應行步奇。獨怪槎來十二載。只傳柱下五千辭。

辛丑元旦清歷十八年矣

辛丑元旦下案章刻本無六字黃節識

春回島嶼海天波。紫閣其如赤伏何。晉室新書題甲子。周家舊歷紀共和。金沙日暖朝廻輦。玉壘雲開夜止戈。開案王師出漢克蜀故云聞說今年莽臘盡。椒花頌裏雜饒歌。

弔旅墓

案章刻本此詩繫之丁酉黃節識

荒墳三尺土。宿草幾經秋。鬼亦離鄉賤。人胡渡海遊。鹿場殘照淡。蟻垤野花幽。不用山陽笛。淒然淚自流。

送吳佩遠職方南訪行在兼會師鄖陽四首

何處申胥淚。

章刻本作哭

星槎滄海回。依牆悲鶴立。戀闕夢鑾迴。黑鬪黃圖闢。烏蠻紫氣

來。孤臣芒屨好。敢望畫雲臺。

哀牢原有國。聞自夜郎移。輦路應千折。旌臺亦九疑。駿歸何日事。習捧幾人知。君去排闥闔。將母恨執羈。

郎江稱斗絕。咫尺向夔門。雲棧凌霄起。霓旌揮壁屯。金貂皆上將。鐵馬足中原。一見隨何檄。還應報國恩。

尚有臣靡在其如天步何。涼州方倚柱。盟府孰揮戈。刁斗孤軍細。香盆夾道多。憑君馳蠟表。蚤晚聽錢歌。

失題

案此詩爲章刻本所無黃節識

孤竹餐周粟。予懷胡不然。慚將香炭恨。并作茹荼憐。半七分艷雪。三杯酌乳泉。終南從辟穀。豈羨赤松仙。

秋日傳蜀郡克復瓊海反正喜而有賦

商聲八月愁。萬木正凋秋。空谷音初到。同袍賦足酬。珠甍仍復漢。玉壘亦宗周。從此投天隙。羣雄好兆謀。

三過沙關

五載眞如夢。秦川恨舊遊。地分山閩越。天闊水沈浮。鴻鵠難羈紲。蛟龍空負舟。包胥洵國士。復郢更辭侯。

送羅子木往臺灣二首

中原方逐鹿。

章刻本作卜

何暇問虹梁。欲攬南溟勝。聊隨北雁翔。鰲帆天外落。蝦島水中

央。應笑清河客。輸君是望洋。

羽書經歲杳。猶說袞衣東。此莫非王土。胡爲用遠攻。圍師原將略。墨守亦夷風。別有芻蕘見。迴戈定犬戎。

辛丑長至舟次祝聖二首

朔氣行將盡。今來復一陽。書雲存珥筆。挽日仗冠裳。社稷千帆影。乾坤一劍芒。微臣無限恨。稽首儼天王。

歲華方剝極。何意泰重來。國脈眞如線。天心未似灰。山呼愁節禿。章刻本脫海晏章刻本作待槎迴。賴有黃鐘動。梅花雪自開。

送黎大行南訪行在

誰登仙嶠問。皇輿十載驚。傳典象胥英。篤難歸萬里。節輜軒徒積百蠻書。越人翡翠應無恙。漢使葡萄總不如。惆悵五雲橫燹道。看君却上指南車。

春島霧雨次壁間舊韻

輕寒三月恰春陰。蒼霧青嵐苦滯淫。客至梅花初滿甕。官貧柏子尙充簞。櫻桃紅暈枝。

枝。玉。楊。柳。黃。疏。樹。樹。金。笑。語。東。風。何。惡。薄。獨。遲。芳。草。章刻本到於今。

雨中寒甚再疊前韻

浮雲何意結層陰。海氣朝來越浸淫。誰解催花能節鼓。豈逢寒食欲懸霖。春衣襤褸還如鐵。島樹槎枒轉似金。可是大荒猶殺運。難將燮理佐當今。

春暮悵然有作

蕭條春事又今年。鳥樹江籬最可憐。悲至淚因孤燕下。閒來魂在杜鵑前。雄圖誰復能窺足。雌節何如且息肩。記得古人曾化杖。鄧林孤影亦參天。

三月十九日有感甲申之變

三首 案此詩章刻本繫於壬寅黃節識

燕山春老泣啼鵑。屈指號弓十八年。闕里麟遊書莫載。橋陵龍逝鼎仍遷。玉衣晨舉黃塵染。銅狄秋眠碧血捐。欲賦黍離何章刻本作無限恨。依稀風雨故宮前。

當年羣盜滿長安。倉卒宮車棄百官。旗散黃龍爭解甲。桁虛朱雀罷鳴鑼。攀髯猶惜髮眉少。壓紐空悲羽翼單。獨使至尊殉社稷。千秋青史未曾寬。

漢家天仗肅仙班。一擲金椎不復還。苜蓿祇肥秦塞外。櫻桃誰薦晉陵間。魂招蜀望花

同碧淚染姚

章刻本
作桃

華竹盡寒何處旌旗皆縞素好傳露布到陰山

刊

行

梅花和中峯大師韻三首

案此詩爲章刻
本所無黃節識

閒從寂寞露精神。絕世風流換玉眞。夢入梨花口一色。看來松雪口三人。等閒標格成
凡種多少芳菲步。後塵最是枝頭元臘破。鶯聲還報上林春。
自是天工巧入神。不將醅醕混眞眞。開從嶺外誰爲主。折與江南幾人。鐵骨珊珊疑
有韻。玉鱗寂寂迴無塵。醉餘好弄柯亭竹。吹徹揚州萬樹春。
野鶴仙姿別有神。僊昭端合禮羣眞。已開香國堪稱聖。若貯瑤臺便可人。淡月模糊檀
作暈。清霜窈窕玉生塵。相探莫漫輕攀折。元賞應澆竹葉春。

雜感三首

越國年年教習流。朱旗爭甲自

章刻本
作總

沈浮。歲星不識今何在。依舊檣槍挂斗牛。

卽看江鳥盡流離。精衛何曾借一枝。最恨蹄林秋祭後。天驕猶自灼羊脾。

平林

章刻本
作曉

嚆昔富梧桐。聞說櫟蘇樹已童。華表亦含千載恨。空傳鶴夢到江東。

長鯨行

刺鄭芝龍
案章刻
本無此四字黃節識

南海長鯨何橫絕。吞吐波濤噴日月。鼓鼗俄成赤羽旗。批鱗都變黃金穴。初依海市現樓臺。旋上天關守宮闕。天狼忽從西北來。旌爲蚩尤鞭。爲李長鯨稽首稱波臣。玉皇香案皆羶羯。希恩豈望鳳凰池。論功欲章刻本作敢。乞蛟螭窟。那識狼心最不仁。組繫長鯨離溟渤。跳梁驚復昔睚眦。涸轍應憐舊饕餮。長鯨有子類龍種。起伐靈鼉震列缺。銀河朝犯織女機。珠浦夜泣蛟人血。天狼跋扈還叱咤。僉謂鯨鯢本遺孽。疏屬山頭貳負屍。鍾離村內嵒車骨。殘魂幾處聽蒲牢。遺醢何年化彭越。嗟嗟長鯨爾何愚。如彼異類空屈節。神龍不臣臣貪狼。抉目屠腸坐自滅。昨夜星躔弧矢明。却喜機槍影欲沒。天狼大狼莫浸驕。海宇會有真龍出。

辛丑除夕行營沙關

案此詩爲章刻本所無黃節識

十年三度到閩關。風急星迴客未還。腰臘總來殊越俗。屠蘇那得破愁顏。春符競貯黃龍榜。新歷虛銜丹鳳班。悵望故山雲物改。歸心不斷歲時間。

張蒼水全集卷十

奇零草

壬寅元旦軍次仍行祝聖禮

案此詩爲章刻本所無黃節識

蒼輅青旗不可望。海隅猶得奉冠裳。吹塵夢逐條風遠。思漢情隨旭日長。萬里越人迷貢朔。時滇黔陷已二年百年真主闕。當陽也知報國心無補。願續春王正月章。

元夕金瓶道中

二首 案章刻本有壬寅二字黃節識

海苦

章刻本作若

波俱惡。春陰氣倍寒。征帆渾出沒。窺鏡儘闌珊。燈謎憑誰賭。棋聲讓客

彈。勞生兼浪迹。節物肯爲歡。

最是蹉跎恨。都從此夕來。幾年春爛漫。共月影徘徊。每擬銀鈎滿。當看玉燭開。逢時還寂寂。辜負夜光杯。

元宵舟次步賓從韻

得魚字 案此詩爲章刻本所無黃節識

春濤擁艦儼宸居。雪舞風迴寒滿裾。簫鼓浮空停曉箭。樓臺幻景隱仙輿。帳中絕少盤龍戲。幕下偏能倚馬書。共道六鼉來海上。如何照夜只鯨魚。

贈別陳文生還三山

平生重意氣。定交在班荆。忽忽經亂離。風雨晦雞鳴。得友炎

章刻本

洲上。傾蓋襟已

橫。一奏蘭蕙

章刻本

曲。相辭戒北征。青峰千萬仞。家枕古榕城。將歸省松菊

章刻本

甯爲猿鶴驚。瓊琚鮮雜佩。何以贈君行。屋梁一片月。三山兩處明。珍重陳孺子。替刀俟

漢兵。

章刻本

刀作

辛丑秋虜遷閩浙沿海居民壬寅春余纘棹海濱春燕來巢於舟有感而作

案章刻本

壬寅春作
秋黃節識

去年新燕至新巢。在大厦。今年舊燕來。舊壘多敗瓦。燕語問主人。呢喃淚盈把。畫梁不

可望。畫艦

章刻本

聊相傍。肅羽恨依棲。啣泥嘆飄蕩。

章刻本

自言昨辭秋社歸。比

章刻本

來春社添惡況。一片蘼蕪兵燹紅。朱門那得安。

章刻本

無恙最憐尋常百姓家。荒煙總似烏衣巷。君不見晉室中葉亂。五胡烟火蕭條千里孤。

春燕巢林木。空山啼鷓鴣。只今胡馬仍

章刻本

南牧。江村古樹竄鼯鼯。萬戶千門徒

章刻本

四壁。燕來亦隨檣上鳥。海翁顧燕且太息。風簾雨幙胡爲乎。

甌行志慨

三首 案趙譜此詩繫之癸卯而全譜與此同繫壬寅黃節識

甌水秋堪掬。頻來五兩輕。豈知魏勝壘。欲化李陵城。苦口吾同澤。甘心彼喪名。張陳千

古恨。誰更負今

章刻本 作金 盟。

不信炎靈斷。還留七尺身。吹笳悲自壯。擊筑和誰親。故主呼迎苜。遺民泣避秦。所愁惟

甲脆。徙倚欲

章刻本 作倍 沾巾。

行矣河梁別。翻爲汾隴西。胡天應誤雁。漢地孰亡羝。冰雪危孤膽。風雲怯病蹄。玉關雖

咫尺。敢復望芝泥。

春心

滄江歲月深。老去惜春心。花到辛夷候。人歸杜宇音。閒眠避獨醒。繁恨寄孤吟。天骨原

蕭散。能消許事侵。

北回示將吏

利鈍甯能料。孤軍又北回。同仇計左矣。遺老思深哉。破釜烝徒義。持籌參佐才。古來忠

孝事天地。每相哀。

國粹叢書

張蒼水全集 卷十

二

國學保存會

顯甥奔至

初聞購孺子。何幸脫蘆中。執手哀吾姊。囊頭並若翁。死生盡一別。忠孝已雙窮。淒絕青山外。鵲啼血倍紅。

聞家難有慟四首

仇國言終驗。門衰祚亦危。痛深。

章刻本
作心

惟骨肉。盡及受深夷。白首青楓暗。黃腸廣柳遲。百端交集處。能不碎心脾。

家破原因我。何堪玉並焚。亢宗空有子。函夏已無君。左衽興亡決。南冠生死分。拊棺猶未得。揮淚結玄雲。

孤竹行吟後。家無四壁存。更聞宗欲墜。不但族先燔。踴躍微。

章刻本
作孤

臣節踰。孝子魂。願爲雙白鶴。飛去叩天關。

淫威何太甚。原外鶴鵲鳴。空擬班昭疏。甘成蠹政名。肝埋有處士。腸斷是零丁。遙識胥江路。霜飛獨滿城。

贈陳文生侍御返命閩嶠二首

益部今何似。孤懸一使星。滿思匡漢室。虛擬乞秦庭。鶴立孤臣淚。龍潛舊主靈。倡予還和汝。天夢儼然醒。

恨別還如昔。憂危較獨多。孤槎偏踣躑。故節已蹉跎。羽翼猶吾否。鬚眉奈爾何。南陽雄雉在。努力向滹沱。

月夜同陳文生過黃粹伯留酌

爲如秋容愛晚行。明河如練月初更。當關忽報雙筇過。入座先驚一榻橫。此夜冰壺堪濯魄。誰家絃扇獨關情。風流笑殺黃山谷。廚傳居然阮步兵。

傳聞閩島近事

案此詩爲章刻本所無黃節識

南荒烟嶂百蠻天。別有山川紀漢年。仗鉞每勞紆鎖鑰。降幡何事閃樓船。似聞徐偃軍皆散。豈意田橫客未捐。四海總憑孤劍在。紫霓應傍斗牛躔。

感懷兼悼延平王

案此詩爲章刻本所無黃節識

擬將威斗却居延。捧讀珠槃事渺然。龍鬬幾人開貝闕。鶴歸何處問芝田。引弓候月爭相賀。挂劍寒雲祇自憐。想到赤符重耀日。九原還起聽鈞天。

得故人書至自臺灣

二首 案此詩爲章刻本所無黃節識

炎洲東望伏波船。海燕啣來五色牋。聞有象芸芝。尤地愁無雁。度荻蘆。天抽簪。身自通。臣幸棄杖誰應夸父憐。只恐幼安肥遯老。黎牀皂帽亦徒然。杞憂天墜屬誰支。九鼎如何繫一絲。鼇柱斷來新氣象。蜃樓留得漢威儀。故人尙感塞。夢老馬難忘伏櫪詩。寄語避秦島上客。衣冠黃綺總堪疑。

驚聞行在之變正值虜庭逮余親屬痛念家國何能已已

案此詩爲章刻本所無黃節識

自分孤臣九死應。國仇家難轉相仍。埋名恨不同梅尉。誓旅知非擬駱丞。芳草王孫歸。莫望蒼梧帝子去。無憑枕戈此日將何待。仰視浮雲一拊膺。

秦吉了癸卯

秦吉了。生爲漢禽。死漢鳥。塞南塞北。越禽飛。悵望故山。令人老。載鳴鳴華音。載飛飛華土。翻折翅垂。夷敢我侮。生當爲鳳友。死不作雁奴。我是名禽不可辱。莫待燕婉生胡雛。鷺猶嚇鵲休。

章刻本作徒

惜倉庚空格磔。哀哉不能言。起視嘗

章刻本有嘆息

枯魚過河泣

案章刻本此詩繫之丁酉黃節識

枯魚過河泣。道上陽侯揖。此方介族難興立。

促織

案此詩章刻本繫辛丑黃節識

促織促織。微吟閨夕。緯婦驚秋。停機太

章刻本作歎

息。織織苦疏。織織苦密。萬縷千絲。織

不成匹。

孤桐吟

孤桐產嶧陽。百尺巢風雨。時作白頭吟。天然發宮羽。斲爲嬰下材。遂與棗栗伍。中郎秉玄鑒。勿因積薪阻。飾以琬琰姿。摩娑一再鼓。清聲洞天地。神物炫今古。士誠貴知音。此道已如土。

薤露吟

案章刻本此詩繫戊戌黃節識

赤風蕩海宇。弱水羣飛揚。日月長麗天。中有蓬萊鄉。桓桓國虎臣。據圖畫封疆。火生木必焚。害金自相戕。屏藩遂已撤。干戈及寢皇。白日竄野馬。黃昏號國殤。貴賤同一骨。誰爲送北邙。

蒿里曲

猛獸在深山。藜藿亦壽考。況也濟亂流。干城國之寶。一朝捐賓客。三軍哭孤島。李代桃亦僵。劇易絲逾擾。吁嗟周遺民。去作流離鳥。路逢故鬼語。死生何草草。野死媚烏鳶。水死蛟螭飽。哀哉失所天。人命不自保。

苦饑

案章刻本此詩繫之已亥黃節識

登彼三神山。慨焉思遐舉。蘆荻風蕭蕭。白石不可煮。絕粒固所宜。躊躇傷徒侶。讓首視烏鳶。青天嚇腐鼠。不念山中人。餅馨亦曷恥。豈乏稻粱謀。卑棲因鐵羽。安得有蕨薇。療飢待明主。

虜廷以余倡義既久屢復名城遂逮及族屬且開告密之門波累親朋榜掠備至

聞之泣然案捕逮族屬事黃梨洲蒼水墓誌銘及沈冰壺蒼水傳所書皆在甲辰而趙譜此詩繫之壬寅胥與此異又章刻本

波累作波及黃節識

宗國既飄搖。家門遂顛覆。感此多難生。章刻本作心欲泣不成哭。我生實數奇。乾坤方百

六。口口滿中華。

章刻本作原

赤靈社已屋。孤臣骨可糜。豈敢惜孥戮。所悲諸父行。斑白接

三木。女兄與所天。株連遭孥格。幸或作流人。否則

章刻本作恐

登鬼錄。稚子竟何辜。十載

尚淹獄。此儻有寡妻。墨幃兼縑幘。國亡家亦亡。我固甘湛。

章刻本作沈

族。邇聞告密風。舊

遊復被錄。白虹慘欲垂。黃金貧莫贖。天地豈不寬。誰念忠之

章刻本作義

屬。惟應千秋名。

芬芳自蠟酒。

章刻本作灑

涕慰親朋。安知此非福。

次韻酬林荔望

日日天南賦。

章刻本作望

五雲家亡國破友朋分。廿年血淚枯崖島。三度孤師哭宋文。力

竭臣靡難復夏。聲哀望帝痛思君。西臺幸有同仇侶。媿殺投繯終少

章刻本作子軍。

愁泊

蕭風苦雨逐潮來。慘淡危舟倍足哀。身比傴僂長似曲。心疑混沌不知開。海翁蜃蛤還相餉。山鬼椰榆日莫猜。往事分明堪擊筑。浮生那得數啣杯。

憶西湖

案趙譜此詩繫之甲辰黃節識

夢裏相逢西子湖。誰知夢醒却模糊。高墳武穆連忠肅。參得新墳一座無。

章刻本有元校據墨蹟作

新祠寫本作新墳者誤夾注凡十五字

甲辰元旦

案此詩爲章刻本所無黃節識

江花島樹影參差。海日晴開萬象時。正朔應非堯甲子。孤軍猶是漢威儀。眞人白水何年事。故老青山幾處詩。雲物機祥誰定得。且憑玉歷辨華夷。

新正二日坐雨島上

纔望晴雲布歲朝。漸來仙嶠雨瀟瀟。山煙繚繞蒼堪滴。海氣模糊白欲飄。撥悶屠蘇隨意醉。滯寒楫楸逐時燒。故人天際誰相問。總爲春風尙寂寥。

懷古

憶

章刻本
伊

昔東陵侯。浮沈在青門。種瓜皆五色。不肯負亡秦。故侯何足貴。章刻本
道羞

與世間羣。及爲文終客。教以報章刻本
保功勳。似得黃老術。知亡亦知存。存亡會有時。

出處要有期。借問五色章刻本
東陵瓜。何如三秀芝。

月夜登普陀山二首

案此二首爲章刻
本所無黃節識

孤情深一往。初夜捫雲峯。古色空山樹。元音暮海鐘。口痕盛月淡。香蹟踏花重。漸覺浮生穴。何勞來去蹤。

海岸眞孤絕。青青三兩峯。月圓清梵塔。潮上翠微鐘。鶴夢來何處。龍吟隔幾重。口門有

燈火僧話舊時蹤

山居即景

四首 案章刻本此詩繫之甲辰 下有元校見采薇集六字黃節識

結茅在山椒

曲曲 章刻本 作面面 意實清幽 微生高情 欲采綠

平楚殊蒼莽

章刻本 作然

衆峯亦

章刻本 作情深復

窈窕清風

章刻本 作輝

來撲人引我發長嘯

清

章刻本 作空清

空不可極俯視但雲光衆妙含其中疑爲天地房

朝光來窺牀樹影綴羅帳推枕一摩挲天然淡墨幃

山中屢空泊如也偶讀淵明飢驅句猶覺其未介遂作反乞食詩仍用其韻

三首 案

章刻本其韻作 陶韻黃節識

悲風變陵谷余行將安之浩然懷黃綺燁燁

章刻本 作燁燁

紫芝詞清聲出金石孤情獨往

來彭澤何人斯東籬戀酒杯微祿已不耽沾沾乞食詩乞時

章刻本作乞 因自有意

固有意外

以觀其才吾則愛吾鼎白雲儉分胎

西山有餓夫寒裳欲就

章刻本 作從

之或言舉世腴君癯寧有詞流水淡須眉天眞所由

來況也朝市改志士寡深杯療飢託藜

章刻本 作薇

藿寧識招隱詩今古多肉食誰爲天

國粹叢書

張蒼水全集

卷十

六

國粹叢書

下才珍重墨胎氏。靈龜幸見胎。

三旬九遇食。我聞古有之。不貪以爲寶。無受亦

章刻本

無辭。奈何饗養者。朵頤鼎鼎。

來。乞哀在暮夜。餘羹僅一杯。斟酌既飽滿。猶吟和陶詩。緬維珠樹鶴。清高未易才。芝田

良

章刻本

足耕。嘉禾聊自貽。

擬古二首

蕭蕭巖畔竹。亭亭澗底松。植根非不高。孤峭慮難容。骨肉緣枝葉。分飛類轉蓬。非關恩

義薄根株。良不同越鳥。栖南枝。代馬立朔風。貌馬長惻悵。

章刻本

道阻誰適從。

晦明本如轂。日日相推移。寒暄亦如環。歲歲迭乘除。白雲從

章刻本

西來。告我商秋

期。林臯色慘淡。蛩聲哀以思。昔也苦炎威。今含搖落悲。天地

章刻本

始肅殺。草木詎

能達。百卉條委靡。

章刻本

寧復艷陽時。猶

章刻本

識持晚節。獨有凌霜姿。寄言

桃李子。慎勿恃芳菲。

懷王媿兩少司馬徐闇公沈復齋中丞

我昔曾

章刻本

上嘉禾島。島上衣冠多四皓。方瞳綠鬚映蒼髯。紫芝一曲何縹緲。年

來蒼海。

章刻本

欲生塵煙峯。亂蠹商山道。杖履流落似晨星。天長地闊令人老。南望

銅陵又一山。風颺千尺鯨波間。不然擬

章刻本

乘黃鶴去。去去麟洲不復還。

章刻本

第幾

聞孤鳥有作

案章刻本鳥字下多一而字黃節識

孤鳥孤鳥聲憶憶。風雨中宵我心惻。似聞鳥言生不辰。空山寥落無顏色。在昔雄飛向九霄。金眸玉爪行胸臆。巢雲曾傍萬年枝。擊水寧須六月息。風雲蹉跌幾星霜。宛轉枋榆困枳棘。東門鐘鼓爲誰觴。北海木石徒爾塞。杜宇漫語不如歸。鷓鴣疾呼行不得。予口卒瘁予尾脩。章刻本却來山阿。章刻本欲避弋。一飲一啄孰將雛。雙宿雙飛。章刻本誰比翼。寒枝獨抱月黃昏。島樹蒼茫林影黑。橫絕四海。會有時敢告羈雌。章刻本還努力。嗟乎此鳥亦非凡。鸞歌鳳舞。嚙能識。但看孤鳥伴孤臣。悠悠蒼天曷有極。

入山

案章刻本此詩繫之甲辰下有元校已下見采薇集八字黃節識

大隱從茲始。悠然見古心。地非關勝覽。天不碍幽尋。石髮溪頭長。雲衣谷口深。此中有佳趣。好作采薇吟。

擬古

其一 案此詩爲章
刻本所無黃節識

百蟲恆鳴秋。百鳥恆鳴夏。人生百歲間。炎涼倏代謝。常憂時命乖。榮名不相借。時命亦何常。經綸貴權藉。所志豈榮名。擔負庸可卸。感此摧中腸。攬衣起視夜。高天明月輝。爛漫繁星舍。願言照微襟。幽懷得暫暇。

清音

倚杖綠天中。清音自不窮。鶯枝傳古調。蟬翼

章福本
作葉

散元風。谷響丁丁發。溪聲曲曲

通。由來塵夢斷。遮莫是心空。

林中漫興 二首

幽棲得玄

章刻本
作名

理。雙屐轉從容。渴漚捫龍乳。荒溪

章刻本
作蹊

採鹿茸。振衣空翠襲。

擁樹蔚藍封。不識鴻濛外。蒼嵐更幾重。

選勝非吾意。長林一送窮。天供青玉案。人坐碧紗籠。道貌山

章刻本
作人

癯似。機心海鶴

空。獨嫌遺世晚。所以遜龐公。

小猿畜之兩年以病抱樹而死爲之惻然

案章刻本兩年字
作久矣黃節識

升木何須教。奔林豈爲驚。胡然攫章刻本一疾。不復聽三聲。腸斷巫山暗。魂歸楚水明。爭如孫供奉。能報主人情。

灑血

四首

忠烈墨蹟

案章刻本

此詩繫之甲辰題作無題兩字下有元校據

作武林獄中作三首無末一首凡二十字黃節識

漢冠雲臺圖畫香雪窖夢魂寬豈望黃羊乳今

章刻本

作無

勞白玉餐廣陵有絕操琴碎不堪彈

文山不柴市故里一黃冠此意誰非屈何人肯

章刻本

自寬羽微難石飲舌在任刀

餐今古綱常事因吾好細彈

會聞古俠士相送白衣冠生死關原重興亡安

章刻本

誰復報吳餐羞殺章刻本

作報

無長缺從今莫浪彈章刻本

有夾注元校差報句墨

乾坤竟如此刺眼盡猴冠射昴天方醉騎箕地較寬難中慚館穀夢裡憶堂章刻本

憶字堂作

口餐一笑甘兵解何曾有泪彈

山中初度漫詠同羅子木來韻時年四十有五案章刻本無漫詠以下

甲辰年作十一字然以年譜校

之則此詩當繫甲辰矣黃節識

國粹叢書

張蒼水全集

卷十

八

國學保存會

曾向洪崖乞大還劫

章刻本

來烟火混人間幾回擲劍橫青海一笑攜瓢臥

章刻本

掛碧山。煮石應難

章刻本

消俠氣。劇

章刻本

苓尚欲補

章刻本

章刻本

朝如蓋爲問猶龍可度關

賦罷初衣未許

章刻本

還伊人宛在翠微間幸無白望

章刻本

扮檢社

章刻本

可

有丹名桐柏山種邁

章刻本

麒麟徒掩淚夢回蝴蝶

章刻本

且開顏樽前莫論

浮雲態回首風塵

章刻本

滿漢關

日轡嶮巖去不還客星慘淡五雲間自非和扁難醫國誰似巢由易買山百谷烟霞憐

馬齒二陵風雨識龍顏桑弧半老成何事只合壺天獨掩關

章刻本

倦飛玄鶴亦知還白石蒼苔咫尺間車馬自然多易水衣冠原只在商山雲漿夜酌金

人掌黛色朝披玉女顏已覺閒身堪羽化何須八翼夢天關

章刻本

清秋憶從弟嘉言

案趙譜云國史吳元福傳總鎮林國梁謀內附煌言

甲辰憶嘉言詩意似未審存亡則以此詩爲甲辰之作又章刻本有元校在采薇集六字黃節識

秋聲蕭瑟到空山悵望驚鴻去不還離別紫荊生死際平安黃犬有無問寒蛩織月思

千里

章刻本
作縷

孤鶴巢雲影半闌。多少長林搖落態。獨憐愁緒未能刪。

索居島上童子折梅來獻喜而有賦二首

苦信天涯誰過。存一枝瞥見。慰離魂。寄來庾嶺應無驛。幾到羅浮別有村。仙史輕

章刻本

華宜淡墨。故人蕭散足清尊。巡簷爲弄陽春曲。羌笛何須惱故園。

絕島凝寒氣未溫。忽傳春色到蓬門。蒼顏猶帶煙霞韻。素魄時留冰雪痕。欲探龍頭愁遠樹。却看牆角喜孤根。疎枝冷蕊仍堪把。何遜揚州且莫論。

卜居

荒洲小築笑焚餘。結搆新茅再卜居。性僻故貪鷗鷺侶。地偏猶逼虎狼墟。寒蘆瑟瑟秋張樂。宿火熒熒夜讀書。正憶普天方左袵。此身那得混樵漁。

答趙廷臣二首

不堪百折弔孤

章刻本
作通

臣。四顧蒼茫九死身。難挽龍髯空負

章刻本
作問

鼎。姑

章刻本
作獨

留堂臂強當輪。謀同曹社非無鬼。哭向

章刻本
作罷

秦廷那

章刻本
作可

有人。敢是天方崇。

閨位黃雲白草未曾

章刻本
作生

春。

擲揄一息

章刻本
作旅

尙圖存。吞炭吞氈可共論。敢望臣靡興夏祀。祗憑帝鑒答商孫。衣

冠獨

章刻本
作猶

帶雲霞色。旂旒仍

章刻本
作長

懸日月痕。羸得孤臣

章刻本
作軍

同碩果也

留正氣在乾坤。

山中七夕銀廉韻

二首
案章刻本作
限韻得廉字黃節識

青山詩思入秋添。愁對雙星韻漫拈。紈扇自來驚少昊。雲駟何處御飛廉。七襄枉乞天
孫巧。五緯虛傳漢使占。要識太清塵穢淨。莫將河鼓擬香奩。
清秋一暈挂涼蟾。渺渺銀潢天漢淹。烏鵲橋成誰問渡。姮娥宮近倘生嫌。冰機爭似雲
情薄。金掌依然露氣廉。却笑兒童偏解事。排瓜擲果向鈎簾。

疊七夕前韻

案章刻本作又
疊前韻黃節識

斜風斜月

章刻本
作日

正纖纖。買得秋光價亦廉。繡幕何人愁遠望。

章刻本
作別

綵幡

章刻本
作
車。今夕喜重瞻。星前錦似千純麗。雲外香來百和兼。明日內家應看巧。朱

章刻本
作蛛
絲

金盒共誰覩。

有所思二首

堯封禹貢幾滄桑。海外何當有大荒。唧。燭。地。誰。章刻本留野鹿探章刻本香人亦

類。文。狼。空。將。漢。法。頒。司。隸。獨。少。周。原。紀。職。方。寄。語。居。夷。諸。將。帥。秋。風。萬。里。待。歸。航。

天星歲歲在餘皇。一去延津劍渺茫。最誤文皮包甲冑。漫夸卉服奉冠裳。望鄉臺上分

羹冷。建業城邊遺鐵黃。閩嶠至今皆蔓草。不知三矢有誰囊。

甲辰七月十七日被執進定海關案章刻本有元校墨蹟作入定關八字

執作也十六字黃節識

何事孤臣竟息機。魯戈不復挽斜暉。到來晚節同章刻本松柏。此去清風笑薜薇。雙

鬢難容五岳住。一帆仍向章刻本十洲歸。疊山遲死文山早。青史他年任是非。

被執過故里案章刻本作歸故里黃節識

蘇卿仗漢節。十九歲華遷。管寧客遼東。亦閱十九年。還朝千古事。歸國一身全。予獨生

不辰。家國兩荒煙。飄零近廿載。章刻本仰止媿前賢。豈意避秦人。章刻本作楚

囚。憐。蒙。頭。來。故。里。城。郭。尚。依。然。彷彿丁令威。魂歸華表巔。有覩此面目。難爲父老言。知

者哀其辱。愚者笑其顛。章刻本或有賢達士。謂此勝錦旋。人生七尺軀。百歲寧復延

所貴一寸丹。可踰。

章刻本

金石堅求仁而得仁抑又何怨焉。

甲辰八月辭故里

二首

案章刻本無甲辰二字有夾注
元校墨蹟作入武林二首十字黃節識

義轍縱橫二十年。豈知閔位在于闐。桐江空繫嚴光釣。震澤難回范蠡船。生比鴻毛猶

賁國死留碧血欲支天。忠貞自是孤臣事。敢望千秋信史傳。

章刻本他年青史傳有夾注元校他年二字

國亡家破欲何之。西子湖頭有我師。日月雙懸于氏墓。乾坤半壁岳家祠。慚將素

夷。

赤手分三席擬

章刻本

爲丹心借一枝。他日素車東浙路。怒濤豈必屬

章刻本

鷗。

宿官亭

漫道詩書價未償。滿身枷鎖夢魂香。可憐今夜官亭月。無數清光委路傍。

墻角紅梅九月發。花一朵偶成四絕時。羈獄舍

案此詩爲章刻本所無黃節識

秋嚴朝口薄於鹽。誰遣紅梅早放尖。一點春陽口口笑。不須寒霽臥春檐。奇葩香韻自廉纖。不壓冰霜瘦轉添。只恐枝頭口口貴。他年調得許多鹽。

何用高吟昔昔鹽。也應索笑到巡檐。獨驚梅菊爭先吐。東閣東籬韻兩拈。寒枝堆盡水精鹽。欲捲孤山雪一簾。何事西風能點綴。先吹霞片到花尖。

坐次聞樂有感

案此詩章刻本合之獄中感懷作四首黃節識

一曲銅鞮自繞梁。王賓相對不尋常。莫言簫鼓

章刻本

非愁壘。豈信囹圄是福堂。唱

罷。秦。青。誰。避。席。悲。深。凝。碧。且。停。觴。請。君。休。訝。河。清。笑。

章刻本

司馬於今更。斷

腸。

章刻本有夾注元校非愁壘墨蹟作空悲墨凡十一字

甲辰九月獄中感懷

三首

案章刻本有夾注元校墨蹟作首黃九月感懷在獄中作十五字又合之上章作四甲辰節識

口碑載道似

章刻本

還非誰識。蹉跎心事遠。既熟熊蹯寧復待。縱生馬角竟安歸。綸

巾原當蘇卿節。葛帔依

章刻本

然晉代衣。得與墨胎相把臂。九原應不恨知希。

羈縻斗室尙何爲。慷慨從容我亦疑。豈是殷頑能革面。雖然漢厄

章刻本

莫

低眉。鞢。鷹。躑。躑。誰。語。鐵。鳳。躊。躇。只。自。知。莫。道。古。人。多。玉。碎。蓋。棺。論。定。未。嫌。遲。

棘林宛轉盡針氈。便擬寒灰豈易燃。空有沈湘魂黯黯。幸無入洛影翩翩。鸞刀欲下何

須挽。雁帛當頭不用傳。惆悵寸陰真似

章刻本

歲。小樓爭繫

章刻本

坐三年。

放歌

案章刻本作放小武
林獄室書壁黃節識

吁嗟乎。滄海揚塵兮。日月盲。神州陸沈兮。陵谷崩。藐孤軍之屹立兮。呼癸呼憫予庚此。
子遺兮。遂息機而寢兵。方壺圓嶠兮。聊稅駕以薤。章刻本名神龍魚腹。章刻本兮。罹

此。

章刻本

豫且之譽予生則中華兮死則大明寸丹爲重兮七尺爲輕維彼文山兮

作彼

作理

作理

作理

作理

作理

作理

作理

作理

亦羈縻於章刻本燕京黃冠故鄉兮。非予心之所馨。欲慷慨而自裁兮。旣束縛而嚴

更。章刻本學謝公以絕粒兮。奈羣喙之相并。等鴻毛於一擲兮。何難談笑而委形。憶

更。

章刻本

作理

作理

作理

作理

作理

作理

作理

作理

作理

作理

唐臣之嚙齒兮。視鼎鑊其猶冰。念先人之踐土兮。愧忠孝之無成。章刻本作忠
唐臣之嚙齒兮。視鼎鑊其猶冰。念先人之踐土兮。愧忠孝之無成。章刻本作忠

唐臣之嚙齒兮。

章刻本

作理

作理

作理

作理

作理

作理

作理

作理

作理

作理

緊本作嗣子之章刻本牢籠兮。痛宗祀之云傾已矣。夫苟瓊謝玉兮。亦有時而凋零。予

緊。

章刻本

作理

作理

作理

作理

作理

作理

作理

作理

作理

作理

之浩氣兮。化爲風靈。予之精魂。章刻本變爲日星。尙足留網常於萬祀。章刻本

之浩氣兮。

章刻本

作理

作理

作理

作理

作理

作理

作理

作理

作理

作理

兮。垂節義於千齡。夫何分孰爲國祚兮。孰爲家聲。歌以言志兮。肯浮。章刻本慕乎箕

兮。

章刻本

作理

作理

作理

作理

作理

作理

作理

作理

作理

作理

子之貞。若以擬乎正氣兮。或無愧乎先生。

絕命詩

我年適五九。偏章刻本逢九月七。大廈已不支。成仁萬事畢。張蒼水全集卷十終

張蒼水全集卷十一

詩餘

柳稍青

錦樣江山何人壞了。雨瘴烟。柳。故苑鶯花舊家燕子一例闌珊。此身付與天頑。休更問秦關漢關。白髮鏡中。青萍匣裡。和淚相看。

長相思 中夜聞箏

炙鳳笙。調鴻箏。弄入陽關第幾情。銅壺滴漏明。一更更。一星星。都是商聲與羽聲。離人不忍聽。

前調

品瑤笙。按銀箏。換羽移宮無限情。秋天不肯明。幾更更。幾星星。半是商聲與徵聲。羈人和夢聽。

前調 秋

秋山青。秋水明。午夢驚秋醒未醒。乾坤一草亭。故國盟。故園情。夜闌斜月透疎櫺。孤

鴻三兩聲

滿江紅

蕭瑟風雲埋沒盡英雄。本色最髮指駝酥羊酪。故宮舊闕。青山未築祁連冢。滄海猶銜精衛石。又誰知鐵馬也。郎當。瑠弓折。誰討賊。顏卿檄。誰抗虜。蘇卿節。拚三台壁紫。九京藏碧。燕語呢喃新舊雨。雁聲嘹唳興亡月。怕他年。西臺慟哭人。淚成血。

前調 懷岳忠武

屈指興亡恨。南北黃圖銷歇。便幾個孤忠大義。冰清玉烈。趙信城邊羌笛雨。李陵臺畔胡笳月。參模糊吹出玉關情。聲淒切。漢宮露梁園雪。雙龍逝。一鴻滅。廣遺臣怒擊唾壺皆缺。豪傑氣吞白鳳髓。高懷肯飲黃羊血。試排雲待把捧日心。訴金闕。

張蒼水全集卷十二

雜著

北征錄

余自乙酉倡大義於甬東。距今已亥十有五載矣。其間栖山蹈海。艱苦備嘗。俱無足論。獨憶丁亥歲。持節監定西侯軍西征。遭颶風覆舟。陷虜中七日。得間行歸海上。嗣後三入長江。登金山。掠章刻本瓜儀。而師徒單弱。卒鮮成功。章刻本作績至戊戌追隨賜姓延平王。章刻本作藩北伐抵羊山。復遇風。碎舟返旆。踰年歲在己亥仲夏。延平全軍北指。以余練習江上形勢。使章刻本作推余前驅。抵崇明。余謂延平崇沙乃江海門戶。且懸洲可守。不若先定之爲老營。不聽。既濟江。議首取瓜步。時虜於金焦間。章刻本無以字鐵索橫江。夾岸置西洋大砲數百位。欲遏我。章刻本有舟字師延平屬余領袖水軍。先陸師入。余念國事。敢愛軀命。遂揚帆逆流而上。次砲口。風急流迅。舟不得前。諸艘鱗次。且進且却。兩岸砲聲如雷。彈如雨。諸艘或折樁。或裂帆。水軍之傷矢石者。且骨飛而章刻本無面字肉。舞也。余叱舟人鼓棹。逆入金山。共總章刻本作同綜數百艘。得入者僅十七舟。而本轄則十

三。嘻危哉。次早。藩師始薄瓜城。一鼓而殲滿漢諸酋。

章刻本作虜

殆盡。乘勝克其城。延平

即欲取石頭。余以潤州實長江門戶。若不先下。則虜舟出沒。主客之勢殊矣。力贊濟師。

鐵甕。而延平猶慮留都援騎。可朝發而夕至也。余曰。

章刻本作謂

何不遣舟。

章刻本作無舟字

先擣觀音門。則建業震動。且

章刻本作虜將

自守不暇。何能分援他郡。延平意悟。即屬余督

水師往。且以直達蕪湖爲約。夫蕪湖固七省孔道。商賈畢集。居江楚下流。爲江介。

章刻本作

界。鎖鑰重地。況踰金陵。歷采石。懸軍深入。此不可居之功也。余一書生耳。兵復單弱。何

能勝任。雖然。倡義之謂。何顧入中原而不圖恢復也。

章刻本作邪

余何敢辭。於是江湖縮

臍。水下如駛。海舟行遲。余易沙船牽挽而前。未至儀真五十里。吏民賫版圖迎王師。蓋

彼都人士。知余姓氏有素。故遮道來歸。迄余抵儀真。先一夕。延平已遣李將軍。單舸往

撫。余輒欲引去。闔郡士民。焚香長跪雨中。固邀余登岸。不獲已。登江濱公署。延見慰諭

之。衆以李將軍無兵。恐虜騎突至。則無以捍牧圉。

章刻本作有

留余保障。余迄不可。遂

行。鷁首所向。遺民無不具瓣香相送者。而江濱小艇。載果蔬來貿易如織。若不知有兵

者。余顧而樂之。以爲儼然王師氣象矣。舟次六合。得報。藩師已于六月廿四日復潤州。

余計潤城已下。藩師由陸逐北。雖步兵皆鐵鎧難疾趨。日行三十里。五日亦當達石頭

城下。即作書致張茂之。即所號爲五軍者。謂兵貴神速。若從水道進師。巨艦逆流。遲拙

非策。余恐後期。因晝夜牽纜。士卒瑟瑟行蘆葦中。兼程而進。抵觀音門。乃六

月廿有八日也。不意藩師竟從水道來。故金陵得嚴爲之備。余艤棹觀音門兩宿。所統

大鯨尙遠。遂發快船百餘。戰勁虜。侵晨出上新河。順流而下。擊棹如飛。余左

右不滿十舟。且無利兵。戰不利。幾困。忽一帆至。則余轄下鰲艚也。

余即乘之復戰。後鯨續至。虜始遁去。而日已曛矣。詰旦。整師前進。虜

兵不出。余部曲馳報江浦已破。蓋方余與虜對壘也。先一哨越浦口旁掠。止

七卒。抵江城。城中虜騎百餘。開北門遁。七卒遂由南城入。亦一奇也。捷聞。延平止余母

往蕪關。且扼浦口以撫江邑。此七月初四日事也。翌日。延平大軍亦抵七里洲。正商

量字。攻取建業。而余所遣往蕪湖諸將捷書至。蕪城已降矣。爾時

上游聲靈丕振。而留都守禦亦堅。延平謂余蕪湖

上游聲靈丕振。而留都守禦亦堅。延平謂余蕪湖

張蒼水全集 卷十二

留都不旦夕下。則江楚之援日至。知非公不足辦此。余雖讓至再。延平但促余旋發。章本

本作但

促余往

於是率本轄戈船以行。而幕府之謀自此不復。

章刻本

興聞矣。七日抵蕪城。

傳諭

章刻本

作檄

諸郡邑。江之南北。相率來歸。郡則太平。寧國。池州。徽州。縣則當塗。蕪湖。

繁昌。宣城。寧國。南陵。南甯。太平。旌德。貴池。銅陵。東流。建德。青陽。石埭。涇縣。巢縣。含山。舒

城。廬江。高淳。溧水。

章刻本

溧陽。建平。州則廣德。無爲。以及和陽。或招降。或克復。凡得

府四州三縣。則二十四焉。先是余之按蕪也。兵不滿千。船不滿

章刻本

百。惟以先聲

相號召。大義爲感。孚騰書。縉紳。馳檄。守令所過。地方秋毫。不犯。有游兵關

章刻本

作闕

入

剽掠者。余擒治如法。以故遠邇壺漿恐後。即江楚魯衛豪雄。多詣軍門。受約束。請歸。襁

旗相應。余相度形勢。一軍出溧陽。以窺廣德。一軍鎮池州。

章刻本

以扼上游。一軍拔

和陽。以固采石。一軍入寧國。以徇新安。而身往來姑熟間。名爲駐節。鳩茲。而其實席不

暇暖也。余日夜部署諸軍。正欲直

章刻本

取九江。然延平大軍圍石頭城者已半月。

初不聞發一鏃射城中。而鎮守潤江督

章刻本

帥亦未嘗出兵取旁邑。如句容。丹陽。

實南。畿咽喉地。尚未扼塞。故蘇常援虜得長驅入石頭。余聞之。即上書延平。略謂頓兵

堅城師老易生他變。亟宜分遣諸帥。盡取畿輔諸郡邑。

章刻本無邑字

若留都出兵他援。我

可以邀擊殲之。否則不過自守虜耳。俟四面克復。方可以全力注之。彼則直檻羊穿獸

耳。無何石頭師挫。緣士卒釋兵。

章刻本作戈

而嬉。樵蘇四出。營壘爲空。虜謀知。用輕騎襲

破前營。延平倉猝移帳。質明軍竄未就。虜傾城出戰。兵無鬪志。竟大敗。時余在甯國。受

新都。

章刻本無都字

降報平。遽返蕪城。

章刻本作報返至蕪

已七月廿九日矣。初意石頭師即偶挫。未

必遽登舟。即登舟亦未必遽揚帆。即揚帆必且退。

章刻本作復

守鎮江。余故壓彈上流。不

少退。而虜酋耶廷佐哈哈木管効忠等。遣書相招。余峻詞拒。

章刻本作答

之。太平守將叛

降於虜。余又遣兵復取太平。生擒叛將伏誅。然江中虜舟密布。上下信音阻絕。余遣一

僧賣帛書。由間道訪延平行營。書云。兵家勝負何常。今日所恃者民心耳。況上游諸郡

邑。俱爲我守。若能益百艘相助。天下事尙可圖也。倘遽舍之而去。如百萬生靈。何詎

章刻本

本有延平不但舍石頭城去。且舍

章刻本作棄

鐵甕城行矣。留都諸虜。始專意於余。百計

截余歸路。以爲余不降。

章刻本無不降二字

必受縛。各將士始稍稍色變。然刁斗猶肅然。余欲

據城。

章刻本有邑字

與虜格鬪。存亡共之。復念援絕勢孤。終不能守。則虜必屠城。余名則成。

於士民何辜。而轄下將士家屬俱在舟。擬沉舟破釜。勢難直

章刻本
作疾

馳欲冲突出江。

則池州守兵。又調未集。忽謀報虜艘千餘。已渡安慶。余慮其與虜值。衆寡不敵。因部勸

全軍詣

章刻本
作指

上游。次繁昌。舊縣池兵亦至。共商

章刻本
作議

進止。

章刻本
作退

咸言石

頭師即挫。江楚尙未聞也。我以艤幢竟趨鄱陽。號召義勇。何不可者。若江西略定。邇旗

再取四郡。發蒙振落耳。乃決計西上。初七日。次銅陵。海舟與江船參錯而行。未免先後

失序。余一軍將抵烏沙峽。而後隊尙維三山。所云

章刻本
作與

楚來虜艘果相值。余橫流

奮擊。沈其四舟。溺死女真兵無算。以天暮各停舟。夜半虜舟遞往下流。砲聲轟然。轄下

章刻本
官兵二字

誤爲却營。起

章刻本
作斷

帆解纜。衆將

章刻本
作一時

驚散。或有轉蕪湖者。或有入

焦湖者。江西之役。已成畫餅矣。余進退維谷。遂沉巨艦於江中。易沙船。由小港至無爲

州。擬走焦湖。聚散亡爲再舉計。適英霍山義士來。遮說焦湖入冬水涸。未可停舟。不若

入英霍山寨可持久。余然之。因盡焚舟。提師登岸。至桐城之黃金澗。有安慶虜兵駐守

此地。乃入山阻隘。

章刻本
作隘口

余選銳騎馳擊之。奪馬數十。

章刻本
有四字

殺虜殆盡。遂由奇

嶺進山。一望盡危峰峭壁矣。余轄下甲

章刻本
作將

士素不慣

章刻本
無慣字

山行。行數日。嘗

跡且多攜眷挈輜日行三十里余禁令焚囊輜重而甲士涉遠多疲余雖知必有長坂

之敗而赴義之衆何忍棄置亦按轡徐行八月十七日已入霍山界去縣治僅七十里

而章刻本遙而所稱陽山寨者直咫尺間耳寨在山巔可容萬人饒水泉向多義旅

近爲虜招撫有褚良甫者亦號章刻本義師受虜撫無撫字符據寨中余令將佐

先以書往通欲借寨屯衆而彼已聞石頭師挫有向背心堅不納然寨居險萬夫莫能

仰攻余遂移箭東溪嶺恩走英山入將軍寨但將士疲甚偶語沙中惟章刻本以窮

途爲憂余強起按章刻本行占一數四應皆章刻本空陷余大驚因申令詰朝早

發是日余率騎兵前驅但慮前有敵人而豈意追騎之躡其後哉余方越章刻本嶺

後軍忽報虜奄至急回馬而旗靡轍亂士卒皆竄山谷中虜騎已當面矣余顧左右止

二十餘騎步兵不滿百因勒馬高坡以待後軍稍集而擊之詎章刻本後軍已爲截

斷首尾不相顧矣虜騎復合余念鬪死無名單騎突圍走止一僮攜印相隨焉嗟乎余

之入山非避死也尙圖控連江楚收河南之大俠雲擾中原天下事未可知也奈何孤

軍無援鼓聲不振卒以潰敗東溪不爲空坑章刻本者幾希天耶人耶余去敵稍遠

而土人利散兵財。皆手挾鳥鎗。

章刻本 作銃

遊奕四山。余牙門將逃而復返。與余值。呼之

偕行。三人行。

章刻本 作紆迴

迴山岡間。迷失道。土人在山麓者。

章刻本 無者字

覘知。卽趨至山椒

章刻本 無嶺字

阻去路。余出百金爲壽。土人卽送余山。期以日暮導余出。三人始變服。而余

將欲趨行下。惟恐土人之叵測也。余曰。死固余分也。藉土人叵測。吾當明言姓氏。令昇

至建康。從容就義耳。不然者。脫虎穴矣。是蓋有命焉。及酉。土人果來導余。復裹脫粟相

餉。食畢。乘月而行。一夜走。

章刻本 作行

七十里。皆羊腸鳥道。崎嶇特甚。余在馬上着靴。後

舍騎而徒。偶得雙鳥納之。實不容足。中宵涉水。履益加窄。迨曉。十指血殷。踵盡裂。余尙

踴躍奔趨。而腹且餒。乃望門投止謀朝炊。主人問所從來。導者答余爲館師。余將

章刻本 作

已。則買客也。皆以兵難避去。而導爲之送往。因具盤殮。余爲之進一匕。復行。適余散兵

十許遇諸塗。見余驚喜。欲相勞苦。導恐耳目大駭疾走。余恐迷失道。亦蹕導疾走。而村

中豪傑。觀者如堵。竟相遮問。蓋村中惟聞余兵入山。風鶴甚驚。見蹕者趨者。必謂兵之

蹕其後也。故執途之人而問之。導者見村中之遮余。必謂

章刻本 作疑

必事露。計不返顧。并

余襖被亦負之而趨。迴顧余之將與僮。尙鵠立隔溪。余旣失導。

章刻本 失道復失導

余旣不得

不反就。余將與僮步履倉皇。鄉音復異。村中心疑余爲虜卒敗逖。益環擁索金錢。余恐

村中復

章刻本
作或

有他變。亦姑

章刻本無
亦姑二字

妄應之。且傾所有

章刻本
作傾囊

分贈諸人。始稍稍解

章刻

本作

去。余視其中貌厚者。俾之導行。強而後可。其人姓胡。昆季三。貌厚者其伯氏也。時

余但欲出山。達康莊。他不遑計。是日又行三十里托宿焉。逆旅主人胡族也。忽胡之季

粹。預其兄出耳語。已而主人咸出。余意其蹻

章刻本
作識

余行踪。必

章刻本
有行字

甘心於

余也。然余已無可如何。胡却人

章刻本
作入

語余曰。君自海上來。非虜卒也。余曰然。爾

章刻

本作

何從知之。然則奈何。胡曰。君適在村中。不有十數人過我門乎。避余旁舍。余季問

之。知君亦海上人也。恐吾等導不力。所以來耳。然胡終不知余爲何如

章刻本
作許

人也。

胡之老人。重具雞黍。爲余言

章刻本
有此字

村中豪傑。向來

章刻本
作年

亦舉義旗。卒不成。受

虜殘虐。故今莫有窺左足而動者。不料此番石頭師挫。君輩又敗績。吾儕不復親漢官。

威儀矣。嗟泣久之。復前要盟。余易姓名里居相告。兼謀所向。僉云。須

章刻本
作當

從安慶

渡江。當余之離蕪關而趨江上也。舊時賓從欽人朱君來謁。叩其近狀。云變姓名。賣藥

於

章刻本有
安慶二字

高河埠市中。仍

章刻本
作乃

欲從余戎行。余謂事已裂矣。此行利鈍未卜。

贈以金。揮之使去。至是余憶前語。遂令胡導至高河埠。而胡亦云導至高河。能事畢矣。

余益不得不訪朱君而問道焉。信宿達高河埠。不過里許。章刻本無此五字時已薄暮。余令

導與童子先之。問朱君藥室所在。詎意章刻本知朱君別余後。他往尙未返。高河市人

見童子之問朱君也。覺有異。羣章刻本咸踪跡之。市中章刻本有豪傑二字徐某金某皆歛產。

與朱君善。偶從橋上聞童子之問朱君。市人之踪跡童子。亦覺有異。竟以數語解散市

人。故余得無恙。然朱君未返。無居停主。轉投逆旅。逆旅嫗亦歛人。聞余爲朱君來。故止

余宿。而胡之導余者。將於次早別余歸。章刻本無歸字余偃偃無所問津。益無聊。章刻本有晨興二字

忽憶安慶向有賣稻船。往來江南北。必取道樅陽湖。而高河之樅陽。一水可通。遂令胡

代章刻本覓便帆。將渡江出池州。登九華山。徐圖歸計。買舟旣定。舟人期亭午鼓棹。

余故暫止逆旅。而徐某金某從章刻本作自外入。與余聯榻坐。問余何來。余告以館穀歸

江南。便道訪朱君。逆旅中無賴子。遂詰余訪朱君胡爲者。余亦謬爲應對。而金與徐素

昧平生。語言時陰左右余。章刻本有頃之二字金目余起。引入空倉中。問余曰。君得毋姓張乎。

余詭曰吳姓。金曰不然。日者吾從章刻本作同朱某來江上。從鄰舟窺見君丰采。君固司

馬公也。業已。

章刻本無已字

提師入山矣。何以至是。將何之。蓋金同朱至江上。余方作。

章刻本無作字

焚舟計。事旁午。金無從晉謁。而朱別去。金亦踰躅而歸。以故。朱與余交誼。金稔知之。而金與朱行踪。徐固熟聞也。先一夕。余過市。金固疑之。與徐謀曰。茲二客之訪朱君。得毋

章刻本作非

山中使者乎。盡往物色焉。故是晚之解市人。及是晨之過逆旅。殆有天幸。及見

余。徐不識也。金識之。余亦不諱告以故。金轉告徐。徐曰。江上未解嚴。誰能爲蘆中丈人者。倘疏虞可若何。要余至其家匿之。始通姓名。備道夜來與朝來事。如此二君。其誠有心人哉。適安慶虜兵經高河。士民畏虜如虎。盡室避村野。余不得已亦相隨避兵。至一何姓家。亦金徐密友也。翌日虜章刻本作余去。金徐二人。另買賣稻船藏舟次。令何某伴余。

由樅陽出江。渡黃盆。抵張家灘登岸。而金與徐別從安慶來。相會於張家灘。灘屬池之東流。徐之兄賣藥於其村中。故問津焉。於是由建德祁門兩山中走休寧。羊腸鳥道。較霍山尤甚。余復病瘡。扶病而行。頭涔涔汗下如雨。形容枯槁。幾作溝中瘠矣。東建章刻本作達延袤高山。多小寇出沒。或乘夜剽掠。土人相率持兵守嶺頭。凡過客皆權金。名爲禦寇。實爲寇也。余冒險奔馳。道路以目。將次祁門。江右義旅陳九思屯朱橋。村舍逋逃。商

旅裹足而獨余行行不已。

章刻本作止

人皆怪之。賴導皆歛人。得無他計。程兩日。可抵休

邑。買棹溪行。可即達嚴陵。未至休邑三舍。輒聞有兵阻。抵郭外。果蜂屯蟻聚。闔閭晝閉。

蓋虜之叛。將新復歸。僞長吏慮有變。登陴。余緣是不得入。止郭外招提。戢羽潛鱗。雖子

胥吹簫。不是過也。而耳目漸集。乘間抵城中。寓徐之諸父家。其諸父喜岐黃。有隱君子

風。余至。盛爲治具。然亦謂余館師。與其猶子善。不知爲余也。兵退。買棹嚴陵。過新安亭。

亭長呵止之。索篙師金。始放行。達衢。

章刻本作街

口。有巡司廨。邏卒登舟譏察。見余將北

音。

章刻本作無貌字

魁梧。疑爲亡虜。持之急。徐起而與邏者

章刻本作卒

鬪。而巡司適之郡。不

在廨。是以事得解。解維過淳安。已入浙矣。省會有文符。插民艇。載

章刻本作有虜字

兵截浮梁。

余船藏他港。不獲進。卒爲所司插去。行路難。一至是哉。余乃紆道走遂安。凡兩買棹。纔

達嚴郡。余旣入浙。晦迹益難。計

章刻本作有惟字

山行可無恐。乃自婺之東義出天台。以赴海

壩。然鳥道羊腸。較徽州尤甚。時余將已令取道於杭。而金徐諸人。皆不諳浙道里。向者

導導余而茲則余導導然余實茫然。問途已經

章刻本有得至二字

海濱。濱海居民。咸來問訊。

遠近闐然。知余得生還矣。回首霍山奔走以來。之安慶之池之徽之婺之浦江之

義鳥之天台寧海。計程二千餘里。間關百折。何其窮也。復章刻本有追字。思向章刻本崇明進師。而瓜步而潤江。而和陽。而太平寧國。而徽而池。而廬之諸邑州。乘勝長驅。又何其壯也。然而轉瞬成敗異勢。榮瘁殊形。是又戲耶。夢耶。余自丁亥章刻本有迄字。已亥前後入江。豈歲在雙魚。而一再躡。疑若有數焉。然以十五載之揣摩簡練。既得而復失之人壽。幾何。河清難待。章刻本不亦重可慨也夫。作俟

張蒼水全集卷十二終

張蒼水全集附錄一

鄉薦經義

君子務本本立而道生

君子以一本同天下故大業因之時起也蓋人莫不有其本事而立之自君子則固處於日生之勢矣又甯必他道之務歟今夫倫品至殊而唯翼宣性緒者舉夫大共而其勢恆足以納天下於軌物蓋神明日茂則萬肇之源以開樸略寡文而百行之端莫越故雖操乎至約而亦可相觀以類也以今思孝弟行而犯亂不作何道之隆也意即君子豈能舍是而他務與夫君子鴻明庶績必敷責其天意然逆折之不必有其功而順習之每覺其多福則節節而懿曾不若一節之罔乖也所以君子泯其勞於至一而遂有羣相孳息之氣抑君子區觀衆類必肇定其人彛然衆酌之未免爲沿流而獨愷之適全其公溥則人人而胥匡曾不若一人之有覺也所以君子制其動以相深而因有環相會通之意然則君子亦惟務本焉而已而本立道生有斷斷不誣者天下事不有所起不能有所濟故神靈之資格頑解悖而鏡其源特建端於近類以其近者物本乎

天之情而放而準焉始有其權利君子行雖可矜不以留枝葉德雖可賜不以外根柢未始不疑爲平淡而進之至於明察則經緯萬端具是矣天下理不有所尊不能有所統故辰耀之業藝極尋常而衷其要特開麗於庸經以其庸者人本乎祖之彝而推而行之始有其功名君子報所自生可以感琴瑟反所自始可以致羽干人未嘗不矜爲究圖而原之繇於敬凜則綱紀四方舉是矣而君子正非務之以表異於物也其銘之几杖與於此悟迪同焉其勒之杯棬與於此宏式訓焉觀夫怯夫慕義身不出閨窻而克廣其內心況君子之有倫有脊者哉而君子正非務之以尊行於已也其載之衿佩歟爲之蒸順氣焉其踞之戶牖歟爲之尙樸衷焉觀夫蒙士辨志守不離宮庭而適懷其內則況君子之無撫無敖者哉是則一氣所召先率者爲能多功而大猷允升肇修者所繇寡過君子尙何他務歟抑自父兄之教不先而孝弟其榛蕪矣務本君子蓋將圖蔓固蒂以存水木之思者乎

用其中於民

虞帝不自用其知使民協於中而已夫中者舜自允執之而且以用於民彼曷嘗以知

自務哉嘗謂物情之難受齊也廣之以僉謀慮其紛紜而莫定伸之以獨斷又患其扞格而難勝唯本之於作稽而又不至過炫其聰靈天下所以服時乂之猷耳如舜既好善而執其兩端矣萬幾之責而欲萃之一身則經文緯質大懼不洽於民庸乃廣集宏謀而內秉之爲心裁者外卽奉爲邦憲一日之理而欲垂諸百年雖忠箴懿獻有時不適於時宜乃參觀庶理而上建之爲皇極者下卽稟之爲民彝若是乎舜之中一民之中也今且用之矣彼其協濬哲於欽文得毋過恃其夔明而舜則謂上哲之務施諸愚人而嘗苦也勿謂民頑從星惟好勿謂民愚就日惟瞻史之所以稱順則也夫空鑑平衡哲后豈有意爲參調而羣品適協所不俟劑以五方之氣矣彼其耀光華於震旦得毋自飾其亶聰而舜則謂至一之業歷諸紛途而始定矣疇爲降中稱天而處疇爲建中近帝而居書之所以紀從欲也夫詢芻采菲聖人原無患其紛馳而衆方克調所不庸執爲一人之憲矣故有以參酌爲中者而不知非貞憲之度矣疆友熒友狃習各有柔剛而惟神明其意者雖持疏觀而不毗其衡引旁斷而不爽其等也所謂上有哲謀之君而風雨從象者此哉抑有以混同爲中者而不知非式敷之軌矣會極保極制事

具有幾微而唯平康厥心者卽值彝撫而不病於迂達權事而不詭於正也所謂上有化裁之主而錯綜盡變者此哉蓋總諏詢謀度隨在可以見知而必歸諸度量者用獨不若用衆之神極淺深高下觸緒可以稽中而先詳其委典者任已不若任人之大遐哉舜乎能不景思大知而服之無斃哉竊意允執厥中者堯舜相授之法也而十六字之傳又輔之以人心道心則用中云者其即精一之旨也夫

權然後知輕重度然後知長短

稽器而得其情亦平施之明鑒也夫輕重長短皆有其情而藉非權度亦奚由知之哉是可爲稱施者之驗且王者之於民等勢絜量以爲意之所轉耳而實爲情之所緣故失平衡之智者事格於所懸而抱咫尺之義者力窮於所赴彼豈未明於工器之用歟胡不可引喻以鏡也大凡參劑王氣者莫過乎執方此君子有絜矩之察也而其淒於紃糾之域則非藉應圓者無以準裒益之施覽揆人情者莫貴乎司直此古人有執繩之治也而若其推於參錯之塗則非庸稱平者無以律高下之宜故權度兩者器乎嬰之不可不察也今夫權始亦辨之毫芒而已而推算於黃鍾爲萬事之本故王者以之

生律焉乃等其洪纖則嘉量平而鍾石準考其銖兩則宮候正而聲永依夫甯闇於大較乎昔者盛王當治安之餘而猶借關石和鈞以宣其德意遂得興掌於王府者並昭典則之垂夫亦有取於權也哉今夫度始亦謹之尺寸而已而測數於周官爲萬化之原故王者因之制歷焉乃稽其贏縮斯圭表修而算數永積其空圓斯累黍定而規式昭夫甯煩於指畫乎今之世族挾噢咻之術而猶假豆區釜鍾以達其惠澤遂得因設於量人者共察章程之合夫亦有審於度也哉所以官曲之能其端原不恃旁斷以爲安迨一入於輔相之宜而裁成悉利將所云制器以尙象者其道或出乎此也器巧之末其初亦不在外摩以爲智迨一物協於曲折之勢而本末大明所云稽器以展事者其道不由於此歟今卽以天下推之執杓而運亦足廣茲條教之風而一毫以乖遂爲輪輳輻輳之所誤故操權度者不敢因任而憚推致之勞折衡而治亦可得其整施之序而相智相形斷在權奇質劑之所託則法權度者烏容抑牽而越公虛之量竊聞之執藝事以諫者師之職也孟子將無同乎

君子以容民畜衆

繹師象而撫衆貴養之於不試焉夫民與衆異實也容之即所以畜之矣宜君子觀象而深有取乎爾且古之設兵原以衛民也昔人謂其不得已而處之故以厯即田功者寓其流禽鹽利之意而即以載績武功者示其表貉誓衆之心自後世伍兩之制異諸鄧鄩之政而兵農始判然矣君子觀地水之象而曰民與衆未始無異名也然亦不可使有異實也以素不相習之民而戒以鉦鼓則挾不祥之器衆皆奮於技擊張克詰之威衆皆力於拘原是教之師者爲黷武之端也抑以素不相馴之衆而責以干城則墜弧矢之利民勿急其公上黷鬼置之用民勿扞其君侯是不教之師者爲玩寇之漸也此其權有所隱而事有所陰誠莫善於容畜之方矣夫師之時裒旅方旋懷桃棘者方自力於壯事而君子唯講蒐苗之節將無謂其弛備歟夫國非寢兵之足患而弄兵之足患也君子嚴黨塾之令則耕獵同乎田而精勇秉虔於步伐飲射同乎學而俊秀厲志於弓矢又孰非其成城之志也哉師之時藩封未建詠和覽者誰共奏其敵愾而君子惟明井牧之制將無謂其忘戰歟夫國非武滿之足憂而人滿之足憂也君子篤比閭之慶則禮以治乎兵而甲冑表容於羽翟樂以行乎軍而金革寓理於宮商又孰非

其同袍之氣也哉嘗見退劉之代崑甲功高於泮水而夷氛孔熾猶薄伐而言歸若止戈之武業潛於息事齊人豈有附土未堅致繹騷而動者乎夫民猶水也濬之則爲安濶斯其容之義歟又見鞠旅之世脫劍祀美於明堂而國本先搖奚采薇之治外若出車之期典示於型仁講讓豈有地著未廣以召募而充者乎夫衆猶地也尊之則爲樂國斯其畜之旨歟由是極容畜之經雖迎貓迎虎作之可以授戰烈而撥民衆之名即成旅成聚進之可以寄軍令彼君子豈誠無所取哉先儒有言井田爲兵法祖故國家有事而象弭魚服卿士亦履行間虎報龍盾婦女皆識戎事亦容畜之道得焉耳

天地解而雷雨作雷雨作而百果草木皆甲拆解之時大矣哉

隆解道以察時當知所以敬奉矣甚矣解至天地而物無不受其澤矣乘其時者庸何忽諸聞之庶徵之應上究天心羣衆之升下占節序明乎時之所趨造物者啓之也然而感應盈之終者極則必散而遠震盪之始者謹乃善承此古人設卦若與月令同紀焉夫時至於解爲何如時乎前此者凝陰墮戶水泉涸而氣斂於藏則實落材收天地亦憂其鬱而未暢而未嘗助宜之者恐干其紀也前此者農祥緯來土膏脈而機轉於

穰斯伏萌振槁天地亦患其滯而未舒而未敢升長之者恐爽其候也至於解矣而雷雨始作矣恩覃霖雨蕭艾等其數榮氣盪驚雷蕓稗同於華實夫解之時百果草木有不甲坼者哉雖然祁祁之雨膏彼黍苗斯物得以滋長其丰容若將之搏擊而沾潤由之摧折亦由之也然積瘁之後不先以震迅而生氣不全則撫異植而感同榮何不可仰薰維而頌歲功焉湛湛之露蔭於杞棘斯物得以暢遂其膚理若過爲鼓潤而禱祥由之災浸亦由之也然久塞之餘不極以降騰而亨嘉未會則敗朝華而振夕秀何不可推穹昊以察時序焉然後知解之時誠如此其大也氣譔方夷非壯猶難發六字之蒙故解有時可以糾刑而要非云過度也天地之德方應乎緩令違其時者爲之剝疾焉品彙何以有廣瑞之升引義於此亦愈知匡時之非細矣因而知屯時乘滿盈之會柔剛交而草木節解故雷雨之動正以試草昧之經綸乃解時際西南之運陰陽和而草木甲坼故雷雨之作遂足介庶靈之繁祉此吾所謂解者如此夫春秋祀災異凡震雷雨電殺草木類不勝紀豈天地之未欲解也或亦其時爲之也

易知則有親易從則有功

本人情以爲端可斷言其所效矣夫易知易從者人情之所聚也端乎此而親之與功可環至而立効則易簡誠尙哉且夫有元后之體者不恃其有不可拔之勢而恃其有不忍叛之心是豈可矜功虛願率已意以行之者乎蓋深父母之戴由無炫其神明而效奔走之能在不侮於矜寡所以羣心一而大順章也則且爲易知易從者計之天下形氣之倫仇后罔定耳或者聯以臂指而不動數以腎腸而亦不歸此必上有作聰明之君也非然則尊卑之情也疎非然則君臣之體也遠及乎降大君而篤以家人之懷夫豈不躬被嘉祉乎宅命降康黎民莫違風雨之詔紀宗撫夏興王無俟雷霆之文則其昭景飲醴者至矣極之省方以作樂而其情親辨俗以制禮而其性親蓋莫不函以如天之度也是以昔王十二年會朝方岳而又敝時錫福以優游嘉氣之洽則見委笠者感尹姁於東都觀簞翬者念美人於西國易世猶親之況身沐其澤者歟天下瞻望之衆去來靡常耳或者歆之以厚利而不嚮惕之以明威而不附此必上任詐力之臣也非然其蜡索之利未阜歟非然其刑罰之禁未寬歟迄乎去其猜忍而隆以審輔之司夫豈不俗革風聲乎定銘迎書歸仁非關玉帛之惠立監愷史凱樂非由鐘鼓之娛

則其開誠示懷者深矣推之建國以受球而多康功經野以置畝而多田功蓋莫不祖於配地之行也是以昔王十五國辨定風謠而又養欲給求以靡幾衆志之孚則金玉爲相四國雖遠而必依雲漢爲章六師雖武而必及家邦之相保荒服猶從之況耿揚其光者歟夫然而易知易從之至於有親有功豈逆計其效之如此者而道有相連亦何可疑也蓋撫有一國者懼其威尊而命賤故必屬之以親以明人情之由而泄有兆民者恐其體異而情殊故必嚮之以功以識王道之本信乎易簡之理若是其有效也聞諸古云君不天則下不徧覆心不地則物不尊安是則有親有功之一鑒

天地之大德曰生

好生之德惟天地有其撰焉夫天地以生物爲心而生卽其德所由推本言之而見其大焉今夫民物之命皆基於函三而咸至忘其誕育之宗將世之鴻形翼氣者能無憂其顛隳哉雖然清寧之貺原不設虔劉之心而高深之撰何所外事毒之意此在天地每不以受德成其大而吾因得而指之曰生也原諸陰陽之始天地旣以分形異性者行其嘘植之仁原不欲使短折之徵並考終於福極則聰羽毛鱗介不必有同高蹈厚

之思矣卽稽乎壬林之後天地又以節性防淫者寓其郭郭之度絕不忍以傾覆之情別栽培於同類則等聖頑愚慧亦可知戴吳履地之寬矣斯其爲德不誠大哉有上古之天地焉其時法令罕雜俗進康樂爲一書民皆登乎富壽之域天地已不事其匡扶故雨露之施象其仁霜霰之流象其義若無意隣於殺者而生乃安夫生安而天地之澤何曾汜矣況春養秋育有降此而法其事者歟有中古之天地焉其時功利漸紛國靡生聚者十年物皆遵乎悔吝之途天地益不勝其振救故圖邛之祀告以譴泰折之享降以讐若有心閔其危者而生始全夫生全天而地之惠何休宏矣况歲和月吉有贊此而佐者者歟乃或者謂舒慘之形天下未嘗悖馳也不知人道攸虧則用違日德王事將敗斯治本月刑在王者猶不能以生而廢殺故有斷獄治兵之事况其爲樞極之朕哉蓋卽以棄毀觀天地而究不失其遂生之功又或者謂哀榮之事天地亦所並存也不知四靈可畜仍不礙廢蠶三槩先殄亦無傷嶽降王者猶不克以生而矜死故有斬木伐獸之期况其在函蓋之宥哉蓋卽以剝落求天地而究不爽其含生之理不然聖人亦何所取而必祖天地以爲德哉從來稱天地者曰大生曰廣生而史之類辭

則又曰好生之德洽於民心吾謂其即言洽於天心亦可

張蒼水全集附錄二

年譜

後學全祖望謝山輯

公諱煌言字玄箸號蒼水爲宋宰相張文節公知白裔孫文節之後自滄州徙平江又自平江徙鄞居鄞九世避元季亂泛海至於高麗明初始歸故里時號爲高麗張氏張氏兄弟孝友世所稱雍睦堂者也又六世生尹忠尹忠生應斗應斗生圭章公之父也登天啟甲子科官刑部郎

明神宗萬歷四十八年庚申六月十九日公生

有作四日者訛

太夫人趙氏中年艱於子禱漢壽亭侯祠得異夢生公故小字阿雲是年八月以後稱泰昌

熹宗天啟元年辛酉公二歲

是年遼左失事

思宗崇禎元年戊辰公九歲

崇禎四年辛未公十二歲

太夫人趙氏卒

崇禎八年乙亥公十六歲

補邑諸生時天下多故朝議欲重武略命學使者於經義之後試以
騎射諸生從事者新莫能中公挽強弓抽矢連三發皆貫革意氣閒
暇學使者大奇之

崇禎十三年庚辰公二十一歲

公少好黃白之學嘗絕粒運氣困殆幾斃已而游於椎埋拳勇之徒
扛鼎擊劍日夜不息忽又縱博無以償所負則私斥賣其生產刑部
恨焉

崇禎十五年壬午公二十三歲

公舉於鄉

大清順治元年甲申公二十五歲

國難報至

順治二年乙酉公二十六歲

江南失守六月同錢公肅樂起兵邑中時浙東義旗四出姚江則孫公嘉績熊公汝霖會稽則鄭公遵謙東陽則張公國維金華則朱公大典臨海則陳公函輝慈谿則沈公宸荃公奉監國至越詔以翰林院檢討掌制誥兼行人司事

錢公肅樂字希聲鄞人崇禎丁丑進士知太倉州事以循吏稱遷刑部郎乙酉起兵郡中拜都御史督師晉兵侍從亡入閩與鄭彩忤嘔血而卒諡忠介年四十二孫公嘉字碩膚餘姚人五世祖燧諡忠烈祖如游大學士登崇禎丁丑進士第授工部主事調職方司郎中遭讒下獄從徐忠襄授易喻年起爲九江道僉事乙

西大兵東渡閏六月九日東浙創爲即墨之守歷官左僉都御史東閣大學士丙戌六月二十四日卒于海外之潯州

熊公汝霖字雨殷餘姚人崇禎辛未進士知福建同安縣事以考最補戶科出督上江漕糧敢言忤旨謫福建按察司照磨南渡起原官晉吏科復興權要不合因奉使歸乙酉起兵邑中是時江上方王諸大將皆頓兵自守縮朒不前公身提孤旅從小甯徑發直抵海甯分營別汎浙西響應而諸將無繼之者屯兵置守而還公軍最弱每戰多挫而氣益銳一時號爲熊兵累遷兵部尙書督師扈從入福建拜閣學時鄭建國彩專威權與平夷侯周鶴芝交惡公票擬恒右鶴芝彩恨之彩又與義興侯鄭遵謙相仇彩之部將李茂守琅琦與公奴子爭口蓋從亡諸臣之室皆保琅琦元夕公以休沐至琅琦熊鄭兩家同鄉相餽茂即以合謀告彩公遂爲所害暨幼子俱投海中

鄭公遵謙字履公會稽人僉事之尹之子倜儻任俠輕財嗜酒與東陽許都爲死友大兵南下奄人屈尙忠至紹劉左都宗周曰凡逃官皆可斬也于守道穎字瀛

長金壇人崇禎辛未進士遂繫尙忠以待公卽出而縛殺之因謀起兵繫縛降官斬之召故所結少年三千人與孫熊兩閣部應殺招撫使於江上迎監國至挂義興將軍印進伯分守小壘累捷有功方王爭柄公鬱鬱不得志江上失守福州遣使召之甫至公扈監國於長垣與鄭彩爭洋船交惡熊閣部死公不平彩恐襲已遂誘殺之因赴海而死

張公國維字其四號玉筍東陽人天啟壬戌進士官至大司馬相東浙尋死國難朱公大典字延之一字未孩浙之金華人也萬歷丙辰進士知章邱縣治最天啟壬戌入爲兵科給事中轉工科又轉兵科逆奄用事出爲福建副使轉參議以病去官崇禎三年起山東參政備兵天津適有登萊之難遂晉右僉都御史巡撫山東晉兵部侍郎兼副都御史流賊焚中都禍及陵寢詔公以漕督兼淮撫攻賊以行軍不持小節於公私囊橐無所戒謗大起御史姜琛等言之下法司勘問公以功過不相掩請以家財募人勦寇公子萬化募材武之士助之而許都變作公從京口馳歸則許都已破東陽義烏浦江三縣進圍府城時浙撫新任未至巡按左

光先在江上推公主兵知東陽縣徐調挾舊郅誣萬化以交通有狀公以縱子通賊再被劾有詔逮治會國變而止後江上師起時則張公國維與公主金華孫熊兩公主紹興錢公肅樂主寧波浙東之兵首推三府監國以張公輔政而公以閣銜建行臺督師閩中詔至張熊二公議弗受公與錢公謂宜受之兩議各有所執卒主張公議隆武聞亦授公閣銜公表謝張公與公分地治兵公轄金華蘭溪湯溪浦江張轄東陽義烏武康永康而方國安等以潰兵列江上縱暴無狀國安卒潰欲執監國以降監國航海遂引王師攻金華公堅守三月外無虬蟻子之援於是國安以大礮攻城城中亦以火藥禦之大兵日夜濟師而城中人漸疲紛投坑塹城遂陷公麾愛妾幼女及萬化妻章氏投井死走與郡將吳邦璿何武二人入火藥庫中環坐公子萬化尙巷戰力盡見執有告者公子死矣公命從者舉火頃刻藥大發如地震王師反走火止索公知在灰燼中矣

陳公函輝字木叔臨海人崇禎甲戌進士越中初立公以少宗伯從事其後死節沈公宸荃字友蓀慈谿人崇禎庚辰進士授行人考選山西道御史馬阮亂政公

連上十餘疏論時政安危得失直糾士英十二大罪出爲蘇州吳備道後蹈海死從兄其旋亦崇禎進士殉難台州時號爲二忠

順治三年丙戌公二十七歲

浙東失守富平將軍張名振守石浦棄之扈監國至舟山威鹵侯黃斌卿不納名振乃奉監國入閩適永勝伯鄭彩至聯艚而行公留舟山

順治四年丁亥公二十八歲

公在舟山時定西侯張名振歸詔公以右僉都御史監其軍是年松江提督吳勝兆乞師威鹵侯欲却之右都御史沈公廷揚勸定西行公與馮御史京第同往至崇明颶風大作全軍覆焉公閒行至海上公有送黃金吾馮侍御乞師日本詩 按日本乞師之舉始於平彞侯周鶴芝鶴芝者號九平福清榕潭人也少讀書不成去而爲盜於海其人饒機智儕輩皆聽其指揮嘗往來日本以善射名與撒斯瑪王結爲父子日本三十六島島各有王

其所謂東京者乃國主也國主擁虛位政令皆聽之大將軍其三十六國王則如諸侯之禮撒斯瑪於諸島爲最強與大將軍相首尾鶴芝尋受撫得官乙酉閏中詔以水軍都督副黃斌卿守舟山其冬遣人至撒斯瑪曰中國喪亂願假一旅以助軍將軍慨然許之期以明年四月發兵三萬一切軍資戰艦器械自備其國之餘財足以供大吳中華數年之用自長崎島至東京三千餘里馳道橋梁驛遞公館皆大脩葺以待中國使臣之至鶴芝大喜益以珠璣玩好爲賂遣參謀林箬舞將命而斌卿止之曰監國命余尙書煌來言此三桂之續也且不見世宗之倭患乎鶴芝怒而入閩日本待鶴芝不至其意漸衰丁亥鄭芝龍降督師張肯堂乃行鶴芝之說請安昌王恭禱行鶴芝遣其義子林臯從之不得要領而還於是馮侍御京第自松江歸言曰方北都借兵時尙有東南可乘今我無可失之地比之前者不倫況世宗朝乃海盜耳我乞師國王其又何害斌卿乃遣其弟孝卿隨京第往至則適有歐羅巴之事初歐羅巴欲行其教於日本其教務排釋氏所謂天主教之學也日本佞佛乃盡殺之埋於土中焚其船置銅板於通衢刻天主像踐踏之

囊橐有歐羅巴物搜得即殺無赦歐羅巴精火器發摧數十里舉國來攻日本日本謝罪乃退京第至長崎島則方戒嚴不得登陸京第朝服哭於舟中會東京遣官行部如巡方者見之因收其書撤斯瑪王聞長崎之拒京第謂大將軍曰中國喪亂我不遑卹而使其臣哭於吾國國之恥也乃議發各島罪人以令孝卿待命長崎而遣京第先還致洪武錢數十萬以助軍需舟山之行洪武錢以此日本故多妓居大宅無壁以綾幔分爲私室晝日夜各懸琉璃燈諸妓爭賽琵琶孝卿溺焉日本以是輕之出師之意中輟己丑有僧湛微自日本來爲蕩湖伯阮進述請兵不允之故且言金帛不足以動之誠得補陀山寺慈聖藏經爲贊則兵必發進與定西侯張名振疏請以澄波將軍阮美爲使齎經以往其王聞之大喜已知舟有湛微則恚湛微故嘗犯法於日本日本法不殺中國僧有犯則逐再至則戮及同舟始知爲其所賣遂載經而還

公有和黃虎痴承制頌歷韻詩 初聞中班詔至越江干諸臣會議朱相國大興首奉詔具表稱謝錢相國肅樂言今日事宜合力不宜遽示爭端張相國國維恐

清人心力持不可熊相國汝霖亦以爲然遂罷開讀之禮由是頗生嫌隙馬士英又構之已而相繼失守諸軍皆至海上鄭招討成功自以福州舊宮不欲推奉監國用路相國振飛曾相國樓計援天祐天復例頒東武四先歷以文淵閣印印之時錢相國頒魯大統歷海上遂有二朔

順治五年戊子公二十九歲

公在舟山鄞故主事華夏等乞師威鹵侯請公偕行至則事泄謀內應者被執不克而還

華主事夏別號默農鄞人爲諸生時即受知於倪文正公元璐黃文忠公道周乙酉與董主事志寧陸觀察宇燾張職方夢錫等同起兵于邑中所謂六狂生者也錢相國肅樂署爲監軍降紳謝三賓惡之謀敗其事不克遂與夏深讐夏之在江上不受官丙戌遜歸里中謀再舉時侍御京第密連慈谿義士聚衆夏與焉復爲三賓所告遂拘獄中以賂得免已而復乞師于舟山以屠主事家營弁爲應并聯李侍御王職方軍三賓聞之大懼陰竄得帛書告于巡方夏被執庭鞫詢其同謀

對曰大行皇帝造謀某見殉難諸忠臣共焉在獄神色自若遇害時夏夫人聞變絕粒夏母尙在堂夫人奉甘旨如故既聞行刑卽密語夏諸友託以遺孤時議逮及妻子林時躍詭出墮子以聞而匿其子于家夫人手杵米數斗膳進其姑因從容投縊云

公有挽屠天生兵部詩 屠主事獻宸者一名宸鄞人乙酉棄諸生走江上從熊閣部汝霖孫閣部嘉績軍時寧波尙未起兵也郡中師起復歸傾家助餉已而失守匿于曾王父大司馬之故居與華主事等謀再舉時故居已半爲營弁所踞海道中軍陳天寵仲謨者皆北產也屢邀獻宸過飲醉後感慨故國事嘆曰勿謂吾輩異國實皆故閣部史公舊將也當維揚決別時閣部各屬一印相誓曰異日無忘舊盟此爲左券即從衣領中出閣部印以示獻宸且指天曰公若能招海上軍以薄城若吾輩不翻城應者有如此日獻宸大喜會與華主事謀洩爲降臣謝三賓所告而諸父相繼被逮矣已而海師入海道孫枝秀曰海師不發矢第仰視城必有內應令諸營嚴守凡巷口市隘皆以馬兵紛馳有妄出者卽射殺之天寵等

不敢動師退獻宸遇害方庭鞠時獻宸誓死不承天寵等得無恙然天寵等左右獻宸之力亦多

公有挽楊仲瑤廣文詩 楊推官文琦者鄞人諸生乙酉以流寓閩中得與隆武從龍恩充貢舊例以推官用進補監紀推官丙戌與弟御史文瓚閒道鄞華主事之謀舉兵也文琦實爲介紹聯絡李侍御長祥王職方翊兩軍其後謀洩被逮時文琦適出城不獲遂逮其父有勸之遁者曰俱亡無益文琦哭曰天下安有倡義而陷父於理不顧而去者亟赴之抗辭不屈同華主事遇害文琦夫人沈氏亦自縊

公有挽董若思明經詩 董主事德欽者鄞人右都御史光宏之孫大兵南下德欽納衣領于文廟哭而焚之錢閣部起兵邑中以家財助餉華主事慈谿之獄德欽以千金脫之方事之殷德欽與屠主事皆謂華曰人心不可知慎勿輕易託以肺腑華性坦直卒用是致禍其時同謀十人爲首惟董主事志寧得脫辛卯死于舟山之難王評事家勤杜秀才兆荀偕杜秀才元煥相繼遇害

順治六年乙丑公三十歲

公募軍結寨於平岡時蕭山會稽臨海天台慈谿奉化之間山師大起惟公與李公長祥王公翊軍不事劫略居民安之連破新昌上虞諸邑浙東綦嚴

公時屯兵山寨有勸農遇雨詩

順治七年庚寅公三十一歲

公年三十時監國軍潰於閩定西侯以師迎扈會諸勳鎮討威南侯殺之而奪其地因屯師焉公以所部入朝晉兵左侍兼學士

公有弔黃虎癡詩

黃肅鹵斌卿字明輔別號虎癡興化衛人甲申乙酉間累官

鎮南將軍總江北兵福州改元斌卿曾以向爲舟山叅將上言舟山形勢卽命以伯印賜劍屯其地便宜行事時張定西名振駐南田因結姻焉請用平彞周鶴芝自引斌卿猜忌而平彞慷慨下士士多歸之由是見忌而歸嘗出師窺崇明戰敗以周閩安瑞救得免斌卿怯于大敵而勇于害其同類判監軍本徵建義松江以

兵敗至舟山其將士皆驍雄斌卿忌之因鄉民之怨率而攻之監軍遇害江上失守張定西名振護監國至不納甯國公王之仁至誘擊之得并其衆甯國將張國柱因來爭斌卿傾師出禦勢不能當時阮蕩河進爲定西將精于水戰乃求援焉國柱大敗而去斌卿并得其軍斌卿因說蕩湖背定西已而賀君堯等至復擊殺之有兩王子至復殺之而奪其貲又劫義師將軍來貢船斌卿思仿南土司例世有其土令民年十五以上即充鄉兵男子死妻即嫁其田入官年六十無子者則收田別給口食是定西由崇明敗歸斌卿頗悔之定西積恨復歸駐南田王平西朝先亦不得志于斌卿別屯鹿頸適蕩湖以軍飢乞糴舟山斌卿不應蕩湖怒遂與定西平西連營時監國失閩地諸將因往迎之張相國肯堂曰將軍不奔同官乎而與諸雄爲仇某竊危之不聽斌卿標將黃大振者海盜也以得罪奔平西勸令攻之遂奉監國來討斌卿大懼求援于安昌王恭揚張閣部肯堂皆爲上章待罪又議和于諸營會部將叛出洋蕩湖縱力劫之沉屍水中 按陸宇燦所作傳盛稱斌卿之才略忠孝刻厲勤王不邇聲色力以恢復爲志并辨定西平西之事

皆以偶誤之嫌非其本心自賦卿死舟山遂不可守與前所載不同讀公弔虎癡
詩亦甚惋惜俟考

順治八年辛卯公三十二歲

八月聞有北師定西侯以恃險失備北兵悉抵城下定西乃分軍扈
監國北行直入吳淞欲以牽舟山之勢而舟山已陷時公從行

公有滄洲行詩 大兵之下舟山也使松江張天祿出漂關金華馬進寶出海門
而陳錦總督全師以出定海張定西自恃習熟形勢謂諸將曰蛟門天險誰能飛
渡吾坐而覆之此易事耳八月大兵試舟海口舟山人以三舟突陣獲樓船一隻
戰艦十餘載十一人而縱之踰日天忽大霧咫尺不辨大兵輕帆直下時阮蕩湖
先詣海門請和欲以緩師大兵將誘之蕩湖適歸邀擊大兵于洋以火毬投樓船
風轉反焚其舟蕩湖面創甚投水而死遂往抵螺頭門城上方覺定西以王跟踰
而去諸將背城力鬪大兵殺傷雖衆然衆寡不敵城遂陷文臣則大學士張肯堂
禮部尙書吳鍾巒兵部尙書李向中吏部侍郎朱永祐通政使鄭遵儉兵科董志

甯吳部郎朱養時吏曹楊思任戶曹江用楫林英禮曹董雲兵曹李開國朱萬年
王璽顧鉉工曹顧宗堯戴仲明中書蘇作人武臣則安洋將軍劉盾之左都督張
名揚楊錦署衛指揮王朝叅將林志燦守備葉大俊定西叅謀顧明楫內臣則太
監劉朝諸生則林世英俱死之

公有挽張相國肯堂詩 華亭相國在舟山時內司文誥外調軍機鞠躬盡瘁刻
無寧晷而吟咏之事不輟亭臺竹木手自茸灌又有寓園秋色詩礪灘鯨背之間
詩筒唱和可以觀所養矣其雪交亭者植一梨一梅開時花嘗時相接覆於亭上
有寓生居繞屋皆種續斷續斷名寓木也并爲文記其事

公有挽大宗伯吳穉樹詩 宗伯晚年嘗曰吾與馬文忠世奇最善而李忠毅昇
則吾弟子錢忠介肅樂則吾門生皆死國難吾叔子福之乙酉起兵以殉難死吾
負吾君是負吾友吾負吾友是負吾子時復告老居補陀聞變曰吾從亡之臣當
死行在即入城中與張相國分城而守城陷作絕命詞曰只爲同事催行急故遣
臨行火浣衣遂自焚于學宮宗伯所著有雉幽集

公有挽朱聞玄少宰詩 朱少永佑字爰啟號聞玄華亭人崇禎甲戌進士授刑部主事晉吏部郎聞中以太常寺卿出監平夷俟軍力勸鄭芝龍無降將遣力士刺之已而不果丁亥偕相國肯堂徐給諫孚遠至滬洲晉侍郎加尙書城陷病不能起或謂之曰薤髮則生罵曰吾髮可薤何待今日遂遇害僕負其尸出郭流血不止僕號泣曰主生前好潔今無知耶應聲而絕

公有挽安洋將軍劉盾之詩 劉將軍盾之名世勛江甯人也丁丑進士爲人奇偉倜儻精于戰陳復好儒雅能詩福邸命以副將安撫浙東因隸肅鹵麾下累有功監國進都督挂安洋將軍印舟山圍亟世勛開門詐降內伏大砲大兵前隊爭入砲發死者千人力竭終陷自刎而死

公有挽王完勛侍郎詩 王完勛名翊餘姚人初從軍西興無所知名西興師潰翊歸餘姚私求壯士家貧授經以館穀量貲分給人感其意魯王在海上遣人授翊御史使舉兵穀結壯士十餘人起下管轉相號召浹旬得千餘人發辯士至舟山說黃斌卿同攻甯波甯波諸生華夏以帛書來告內應未幾夏等謀洩斌卿至

寧波後期歛軍退翊遂入四明與公同邵一梓李長祥等分營互應而翊軍最強以王江司餉沈調倫毛明山孫悅領部卒兩破上虞殺攝令得其縣印於是大帥檄四明村落結團練自爲戰守大兵踰清賢嶺攻丁山翊卒死者四百人孫悅戰歿御史慈谿馮京第自湖州軍敗閒行入翊軍屯兵于杜壠爲團練所破邵一梓亦戰敗于下管翊乃自天台收兵還擊團練破之收散卒隨道招集得萬人使京第乞師日本將會兵由海道入長江會斌卿弟孝卿敗其謀遂與斌卿絕攻奉化不克戰于河泊所還入四明順治六年魯王次健跳翊往見加僉都御史次舟山再見加兵部左侍郎時嚴我公爲招撫使湖州柏襄甫會稽顧虎臣降之大兵將渡海發使者入四明山翊部將黃中道邀殺之翊謂京第曰今與我犄角惟舟山我破舟山無援舟山破我亦孤事未可知然豈可孤乘桴之望哉明年破新昌越餘姚拔潯山紹寧道梗大兵將取舟山惡翊反內地乃分兵二道金礪自奉化田雄自餘姚會擣大嵐翊戰敗京第被獲于灌頂山翊至北溪爲團練所執過奉化賦絕命詞軍府廷鞠之翊不屈總兵劉進忠射之中肩田雄中煩金礪中脅不動

貫植木絕其吭乃仆毛明山暨鄞人陸宇燦購其首葬之王江及調倫俱戰死于四明山翊執後一月舟破魯王奔廈門

按順治十一年甲午張閣部會定西軍直抵金山遙祭孝陵偕王御史江等題詩蘭若中此王江豈另一人耶抑記載誤耶

順治九年壬辰公三十三歲

公復扈監國入閩延平不肯奉魯但以廩餼供之而已時王去監國號以海上諸臣皆受演命也惟公於王不改節是年刑部公卒

公有讀史詩 初延平以閩越舊嫌不欲臣於監國然監國在長垣在健跳在滄洲皆有諸軍護衛亦無藉于延平辛卯之後延平軍勢日盛遂執牛耳定西平夷閩安諸公皆稱鄉黨而監國爲寓公矣故不得已而去尊號乾侯之辱良可悼也浙邸舊臣惟公始終一節不與延平附和公有讀史二首蓋情見乎詞矣公在海上当事防守其家刑部密遣人謂公曰吾嘗爲李通之父不作姜維之母至是病卒李徵君鄭嗣葬之城南

公有閩南行詩 是年鄭成功圍漳屬邑俱下獨郡城以援至不克成功防鎮門山以水之堤壞不浸城中食盡人相食枕藉死亡者七十餘萬時又遣派塚索餉之慘夜敲瘦骨如龍瓦聲千門萬戶莫不洞開落落如游墟墓饑鼠飢鳥白晝充斥圍解百姓存者數而指溝中白骨非其父兄即其子弟歷數告人然氣息僅相屬言雖悲不能下一淚也時有一人素慷慨率妻子閉戶一慟而絕鄰舍兒竊窺瞰之見腹中累累皆故紙字畫隱然鄰舍兒亦廢箸死延平陸梁海上以來沿海居民受荼毒亦至矣然莫暴於漳州之師總督陳錦實死於是役焉

順治十年癸巳公三十四歲

公在廈門時有言思文帝未死在五指山爲僧尋以敕書通問公疑其僞已而卒無可考還浙次於東甌尋入吳淞

壬辰八月前刑部侍郎王虞石至島言來自五指山思文帝實在彼爲僧初思文帝蒙難有告路相國振飛者云被執者非帝也至是皆信其言繼而勅使至廈門故臣皆不能決是年二月復遣使存問使言思文帝今離五指駐平遠不日起兵

諸臣乃具公疏請勅驗觀卒不可得

順治十一年甲午公三十五歲

公在吳淞會定西侯軍北行時諸軍直抵金山遙祭孝陵三軍慟哭
偕王御史江等題詩蘭若中南都震恐而上游人待接應者愆期不
至諸軍不敢深入左次崇明

順治十二年乙未公三十六歲

公在吳淞再合定西軍入江掠瓜州儀真抵燕子磯卒以師徒單弱
中原豪傑無響應者還軍於浙

是年延平以去年出師未盡得志乃以正月祭旗大演陸師六月祭海太演水師
遂下福之安平鎮漳州及惠安南安同安三邑墮其郭因破廣之揭陽澄海普寧
峻揭陽城毀澄普又發師下浙之舟山國朝復遣使撫之不聽是時延平專任
閩事朝議割漳泉潮惠四郡并賜延平及其父芝龍叔鴻逵等封爵令島上羅髮
延平不受世祖初遣鄭賈兩漢大臣繼遣葉阿兩滿大臣撫之延平乘機登岸

措餉縱橫福興漳泉之地 世祖怒安置芝龍于高俎延平不顧是冬大發水陸諸軍于揭揚應廣東李定國軍十二月攻降泉州漳屬縣十降其九泉屬邑七降其六延平遂置六官分理庶事

順治十三年丙申公三十七歲

公在東甌間至閩中時定西侯以前年卒其部落無主者公盡統之軍勢漸振復還秦川

順治十四年丁酉公三十八歲

公在舟山初舟山既失守延平以兵取之丙申復陷是年中朝以舟山不可守遷其民於內公屯兵焉

按舟山自辛卯後 國朝以巴臣興守之乙未延平遣部將督諸軍圍舟山巴臣興降丙申八月 國朝復取舟山部將之守城者俱赴水死丁酉 國朝以舟山不可守乃遷其民過海遂空其地

順治十五年戊戌公三十九歲

公在舟山濱中遣使慰勞晉閣部會延平師北行已陷樂清等縣砭
羊山孽龍爲禍海舶碎者百餘義陽王溺焉羊山者海中小島羣羊
乳其上見人了不畏避然不可殺殺則風濤立至軍士不信執而烹
之方熟而禍作復還舟山

是年五月滇中分道出師李定國下湖南馮雙禮副之劉文秀下四川王復臣副
之以楚事急選兵俱隸定國六月定國駐軍武岡雙禮駐寶慶連戰皆捷恐孔有
德在廣西或躡其後於是定國出新寧雙禮出祁陽分趨全州別遣一軍先趨桂
林雙禮先之全州克之與定國合軍而前桂林方發軍救全州南師畢集遂閉城
守諸軍攻入其陣孔有德自焚死踰時定國軍復趨湖南蹶敬謹王於衡州東南
大震會與孫可望構隙遂不克終劉文秀入川以乘勝不備爲吳三桂所敗復臣
死之蓋滇事大偵矣 是年永歷駐驛雲南依李定國以居孫可望已降矣前年
已開緬甸爲省以沅江十一府爲總督不果 是年永歷遣漳平伯周金湯航海
晉成功延平郡王甘輝崇明伯萬禮建安伯黃廷永安伯郝文興慶都伯王秀山

祥符伯餘俱拜爵有差公有聞行在所遣使至營宣諭有感詩 自注時予官少
司馬兼學士乃自述其故官非謂是年始授也是年乃晉閣部銜故詩中有黃麻
紫綵不須多之句墓誌及諸傳俱訛

順治十六年己亥公四十歲

公在舟山尋會延平師北行以失利還海上見北征錄

公有會師東甌漫成詩 戊戌七月延平全軍北指甲士一十七萬曹流五萬鐵
人八千習馬五千號十萬戈船八千相國亦以所部並發延平推相國爲監軍至
浙江攻陷樂清縣次于羊山是年五月復由溫州而上

公有次觀音門詩 是時閣部爲前軍合延平師取瓜州諸將卽欲直趨留都關
部以鎮江實大江門戶若不先下則邏舟出沒主客之勢異矣力請先取鎮江延
平猶慮留都來援閣部謂何不遣師先搗觀音門則留都自守不暇矣延平因卽
請閣部往并以直達蕪湖爲約已而延平果克鎮江閣部次觀音門業已兩日貽
書勸乘破竹之勢疾趨留都會延平以水道進巨艦逆流留都遂得嚴爲之備

公有詩次蕪湖詩 予所遣前軍已受降詩 閣部待延平不至乃發前軍先上

蕪湖而以戈船繼之遣部曲七人掠江浦大兵以不備開門走閣部乃扼浦口會捷書至前軍已受蕪湖降矣閣部乃親按之傳檄郡邑大江南北多響應者

公有師入太平府詩 太平即古丹陽郡

公有姑熟既下和州無爲州及高渚溧水溧陽建平廬江舒城含山巢縣相繼來歸詩 時閣部師所過吏民喜悅爭持牛酒進勞父老扶杖炷香挈壺漿以獻者終日不絕見其衣冠莫不垂涕閣部撫慰懇惻入謁先聖坐明倫堂長吏故官或青衣待罪或角巾抗禮攻剽陟州如牧行部故事閣部之趨蕪也軍不滿千船不滿百至是聲勢頗盛相度形勢一軍陽溧陽以窺廣德一軍鎮池郡以絕上游一軍拔和陽以固采石一軍入寧國以通徽州江楚豪杰多詣軍門請歸鴻旗以應大帥而身往來蕪湖間實席不暇煖也

公有驛書至偏軍已復池州府詩 閣部駐軍海上最與居民相安師行所過野人童子或折名花以獻或携濁酒以迎至是益嚴軍士之禁秋毫無犯有游吳關

入剽掠者卽擒治如法遠近翕然故有歌吹已知來澤國棉蘇莫遣過田家之句
閣部整軍將取九江以留都尙未下乃貽書延平謂事久易變氣竭則衰守鎮江
諸師宜分兵取旁邑如句容丹陽皆幾輔咽喉地必加扼塞勿使援兵得入而大
軍圍留都者日挑戰以困之勿使援兵得出俟吾四面克復收兵鱗集留都直隄
中物矣延平不能用 北征錄曰初意石頭師卽偶挫未必遽登舟卽登舟未必
遽揚帆卽揚帆亦未必遽出海乃遣人閒道致延平書勸其再戰并欲令益百艘
以爲上游之助不意延平竟棄鎮江以去其時休寧方有兵阻閣部方有戒心賴
導行皆欽人故得無恐旣入溇安已是浙境遂由海上達海壖

順治十七年庚子公四十一歲

公在林門舊時部曲漸復來歸間至桃渚

順治十八年辛丑公四十二歲

公在林門是年滇中盡喪所有之地旁皇徼外公與海上諸臣謀結
鄭東郝李之兵一道出蜀一道出黔以牽其勢使無急進乃推吳職

方鉏南行然滇中已不可守矣

延平渡海取臺灣公力阻之不聽會沿海民居有令內徙戀墳墓者或不願往公謀以軍撓之因再貽延平書欲令回軍相應延平終不能用

公有送慕容羅子木往臺灣詩 羅參軍子木者名綸溧陽人也海上水師提督蘊章之姪已亥閩部師入長江參軍謁于江上指陳形勢閩部大奇之曰李清河之客也將留用之以父老固辭去既而以告延平延平使水師強起焉署爲參謀軍事卽令從營將東下猗吳會會江師潰參軍請再戰不聽至于涕泣乃奉其父浮海而南時閩部自蕪湖收散亡屯林門參軍將往從之舟次三山忽遇大兵參軍率家丁力鬪矢集鎧如蝟墜水得生而其父竟被縛去參軍大慟傍皇滄溟間思出奇計以救其父卒不可得拔刀自殺爲人所救送之閩部行營閩部以伍胥之事慰之嘗爲詩序然參軍每思其父輒椎胸哭至于嘔血其後奉閩部命入臺灣致書延平不聽甲辰同殉難葬于閩部墓旁

公有送吳佩遠職方南訪行在兼會師鄖陽詩 吳職方鉏嘉興人也東林復社名士乙酉謀起兵應太湖不克逃去遍走山寨海島之間嘗南觀滇中北依魯邸謁韓王于巫峽朝益藩于江西以至通城瑞昌諸營無不畢到瀕于死亡者屢焉家亦以是落晚年江上烟沈海中潮落遞迹柴桑間與閻孝廉爾梅徐孝廉枋等爲汝社游不媿謝臯父一輩 初桂王以己亥入緬至是三年李定國連戰不利公集中送吳職方黎大行皆海上所使以探消息者其冬緬人獻王明年至滇遇害然是時定國諸軍皆在徼外安得有會師鄖陽之舉按流賊將郝永忠等反正北保湖南巴東之間駐軍屯田自爲號令時有李來亨劉體仁等十三家分據興山巫山房山施州均州涪州諸寨聲勢相倚所謂鄖陽之師者也後都御史洪中丞育鼈總督湖南諸軍當桂王駐安隆時疏言十三家抗險據衝觀釁而動方今楚蜀雖失諸軍未有貳志若有征行可以兵應時蓋海上諸公之計謀結鄖師以抒潰患忠臣區區惓忱出于無可奈何事雖不成亦可憫也諸野史皆失紀賴閣部詩得以攷見 鄖陽諸師雖與桂王連和然別奉韓王本鉉爲主改元定武移

書序長幼而不稱臣滇事既平陝西總督李國英等以七將軍出湖湘分道討諸寨諸寨據險拒守癸卯來亨以疾困甚合諸寨軍力鬪四晝夜國英大挫甲辰巫山不能守育驚死之諸寨繼破韓不終公有長鯨行詩爲鄭芝龍而作 是年十月有告鄭芝龍在高組密謀不軌前此長江之役與其子通有詔棄市林太常時對曰芝龍爲海盜之首令行島上既就撫後海船不得鄭氏令旂罔敢往來每船例入二千金歲入億萬以此故富敵國其擁立隆武也非有恢復大略不過以權勢自雄而已諸大臣頗不悅隆武亦漸忌之堂廉遂積相忤又畏天兵之盛知力不能抗潛思歸歟而兩招撫洪承疇黃熙胤故皆福人因與芝龍通問許以閩廣總督之官芝龍喜于順命而兼得自莅其土也遂盡撤守禦是卽詩中所謂不望鳳凰之池但乞蛟龍之穴者也及且勒至縱兵殺掠負約挾之而北芝龍亦大悔矣成功少爲隆武所奇既有知己之感素薄其父之有貳志遂不顧去芝龍入京授精奇尼哈番甲午招撫閩島以海澄公封成功并賜芝龍同安侯爵成功不受芝龍遂入高組辛丑被人所告終不免焉

康熙元年壬寅公四十三歲

滇中赴至公在東甌哭臨三日軍中縞素乃定策復奉魯王監國然
閩中自延平卒諸將多暮氣雖曰推奉具文而已

公有贈陳文生侍御返閩嶠詩 是時滇中報至相國哭臨三日軍中縞素適延
平亦卒相國嘆曰所謂人之云亡者矣因貽閩南諸將書議共奉魯王稱尊號復
告延平世子以推戴之事遂具啟上詔書一道王遣陳侍御修報之侍御返命相
國復上書於是諸將復奉王監國然不過虛名而已

公有傳閩島近事詩 延平之未卒也忠匡伯張進守銅山爲部將郭義蔡祿所
挾以叛進自焚死忠勇伯陳霸守南澳延平忽得蜚語遣將討之遂入廣降世子
嗣位既薨其世父秦泰弟鳴駿子續緒降忠靖伯陳輝及蔡陽雷蔡協吉蔡鳳揚
富何義杜輝等相繼歸命故閩部有船閃軍散之語暨于甲辰周全斌黃廷林順
等降臺灣之勢遂衰

公有得故人書至自臺灣詩 是年延平入臺灣 國朝適有遷徙之令相國使

羅參軍給貽書以臺灣遠在海外得之不足爲重而以內地兵遠出是無經略中原之志況紅夷欲乞師萬一內外夾攻思明寸土亦未可保又以沿海居民憚于遷徙東逃西竄鮮從命者若乘其機而圖之此良會也然延平以長江之敗喪氣自度無若國朝何以得臺灣爲休息之計故不聽相國之言是時盧司馬若騰王司馬忠孝徐中丞孚遠沈中丞佺期皆在延平軍中相國望其激發延平使之回軍西指故有只恐功安肥遯老萊床皂帽亦徒然寄語避秦島上客衣冠黃綺總堪疑之句

公有北回示將吏詩按辛丑冬閣部有復曹監軍書曰弟棲遲沙關幾三月矣金盡粟空誰能爲景升仲謀者只得仍圖北返兩番鼓棹又以石尤留滯今春風至矣決計回浙亦旦晚間事是閣部之北回在是年春也書中又曰沿海遷徙居民百萬生靈盡入湯火洵洵思動情無勁旅爲之號召以致顛運莫告我輩坐視其荼毒而不能救真愧殺也時部閣欲止延平臺灣軍專略海上而延平不能用是以有同仇計左之語

公有歐行誌慨詩 溫州自戊戌爲延平所克次年江師敗歸守溫州將劉猷與
官軍戰敗績死之是後已歸 國朝今閣部詩有曰豈知魏勝壘已化李陵城又
曰行矣河梁別翻爲送隴西似前此爲海軍所有而是時有以溫州降者 是時
爲延平世子而作島事自延平沒後世子無意西出親族兵將大都壘風投歎以
取封爵於是朝議銳意南征合紅毛夷夾攻鄭人退守銅山官軍入島墮中左金
門兩郭收其婦女寶貨而北兩島之民爛焉世子入臺郡分諸將地頗有莧葵之
志度曲徵歌偷安歲月軍不滿千船不滿百兵甲戈矛一切頓闕相國兩詩深有
慨乎言之矣

康熙二年癸卯公四十四歲

公在東甌前年有台州鎮將張承恩者潛謀通海公以書招之至是
將窺浙東不克

是年招撫王總督趙皆以書招閣部閣部答招撫書曰執事旣啣命而來以保境
惠民爲念莫如盡復海濱之民卽以海濱之賦畀我海濱之師在執事旣能捐棄

地以收人心何在海上難息蠻爭以待天命使殘黎朝歸故里則不佞夕挂高帆
矣其答總督書曰不佞功名富貴既等之浮雲成敗利鈍亦委之天命竊爲文文
山決不爲許平仲若爲劉處士何不爲陸丞相 國朝知不可屈遂收帛書

康熙三年甲辰公四十五歲

公在舟山監國卒於海上六月公遂散軍七月降校欲致公以爲功
從邏者暗中執公并及羅子木楊冠玉舟子三人公至甯波方巾葛
衣輜而入觀者如堵牆至省供帳如上賓每日求書堆積亦稱情落
筆九月七日公賦絕命詞云我年適五九復逢九月七大厦已不支
成仁萬事畢遂遇害子木冠玉舟子三人從死子萬祺先公三日戮
於鎮江夫人董氏先時被繫獄中削髮爲尼以例當徙燕因尼得免
今以再從子鴻福爲後武林張文嘉甬東萬斯大與僧超直葬公於
杭州西湖南屏之陰

公有入山詩


是時海上諸軍零落散亡殆盡鄭氏既入東甯祗存關部一旅

閼部以監國尙存誓死不替是年監國薨于東寧閼部與曰已矣吾其誰與事者遂以六月散軍入山世皆言閼部以援絕勢窮不復自持而不知使監國一日不亡則閼部一日不罷監國以是年亡閼部之命隨之可謂君亡與亡者也讀閼部之詩者尙其知閼部之心焉監國之死諸書失記以閼部之祭表定之有云十九年之旄節則甲辰矣近有造爲誣史謂鄭延平弑王於甲午是因延平不肯臣王而搆之者壬寅滇中蒙塵閼部三疏請王卽真今具在可攷也漫無證據信手捏造翻天覆地誰其是之

公有懷王媿兩少司馬徐闇公沈復齋中丞詩 按王侍郎忠孝字媿兩沈都御史佺期字復齋皆以從亡入東寧與盧尙書若騰率都御史朝薦郭侍郎貞一徐都御史孚遠紀儀部許國爲鄭氏國老凡有大事待訪而行當時謂之七公其後並卒于島

公有過故里詩 閼部被執入鄆至張提督署徘徊四顧嘆曰此沈相公第也予二十年前曾會文于此今其子孫何在提督開中門延入請閼部東向坐曰遷先

生已久今得一見對曰國亡不能存父死不得葬今日之事但期速死提督更有
所問關部不答時提督傲民舍爲關部寓列卒守之有一千夫長者有心人也夜
半隔窗唱牧羊記傳奇蘇武罵李陵詞音調淒涼關部擊節賞之呼與共坐倚歌
而和利已淚數行下提督聞之乃令諸將選優人奏樂以娛關部至省趙總督延
臣不見傳令獄中盛設帳具吏卒無得失禮司道府縣以總督命相繼來慰諭關
部坐胡牀但拱手不起舊時部曲多爲幕府僚屬總督謂曰此爾輩故主也何妨
一見於是庭謁者踵至省中士民各賂守者入見



張忠烈公年譜

會稽趙之謙纂

鄧張忠烈公年譜題全先生祖望輯其書出自鄭氏鄭氏言得之姚江黃氏董君孟如修鄧志時嘗據以校正之謙乞孟如段寫以歸今反覆讀之有大疑焉全先生所著書其弟子董秉純稱三十餘種年譜有作則見於張尙書集序然鮒琦亭集與外編所存文字於忠烈畢生志節行誼求之惟恐不盡忠烈之女爲全先生諸母行先生年十八時已從之問遺事補黃楊二徵士志記闕失糾吳星叟嘯臺集謬誤一見之神道碑銘再見之與萬九沙趙谷林書蓋至審且愼矣年譜晚出一人之書復相違異若此或謂昔信以是今知其非先生之學擇精而語詳亦必識所據依明失得之故矣有絕異者忠烈賜諡在乾隆四十一年距先生之歿已二十年

全先生以乾隆二十年七月二日卒

既特書首簡猶可曰點竄者過也北征錄奇零草冰槎集忠烈所自作也而偵到其歲月遂易其實何爲者也鄭氏又稱附錄詩話諦審之不類也文字孱且拙不類也抑淺夫因先生原稿久佚鈔撮成之托名焉虞後儒之滋議也不辨可也誣之不可也之謙年十三聞從祖占廬先生談忠烈懸輿被執時事忽改容而前從祖嘗哂之越六年於沈氏書攤得奇零草殘寫本七葉雖斷闕不可讀繹之略存顛末辛酉寇難復失之自乾隆中東南收繳禁書遺黎私記窮里複壁罔敢伏匿抽燬既定殘牘百一今亦半歸滅沒幸故鄉耆宿猶及此者每酒酣耳熱間述舊聞以息諸虐三十年前口耳之師默記四五雖老而健忘尙能說約略也忠烈之自序奇零草也曰思借聲詩以代年譜竊仰斯旨聞疑載疑頗有述焉證諸本集期可徵信旁及異聞有資考索仍其是者去其誣罔別爲年譜一通以竟全先生之

志亦慰忠烈於九京也

明萬歷四十八年

庚申

一歲

是年九月光宗改元泰昌

公諱煌言字玄箸號蒼水浙江寧波府鄞縣西北廂人

(全祖望撰神道碑銘)姓

張氏宋文節公知白之後

全祖望(甬上族望表)

元時避兵入高麗

全祖望文節之後自滄州徙平江

又自平江徙鄞居鄞九世避元亂泛海至高麗

以家世仕宋明初始歸稱高麗張氏

無名氏撰傳

今

稱雍睦堂張氏

圖高祖伯祥起家孝廉爲令(族望表)知靖安縣伯祥卽築雍睦堂以居兄弟者

曾祖尹忠祖應

斗父圭章

黃宗羲(思舊錄)圭章字兩如甲子舉人嘗教授余家

圖圭章官刑部郎

按公祭四叔父文曰叔父雁行有四吾父居長止生姪一人二叔蚤亡無嗣三叔

以壽終生從兄弟三人長嘉言次昌言又次德言叔父無所出昌言遂爲承祧今

叔父既逝姪與嘉言俱在軍次德言尙稚弱恐不任箕裘則高曾之不祀忽諸是

姪未能報國先已亡家矣公之家世略具於此祭文又稱吾姊與吾姊丈暨一二

故交亦在不免則公尙有姊公奇零草有顯甥奔至一詩繫年壬寅詩云初聞購
孺子何幸脫蘆中執手哀吾姊囊頭並若翁死生盡一別忠孝已雙窮淒絕青山
外鵲啼血倍紅是公姊子惟不知其姓名公殉節後購公首者朱相玉全氏書公
甥或爲一人文全氏張督師畫像記公從弟從軍海上入山以後不知所終聞有
冒其名至錢唐者爲諸遺民所詰而去據公甲辰憶從弟嘉言詩秋聲蕭瑟到空
山悵望驚鴻去不還離別紫荆生死際平安黃犬有無間疑相失在入山以前鄺
志據 國史館吳元福傳以總鎮林國梁謀內附煌言圖之國梁礮碎其船斬煌
言弟嘉言詩意似未審存亡當時海島隔絕故不知確耗也則事在癸卯 母趙
氏中年艱於子禱漢壽亭侯祠以六月初九日生公 (神道碑銘) 翻作
者訛 父生時夢五色雲見故小字雲 十九日又注有作

天啟元年

辛酉

二歲

天啟二年

壬戌

三歲

天啟三年癸亥 四歲

天啟四年甲子 五歲

天啟五年乙丑 六歲

始就塾圖幼善病輒瀕死六歲就塾書上口即成誦

天啟六年丙寅 七歲

天啟七年丁卯 八歲

崇禎元年戊辰 九歲

能詩（奇零草自序）余自舞象輒好爲詩歌先大夫慮廢經史每以爲戒遂輟筆不談然猶時時竊爲之

崇禎二年己巳 十歲

崇禎三年庚午 十一歲

崇禎四年辛未 十二歲

母趙氏卒

圖十二喪母父判河東離署解州篆爲壯繆故里煌言謁祠下撰文祭告以忠義自矢

崇禎五年

壬申

十三歲

崇禎六年

癸酉

十四歲

崇禎七年

甲戌

十五歲

崇禎八年

乙亥

十六歲

補邑弟子員

圖

思陵以天下多故令諸生於試經義後試射莫能中

公執弓抽矢三發三中

神道碑銘

崇禎九年

丙子

十七歲

崇禎十年

丁丑

十八歲

崇禎十一年

戊寅

十九歲

崇禎十二年

己卯

二十歲

崇禎十三年

庚辰

二十一歲

喜呼盧無以償博進則私斥賣其生產父怒全美樟售已田爲清其
逋勸以折節讀書

（神道碑銘）醴少好黃白之學絕粒運氣困殆幾斃已而遊於椎埋拳勇之徒扛鼎擊劍日夜不息忽又縱博無以

償所負則私斥賣其生產（全祖望穆翁先生墓志）張督師蒼水爲諸生放誕不羈呼盧狂聚窮晝極暮自其父兄以至師友皆拒之先生一見曰斯異人也盡賣負郭田三百金爲償其負而勸其折節改行穆翁諱美樟字木千其仲子公增也避地居台州黃巖縣按公述懷詩其二有云弱齡尙遐異辟穀慕青鸞骨肉相驚涕時復勸加餐因緣悞煙火塵鞅日以攢上書獻天子索米走長安黃白之學當指此又全氏張督師畫像記乃述其族母張之言稱予年十八張年八十時爲康熙六十一年則公女當

生於明崇禎十六年

崇禎十四年

辛巳

二十二歲

崇禎十五年

壬午

二十三歲

舉於鄉按是科主司爲翰林院編修吳國華字蔡庵南直隸宜興人吏科給事中范淑秦字通也山東滋陽人房考知諸暨縣錢世貴字聖霑南直隸

青浦人崇禎庚辰進士

崇禎十六年癸未 二十四歲

國朝順治元年甲申 二十五歲明崇禎十七年三月十九日流賊李自成陷京師懷宗殉社稷五月一日南都諸臣史可法等奉福

王監國明年改元宏光

大清定鼎京師

順治二年乙酉 二十六歲

王師下江南李介（天香閣隨筆）許定國殺高傑傑妻邢請於史閣部必報讐定國懼納款請兵已爲鄉導時攝政王初定北都得定國乃決策南下豫王

以輕兵逕行千里直抵揚州許重熙（甲乙彙略）五月丙申開洪武門大僚統

百官獻冊行四拜禮請豫王進乙巳劉良佐奉豫王令追至坂子磯黃得功中

弩目刎死良佐入其營挾福王回南京 浙西郡縣咸望風下閏六月十有三日浙東士民

競起無所期會城守以外窮鄉僻澁各自爲屯

左尹（魯春秋）

鄧士董志寧

王家勤張夢錫華夏陸宇燁毛素奎與刑部郎錢肅樂會鄉老合兵

沈宸荃馮元颺亦起慈谿十八日奉箋迎魯王監國

全祖望撰（錢忠介公神道第二碑銘）

公先至肅樂卽遣公迎於天台監國授公行人至會稽賜進士加翰林

院編修兼官如故入典制誥出籌軍旅

（神道碑銘）譜云詔以翰林院檢討掌制誥兼行人司事

傳云授檢討知制誥

按魯春秋記同時並起者會稽鄭遵謙王紹美王亶周晉

王襄鄭之瀚張玉鉉餘姚熊汝霖孫嘉績縣吏王翊仁和陳萬良馬雲龍道士范

大倫富陽陸方侯於潛俞文淵海寧朱大剛左尹周宗彝及弟啟琦沈陵俞元良

及兄元禮金華張國維朱大典東陽陳倉嘉興徐石麒王焜張翊嘉善錢梅海鹽

王雲衢及弟雲龍雲鳳韓萬象平湖屠象美陸清原倪長吁馬鳴雷朱大定湯雲

章崇德呂宣忠長興金鑑歸安韓茂貽王光祉德清蔡孺法蔡子標永嘉張寔孚

臨海陳函輝柯夏卿翁明英其江南江西響附者不勝書諸人或絕脰捐軀或遜

荒以死事蹟久湮今
且無能舉姓氏矣

閩中詔使至議開讀不合公請充報使入閩從之

(神道

碑銘)

順治三年

丙戌

二十七歲

大軍已克浙東江上師潰

(魯春秋)監國奔台州宮眷舟出定海總兵張國柱襲
執以降元妃張氏見害復傳有妃周氏破盜槩扼喉死

楊鳳苞(南疆佚史)跋七據魯春秋今魯史江東閩位紀舟
山紀略以盜槩自劉爲張氏事據戴周二家未見左尹書也

公倉卒馳歸拜父

曰兒將隨主航海竟去闖入翁洲從富平將軍張名振奉監國入閩既

至招討使鄭成功不爲用公勸名振還石浦謀再舉乃偕還加右僉都

御史

(神道碑銘)體云張名振守石浦棄之扈監國至舟山黃斌卿不納乃入
閩公留舟山(魯春秋)是年秋七月鄭芝龍降鄭彩入鷺門成功畫漳泉

爲守八月鄭彩迎監國保鷺門體煌言入海颶風舟覆登海島飢困待斃夢神告

曰餉君千年鹿俟十九年還我詰朝果得一鹿炙食之人嘗一嚮歷旬不飢遇他

舟至獲免

順治四年丁亥 二十八藏

夏四月蘇松總鎮吳勝兆約張名振爲外援（魯春秋）故都御史沈廷揚

御史馮京第與公並勸名振應之公監名振軍以行至崇明大風覆

舟廷揚死之公與名振皆被執有百夫長導使走至公壬午房考錢

氏七日間道

按北征錄云遭颶風覆舟口中七日得閒行歸海上

復歸翁洲

（神道碑銘）

勝兆乞師黃斌卿欲却之沈

公廷揚勸名振行公與馮公京第同往至崇明颶風大作全軍覆焉（魯春秋）勝

兆與舟師期會夜中殺同知楊之易推官方重朗號衆以待適海師礮震潛蛟舟

覆失約勝兆爲中軍詹世勳所縛就法按沈寓白華莊稿五梅公紀事略廷揚

字季明別號五梅乳名百五南都亡後斂衆舟山丁亥春統舟北上四月十四日

颶風大作舟膠於福山之徐六涇灘遂見執姪元昇麾下七百人從焉同行諸人

皆易服雜亂軍中逸去巡撫土國寶坑七百人於姑蘇婁門之李王廟廷揚檻送

金陵按察司獄七月二日受刑元昇從焉全氏撰崇明沈公神道碑銘述廷揚言

兵至必駐崇明禁打糧然後可至崇明食盡名振重遠前約乃趨壽生洲打糧泊舟鹿苑五更風作舟自相擊軍士溺死者過半 大兵逆之岸上名振與煌言京第雜降卒中逸去未嘗覆全軍也是年公在翁洲有九日陪安昌王黃虎癡張侯服張鯢淵朱聞元徐闇公沈公子昆仲登鎖山和韻詩又留節翁城同諸公行長至禮詩云幾年臥節夢金鑾綿蕞猶班舊握蘭葭管初開周甲子蔥珩重見漢衣冠嵩呼恍覺鑪香近海曙還疑扇影寒 惟有臣心冰雪淨誓將綵綫續雙丸

順治五年戊子 二十九歲

義興餘校復起出沒林麓（魯春秋）公集義從於上虞之平岡（神道碑銘按山寨之）

起以錢肅樂在閩連下興化福清諸城華夏乞師斌卿已言師至姚張都御史當以平岡之師會可得三百人則集義從正在是年及夏六月肅樂已卒矣公撰曹雲霖詩序云戊子秋余入山寨此確證也譜以山師起公軍平岡繫己丑大誤又

肅樂之卒全氏書五月魯春秋書六月攷是
年閏四月時海上未奉正朔置閏遂異耳 黃斌卿使弟孝卿隨馮京第再

乞師日本公以詩贈行

按魯春秋二次乞師日本時同行者有凌士宏公送黃金吾馮侍御乞師日本詩云中何地足依牆惆

悵徵師日出方龍節臥持多斧客魚書泣捧約衣郎黃河北去浮青雀滄海東回
獻白狼佇聽無衣萬里外繡弧應復掛扶

桑奇零草此詩編年戊子譜繫丁亥悞

順治六年

己丑

三十歲

公屯山寨

奇零草己丑有屯兵山寨勸農遇雨詩又答上虞口令詩其端陽喜雨呈張相國鮑淵詩云天懸符爲辟兵驅來雷檄又縱橫中天雨

露天中節半夜風雲夜半晴繁露何湏災異對商霖原爲相公生憂民幸慰祈年

意笑把菖蒲泛酒鎗（魯春秋）是年秋七月張名振議迎監國駐台州臨甌八月

監國至舟山黃斌卿不即納王朝先殺斌卿名振遂統其軍監國論名振總督諸

師阮進治樓櫓東閣大學士兼吏部尚書張肯堂加太子太保以吳鍾釐爲禮刑

二部尚書兼左都御史李向中兵部尚書朱永佑兵部右侍郎向中永佑自驚門

依監國至

舟山者

順治七年庚寅 三十一歲

公入衛舟山超拜兵部左侍郎（魯春秋）神道碑銘名振當國召公以所

以所部入朝晉吳左侍兼學士按公官階在魯已授左侍郎桂藩遙授尙書旋

晉大學士全氏神道碑銘於歷官年次皆不悞惟左右字悞遂爲官止尙書以浙

督所上印文爲信鄞志辨之是也譜則左字不悞而以授尙書之年爲加閣部鄞

志遂據譜以正神道碑之悞非也碑旣泥舊

制譜又無確證蓋兩家皆未見左尹書故也

順治八年辛卯 三十二歲

公奉監國命治兵鹿頸頭（魯春秋）九月朔

大軍克舟山公以鹿頸兵同張名振軍衛監國入閩

（魯春秋）八月大軍治舟艦從蛟門向舟山裨

將江天保爲阮進先鋒以四艚迎戰定海沈十三舟餘人斷右臂縱還監國詣蛟門祭江夜半見大星從西北隕舟山無數小星隨之卽還舟山未至聞警或請取二王子長宏枋次宏棟入舟張名振曰如是恐寒守者心監國不强時舟山精銳分應南北洋越五日大軍復出天大霧咫尺不辨阮進戰於螺頭洋風逆不得前手發火桶倉卒觸桅焚進艚進創甚躍水起之不能言瞪目怒視三日死月之廿一日也名振弟都督名揚閣部張肯堂猶櫻城鍵禦歷十晝夜名振等護監國由外洋南泛監軍主事金允彥邱元吉內款言城中虛實導攻益急守者猶醢允彥子傳示四門九月一日午南門開肯堂一門皆死名揚被執不屈死戚屬五十餘人焚死監國妃張氏赴井死宮眷十三人從死一內監死井旁失其名尙書吳鍾巒李向中朱永佑給事中董志寧御史朱養時梁隆吉主事蘇兆人林之瑛劉午陽董元楊鼎臣李開國郎中李國楨中書顧玠江中汜陳所學皆闔戶自焚死溫州義健林伯起張瑞初都督焦文玉及妻張同死總鎮劉世勳格鬪死煌言名振護監國走三沙國姓成功迎入廈門尋居之金門按全氏神道碑銘大兵下

翁洲名振奉王親搗吳淞以牽制舟山之師拉公同行翁洲陷公扈王再入閩次
 鷺門譜亦云公軍北行入吳淞舟山已陷注則稱阮進舟焚投水死名振以王眼
 瞶而去諸將背城力鬪衆寡不敵城遂陷張督師畫像記云名振自以習熟形勢
 謂蛟關天險不可旦夕下乃悉其銳師奉王揚聲趨松江以牽舟山之勢聞變遽
 還則不及矣謂其輕出則可謂其奉王以逃則悞此定論也舟山同殉諸人譜注
 所載尙有文臣鄭遵儉楊思任顧宗堯戴仲明武臣楊錦王相林志燦葉大俊又
 顧明楫林世英內監則劉朝也楊氏佚史跋六有岐陽王裔李錫祚李錫貢錫祚
 佐阮進守螺頭洋進創甚錫祚趨救亦被創赴水死城破錫貢巷戰馬蹶被獲斬
 於四明又浙江通志有婁文煥舟山破痛哭拱坐海邊沙上潮至隨水湧去 又
 按監國妃張氏據全氏舟山宮井碑爲陳氏鄞人楊氏佚史跋七云陳氏監國紀
 年作張氏謂卽元妃之妹舟山興廢記雪交亭錄鮎埼亭集皆作陳氏魯春秋記
 壬寅秋九月十七日監國魯王以海薨於金門年五十四繼妃陳氏明年生遺腹
 子宏甲周支長楊王術桂今改寧靖王收養棲於東寧豈又一陳氏耶劉獻廷廣

陽雜記明宗室從鄭克塽降者九人有魯王八子朱柏後與寧靖王子朱儼鈐皆
安插湖南墾荒 公有翁洲行一篇自從錢塘怒濤竭會稽之棲多鍛翮甬東百
戶古翁洲居然天堽高碣石青雀黃龍似列屏蛟螭不敢波間鳴虎鬚爭如秦婦
女魚旄半是漢公卿五六年間風雲變帝子南迴開宮殿由來蜂國仗樓船烏鬼
漁人都不賤堂怡穴鬪幾經秋胡來飲馬滄海流共言滄海難飛越况乃北馬非
南舟東風偏興胡兒便一雇輕帆落奔電南軍鼓死將軍禽從此兩軍罷水戰孤
城聞警早登陣萬騎壓城城欲夷砲聲如雷矢如雨城頭甲士多瘡痕雲梯百道
凌霄起四顧援師無螻蟻裏創奮呼外宅兒誓師痛哭良家子斯時帝子在行間
吳淞渡口凱歌還誰知勝敗無常勢明朝聞已破巖關又聞巷戰戈旋倒闔城草
草塗肝腦志臣盡瘞伯夷山義士悉到田橫島亦有人自重圍來向予細說令人
哀椒塗玉葉填胷井甲第珠璫掩劫灰而今人民已非況城郭闕饌跳號寧復肉
土花新蝕遺鏃黃石苔早繡缺斯緣嗚呼問誰橫驅鏃兩當翻令漢土翻龍荒安
得一劍掃天狼重 時提督田雄總兵張杰巡海道王爾祿皆以書招公
酌椒漿慰國殤

不可屈

公復略書曰兩間自有正氣萬古自有綱常忠臣義士獨行其是而已區區此志百折彌堅不過恪守人倫卽是深明天道又云河北羣盜皆

以興復漢室爲名今日山中義師大率類此故足下得以折東招之不孝面目何如亦欲以此術相籠絡誤矣矧水陸自有長技戰守自有定謀縱以全力來勝負未可知也我輩相晤正自有期不孝未便以文山自況足下不必以夢炎輩自居爾按是時有司亦令公父以書諭公公復父書言願大人有兒如李通弗爲徐庶他日不憚作趙苞自贖

故復書中自稱不孝云

順治九年

壬辰

三十三歲

公與張名振及義英將軍阮駿

阮進從子使人密招蕩湖進於南田併拉從子義英將

按魯春秋辛卯夏四月馬進寶

軍駿同往駿不從以露富平名振名振涕泣留之進感而止

誠意伯劉孔昭諸軍入長江登金山望祭

孝陵時上游有宿約不至左次崇明

(魯春秋)監國居金門遣名振以已意乞師廈門成功不許名振露其背

所刺盡忠報國字激之並指腹爲姻得助師二萬與煌言及駿孔昭等直溯金塘

獲金允彥磔之以祭舟山諸死事者待約失期不進題詩金山寺而還有十年橫
海一孤臣之句 按名振詩奇零艸別本誤爲公作首句橫作淮末二句遙望孝
陵應有感會將大纛抵龍津遙望句作松柏陰陰兵編素會將作屹看抵作碼下
又注用前韻繫年甲午一作壬寅皆誤惟和張侯服留題金山原韻六首繫甲午
不誤又甲午立春日大雨雪駐師吳淞詩注會名振之師初入長江登金山望石
頭城祭孝陵時上游有宿約不至左次崇明乃追述前事語公有同定西侯登金
山以上游師未至左次崇明二首不繫年其一曰割雲半壁倚中流天劈東南形
勢收鐵甕潮含飛鷺嶺牙檣影撼浴龍舟畫江何代空鼙鼓橫海今來駐虎賁
尺金陵王氣在可能瞻掃問松楸正是年事也公北征錄言丁亥從三入長江登
金山掠瓜儀師徒單弱迺鮮成績皆在戊戌以前全氏神道碑銘言癸巳冬復間
行入吳淞尋招軍天台次於翁洲明年軍行吳淞會名振之師入長江趨丹陽掠
丹徒登金山遙祭孝陵上游宿約不至左次崇明甲午再入長江掠瓜州侵儀真
抵燕子磯而所期終不至復東下駐翁洲按癸巳之明年卽甲午也既書明年下

復繫以甲午誤矣其云再入長江者據公甲午再入長江一詩蓋全氏因北征錄
三入長江之文而未嘗考定初入長江爲何年又不知甲午之自春徂秋二入長
江故憫其詞否則癸巳字誤然以左次崇明屬之明年於事仍不合譜則以癸
巳甲午乙未三年分紀復與神道碑銘相左又全氏撰定西侯張公墓碑直以癸
巳甲午兩入長江爲說則北征錄三入之文爲不足據矣此實一大疑案賴左尹
書於三次入江詳記始末耳左尹與於乙酉義師曾官兵部畫江之役身在行間
浙東事敗猶遯荒野又後公數十年歿雖其書不傳舉憶一二甚資考證非燕觀
也是歲公父卒於家公屯涓島曹雲霖詩序歲在壬辰余避地鷺左雲霖在
焉歎然道故時樂樂人耳故不輕有贈答
癸巳春余附樓船北歸譜注公父病卒李徵君鄴嗣葬之城南傳云既聞父亡
一慟而絕比甦不再哭念已破家殉國父死不葬妻子顛連無以存活終身不蓄
姬侍公甲午有追慕二首曰國難驅人出家領待子歸可能磨墨盾其奈冷斑衣
金革三年淚冰霜寸艸暉髮膚雖不毀猶恨故園非廿載嗟何怙長銜梧捲愁節
旄看盡落斧鼈悔遲謀燕去巢應改烏號屋僅留在堂有委蛻無計翦青楸按

公是年有長至志感除
夕宿湄洲禪院諸詩

順治十年癸巳 三十四歲

公自湄島至瓊琦經南日北還入浙尋入吳淞

是年有大瓊琦謁錢希聲
殞宮重經南日弔沈彤庵

及北還入浙入吳見雪忽憶車駕南巡諸詩譜言次於東甌尋入吳淞者自閩入
吳淞海道也公癸巳除夕詩曰八歲他鄉臘鼓催鄉心撈亂鼓聲哀無情天地猶
擐甲有意山川獨畫灰兒女藏鉤離別後君臣投
璧播遷來年華如許人將老辜負春風又幾回

順治十一年甲午 三十五歲

春正月公與名振會成功全師復入京口

公立春日大雨雪駐師吳淞詩
曰春信驚催元臘殘江梅猶帶

六花蟠屠蘇飲出冰餘冷組織光浮木末寒吹垢豈期風入夢洗兵自合雨成團
征人感荷東皇意
且逐年光奮羽翰
戰不利淹四日退軍成功復令陳六御程應蕃等協

攻崇明不克還觸吳淞關掠戰艦二百九十名振以沙船九百泛登

萊及高麗乃還秋八月公復與名振合成功所遣水軍總制甘輝再

窺吳淞

公再入長江詩曰江聲萬古似聞鼙天險依然渡水犀涿鹿亦當經再戰盧龍應復待三犁

未洗自慚無計慰雲霓

遭風變旋師移攻舟山鎮將巴臣興陳虎禦之陳虎戰歿

巴臣興降

（魯春秋）成功軍入京口戰敗喪副將阮甲旋由平洋沙攻崇明是失利平原將軍姚志卓自剄死按巴臣興本名成功降始改名是

年名振卒

（魯春秋）名振卒於舟山公辛丑祭名振文云甲午之冬棄捐賓客距今僅七載又哭定西侯墓詩注卒於甲午祭文別本作乙未誤

全氏定西侯墓碑書甲午卒

遺言以所部付公公平岡入衛部下不滿三

百至是始盛

（神道碑銘）按成功陷舟山遣戎政司馬陳六御及義英伯阮駿守之公既統名振軍是年當在翁洲公閒居詩有云人居閒

處非佳境事到難時且放懷 阮季友云笑我尙爲籠鵠客相期何日捧龍鱗又

海上二首其一有云浩氣填胸星月

冷壯懷裂髮鬼神愁疑亦作於是時

順治十二年

乙未

三十六歲

公屯臨甯

(神道碑銘)乙未成功貽詩於公謀大舉(魯春秋)乙未秋九月成功還厦門改爲思明州議設四屯公駐臨甯陳文達駐玉環山阮春

雷駐楚山牛頭門亦置勁旅遙爲

犄角相聲應東南遺黎走集甚衆

順治十三年

丙申

三十七歲

公移軍秦川

(神道碑銘)丙申公軍於天台是冬軍於閩之秦川(魯春秋)秋八月大軍破舟山阮駿舟膠淺敗績劉永錫赴水死陳六御張

洪德自劉死楊晉爵以孤軍戰橫水洋兩日夜力竭自劉死太常少卿陸九徵被執不屈死永錫孔昭子也按公奇零艸自序云綴緝新舊篇章稍稍成帙丙申

昌國再陷而亡什之三是

大軍攻舟山時公當自臨甯至既破乃入閩公壺江

卽事詩其一曰倦飛無路且投閒滄海人來第幾灣真覺壺中留日月猶疑畫裡

對江山飄零蛋戶還相笑偃蹇柴門長自關閩越波濤千里闊那能有夢寄刀環

又云駭浪扁舟輕似葉重圍匹馬跳如丸創深已信傷弓數痛定應愁捲土難又

夢中句云集候秋虫偏解語失途老驥亦長鳴又舟次三山云每擁廳幢欲淚潛

萍踪無禁又三山才非命世空沈族事尙因人亦強顏猿鶴秋深悲別岫魚龍夜舞泣間關途窮未就行藏計華髮

朝來已半斑可想見當日情事

順治十四年 丁酉 三十八歲

公還翁洲

(神道碑銘) 丁酉國號通表滇中按公戊戌冬懷入首中潛邸一作有句云只今冷落

大兵遷翁洲之民公還軍翁洲時魯王已去監

蛟螭窟雪夜徒吟兔苑篇正謂此也(魯春秋)時海禁嚴沿海居民內徙四十里限期勿後戀田廬違限者火之徙所許借居寄食於其姻族拒者有法 公有丁酉元旦駐

師秦川詩

順治十五年 戊戌

三十九歲

公在翁洲桂王遙授兵部尙書

(魯春秋) 公兵部左侍郎兼翰林院學士已亥告敗滇

按神道碑銘戊戌滇中遣使加

中且引咎滇中專勅慰問加尙書兼官如故譜於是年書滇中遣使慰勞督閣部

又據公聞行在所遣使至營宣諭有感詩注中時余官少司馬兼學士謂自述其故官非是年始授良然取詩中黃麻紫綵不須多句爲公晉閣部之證皆誤譜於詩注兼侍講作學士尤誤鄧志辨已亥綽告敗滇中滇中專敕慰問爲誤以晉閣部爲前一年事已亥則永明入緬何有往來之使是也不知全氏乃誤會公辛丑上桂藩疏中語而以加尙書云云牽連書之故有此失若以往來之使爲疑則是年滇使爲周金湯據公疏又有劉之清當時諸臣崎嶇險阻帛書蠟表出死入生恒非意計所及弗可議也七月成功以師會公北行泊羊山風濤碎船復還翁洲

（北征）

錄）戊戌隨賜姓延平王北抵羊山遇風碎舟返旆（神道碑銘）成功仍推公爲監軍泊舟羊山羊山多羊見人馴擾不避然不可殺殺之則風濤立至軍士不信殺而烹之方熟而禍作碎船百餘義陽王溺焉（魯春秋）成功以舟師大掠招寶山兵部尙書煌言計資延平大力勇圖恢復舟山敗後凡大舉必與延平合議時監國往來鷺門無定轍是年公有撫時感事詩句曰人生百歲安得有我今草草三十九又縱橫露布浪飛書突兀星槎莽犯斗風雲縮胸帝應嘖日月膏盲鬼

亦吼丈夫志氣薄勳名何況文章等芻狗 樂府薤露吟 赤風蕩海宇弱水靈
飛揚日月長麗天中有蓬萊鄉桓桓國虎臣據圖畫封疆火生木必焚害金自相
戕屏藩遂已撤干戈及寢皇白日竄野馬黃昏號國殤貴賤同一骨誰爲送北邙
蒿里曲 猛獸在深山藜藿亦壽考況也濟亂流干城國之寶一朝捐賓客三
軍哭孤島李代桃亦僵崩易絲愈擾吁嗟周遺民去作流離鳥路逢故鬼語死生
何草草野死媚鳥鳶水死蛟龍飽哀哉失所天人命不自保 又舟山感舊四首
一曰孤雲兩角委漁磯極目滄桑事已非隔浦青燐相掩映傍溪紅雨自霏微
烏轉逐危舟宿社燕空尋舊壘依獨有采芝人尙在天荒地老不知歸三曰江皋
烽盡燧猶紅獵火歸然滿故宮樓閣總隨蜃氣散鼓鼙迸入角聲空田橫島上淒
涼月杜若洲前冷落風翹首靈
光何處是五雲應復捧南中

順治十六年

己亥

四十歲

夏五月公會成功舟師從大江突京口卽嚴家沙爲壇禱告入七里

港攻陷瓜洲直趨蕪湖

(魯春秋) 煌言以其師領前鋒開府蕪湖傳檄千里上印者三十有七時腥膻大小八千餘號大將

張茂之總五軍令嚴掠一黍者死斷鎮江鐵索城中擲帽與堞齊市肆不驚商旅如故(北征錄)已亥仲夏延平以余練習江上形勢推余前驅抵崇明余謂延平崇沙乃江海門戶懸洲可守不若先定之爲老營不聽既濟江議首取瓜步時金焦間鐵索橫江夾岸置西洋大礮數百位延平屬余領水軍先陸師入遂揚帆逆流而上次礮口風息流迅不得前諸艘且進且卻兩岸礮彈如雨水軍傷矢石者骨飛肉舞余叱舟人鼓棹逆入金山得入僅十七舟而本轄則十三次早師克瓜城延平欲直取石頭余以潤州實長江門戶力贊濟師鐵甕延平慮援騎朝發夕至余謂何不遣舟師先擣觀音門延平意悟屬余督水軍往約直達蕪湖時江潮縮胸水下如駛易沙船牽挽而前未至儀真十五里吏民遮道來歸舟次六合得報六月廿四日復潤州余計潤州既下由陸逐北雖步卒皆鐵鎧難疾趨五日亦當達石頭城下卽致書張茂之謂吳貴神速水道進師遲細非策余恐後期晝夜兼程抵觀音門乃六月廿八日也艤棹兩宿戰船無一至乃發輕舟數十先上蕪

湖而身爲殿泊浦口七月朔戰不利忽一航至則轄下犂糟也乘之復戰後餘繼至始去而日已曛矣詰旦整師前進部曲馳報江浦已破捷聞延平止余母往蕪關且扼浦口撫江邑此七月初四日事也翌日延平亦抵七里洲商取建康而余所遣先往蕪湖諸將捷書至矣延平謂余蕪城尤上游門戶促余旋發七日抵蕪城傳檄諸郡邑江南北相率來歸者府四州三縣二十四焉按是時公所部義從凡六千人見徐孚遠所撰奇零艸序

七月

大軍破成功於江寧誅其將甘輝余新

(魯春秋)
作日新

洪復等成功遁

(魯春秋)
海師戰桃

灣不利甘輝營被劫大戰石灰山復敗績失萬人沿江數百里舟師咸退去(廣陽雜記)賜姓攻南京余新爲梁化鳳所愚遂不爲備值其壽日聞神策門攻之余新甘輝洪復皆成擒余新跪請降甘輝不屈死洪復罵而死復泉州同安人丰姿如婦人而勇冠三軍賜姓攻漳州值劫營失思文所賜七印復獨騎自敵後入

營中挾印囊走追者至發三矢連斃三人以印反命（魯春秋）既執甘輝責輝勸降成功酬大爵輝傲睨曰國姓父不能奪國姓乃仗輝且輝亦安肯勸國姓也請速死無他言怒叱日新丈夫得死所濡忍何爲公猶在燕湖江南江西總督郎廷佐等遺書招公公峻詞拒之公與郎總督書略曰夫揣摩利鈍指畫興衰庸夫聽之或爲色變而忠貞之士則不然如僕將略原非所長止以讀書知大義左袒一呼甲盾山立區區此志以濟則藉君之靈不濟則全臣之節故不惜憑陵風濤之中縱橫鋒鏑之下迄今逾一紀矣同仇漸廣晚節彌堅此忠臣義士得志之秋也即不然謝良山竹帛抗黃綺衣冠亦之死靡它豈復浮詞曲談足動其心哉乃執事儼然以書進似以僕爲可利鈍興衰動者虎俛戒途雁奴同夜固無足怪來書溫潤諒執事非憤憤者遂附數行以復斬使焚書適足以見不廣僕亦不爲也

按公是書集中編年戊戌據北征錄則在己亥入燕湖後上魯監國啓亦及此事全氏神道碑銘書戊戌江督郎廷佐以書招公公峻詞拒之凡兩見按江南通志順治四年設總督轄江南江西河南三省六年以後總督不轄河南會典九年總督又移駐南昌亦稱江西總督未幾復歸江寧郎公以十一年任江西巡撫十

三年授總督戊戌爲順治十五年公方與延平入東甌舟覆復退翁洲未踰浙境
耶公爲江南江西總督已越疆涉海貽書勸降疑非事實集中編年傳寫易譌或
係後人據書中逾一紀之文而改之不知戊戌以後皆得言逾也茲從北征錄仍
繫是年 既知成功全師入海援絕路阻遂棄舟登岸潛行山谷復歸臨庠

（北征錄）余之按燕也吳不滿千船不盈百惟以先聲號召大義江楚魯衛豪傑
多詣軍門受約束余相度形勢一軍出漂陽窺廣德一軍鎮池郡扼上游一軍拔
和陽固采石一軍入寧國偪新安身往來姑熟間名爲駐節鳩茲實席不暇暖正
思直取九江然延平軍圍石頭城者已半月余聞之上書大略謂頓兵堅城師老
易生他變無何石頭師挫時余在寧國府報至遽返蕪湖已七月廿九日矣初憶
石頭師卽挫未必遽登舟卽登舟未必遽揚帆卽揚帆必且守鎮江故彈壓上游
不少退而耶廷佐哈哈木管效忠等遺書相招余峻詞答之又遣兵復取太平然
江上下音信阻絕余遣一僧齎帛書由間道款延平乞益百艘相助詎意延平不
但舍石頭去且棄鐵甕行矣余欲據城邑念援絕勢孤終不能守余名則成士民

何辜欲冲突出江池州守兵又未集因部勒全軍指繁昌池兵亦至共議以纒糧竟趨鄱陽乃決計西上八月初七日夜次銅陵一軍將抵烏沙峽後隊尙維三山與楚船相值余橫流奮擊沈其四船溺死無算以天暮停舟夜半楚船遁下流礮聲轟然轄下兵悞爲劫營起帆解纜一時驚散或轉蕪湖或入焦湖西江之役已成畫餅余進退維谷遂沉巨艦江中易沙船至無爲州擬走焦湖聚散亡適英霍山寨義士來說焦湖冬涸不若入山寨可持久因焚舟提師登岸至桐城黃金壩選銳騎馳擊奪馬數十由奇嶺進山十七日已入霍山界陽山寨在咫尺先以書通褚良有堅不納移札東溪嶺思走英山將軍寨將士疲甚余強起披衣行占四課俱空陷因申令詰朝早發余率騎兵前驅而追騎躡後方踰嶺後軍報奄至士卒竄山谷中余左右止二十餘騎步卒不滿百勒馬高坡後軍已截斷首尾不能顧余念鬪死無名單騎突圍走止一童攜印相隨去稍遠牙門將逃而復返呼之偕行三人紆迴山岡間迷失道士人導余乘月行夜走七十里望門謀朝炊主人問所從來導者答余爲館師余將則賈客皆以兵難避導爲送往進一匕復行塗遇

散兵十許見喜驚余欲相勞苦導者恐駭耳目余亦躡導疾走村中豪傑竟相避問導者謂事露不反顧襍被亦負之而趨余既失道復失導傾所有分贈諸人稍解去視其中貌厚者俾導行其人姓胡昆季三人是日行三十里宿逆旅主人胡族屬也胡之季粹至招兄耳語却入語余曰君自海上來余曰然爾何從知之胡曰君在邨中不見十數人過我門乎余季問之知君亦海上人也恐吾導不力所以來耳胡之老人爲余言此邨向年亦舉旂卒不成今莫敢動余謀所向僉云當從安慶渡江余憶舊時賓從歙人朱君變姓名賣藥高河埠至高河朱君他往未返市人見童子之間朱君也蹤跡之得朱君友徐某金某陰左右余令密友何某伴余由縱陽出江抵張家灘登岸金與徐別從安慶來會灘屬池之東流徐之兄賣藥於邨中故問津焉於是自建德祁門山中走休寧余復病瘧扶疾而行冒險奔馳道路以目將次祁門江右義旅陳九思屯朱橋鎮賴導皆歙人得無他計程兩日抵休邑未至三舍聞兵阻不得入止郭外招提乘閒抵城中寓徐諸父家其諸父善歧黃有隱君子風余至盛治具然亦謂余館師與其猶子善不知爲余

也兵退買棹嚴陵過新安亭達街口邏卒登舟見余持之急徐起與閔事得解解
維過漕安已入浙矣會省符插民艇載兵絕浮梁余船藏他港卒爲插去乃迂道
走遂安達嚴郡計山行無恐後自婺之東義出天台以赴海壩鳥道羊腸較徽州
更甚時余將已令取道於杭而金徐諸人皆不諳浙道里向者導導余茲則余導
導然余實茫然問途已經得至海濱居人咸來問訊遠近闐然知余得生還矣（
魯春秋）煌言師不統於鄭自請先登以是深入成功不爲聲援急全師去煌言
不得退提殘校入霍山界歷險巇衝擊死散始盡至棄騎僞爲失路賈往往得故
義健曲護之蓋是時中原婦是年桂王遙授公東閣大學士兼官如故魯
（春秋）秋桂王遙敕仍魯王監國駐
澎湖晉煌言東閣大學士兼原官 冬築長亭鄉海塘 公山頭重築海塘碑
山負海東鄙即尾閭也有鄉民長亭吞吐潮汐民居與魚鱉爲鄰而地脉湧出贅
附一沙與龍山對峙號山頭實沮洳場也後馮袁諸姓卜築于此爲滄以瀟山泉
爲塘以捍海潮而族始盛其俗樹藝之外皆魚鹽爲業久之亦遂殷阜國家盛時
海波不揚邑多賢長吏濱海丸封尤鮮戎馬驛驢故上農以力田舉科蛋戶以綱

苦半盆箸姓氏家禮樂而戶詩書蓋彬彬乎盛哉但邑居介山海間田阻山則多
磽恒苦曠田阻海則多鹹恒苦潮于是鄉之人聚族而謀伐木畚土隆其地復其
障徼滄海爲桑田卽鴻鹵胥化膏腴矣十餘年來義旌徧海戎服繁興民力用是
益殫家室不保遑間封表由是沉潦內潰洪濤外嚙向之膏腴仍歸鴻鹵桑田亦
幾爲滄海矣余自乙酉飄泊海曲迂復鞠旅于緱城外島聞之愴然曰民事寧可
緩乎乃出金五十爲倡鳩工經始義士馮某等爲之釀金錢聚土木以虔其事大
抵富者輸財貧者輸力靡不奔走恐後因就故址增新防堞者崇之圯者累之闕
者修之薄者豐之自冬徂春蓋三閱月而工竣慮人情之易媮也申約以今時捐
財之多寡爲他日授田之廣狹亦可爲計及久遠者矣 公新安溪行詩 曲曲
溪流曲曲山青峯千折水千灣山亭擁霧遙疑塔水碓春雲巧作關越榜下灘雙
槳捷吳鹽到界一帆間却看兩岸楓林葉似送離愁照客顏 浮蹤同邱含山感
賦詩 蕭瑟干戈事浮蹤已似萍半床留破席一室欠疎櫺霜月窺人白漁燈入
夜青天涯知已在猶自歎丁零

時大吏已籍公家夫人董氏及子萬祺逮繫鎮江

公有代內人獄中有寄詩 國破已飲泣家破

復閒關自君之出矣妾媵君亦嫫兒女雖有情不在別離間上堂潔脯脰下堂代
斑斕知君驅汗馬豈敢怨紅顏吏官張羅網忠義委草管奄忽大椿謝君涉滄海
灣兀然生死魂并作蛟珠潛君行寶膚髮奔跣安所還妾自感百罹飛蓬任雙鬟
衰門既零落空閨誰貞艱哀哉井臼婦終歲困狴犴非不輕微生將離實且辱圖
屏滋味惡燐青碧血殷古稱東海婦嚴霜暑路班天胡嘗夢夢莫辨玦與環如何
貫索星獨照望夫山視彼摩笄峯高名良可攀難將妾巾幘來佐君羽輪報君還
祝君旂常樹人寰 又擬答內子獄中有寄 盛年不惜別客久始懷慚我非蓬
蒿人江湖遂屢淹况復避豺虎誰能解征衫孤雁自西來仿佛墜書函書中寄珍
重書外淚重緘恍見閨中秀吞聲寫素練卿今陷虎穴雙魚何從探珊瑚魂魄來
關河諒非諳棘林魑魅羶骨肉各生嫌稚子亦囊頭狼狽形影兼憶我初行役兵
戈未解嚴馳驅悲九折輾轉歲華添白雲空繚繞長此傷烏啣水鷗雖忘機安得
比鷗鷗名教自束躬柔情非所耽憐卿持門戶鼎俎心已甘豐獄有埋劍紫氣若

煙炎莫邪獨淹抑干將慘不銛神物庶終

合造化焉能殲生當挽鹿車死當駕雲轡

順治十七年

庚子

四十一歲

公在臨潼

是年公上有魯監國啟略曰臣萬里孤蹤一軍特立又懼旁疑他妒未敢輕達封章已亥夏於東甌晤錦衣指揮陳貴曾附疏轉達豈意

陳貴隨鯨北上因南師挫衄流落江上聞今已往山東臣自入長江直奪鎮江礮

口傳檄而下三十餘城駐札蕪湖水陸兵至萬餘豈意藩師潰於金陵倉卒南旋

臣之孤軍竟陷重地虜酋百計阻絕歸路貽書招誘遂焚舟登陸提三千餘衆轉

戰千里相持二十七日終以勢孤援絕士卒罷敗臣單騎突陣竄伏山谷中由閒

道徒步二千餘里賴義士挾衛始得生還海上然志猶未已力圖收燼散亡漸集

奈囊空斧傾力不如心偷浙海決不可支亦當南帆一觀昨差官自思明州回始

知移蹕金門之信遵養時晦尙無其地是臣所爲日夕旁皇者也臣垂翅之餘百

事艱難芹曝之獻容俟後期錦衣張士魁楊澄亦經患難俱得生全現在臣營合

併具報

得朱子成書詩

書來惜分手正憶皖城秋入海仍精衛還山尙瀾縈

參差非恨事倉卒少良謀異日傳心史孤忠冀見收 按子成疑卽高河賣藥朱
君字 又重過桃渚詩 一棹天台依舊迷重來秋爽足攀躋苔衣糝髣髴偏美
石磴鱗鱗齒未齊夢到赤城霞氣近感深滄海水聲低臨流空作桃花想愧煞仙
源是武溪 復屯臨朐詩 十年兵甲滿滄洲此日廻戈又上游人去鹿場仍舊
跡秋高蟹浦足晨羞空山餓犬聲如豹失路窮黎狀似鳩自笑經營何太拙悞將
島嶼作

并州

順治十八年辛丑 四十二歲

公引軍入閩次沙關

（神道碑銘）

時成功取臺灣公遣參軍羅子木致書阻

之成功不聽

公與成功書略曰舉大事者先在人和立大業者尤在地利故晉武以獨斷而平吳符堅又以獨斷而敗於晉尉陀以僻處而據粵

劉禪又以僻處而亡於魏則人和地利審之不可不精也殿下東寧之役豈誠謂外島可以創業開基不過欲安插文武將吏家室無內顧憂庶得專意但自古未聞以輜重眷屬置之外夷而後經營中原者或謂女直起於沙漠我何不可起於

島嶼不知女直原生長窮荒適彼樂郊悅以犯難人忘其死若以中國師徒委之波濤浩渺之中拘之風土狃榛之地真乃入於幽谷其間感離恨別思歸苦窮種種情懷皆足以墮士氣而頓軍威況欲其用命於矢石改業於耰鋤胡可得也茲歷暑徂寒攻圍未下無他人和乖而地利失也誠能因將士思歸乘士民思亂回旗北指百萬雄師可得百十名城可取矣又何必與紅夷較雌雄于海外哉況大明之倚重於殿下者以殿下能雪恥復仇也區區臺灣何與於赤縣神州而暴師半載使壯士塗肝腦於火輪宿將碎肢體於沙磧生既非智死亦非忠大可惜矣思明一塊土何啻桐江一絲繫漢九鼎今守禦單弱兼聞紅夷乞師萬一乘虛窺伺勝負未可知也夫思明者根柢也台灣者枝葉也無思明是無根柢矣安能有枝葉乎此時進退失據噬臍何及古人云寧進一寸死無退一寸生使殿下奄有臺灣亦不免於退步孰若早返思明別圖所進哉昔年長江之役雖敗猶榮倘尋徐福之行蹤思盧敖之故蹟縱偷安一時必貽譏千古觀史載陳宜中張世傑兩人褒貶可爲明鑒夫虬髯一劇祇是傳奇濫說豈真有扶餘足王乎若箕子之君

朝鮮又非可語於今日也 公是年有感事四首句云筆路曾無異桃源恐不同

童女三千笑孤兒五百嘖鳩居初得計蛋市轉生疑蓋爲成功作也

滇中事急公復艸疏遣職方郎中吳鉏

南訪兼會師鄖陽謀救滇

(神道碑銘)公孤軍襄回兩島滇中事急成功方得台灣不能行乃遣職方郎中吳鉏挾帛書間道

入鄖陽山中欲說十三家之軍使撓楚以救滇

公陳南北機宜疏略曰臣本書

生遭逢多難自經倡義十有六年雖棲山橫海備嘗艱苦而恢復未奏但覺有罪

之當誅實無功之足錄蒙主上綸綍頻頒節鉞謬寄臣感極生慙憤極思奮故于

己亥五月隨臣成功直擣長江分道疾馳孤軍深入不意金陵挫衄倉卒班師臣

念上游父老夾道遮留奮不顧身持戰兩旬援絕勢孤遂至潰敗臣突圍閒行始

得完節而返復蒙主上遣監臣劉之清齎到專敕一道時臣方收燼於浙而使臣

又停橈於閩未獲具疏陳謝至今悚仄數年之間遠邇聽聞久不知天南確信事

機得失關係非輕茲以職方郎中臣吳鉏不憚萬里閒關願得陛陳大計特具本

附奏 公有送吳佩遠職方南訪行在兼會師鄖陽詩其三曰鄖江稱斗絕咫尺

向夔門雲棧凌霄起旌旗插壁屯金貂皆上將鐵馬足中原一見隨何檄還應報

國恩 譜注桂王已亥入緬至是三年李定國連戰不利公集中送吳職方黎大行皆海上使探消息者其冬緬人獻王明年至滇遇害是時定國諸軍皆在徼外安得有會師之舉按流賊郝永忠等反正北保湖南巴東之間時有李來享劉體仁等十三家分據興山巫山房山施州均州涪州聲勢相倚所謂耶陽之師者也後都御史洪育鼐總督湘南諸軍事桂王駐安隆疏言十三家抗險據衝觀釁而動楚蜀雖失未有貳志若有征行可以兵應蓋海上諸公之計謀結耶師以抒滇患出於無可奈何事雖不成亦可憫也諸野史皆不載賴閣部詩得以考見又曰耶師雖與桂王連和別奉韓本鉉爲主改元定武移書序長幼不稱臣滇平陝西總督李國英以七將軍出湖南分討諸寨據險拒守癸卯來亨以疾困甚合諸寨力門四晝夜國英大挫甲辰巫山不守育鼐死之諸寨繼破韓不終 按吳佩遠名祖錫嘉善人興於復社全氏吳職方傳別號稽田晚年亡命更名鉏

康熙元年壬寅 四十三歲

公還軍臨鹽

(神道碑銘) 按公復曹監軍從龍書曰弟棲遲沙關幾三月矣金盡粟空誰能爲景升仲謀者只得仍圖北返兩番鼓棹又以石

尤留滯今春風至矣決計回浙亦旦晚間事弟非不知兵力單極況二阮一陳俱徘徊閩境則聲勢更微然弟以爲寧進寸毋退尺寧玉碎毋瓦全其素志然也但不知果能自存否近有小詠云虱髻定擬浮家去鴈足空傳屬國還又云平沙一旅真孤掌可有天戈靈武間感慨係之矣

時滇中已平夏五月成功卒於台灣公三上書魯

監國不克行

公一書言春來閱邸鈔知去年十一月緬夷內變導虜入緬致我永歷皇帝蒙塵扈從宗室官員無一得免惟吉王自縊以殉李定

國入海白文選亦遁深山臣聞變之日猶謂狡虜詐傳疑信參半及四月中旬聞官春竟從鎮江北轅矣臣以爲延平藩當伸大義而至今寂寂道路謠傳又有子弄父兵之事臣終夜旁皇恐孤島孤軍難以持久況復加以他故譬羸羸之疾胸胃轉增雜病其能久乎只今遣招撫於浙閩廣每省二人以解散海上若不及早經營則報韓之士氣漸衰思漢之人情將輟臣惟有致命以了生平所慘慘者主上羈旅島嶼不獨與閩人休戚相關且與閩海存亡相倚計閩勦鎮正在危疑不若急用收羅之術以爲擁衛之資此非欲徼福也免禍亦宜然卽未暇雪恥也圖

存亦宜然伏乞密與齊靖王及諸將紳謀之發憤爲雄以慰遐邇二言臣違願以來忽經十載百折千回壯心未已原非動念勛名特以越國義族魯邸侍從止臣一人尙在軍次雖乖哭庭之志尙圖掃境之功以主上養晦潛履宜權區區之情盟之幽膽何期行闕浹染胡氛擊髻莫逮延平忽捐賓客秉鉞無人臣以孤軍子處荒壤又無蟻子之援日夜枕戈與死爲鄰亦以死自誓若輕爲移蹕則風鶴頻驚仍栖渚島竊恐號召既遠復與臣呼喚不靈乞與諸將紳勛鎮熟籌妙策或揚帆海山或保據沙關結納忠義以絕窺伺三言去冬緬甸之變君亡臣死天下已無復有明室矣海上猶存一綫眞乃天留碩果願島上勳貴罔識春秋大義臣實兵微將寡餉匱窮見宗國之亡而不能救幸舊主之在而不能扶中夜椎心淚盡繼血但得南國首爲推戴臣敢勿協力扈從恭進膳銀差官齎獻

秋九月監國魯王卒於金門（神道碑銘）作冬十一月魯王薨於台譜言魯王卒於甲辰以公表祭有十九年旌節語爲證皆悞按魯王以甲申襲封至壬寅正十九年冬字或草書九月二字之悞十一月則十七日三字因冬而改當時紀載傳寫魚虎往往有此惟全氏畫像記亦云甲辰卒

與碑不合此是年
當從左尹書

朝命招撫使

按公上魯監國第一書是時招撫使每省二人在閩中則一爲洪文襄承疇一爲洪熙允見林氏時對記鄭芝龍事浙中招撫據盧氏宜述公

答招撫書署爲答岳岳招撫王兵道趙督院書全氏神道碑銘又書招撫使王公皆

不著其名疑浙中二招撫一爲岳公王兵道則巡海道王公爾祿兼任其事爾祿

湖北黃陂人明進士浙江通志順治六年爾祿已任巡海道公前與書有足下爲

昭代魏科語必其人也至康熙六年海上事靖缺亦裁矣岳公無攷又是時分守

寧紹台道有王廷璧河南祥符人然守道無兵備不當稱兵道也

與浙江總督趙廷臣帛書招公公答書

凡一千七百七十餘言終不屈

公有聞族屬被逮且以告密波累親朋作宗國既飄搖家門遂顛覆感此多難生

欲泣不成哭我生實數奇乾坤方百六猓獠滿中原赤靈社已屋通臣骨可樂豈

敢惜擊戮所悲諸父行班白樓三木女兒與所天株連遭拳梏幸或作流人否亦

登鬼錄稚子竟何辜十載尙淹獄此離有寡妻墨幃兼縗幘國亡家亦亡我固甘

湛族邇聞告密風舊游復被錄白虹慘欲垂黃金貧莫贖天地豈不寬誰念忠義

屬惟應千秋名芬芳追王蠋

先是公自編所作詩爲奇零草至是復編其

破涕慰親朋安知此非福

文曰冰槎集

公冰槎集引曰嗚呼此予槎上作也昔之乘槎者或爲客星而入

犯斗或入女宿而得支機故至今羨爲勝事余獨不然浮踪浪跡當淒霰嚴霜不得已而棲託靈槎筆墨所及率成冰聲則是槎非貫月也亦非躔星也而茲集所存又皆子晚節所作于是以冰槎名嗟乎水澤腹堅天心盡見乃從淩陰千尺間而欲論列古今辨正夷夏不失君臣父子朋友之倫不其難哉異日者東風解凍尙有想見枯槎中人而興

嗟者否歲在壬寅菊月朔張煌言自識

康熙二年

癸卯

四十四歲

公遣使入閩祭告監國

公表文有曰十九年之旄節爲國不殊廿四郡之鼓鉦平原無恙恨哭庭而未效嗟掃墓以何時投璧還

秦早慚孤偃扁舟去越敢學鷗夷又曰穆王馭駿以來歸已孤此願望帝化鶴而

猶在莫

慰餘思時

大軍已克思明島師散盡

(魯春秋)和蘭內附合攻思明恩明敗而金門臨臺牛頭門楚山玉環山諸島師皆解按公詩有甌行志慨

三首譜疑指溫州事又疑爲鄭經作皆非也(魯春秋)言思明敗諸島多內款受職周全斌先殺馬得功吳敗亦降詩中苦口吾同澤甘心彼喪名謂成功父子也

吹笳悲自壯擊筑和誰親謂無同調也行矣河梁別翻爲送隴西謂解甲諸人也
冰雪寒孤胆風雲怯病蹄玉關雖咫尺敢

復望芝泥謂終不可爲也當在是年作

康熙三年

甲辰

四十五歲

夏六月公散軍居懸輿

（魯春秋）作花
澳一作范悞

七月提督張杰執公

（神道碑銘）
提督張杰募

公故校使居補陀爲僧以伺公會公告羅舟至不之忌也故校出刀脅之其將赴
水死又擊殺數人最後乃告之以夜半出山背攀藤入暗中執公并羅子木侍者
楊冠玉舟子三人七月十七日也十九日公至杰以轎迎之方巾葛衣而入（魯
春秋）是月廿有三日煌言令裨將吳國華哨探至陶家尖會甯波人孫惟法伺
得之國華被創投水死舟子林姓者至死不言一火者導之執煌言及監紀羅綸
字子木勇士葉雲門者冠玉并二特掣者煌言素袍朱履就道 按無名氏錄遺
集記言云甲辰七月望後八日有客來告蒼水張公被執去矣予亟往覘之見公
方巾葛袍直至牙門外神色自若左右令公從角門進公不動杰知之令啓中門

延公入上坐此云望後八日則廿三日爲公至郡之日可信也懸輿居海中不能朝發夕至公以十七日被執二十三日至郡非十九日左尹書廿三日執公又悞以至郡日爲被執傳聞不若親見也全氏書同執者三人左尹則書五人裨將及舟子故校姓氏全氏不詳左尹則箸之記言從死者僮舉客羅子木及童子二人鈕琇觚賸同子木作自收趙世安仁和縣志則云客羅子木僕楊冠玉等五人徐逢吉清波雜志載從死二人注阜隸葉雲侍者冠玉無羅子木子木溧陽人本名綸以字行公羅子木詩序曰師指瀨水羅生謁余江上陳山川形勢余以清河客擬之然竟引去曰親在身未敢許人也余揚舲西上聞羅生應延平招從其族父軍將往吳會延平師潰踉蹌挂飄又聞羅生涕泣遮說不肯留遂隨軍道江入海未幾舟次三山猝遇鏖戰思以死衛父格鬥逾時矢集鎧如蝟墜水得生而父就縛以去羅生流離滄溟宛轉島嶼間欲出奇計救父卒不得父生死音耗然後稅駕於予行營悲涼酸楚至於嘔血子木出處具見於此冠玉鄞人公鄉人子故家後裔父母死從之海上臨刑當事見其幼欲釋之冠玉曰司馬公死於忠某義

不忍獨生延頸就刃見無名氏撰傳又全氏神道碑銘言公被執時有王居敬黃岩人以計得脫林氏時對記曰公慕客王畏齋黃岩諸生令披緇名超遜語予云公被執前一日夢金甲神持符稱帝命召公次早向畏齋詫其兆俄有白氣一縷衝所居茅廠畏齋親見之夜半蒙難又公客徐允岩相從最久己亥入江多所贊畫延平師遁公走英霍徐亦相從幾以格鬥死公勸之祝髮伏匿山中公還海上徐復來歸見公所作徐允岩詩序附記于此

八月以公至杭州

記言越旬日檄公至省杰命以四人與公公至城門令駐輿北向稽

首曰臣志畢矣復向城拜曰某不肖徒苦故鄉父老二十餘年有辜屬望又再拜曰自此不復見張氏家廟矣道旁數千人無不流涕按盧氏宜曰公少白晢後

乃高顴長髯嶽嶽千仞宜家去公宅僅三四十武幼時猶及親公色笑知之最詳亦最確總督趙廷臣羈公於請室按傳云至武林處於舊府陳景鍾清波小志補云送居蕭寺公上總督書亦云羈留旅邸

則未嘗置之狴犴也（魯春秋）煌言至武林總督高其義禮延之煌言抗賓座拱手曰昨蒙尺一下及賦性拘執不知悔悟致煩使者左右進茶搖手曰從不知此味或覆以衣必不可譜注云至省總督不見傳令獄中盛設帳具吏卒無得失

禮司道府縣以總督命相繼來慰諭閣部坐胡床但拱手不起（神道碑銘）時部

曲內附者皆得來慰問官吏願見者弗禁杭人爭賂守者入見或求書公亦應之

公與趙總督書曰昔宋臣謝枋得有云大元制世萬物維新宋室孤臣尙欠一

死竊以疊山業經市隱賣卜可以遠害全身而元參政魏天祐必欲招致之乃疊

山有死無二招之不來餽之不受卻聘書尙存可攷而知也卒觸天祐之怒執以

北去疊山遂不食死未嘗不嘆古人守義之堅殉節之篤也某今日南冠而繫視

疊山所處已自不同而台下尙欲貸其餘主屢責貴屬存注有加嗟乎此固臺下

衰忠錄節之盛心較之天祐奚啻霄壤顧某自律必不因此苟延旦夕也每思慷

慨引決館伴防閑嚴切不克自裁絕粒三日迫於貴屬勸勉稍稍復食他人聞之

寧不以某寡廉鮮恥晚節可嗤哉揣臺下之意不過謂某生膏斧鑕始足爲忠義

者之戒殊不知大丈夫冰輕鼎鑊慷慨從容原無二義猶記去歲華函見及某之

報書有寧爲文山之語非但前識蓋齋心舉念時早已辦此至今日敢有食言自

古廢興屢矣廢興之際何代無忠臣義士何代無通臣處士義所當死死賢於生

義所當生生賢於死有舍生以取義者焉未聞求生以害仁者也某之憂患過於文山隱遁殆幾於疊山矣被執以來視死如歸非好死而惡生也亦謂得從文山疊山異代同遊於事畢矣獨惜臺下經綸仁厚後世不察猥與張宏範魏天祐比倫不重可嘆息乎或謂某散兵在前歸隱在後可以覲覲賒死殊不知散兵者憫遺民之塗炭歸隱者念先世之暴荒謬思黃冠故里負土成墳然後一死以明初志何期擁兵則歲月猶存解甲則旦夕莫保致箕山不有安瓢而潁水弗能高枕身爲纍囚貽笑天下是某忠孝兩虧死難塞責矣臨難苟免非我本懷儉存視息更何所待今羈留旅邸波累賓從并摶鎖鍊以日爲歲生不如死伏望台下立賜取決俾某乘風馭炁翱翔碧落或爲明神或爲厲鬼是誠台下大有造于某也否則某當追隨首陽之後塵不必俟炎午之生祭毋以館伴不善調制而譴及之幸甚幸甚

九月初七日公赴市口占絕命詞曰我年適五九乃逢九月七大厦

己不支成仁萬事畢遂受刑子木等從死夫人董氏子萬祺先公三

日戮於鎮江

圖云夫人董先死圖稱夫人董氏獄中削髮爲尼得免（魯春秋）煌言妻子久禁錢唐有僧淡齋募飯活之十年後移獄至

鎮江就法

公絕命詞各本互異圖作我年四十五今朝九月七含笑從文山一

死萬事畢陳景鐘（清波小志補）作我年四十九却逢九月七大廈已不支成仁

事始畢圖則乃作復僅一字異耳今從魯春秋按記言公臨刑口占絕命詞令人

書之偶訛一字不能改正

公笑曰他日自有知之者鄧故御史紀五昌捐金令公甥朱相玉購公首

僧超直

（清波雜志）僧問石法名超直鄧陳氏子年二十餘出家來錢唐甲辰七月王先生被執至武林九月七日就義從者二人同死共收而瘞之

南屏之原石公與四明萬充宗董異口王曰民錢唐查漢中兄弟並稱至好乙卯

三月忽自經按全氏撰碑不及超直清波小志補云王先生即蒼水初時人諱言

之故稱

暨杭人張文嘉沈橫書朱錫九錫蘭錫旗錫昌兄弟鄧萬斯大

王先生收瘞於杭州南屏山荔子峯下昌化伯邵林墳西

按公被執後有憶西湖作夢裡相逢西子

湖誰知夢裡却縻胡高墳武穆連忠肅參得新墳一座無今墓與岳公兩墓相望

從公

志也胡濱以端溪石研背刻公姓名旁及羅楊姓名納壙以志

濱字克生杭人

按朱彝尊靜志居詩話公葬雷峯之右至今有包麥飯而祭者梁玉繩督記乾隆壬子杭人勒碑表其墓錢廣伯弔忠烈一絕云華表何年立豐碑此日題從教機采者不到邵墳西廣伯名馮海甯州布衣有小學童遺稿嘗爲張忠烈公墓募田說略曰蒼水張公就義之百十三年

皇帝命廷臣撰勝朝殉節錄公得諡忠烈壬子季秋與同人樹碑墓上春秋祭祀居省垣者以時舉行費率捐於臨期恐久而或輟也莫若同志各隨願力輸銀置間田每歲所入納糧奉祭外爲積累以廣祀產則公之享祀不替而祀堂坊表可次第舉矣傳曰人之欲善誰不如我好義之士其樂此盛舉乎慈谿鄭勳年譜跋云公葬七十餘年道士吳乾陽脩復墓道壬子鄧萬斯大之孫福謀立石墓門海甯陳鱣大書曰

皇清賜諡忠烈

明兵部尙書蒼水張公之墓勳等輸財設祀春秋薦以蘋蘩

附錄二終

0

112341

(1)

國粹叢書第二集

下冊

張蒼水全集

國學保存會印行

張蒼水全集附錄三

傳略

欽定明史

東閣大學士兼兵部尙書張煌言鄞縣人初以舉人奉表迎魯王至紹興監國復以兵從至海外後桂王遙命爲大學士聞滇南平散遣部曲遁居懸壘爲大兵所襲執論降不從死

仁和縣志

張煌言字元箸別號蒼水明州之鄞縣人崇禎時舉於鄉國亡嘗舉兵海上總督趙公廷臣遣札招諭不降康熙三年竄身懸壘懸壘海中小島在普陀之東極荒僻無民居煌言與客羅子木僕楊冠玉等五人結廬其上蓄二猿以候海舶每見有舟近則猿登樹顛哀呼號鳴煌言等輒避去趙公偵知之先伏兵於普陀一日煌言遣小舟買米遊擊某即登舟叱縛二人不肯言隨殺之舟子懼告其處引兵夜至懸壘煌言坐處置一劍有警卽欲自裁是夜聞蘆葦颯颯有聲急呼從者起時我兵已入室不及避遂就縛

趙公尙勸其降煌言曰惟速死爲幸九月初七日斬於市臨刑顏色不變且賦詩杭人哀之

光緒鄞縣志

張煌言字元箸號蒼水圭章之子母趙感異夢生煌言

案全祖望撰張忠烈年譜母禱漢壽亭侯祠得異夢

生公故小字阿雲

神骨清挺豪邁不羈能文章善騎射思宗以天下多故令諸生於試經義後

試射煌言三發三中崇禎十五年舉於鄉常感憤國事願請纓及錢肅樂起師煌言先至即遣之天台迎魯王授行人王監國紹興賜進士加翰林院編修入典制誥出籌軍旅閩中頒詔之役自請爲使釋二國嫌既歸晉侍講兼兵科左給事中累有建白丙戌師潰汎海將之舟山道逢富平將軍張名振扈王入閩從之行招討鄭成功不奉命乃勸名振還石浦與威鹵侯黃斌卿爲犄角加右僉都御史明年松江提督吳兆勝請以所部來歸斌卿不樂從煌言說名振應之魯王給印二百道命煌言監其軍至崇明颶風覆舟煌言脫身走間道歸海上已丑復集義旅駐上虞之平岡諸山寨咸事鈔掠煌言獨履畝勸稅相安無擾庚寅王居舟山名振富國召煌言入衛加兵部右侍郎辛卯

秋舟山破扈王再入閩次鷺門時成功縱橫海上奉隆武年號於魯王則修寓公之數而已惟煌言以名振軍爲衛成功因之加禮煌言極推其忠嘗曰招討始終爲唐真純臣也成功亦曰侍郎始終爲魯與吾豈異趨哉癸巳冬返浙招軍於天台明年復會名振之師入長江登金山遙祭孝陵三軍慟哭失聲烽火達江甯以上游師失期左次崇明四年再入長江掠瓜洲儀真抵燕子磯而所期終不至遂乘流東下聯營浙海是年名振卒遺言盡以部下歸煌言於是軍容始盛丁酉王去監國號通表滇中戊戌桂王在雲南遣使問道赴海封鄭成功延平郡王命煌言爲東閣大學士兼兵部尙書案桂王以爲官兵部侍郎兼翰林院學士釋史從之非也別有案語詳大事紀七月監成功軍北行抵羊山擘龍爲慮海船碎者百餘義陽王溺焉乃回舟山修葺已亥成功全師犯江甯煌言以所部數千人並發謂成功曰公不如先取崇明崇沙江海門戶懸洲可守脫有疏虞進退有據不聽以煌言爲前軍同提督羅蘊章充長江鄉導使官兵已於金焦間以鐵鎖橫江所謂滾江龍者譚家洲岸皆西洋大礮煌言出入其間令善泅者截斷滾江龍將奪上流水城而舟多爲礮所擊不得前乃登舵樓焚香祝天以十七舟翦江渡木城俱潰直抵瓜州明

日成功至官兵出禦死者千餘乘勝克其城先是議師所向成功欲先江寧煌言欲先鎮江成功曰吾頓兵鎮江金陵援騎朝發夕至爲之奈何煌言曰吾以偏師由水道薄觀音門金陵將自守不暇豈能分援他郡成功然之即請煌言往未至儀真五十里吏民迎降六月二十八日抵觀音門成功已下鎮江水師畢至七月朔哨卒七人掠江浦取之五日煌言所遣別將以蕪湖降書至成功虞江楚援師且至也請煌言控扼蕪湖以制上游乃至蕪湖相度形勢一軍出溧陽以窺廣德一軍鎮池州以截上流一軍拔和陽以固采石一軍入甯國以逼徽州傳檄郡邑江之南北相率來附郡則太平甯國池州徽州縣則當塗蕪湖繁昌宣城甯國南陵太平旌德貴池銅陵東流建德石埭青陽涇縣巢縣含山舒城廬江高淳溧水溧陽建平州則廣德無爲和陽凡得四府三州二十四縣煌言令甚嚴諸軍肅然秋毫無犯所至城邑考察黜陟長吏如州牧行部事江楚魯衛人士多詣軍門受約束歸許起兵相應亡何而江寧之敗聞煌言方受徽州降乃返蕪湖初煌言語成功曰師老易生他變宜遣諸帥分徇郡邑金陵出援我則首尾邀擊如其自守我則堅壁以待倘四向克復收兵鱗集金陵如在掌中矣成功

不聽自以爲江寧旦夕且下士卒釋戈而嬉縱飲奏樂官兵謀知之以精騎襲破前屯成功倉卒移帳質明軍竄未就官兵傾城出戰衆無鬪志成功亦遂乘流出海并撤鎮江之師而去於是橫江之艘皆屬官兵煌言歸路已梗乃引舟趨鄱陽八月七日與楚師遇而吳潰焚舟登陸軍士尙數百人歷霍山英山登東溪嶺追師奄至士皆竄止一僅一卒迷失道路賂土人爲導變服夜行天明而蹤跡者衆導者亦去茫然不知所嚮念有故人賣藥於安慶之高河埠求一人導至其所至則故人他往而故人之友識爲煌言憐其忠義教之由樅陽湖出江渡黃湓抵東流之張家灘潛走建德祁門兩山中煌言方病瘡力疾趨休寧買棹入嚴州恐浙人熱其面改而山行自東陽義烏出天台以達海甯樹蠹鳴角散亡復集成功聞之遣兵來助煌言巡視海上有長亭鄉者多田而苦潮乃募義民築塘捍之至今猶蒙其利尋遣使告敗於滇且引咎桂王專敕慰問

案此事誤姑依碑書之語詳大事紀

庚子移師林門旋軍於桃渚辛丑入閩次沙關成功將謀臺灣已

抵澎湖煌言遣幕客羅子木以書挽成功謂軍有寸進無尺退今一入臺則將來兩島恐不可守是孤天下之望也不聽時成功雖東下而官兵尙懼其招煽沿海之民遂有

遷界之役民多不願以威脅之猶遲延不發煌言頓足歎曰棄此十萬生靈而爭紅夷乎已而滇中事急成功方得臺不得行煌言乃遣職方郎中吳鉏挾帛書入鄖陽山中說十三家使之撓楚救滇而十三家已衰敝不敢出壬寅滇中陷成功亦卒煌言大哭還軍林門適閩南諸遺臣復謀奉魯王監國貽書來商煌言喜甚卽以書約故尙書盧若騰等勸以大舉并約成功子經勉以亞子錦囊三矢之業復厲兵束裝以待是年浙督吳中朝所遣安撫使各以書招煌言煌言復安撫書略曰不佞所以百折不回者上則欲匡扶宗社下則欲保捍桑梓乃因國事之靡甯而致民生之愈感十餘年來海上芻蕘糗糒之供樓櫓舟航之費敲骨吸髓可爲惕然況復重之以遷徙訖以流離哀我人斯亦已勞止今執事旣以保兵息民爲言莫若盡復濱海之民卽以濱海之賦畀我在 新朝旣捐棄地以收人心在不佞亦暫息爭端以俟天命當與執事從容羊陸之交別求生聚教訓之區於十洲三島間而沿海藉我外兵以禦他盜是珠厓雖棄休息宜然朝鮮自存艱貞如故特恐執事之疑且畏耳則請與幕府約但使殘黎朝還故土不佞卽當夕挂高帆不重因此一方也又復督府書曰執事 新朝佐命僕明室孤

臣區區之忱言盡於此是冬十一月魯王薨於臺國案年譜甲辰公在舟山監煌言哭

曰孤臣之棲棲有待徒苦部下相依不去者以吾主上也今更何所待乎癸卯遣使祭

王會故將阮春雷據閩之東蚶長腰各島窺福甯煌言率五十餘船往與之合適總鎮

林國梁謀降案煌言有憶從弟嘉大清機洩煌言圍之國梁以礮碎其船斬煌言之弟嘉言

言詩在甲辰散軍以後玩其詩意似未審存亡者蓋嘉言必被擒而死當時海島隔絕故不知殉節確耗也復乞援於福甯總兵吳

萬福萬福遣游擊李應先劉成海等毀東蚶長腰寨甲辰三月煌言與春雷復集百餘

艘泊三都三山等島萬福約水師總兵夾擊追至大洋陣斬及溺死者甚衆春雷赴泉

州煌言回浙六月乃散軍居南田之懸巖懸巖在海中荒瘠無人煙山南有汊港可通

舟楫煌言結茅以居從者祇羅子木門生王居敬侍者楊冠玉案鈕玉樵題跋作羅自牧楊寶玉均誤

將卒數人舟子一人是時閩粵俱靖惟煌言獨存議者謂煌言不死海寇且復逞也

朝旨急購之係累其妻子族屬以待總督趙廷臣乃遣騎將徐元等詐爲僧人服案釋史南

天痕煌言小校降欲致煌言爲功走普陀僞爲行脚僧則小校當即徐元也率健丁潛伏普陀山朱家尖蘆花塢三路

伺之值煌言羅舟至急擊之獲其將使言煌言竄處出刀脅之其將赴水死又殺數人

最後者乃告之曰張公不可得也公蓄雙猿覘動靜敵舟在十里外猿輒鳴樹杪得爲備矣乃即駕所獲船以夜半至懸壘出山之背攀藤上煌言坐處置一劍有警即欲自刎是夜聞蘆葦颯颯有聲急呼從者起而官兵已入室不及避遂就縛并執子木冠玉舟子三人七月十七日也比至杭州廷臣勸之降煌言正色推求速死廷臣知其意不回命寄獄中供帳甚盛許其舊時部曲得來慰問官吏願見者弗禁杭人爭賂守者求入見或求書煌言亦應之九月七日起市遙望鳳凰山一帶曰好山色賦絕命詞挺立受刑年四十五子木冠玉舟子並從死

案南天痕作子木冠玉并二水手從死

子木名綸以字行溧陽

人冠玉鄞縣人

案無名氏撰張公傳云冠玉臨刑當事見其幼欲釋之冠玉曰司馬公死於忠某義不忍獨生延頸就刃子萬祺先

三日死鎮江煌言精於六壬兵屯東溪嶺時占得四課空陷方大驚而追騎已及羅舟

未返占課大凶徘徊假寐夢金甲神來招與王居敬

案原作王采微當係居敬之字今據神道碑改正

言之

言未既而罹難

案神道碑公被執居敬以計得脫後爲僧

煌言既死故御史紀五昌杭人張文嘉沈璜書

等殮之而鄞人萬斯大與朱錫九錫蘭錫旂錫昌兄弟復葬之南屏之陰

案清波小志煌言遺

骸及楊羅二骨俱爲煌言同郡釋問石暨武林好義之士所葬據是朱氏兄弟當係杭人

國朝乾隆四十一年

賜諡

忠烈

兵部左侍郎張公傳

明之亡也死義者連鎮接衽若播遷窮海而之死靡他稱一代碩果者則有宋文丞相而後推明之張司馬煌言云煌言字玄箸號蒼水鄞縣人遠祖當元時逃入高麗以家世仕宋故至明初始歸籍甬東稱高麗張氏高祖伯祥起家孝廉爲令列郡志孝友傳父圭璋號兩如甲子乙榜母趙孺人艱於嗣虔禱關壯繆生時父夢五色雲現故小字靈幼善病病輒瀕死六歲就塾書上口即成誦十二喪母父判河東離署解州篆爲壯繆故里煌言謁祠下撰文祭告以忠義自矢年十六補邑弟子員迅筆皆驚人語性豪宕喜聲歌六博兼致談兵挾策之徒父庭訓甚嚴屢杖之勿改年二十三中壬午鄉榜即操選政弁其集曰銘燕名大噪乙酉甯紹兵起躡屩走台郡迎魯藩

諱以海孝王第八子癸未

兗州破孝王與世子咸殉南渡襲封僑居台州

授檢討司誥敕時豪帥擁兵自衛目無共主士驕民困雖

有建白勢不得行煌言感憤時事恒聲淚俱咽丙戌六月朔錢塘師潰倉卒馳歸拜其父曰兒將隨主航海竟去監國駐舟山爲行在雖有城郭人民而彈丸地孤峙海中諸

豪帥若王之仁方國安輩或死或降餘皆市僧菜傭惟老將張名振一軍獨全且擁戴無二心煌言依名振與之協力希爲一成一族計張歿代統其兵晉少司馬王兵道爾祿以書招之不應俾親屬開諭百端又不應令其父諭之降終不應最後報曰兒不孝甯爲趙苞不爲徐庶大人善自爲計聞者痛之舟山破監國往依閩帥鄭成功其父芝龍故海中劇盜崇禎初受招安倚海爲窟歲以番舶通日本琉球暹邏諸國積金錢無算陽奉唐藩子冒賜姓跋扈甚性實恇怯無大略丙戌仙霞關不守芝龍投款倭而北去弟鄭彩子成功踞廈門海島以嫌殺閩部熊汝霖他若名縉紳之從亡者如錢肅樂沈宸荃皆悒悒死煌言決其無成不往獨以孤軍留浙海忠信所孚鄭亦敬而愛之不敢犯也既聞父亡一慟而絕比甦不再哭念已破家殉國父死不葬又妻子顛連無以存活故終其身不畜一姬侍蓋刻厲如此更議拒命久籍其家家屬發京口養贍冀其來歸而卒不動初煌言入海時遇颶風舟盡覆登海島飢困待斃夢神告曰餉君侯千年鹿候十九年還我詰朝果得一黑鹿炙食之人嘗一嚮歷旬不飢遇他舟至獲免已亥鄭成功下鎮江犯金陵煌言亦率其部下樓船揚帆直抵安慶未幾成功兵敗宵遁

煌言聞報勢不能獨留而江路已截舍舟從陸入霍山縣境止一童子相隨紆迴山谷間迷失道乃賂土人爲導日暮飯脫粟裹足上靴易雙履乘月而行至黎明走七十里履不容足中宵涉水益加窄足趾血殷踵盡裂腹且餒望門謀朝餐凡有問者皆以館師避難對村中聚觀如堵導者尙隔水遠見村民之遮道而問也必謂事露遽逸去既失道復失導主僕兩人步履徬徨鄉音又異皆疑爲逃卒盤詰紛然仍以館師對久方解視其中貌厚者胡姓復賂以金使導行強而後可是日又行三十里宿旅店亦胡族屬也忽胡之弟至招兄出耳語良久却入而曰君從海上來非館師也問何以知之曰頃有十數人過弟舍予弟固問之知君爲海上人吾兄弟意本無他不須過慮也胡之老人聞之亦具雞黍焉凌晨謀所向僉云應從安慶間渡富煌言之離蕪關而趨江上也有舊時賓從朱某來謁叩其近狀云賣藥於安慶之高河埠市中因囑胡導往其地令童子先問朱某藥室所在市人見童子之問朱也覺有異羣踪跡之市豪徐某金某皆歛產夙與朱善偶從橋上過聞童子問朱君市人又蹤跡童子亦覺有異以數語解散市人竟去而朱適他往未返無居停止投宿逆旅媼亦歛人聞爲朱君來乃下榻而

胡姓導者將於次早別去勢不可留益悵悵無聊倏記安慶向有賣稻船往來江南北必取道樅陽湖高河之樅陽一水可通令胡覓便帆渡江出池州將登九華山徐圖歸計買舟既定暫止客店金與徐又自外至引入空室問曰君得毋姓張乎龍曰吳姓金曰不然君固司馬公也日者與朱某同謁公江上而軍務旁午余無從晉謁竊於舟次窺見丰采耳遂不諱而告以故金固要至其家始通姓名詰朝令一何姓者爲伴由樅陽渡黃湓出江抵張家灘池州東流縣所轄也再歷建德祁門山中走休寧皆何姓所熟識遂伴同行惟鳥道羊腸較霍山尤甚又患瘧扶病走頭岑岑汗下如雨蹣跚而前東建延袤高山多小寇出沒或乘夜剽掠土人相率持兵守嶺頭凡過客皆攫金爲費有戒心焉將次祁門江右有兵出屯朱橋村舍逋逃商旅裹足賴同行多款人得無他計程兩日抵休寧即可買舟渡行信宿達嚴陵矣乃休邑有客兵過閩閩晝閉乘間得抵城中寓徐之諸父善岐黃者家治具相款然實認爲館師與其猶子善而不識其根柢也兵過買棹將趨嚴陵過新安亭亭長呵止之索篙師金始放行達街口有巡司廨邏卒登舟譏察睥睨久之而去解維過淳安乃入浙省會有文符捉民艇載兵紆道走

遂安凡兩買棹纔達嚴郡而晦迹益難乃自婺之東義出天台以赴海壩鳥道羊腸視徽州爲更甚而辛苦艱難亦復倍之邇自霍山奔走以來之安慶之池之徽之婺之浦江之義烏之天台寧海計程二千餘里間關百折志不少挫歸而招集散亡寄身孤嶼在南田臨甯間飄泊數年恒以一劍自隨誓死不貳甲辰秋邏者獲二卒爲導突往執之被執登舟所畜一小猴相向哀鳴躍入水死至郡城提督張待以客禮角巾葛衣輿而入張曰張先生何以屢邀而不至答曰父死不葬不孝國難無匡不忠不孝不忠羞見江東勸之降不答次日送之赴省前此投誠諸將卒送者幾千人齊聲號慟煌言神色自若出西門曰姑緩望北四拜辭闕也望郭門四拜辭鄉也隨輿岸上送者拱手而別登舟左右翼而行慮其赴水笑曰無庸此非我死地至武林處於舊府時總督趙勸之降甚力始終不答自被執卽不食日賦詩自娛守者叩頭哀懇煌言徐曰旣辦一死何苦累若等乃復食亦惟啖時果數枚而已一日督院赴館盛額曰老先生部文到矣煌言卽起肩輿至官巷口口占曰我年四十五今朝九月七含笑從文山一死萬事畢端坐於地而正命焉會城義士朱亶生張文嘉等葬其遺骸於西南屏山

今杭人稱爲南

屏先生

淨慈寺左邵皇親墳翁仲後之左側遙與岳武穆于忠肅兩墓相望煌言詩四子湖頭有我師從初志也夫人董先死子萬祺前三日亦被刑於京口幕客句容羅綸鄺人楊冠玉與煌言同死俱葬于左右三塚巍然楊冠玉者大家後裔與煌言比隣父母死從之海上臨刑當事見其幼欲釋之冠玉曰司馬公死於忠某義不忍獨生延頸就刃今寒食酒漿春風紙蝶歲時澆奠不絕而部曲過其墓者猶聞野哭云自丙戌至甲辰蓋十九年矣煌言死而明亡

林時對曰公幕客王畏齋黃巖諸生今披緇名超遜語余云公被執前一日夢金甲神持符稱奉上帝命召公次早向畏齋咤其異俄有白氣一縷直衝至所居茆廠畏齋親見之夜半子時即蒙難嗚呼公之生死固非偶然也

盧宜曰蘇子卿之使漠北也十九年公之處海上也亦十九年而公所歷有倍難者其一生一死固可勿論也公少白皙美丰姿後乃高顴長髯嶽嶽千仞宜家去公宅僅三四十武幼時猶及親公色笑知之最詳亦最確當執公時得一篋滿中皆書札提督張慮連染滋禍取火焚之適里中朱氏婦在署中爲女紅師乞得公詩文名奇

零草兩帙今與北征記祭張侯服

名振

文答王招撫王兵道趙督院書並傳於此然

則天地之正氣固鬼神所呵護也公誠文山之後一人而已嘗攷文文山小字雲孫而公降生之兆適與文山同是又一奇也

張公蒼水傳

沈冰壺

張公煌言字玄箸號蒼水浙之鄞縣人宋相知白之裔也父圭章天啟甲子舉人官至刑部郎公生而頤岸秀眉削面吐音如洪鐘目瞳炯炯有光顧盼非常輕財結客喜陳法務瑰璋大節不修邊幅細行漁酒色時時從博徒游擲立盡輒大嘆稱快爲笑樂數私斥賣其牛產刑部公恨之不能禁也然風骨棱棱不可一世識者早以國士許之年十六補邑諸生莊烈帝以天下亂欲諸生習武備著令試文後較射一時諸生非素習多倉卒應故事觀者皆匿笑不止公引滿三發皆中一時驚服膺壬午鄉薦申酉兩都之變舊臣奉魯王監國於紹興郡人錢忠介公肅樂舉兵應之公與同事授翰林院編修丙戌浙東師潰魯王航海公依肅虜伯黃斌卿於翁洲次年我松江提督吳勝兆陰興吳中士紳定謀復歸明魯王命定西侯張公名振往援公以侍講兵科給事中拜右

僉都御史持節監其軍至崇明遇颶覆舟幾被獲匿於房師故諸暨令錢公世貴所得
免間道歸海上戊子移軍上虞之平岡山與四明山王少司馬翊相犄角焚上虞破新
昌浙東列城爲之晝閉庚寅魯王入居翁洲公朝見次年翁洲破虜王至閩海時延平
王鄭成功遙奉永明王朔王居金門爲寓公而已癸巳冬返浙復監定西侯軍北糧入
長江登金山遙祭孝陵三軍皆慟哭失聲定西侯題詩山寺公屬和一時軍聲大振以
上游師未至左次崇明甲午復入長江掠瓜儀抵燕子磯金陵震動終以孤軍無應迄
無成功乃乘流東下聯營浙海戊戌永明王自滇中遣使授公爲兵部左侍郎兼翰林
院學士我總督耶廷佐寓書招降公答書曰夫瑞摹利鈍指畫興衰庸人聽之或爲色
變而忠貞之士則不然其所爭者天經地義所圖者國恤家讎所期者豪傑事功聖賢
學問以故氈雪自甘膳薪彌厲而卒以成功古今來不可勝計如僕者將略原非所長
祇以讀書知大義痛忿口氛左袒一呼甲盾山立區區之心以濟則賴君之靈不濟則
全臣之節豈繁詞曲說足以動其心哉乃執事儼然以書通似僕亦庸庸者流可以利
鈍興衰動者譬之虎偃戒途鴈奴伺夜旣受其役竟忘其哀在執事固無足怪而僕聞

之髮且衝冠矣且執事固我朝勳舊之裔而遼左死事之孤也念祖宗之厚澤宜何如悲傷痛父母之深讎宜如何報雪稍轉一關不失中興人物甚爲執事不取也云云是年七月從成功北伐抵羊山復遇颶覆舟返權踰年夏五月成功以公練習江上形勢令率所部數千人爲前驅次崇明公謂成功曰崇沙江海門戶也且懸洲可守盍先定之進退可以有據成功不聽後卒爲守將梁化鳳所襲始悔不用公策云將取瓜步時金焦間鐵索橫江夾岸置西洋大礮公揚帆逆流而上風息行遲礮聲雷鎬洪波爲沸水軍傷者甚衆且進且卻公叱舟人冒險徑進同鯨繼之時得入者僅十七舟而十三舟皆公轄也於是直薄瓜洲城下次日成功帥始至會戰斬獲我滿漢兵無算乘勝入其城成功即欲取金陵公請先京口成功曰奈金陵援師朝發夕至何公曰吾以偏師先擣觀音門則金陵奪魄將謀自救不暇豈能分援他郡成功然之且以直達蕪湖爲約未至儀徵吏民齎版圖迎降五十里外公紀律甚嚴瀕江小艇載果贖貿易如織若不知有兵者六月二十八日抵觀音門而成功於二十四日下京口矣七月朔公哨卒僅七人掠江浦取之初五日公所遣先往蕪湖別將以降書至成功謂公曰蕪湖居江

楚下流爲江介鎖鑰重地偷金陵不旦夕下則江楚之援日至可虞也非公遏之不可遂行傳檄郡邑江之南北皆歸附恐後府則太平寧國池州徽州州則廣德無爲和縣則當塗蕪湖繁昌宣城寧國南陵太平旌德貴池銅陵東流建德青陽石埭涇巢含山舒城廬江高潛江浦溧水溧陽建平旬日之間凡得四府三州二十四縣當是時公所過吳不血刃吏民爭持牛酒以獻深山窮谷中遺老來見日數輩竟莫測所自來公皆歎顏黹勞莫不歎息泣下每入城必先謁先聖廟坐明倫堂招諸生勉以忠孝大義不宜忘三百年養士之報莫不人人思奮而江楚魯衛豪傑亦詣軍門願受約束爲響應公亦自以爲功在旦夕相度形勢一軍出溧陽以窺廣德一軍鎮池州以扼上流一軍據和州以固采石一軍入寧國以偪新安無何而金陵之敗書聞矣初成功之既取京口也公謂兵貴神速若從水道進師巨艦逆流遲拙非策使敵得爲備而成功竟從水道進及圍金陵復上書成功謂頓兵堅城師老易生它變宜激厲將士一鼓下之不能則宜分遣諸帥盡取畿輔旁郡若城中出援我師首尾邀擊如其自守我則堅壘以待俟四面克復乃以全力注之蔑不濟矣而成功狃於屢勝士皆釋冰而戰我師謀知之

出不意發輕騎掩擊之人不及甲遂大敗公方在甯國受新安降報至乃返蕪湖時七月二十九日也初意師即挫未必遽登舟即登舟未必遽揚帆即揚帆必且復守京口故彈壓列城無有變志我帥郎廷佐哈哈木管効忠等以書相招峻詞拒之遣人至成功所請立益百艘相助天下事尙可圖也而成功竟踰歸海矣北艘千餘截於下流歸路既梗公計江楚敗問未至姑引舟趨鄱陽以爲後圖八月七次銅陵與楚師遇兵潰有言英霍山寨可投者乃焚舟登陸霍之陽山寨方就撫拒不納將之英之將軍寨公精六壬占數世應皆空大驚俄而追師突至士卒皆竄去公單騎脫走止一僮一卒相隨崎嶇山谷間迷失道厚賂土人得導以出變姓名易服夜行曉伏遇故人之友金生徐生陰左右之始得全方病瘡力疾奔走間道至安慶之池之徽之嚴之浦江義烏之婺之天台甯海得達海壩計程二千餘里足指血殷踵盡裂當是時索公急有贈軍門自稱曰我明朝張司馬也來就死談笑受戮一時嘖嘖皆閔傳爲公已死而不知實陰爲公規脫死者也公既歸樹轟鳴角散亡復集庚子駐師林門辛丑入閩海上敗魯王陳恢復大計勸其親征使天下曉然知報讎雪恥之心時成功方經營臺灣與紅

東播難不復措意中原公遺客羅子木寓書諫之曰殿下東寧之役豈誠謂外島可以創業開基哉不過借以棲息文武將吏家室使免內顧憂自古未聞以輜重眷屬置之外夷而後經營中原者所以識者危之況大明之倚重於殿下以殿下之能雪恥復讐也區區臺灣何與於赤縣神州而暴師半載使壯士塗肝腦於火輪宿將碎肢體於沙磧生既非智死亦非忠亦大可惜矣且今日普天之下止思明州一塊乾淨土何啻桐江一絲繫漢九鼎故思明者根柢也臺灣者枝葉也無思明是無根柢矣能有枝葉乎古人云寧進一寸死毋退一尺生倘尋徐福之行蹤踵盧敖之故跡縱偷安一時必貽機千古卽觀史載陳宜中張世傑兩人褒貶可爲明鑑殿下寧不自愛乎夫鮮顏一劇祇是傳奇濫說寧有扶餘足王乎若箕子之君朝鮮又非可語於今日也成功卒取臺灣復作感時詩四首以諷遷界令下公痛萬姓流離予我安撫書云但使殘黎朝返則不佞夕挂高帆十洲三島莫非生聚教訓之區嘗膽臥薪別有扶危定傾之計何忍重困此一方民也明年永明王爲吳三桂所害宗室勳戚皆死惟吉王自縊以殉太后中宮送北爲尼公復上啓魯王乞速正大號以存正統不果俄而成功卽世魯王亦薨公

憤悵不得志復歸浙海居懸壘懸壘在海中荒瘠無居人山南有汶港可通舟其陰則峭壁千尋林木翳翳公結茅其中人莫能窺從者惟羅子木楊冠玉餘惟舟子役人而已甲辰我 聖祖仁皇帝卽位之三年是時海宇寧謐鄭經東匿不出入閩安瀾獨

公風帆浪楫傲岸於明台之間議者益忌公於是索公愈甚械繫公之妻子族屬懸重賞購之公之校降於我 朝者欲致公以自效與其徒數人僞爲行脚僧投普陀山寺會公遣羅舟至以其僧也昵之竟爲所縛脅告公處擊殺過數人而後肯言曰雖然公不可得也公所居畜雙猿時緣木杪以候動靜船在十里之外則猿見急號公得爲備矣乃從中宵繞山之背暗中猿不及覺遂執公并及子木冠玉舟子三人時七月十七日也方羅舟未返公占數主有非常之變妻哀假寐竟及於難豈非命乎十九日公至甯波方巾葛衣乘肩輿而入觀者嘖嘖歎息同於畫錦入提督府顧盼謂人曰此沈相國第也我昔曾會文於此今忽忽二十年後不勝丁令威化鶴歸來之慟耳張帥舉酒屬公公曰父死不能葬國亡不能救死有餘辜今日之事速死而已八月送至會城作詩辭故里曰義職縱橫二十年豈知閔位屬於滇桐江空繫嚴光釣震澤難迴范蠡船

生比鴻毛猶負國死留碧血欲支天忠貞自是孤臣事敢望他年青史傳其二曰國亡
家破欲何之西子湖頭有我師日月雙懸于氏墓乾坤半壁岳家祠慚將赤手分三席
敢爲丹心借一枝他日素車東浙路怒濤豈必屬鷗夷既至供張如上賓公南面坐故
時部曲降我朝者雖參將提鎮皆行庭謁禮司道郡縣至者公但拱手不起一時皆
望公爲天神士民欲得覩公面爲幸賂守者絡繹不絕求翰墨者積几案如山公稱情
揮灑應之無倦色作歌書獄壁曰嗚呼滄海揚塵兮日月盲神州陸沈兮陵谷崩余生
則中華兮死則大明寸丹爲重兮七尺爲輕惟彼文山兮亦羈縻乎燕京黃冠故鄉兮
非余心之所警等鴻毛於一擲兮何難談笑而委形念先人在淺土兮忠與孝而無成
繫嗣子之牢籠兮痛宗祀之云傾已矣乎苟瓊謝玉兮亦有時而彫零余之浩氣兮化
爲風霆與日星尙足留綱常於萬禩兮垂節義於千齡何分孰爲國祚孰爲家聲歌以
言志兮肯浮慕乎箕子之貞若以擬夫正氣兮或無愧乎先生九月七月公詣市復賦
絕命詩曰我年適五九復逢九月七大厦已不支成仁萬事畢遂死年四十五武林張
文嘉石門呂光輪甬江萬斯大與僧超直葬之南屏之陰符公三席一枝志也

公體西
湖詩亦

夢裏相逢西子湖誰知夢醒卻糊鴈高墳武程連忠肅參
得新祠一座無似非偶然故誌銘有一時發言皆同識語云公娶董氏陷獄中
久之得解子萬祺先公三日戮於京口以再從子鴻福爲嗣所著有奇零草冰槎集子
木冠玉舟子皆從死子木名綸溧陽人已亥之役謁公於江寧陳山川形勢甚悉公異
而欲留之曰親在未敢以身許人也既而從成功招將徇吳會會成功兵敗欲還子木
遮說不肯留於是奉其父隨軍浮於海未幾父苦風濤眩暈奉之北歸次閩之三山猝
遇我兵子木以死衛父鬪逾時矢集鎧如蝟墜水得出而父竟就縛以去子木慟哭唾
血流離跋涉百方求出奇計以救父卒不得父音耗乃復投公營臂力絕人能詩與公
相倡和悲歌慷慨有古烈士風冠玉鄞人年少美姿容諸媚謹愿公絕愛幸之臥起飲
食必與共居恆邑邑得冠玉立解及公被難流連不忍去旗人有豔而欲得之者堅不
可乃同被害

論曰華亭徐孚遠闇公公同年生也敘公奇零草引梁史江陵淪陷王子珩以一州之
力聲義抗旌雖兵敗身執益以復讎爲事終不北面於陳陳慶之以兵入千北伐乘勝
下元魏數十城直據洛陽及勢失兵燬間行得達江南此二人者其行事與公絕相似

而其志與日月爭光則徐公又擬之諸葛武侯文信國矣夫公之才遠不及武侯望亦遜於信國而時之艱境之奇則更甚於武侯信國自丙戌航海甲辰就執三度閩關四入長江兩遭覆溺首尾十有九年其經營爲倍蹇矣己亥之役功在漏刻而復敗之天也然而談其事者迄今猶懍懍有生氣何耶

觚賸

張玄箸先生於康熙甲辰被執不屈與愛僕楊冠玉幕友羅自牧同死於杭所著詩詞貯一布囊悉爲邏卒所焚有遺在僧寺及民家者僅數篇其律詩云何事孤臣竟息機魯戈不復挽斜暉到來晚節慚松柏此去清風笑薜薇雙鬢難容五嶽住一帆任向十州歸疊山遲死文山早青史他年任是非

張蒼水全集附錄四

墓錄

乾隆杭州府志

兵部尙書張煌言墓煌言既就執受刑制府趙清獻公殮而葬之雷峰之右至今有包麥飯而祭者

光緒杭州府志

兵部尙書張煌言墓乾隆四十三年

賜諡忠烈墓在九曜山陽昌化伯邵林墓左

兩浙防護錄

東閣大學士兼兵部尙書張煌言墓煌言字元箸鄞縣人崇禎甲午舉人奉表迎魯王至紹興監國復以兵從至海外後桂王遙命爲大學士聞滇南平散遣部曲遁居懸甌爲大兵所襲執諭降不從死 國朝乾隆四十一年 賜諡忠烈墓在城西二圖

南屏山之麓

附請入防護冊呈

竊維鞠躬盡瘁道著忠貞表墓式廬事關節義況 聖德廣如天之度斯人心殷好德之誠如故明兵部尙書鄧蒼水張公者篤生浙地初舉孝廉暨事魯王洵加閣部維泰運值龍飛之日炎劉火井敢與日月爭光且中原非鹿走之場趙宋厓山行與風濤俱逝遂使羈棲懸罟滿目蟲沙赴義杭州甘心斧鑕北征有集全謝山追紀其書東市無歸萬充宗助營其葬一方殉硯三百年正氣所鍾四尺荒墳十九載艱貞可想 聖祖仁皇帝愛之而不忍殺也特諭降以試其心 高宗純皇帝憐之

而有所取也爰

賜諡以彰其節墓門木拱應知

帝澤宏深棘陞麻宣共仰

皇仁浩蕩惟是先賢之祠墓防護例有明文惜茲忠烈之幽墟登載猶虛縣冊倘其黃腸不保馬鬣徒封任櫟豎以行吟作颺颺之窟穴是錫命之榮已銘泉壤而犁田之嘆莫保佳城冥漠君之稱良可傷矣王先生之號其可繼乎昔齊王禁展禽之墓士著美談宋帝修卞壺之墳道光史冊用敢聯名叩請上體易名旌獎之 天恩庶幾入冊流傳永爲此地湖山之勝蹟遠接梅花嶺畔舊叨 賜祭史公應跨鶴而來近觀荔子峯頭新沐仁風張公亦驂鸞而笑矣敬瀝輿情上祈鈞察

有明兵部左侍郎蒼水張公墓誌銘

黃宗羲

語曰慷慨赴死易從容就義難所謂慷慨從容者非以一身較遲速也扶危定傾之心吾身一日可以示死吾力一絲有所未盡不容但已古今成敗利鈍有盡而此不容己者長留於天地之間愚公移山精衛填海常人貌爲說鈴賢聖指爲血路也是故知其不可而不爲即非從容矣武林張文嘉甬水萬斯大與僧超直葬蒼水於南屏之陰余友李文允謂文山屬銘於鄧元薦以元薦同仕行朝也今行朝之臣無在者蒼水之銘非子而誰余乃按公奇零草北征錄及公族祖汝翼世系次第之以爲銘公諱煌言字元箸別號蒼水宋相張知白之裔也曾孫集賢修撰襲自滄州徙平江集賢子籲又自平江徙鄞九傳至景仁避元末之亂泛海至高麗洪武初始返鄉里又四傳而張氏以雍睦名長伯祥舉成化癸卯賢書次珽次玠次璟里人以孝友名之玠生錫錫生淮淮生尹忠尹忠生應斗應斗生圭章字兩如天啟甲子舉人仕至刑部員外郎公之父也妣趙氏封宜人公幼頗踈弛不羈好與博徒游無以償博進則私斥賣其生產刑部恨之然風骨高華落落不可一世年十六爲諸生時天下多故上欲重武試文之後試射

諸生從事者新射莫能中公執弓抽矢三發連三中暇豫如素習者觀者以爲奇崇禎壬午舉鄉試江東建義公與錢忠介同事授翰林院編修出籌軍旅入典制誥丙戌師潰公泛海依肅魯於翁洲明年松江吳勝兆反公以右僉都御史持節監定西侯軍以援之至崇明颶風覆舟公匿於房師故諸暨令家以免得間道歸海上又明年移節上虞之平岡山寨與王司馬相犄角焚上虞破新昌浙東列城爲之晝閉庚寅翁洲爲行在公復從之翁洲墮扈蹕至閩海時閩事主於延平遙奉桂朔監國爲寓公而已公激發藩鎮改鷁首而北之癸巳冬返浙明年復監定西侯軍入長江登金山遙祭孝陵三軍皆慟哭失聲燿火通於建業題詩蘭若中以上游師未至左次崇明頃之再入長江掠瓜儀抵燕子磯南都震動而師徒單弱中原豪傑無響應者亦遂乘流東下聯營浙海戊戌滇中遣使授兵部左侍郎兼翰林院學士延平北伐公監其軍碇羊山孽龍爲禍海舶碎者百餘義陽王溺焉羊山者海中小島羣羊乳其上見人了不畏避然不可殺殺之則風濤立至軍士不信執而烹之方熟而禍作於是返旆明年五月延平全師入江公以所部義從數千人並發至崇明公謂延平崇沙江海門戶懸洲可守不若先

立之爲老營脫有疏虞進退自依不聽將取瓜洲延平以公爲前茅時金焦間鐵索橫江夾岸皆西洋大礮礮聲雷鎗波濤起立公舟出其間風定行遲登舵樓露香祝曰成敗在此一舉天若胙國從枕席上過師否則以余身爲壅粉亦始願之所及也鼓棹前進飛火夾船而墮若有陰相之者明日延平始至克其城議師所向延平先金陵公先京口延平曰吾頓兵京口金陵援騎早發夕至爲之奈何公曰吾以偏師水道薄觀晉門金陵將自守不暇豈能分援他郡延平然之卽請公往未至儀真五十里吏民迎降六月二十八日抵觀音門延平已下京口水師畢至七月朔公哨卒七人掠江浦取之五日公所遣別將以蕪湖降書至延平謂蕪城上游門戶倘留都不旦夕下則江楚之援日至控扼要害非公不足辦七日至蕪湖相度形勢一軍出溧陽以窺廣德一軍鎮池郡以截上流一軍拔和陽以固采石一軍入甯國以偏新安傳檄郡邑江之南北相率來歸郡則太平甯國池州徽州縣則當塗蕪湖繁昌宣城甯國南甯南陵太平旌德貴池銅陵東流建德青陽石埭涇縣巢縣含山舒城廬江高潛深陽建平州則廣德無爲和陽凡得府四州三縣二十四江楚魯衛豪傑多詣軍門受約束歸許禡牙相應當

是時公師所過吏人喜悅爭持牛酒迎勞父老攜杖炷香挈壺漿以獻者終日不絕見其衣冠莫不垂涕亡何而金陵之敗聞公方受新安之降乃返蕪湖初公語延平師老易生他變宜遣諸帥分巡郡邑留都出援我則首尾邀擊如其自守我則堅壁以待四面克復收兵屬至金陵如在掌中矣延平不聽自以爲功在刻漏士卒釋冰而嬉樵蘇四出營壘爲空大兵謀知以輕騎襲破前屯延平倉卒移帳質明軍竈未就大兵傾城出戰兵無鬪志大敗延平亦遂乘流出海并撤京口之師而去公之聞敗也亦謂雖挫未必遽登舟即登舟未必遽揚帆卽揚帆必且退守鎮江故彈壓列城無有變志遣人至延平請益百艘天下事尙可爲也已而知其不然大兵千餘艘截於下流歸路已梗引兵趨鄱陽以集散亡八月七次銅陵與楚師遇兵潰有言英霍山寨可投者乃焚舟登陸士卒尙數百人十七日入霍山界縣有陽山寨在山巔可容萬人饒水泉故義師所據已受招撫聞公至拒之英山有將軍寨轉而至彼渡東谿嶺追師奄至士卒皆竄公相依只一僮一卒迷失道土人止之公路土人爲導變服夜行天明而蹤跡者衆導脫身去蹤跡者得賂乃解然茫然不知去向念有故人賣藥於安慶之高河埠求一

人導至其所至則故人他往而故人之友識公爲張司馬憐其忠義導公由樅陽湖出江渡黃湓抵東流之張家灘陸行建德祁門兩山中公方病瘧力疾零丁至休寧買棹入嚴陵浙人熟公面目改而山行自婺之東義出天台以達海壖樹蠹鳴角散亡復集庚子駐師林門辛丑冬入閩海遣客羅子木至臺灣責延平出師時延平方與紅夷構難殊無經略中原之志公作詩謂之云中原方卜鹿何暇問虹梁明年滇事敗延平師旣不出公復歸浙海甲辰散兵居於懸壘懸壘在海中荒瘠無居人山南多汊港通舟其陰巉巖峭壁公結茅其間從者爲羅子木楊冠玉餘惟舟子役人而已於時海內承平滇南統絕入閩瀾安獨公風帆浪跡傲岸於明台之間議者急公愈甚係累其妻子族屬以俟公之小校降欲致公以爲功與其徒數十人走補陀僞行脚僧會公告羅之舟至羅人謂其僧也昵之小校出刀以脅羅人令言公處擊殺數人而後肯言曰雖然公不可得也公畜雙猿以候動靜船在十里之外則猿鳴木杪公得爲備矣小校乃以夜半出山之背緣藤踰嶺而入暗中執公井及子木冠玉舟子三人七月十七日也十九日公至甯波方巾葛衣輜而入觀者如堵牆皆歎息以爲畫錦張帥舉酒屬公曰遲

公久矣公曰父死不能葬國亡不能救死有餘罪今日之事速死而已後數日送公至省供帳如上賓公南面坐故時部曲皆來庭謁司道郡縣至者公但拱手不起列坐於側皆視公爲天神省中賂守者得睹公面爲幸翰墨流傳視爲至寶每日求書者堆積几案公亦稱情落筆九月七日幕府請公詣市公賦絕命詩我年適五九復逢九月七大廈已不支成仁萬事畢遂遇害子木冠玉舟子三人皆從死子木名綸溧陽人冠玉鄞人公生於萬歷庚申六月初九日年四十五娶董氏子萬祺先公三日戮於鎮江今以再從子鴻福爲後公精於六壬兵屯東谿嶺占得四課空陷方大驚而追騎已及羅舟未返占課大凶主有非常之變徘徊假寐卒遭束縛間嘗以公與文山並提而論皆吹冷燄於灰燼之中無尺地一民可據止憑此一綫未死之人心以爲鼓盪然而形勢昭然者也人心莫測者也其昭然者不足以制其莫測則亦從而轉矣惟兩公之心匪石不可轉故百死之餘愈見光彩文山之指南錄公之北征紀雖與日月爭光可也文山鎮江遁後馳驅不過三載公丙戌航海甲辰就執三度閩關四入長江兩遭覆沒首尾十有九年文山經營者不過閩廣一隅公提孤軍虛喝中原而下之是公之所處爲

益難矣公父刑部嘗教授余家余諸父皆其門人至余與公則兩世之交也念昔周旋鯨背蠓灘之上共此艱難今公已爲千載人物比之文山人皆信之余屈身養母養妻自附於晉之處士未知後之人其許我否也銘曰

廬陵之祠四忠一節文山自許俎豆其列誰冠貂蟬增此像飾曰惟信公終焉是揭西湖之陽春香秋霧北有岳墳南有于墓公亦有言窀穸是附同德比義而相旦暮前之廬陵後之甬水五百餘年三千有里一時發言俱同識語天且勿違成人之美

明故權兵部尙書兼翰林院學士鄧張公神道碑銘

全祖望

世祖章皇帝之下江南也浙東拒命雖一歲遽定而山海之間告警者尙累年吾甯之首事者爲錢沈二公其間相繼殉節者四十餘人而最後死者爲尙書張公方錢忠介公之集師也移檄會諸鄉老俱未到獨公先至忠介相見且喜且泣既舉事即遣公迎監國魯王於天台王授公爲行人至會稽賜進士加翰林院編修兼官如故入典制誥出籌軍旅公雖與忠介共事而持議頗不盡同閩中頒詔之使至議開讀禮張公國維與熊公汝霖爲一議朱公大典與忠介爲一議公出揭以爲當如張公之言因請自充

報使入閩以釋二國之嫌王從之及自閩還累有建白不見用江干之破也公泛海入舟山道逢富平將軍張名振扈王入閩公從之既至招討使鄭成功以前頒詔之隙修寓公之敬於王而不爲用公勸名振還石浦招散亡以謀再舉乃偕還王加公右僉都御史時威虜侯黃斌卿守舟山名振以石浦之軍與爲犄角明年松江提督吳勝兆請以所部來歸斌卿心不欲往而都御史沈公廷揚御史馮公京第與公並勸名振應之遂監其軍以行至崇明大風覆舟沈公死之公與名振等皆被執有百夫長者識公導之使走乃得至公之故壬午房考知諸暨縣錢氏七日間道復歸舟山時忠介已奉王出師於閩浙東之山寨亦羣起遙應之公乃集義從於上虞之平岡山寨之起也因糧於民民始以其爲故國也共餉之而其後遂行抄掠民苦之其不以橫暴累民者祇李公長祥東山寨王公翊大蘭山寨與公而三履畝輸賦餘無及焉庚寅閩師潰諸將以王保舟山名振當國召公以所部入衛加公兵部右侍郎兼官如故辛卯浙之提督田雄總兵張杰海道王爾祿並以書招公公峻辭拒之是秋大兵下舟山名振奉王親搗吳淞以牽制舟山之師拉公同行舟山陷公扈王再入閩次鷺門時鄭成功軍甚盛既

不肯奉王諸藩畏之亦莫敢奉王而公獨以名振之軍爲王衛時時激發諸藩使爲王致貢然公極推成功之忠嘗曰招討始終爲唐真純臣也成功聞之亦曰侍郎始終爲魯亦豈與吾異趨哉故成功與公所奉不同而其交甚睦癸巳冬復間行入吳淞尋招軍於天台次於舟山明年軍於吳淞會名振之師入長江趨丹陽掠丹徒登金山望石頭城遙祭孝陵三軍慟哭失聲烽火逮江甯時上游故有宿約而失期不至左次崇明頃之再入長江掠瓜州侵儀真抵燕子磯而所期終不至復東下駐舟山是役也誠意伯劉孔昭亦以軍會或曰孔昭南都之亂臣也公何以不絕之公曰孔昭罪與馬阮等然馬阮再賣浙東而孔昭以操江親兵棲遲海上者蓋累年矣則其心尙有可原僞疾之已甚使爲馬阮浙東之續將何補乎聞者服之是年名振卒遺言以所部付公自公平岡入衛之後部下不滿三百至是始盛乙未成功貽書於公謀大舉丙申公軍於天台是冬軍於閩之秦川丁酉大兵遷舟山之民公還軍舟山時王已去監國號通表滇中戊戌滇中遣使加公兵部左侍郎兼翰林院學士江督鄧廷佐以書招公公峻辭拒之是年七月成功以師會公北行仍推公爲監軍泊舟羊山羊山多羊見人馴擾不避

然不可殺殺之則風濤立至至是軍士不信殺而烹之方熟而禍作碎船百餘義陽王溺焉復還軍舟山治舟明年五月成功會公於天台悉師以行游軍至於鄞之東鄞師次崇明公曰崇沙江海之門戶也且懸洲可守不若先定之以爲老營倘有疏虞進退可依也不聽而請公以所部爲前軍向瓜洲時大兵於金焦間以鐵索橫江所謂滾江龍者也譚家洲岸皆西洋大礮雷鎗而公孤軍出其間成功遣水師提督羅蘊章以所部助公又令善泅水者斷滾江龍而支軍進奪譚家洲礮相約滾江龍既斷則公卽進踞上流奪其木城以夾擊之滾江龍雖斷然舟多應礮而沒不得前公登舵樓焚香祝天飛火夾船而墮遂以十七舟竟渡公渡而譚家洲守礮者亦走木城俱潰操江都御史朱衣祚被禽明日成功始至城中出戰不利提督管効忠走攻城克之議師所向成功欲直趨江甯公請先取鎮江成功恐江甯之來援也公曰吾但以偏師水道薄觀音門彼將自守不暇何援之爲成功卽請公行未至儀真五十里士民迎降六月二十七日成功來告鎮江之捷公兼程晝夜進次日抵觀音門而致書成功請以步卒陸行赴白下時江督鄧廷佐懼甚不意成功卒以水道來大兵之征黔者凱旋聞信倍道而至

入同守城於是嚴備已具七月朔公哨卒七人乘虛入江浦初四日成功水師方至次日公所遣別將以蕪湖降書至成功謂蕪湖爲江楚所往來之道請公往扼之公頗以成功年少恃勇爲憂欲留軍中與之共下江甯而後發辭之不得乃至蕪湖相度形勢一軍出溧陽以窺廣德一軍鎮池州以遏上流之援一軍拔和州以固采石一軍入甯國以逼東道休歛諸城大江南北相率來歸其已下者徽州甯國太平池州四府廣德和無爲三州當塗蕪湖繁昌宣城甯國南陵太平旌德貴池銅陵東流建德青陽石埭涇巢含山舒城廬江高淳溧水溧陽建平二十四縣初公之至蕪也軍不滿千船不滿百但以大義感召人心而公師所至禁止抄掠父老爭出持牛酒犒師扶杖炷香望見衣冠涕泗交下以爲十五年來所未見瀕江小艇載果菰來貿易者如織公軍人以船板援之而上江濱因呼爲船板張公之軍公所至城邑入謁先聖遺臣故老赴見者角巾抗禮撫慰懇至守令則青衣待罪考其政績而去留之遠方豪傑延問策畫勉以同仇多有訂師期而去者日不暇給於是徽州降使方上謁而江甯之敗問至初公貽成功書以師老易生他變宜遣諸將分取句容丹陽諸城邑如白下出援則首尾夾

擊之如其自守則堅壁以待倘四面克復收兵日至白下在掌中矣成功以累捷又聞江北如破竹謂城可旦夕下雖有遣水師提督羅蘊章招撫吳會之命而未行但命八十三營牽連立屯安設雲梯地雷并造木柵而蘇松總兵梁化鳳等以馬步兵相繼至浙之駐防兵亦來援長驅入城莫之遏者前鋒將余新銳而輕士卒樵蘇四出營壘一空化鳳諜知之以輕騎襲破前屯擒新以去成功倉卒移帳質明軍竈未就大兵傾城而出諸營瓦解成功之良將甘輝亦以馬蹢被禽死之軍遂大潰初議取崇沙甘輝之言與公合及議遏蘇常援兵輝言亦與公合而成功皆不聽以致敗公之聞信也以爲雖敗未必遽登舟雖登舟未必遽揚帆雖揚帆亦必入鎮江以圖再舉故彈壓列城祕不使諸將知而更貽成功書以爲勝負兵家之常乞益百艘以相助不知成功并撤鎮江之師竟入海先是鎮江之捷漕督以師援江甯中道溺死松帥馬逢知密以書請降其自巡撫而下皆欲出走故公勸成功持久以觀變旣不得請江督鄧廷佐等復以書招公公峻辭拒之廷佐乃發舟師以扼公歸路期必得公而後已公與諸將議以下流已硬而九江一帶尚未知戰之敗我艦下已萬餘前此豪傑來見者又多成約不如直

趨鄱陽招集故楊萬諸家子弟以號召江楚八月七日次銅陵與大兵之援白下者遇公奮擊敗之沈其四舟是夕大兵以不利引而東下礮聲轟然而公軍誤以爲來劫營遂潰或勸公入焦湖慈谿義士魏耕遮道說公以爲焦湖入冬水涸不可駐軍而英霍山寨諸營尙多耕皆識其魁請入說之使迎公乃焚舟登陸士卒願從者尙數百人十七日入霍山寨已受撫不納乃次英山甫度東溪嶺而追至士卒紛竄相依止一童一卒迷失道路土人爲導變服夜行天明而蹤跡者多導脫身去又以賂解散諸蹤跡者然而茫然不知所之念有故人賣藥於安慶之高河復賂一土人導以往至則故人適他出而其友有識公者蓋亦以觀變從江上來至安慶者也遂導公由樅陽出江渡黃湓抵東流之張灘陸行建德祁門山中公方病瘡力疾零丁至休寧買棹入嚴陵又恐浙人之多識之也改而山行自東陽義烏以出天台公之在途中也海上人未知所向或曰抗節死安慶或曰殞英霍山寨中或曰爲浮屠矣父老多北向泣下者及聞公至婦女皆加額壺漿迎之人謂是役也以視文丞相空阬之逃其險十倍過之而其歸則郭令公之再至河中也遂駐節天台樹蠡鳴角故部漸集成功聞公還亦喜遣兵來助

公公巡視天台海上有長亭鄉者多田而苦潮乃募諸義民築塘以捍之至今猶蒙其利乃遣人告敗於滇中且引咎滇中賜公專勅慰問加官尙書兼官如故明年移師林門尋軍於桃渚時大兵兩道入海討成功皆失利而成功以喪敗之餘雖有桑榆之捷不足自振乃思取臺灣以休士公聞之不喜辛丑引軍入閩次於沙關成功已抵澎湖公遣幕客羅子木以書挽成功謂軍有進寸無退尺今入臺則將來兩島恐并不可守是孤天下之望也成功不聽成功雖東下而大兵尙忌之懼其招煽沿海之民於是有遷界之役沿海之民不願遷大兵以威脅之猶遲延不發公頓足歎曰棄此十萬生靈而爭紅夷乎乃復以書招成功謂可乘此機以取閩南成功卒不能用公遺書侍郎王公忠孝都御史沈公荃期徐公孚遠監軍曹公從龍勸其力挽成功而卒不克公孤軍徘徊兩島要其劉琨祖逖之志未嘗一日忘也而滇中事急公復遣子木入臺苦口責成功以出師成功方得臺不能行公乃遣職方郎中吳鉏挾帛書間道入鄖陽山中欲說十三家之軍使之撓楚以救滇十三家已衰敝不敢出師壬寅滇中遂陷成功亦卒於臺公哭曰已矣吾無望矣復還軍林門會閩南諸遺老以成功卒謀復奉魯王監國

貽書來商公又喜即以書約尙書盧公若騰而下勸以大舉又擬上詔書一道又以書約成功子經勸以亞子錦囊三矢之業於是公厲兵束裝以待閩中之問是年浙督趙公廷臣與中朝所遣安撫使各以書招公公復安撫書大略言不佞所以百折不回者上則欲匡扶宗社下則欲保捍桑梓乃因國事之靡寧而致民生之愈蹙十餘年來海上芻蕘糗糒之供樓櫓舟航之費敲骨吸髓可爲惕然況復重之以遷徙詒以流離哀我人斯汙可勞止今執事既以保境息民爲言則莫若盡復濱海之民即以濱海之賦畀我在貴朝旣捐棄地以收人心在不佞亦暫息爭端以俟天命當與執事從容羊陸之交別求生聚教訓之區於十洲三島間而沿海藉我外兵以禦他盜是珠崖雖棄休息宜然朝鮮自存艱貞如故特恐執事之疑且畏耳則請與幕府約但使殘黎朝還故土不佞卽當夕挂高帆不重困此一方也又復督府書執事新朝佐命僕明室孤臣區區之誠言盡於此閩南消息旣杳鄭經倫安海外公悵悵日甚壬寅冬十一月魯王薨於臺公哭曰孤臣之棲棲有待徒苦部下相依不去者以吾主上也今更何所待乎癸卯遣使祭告於王甲辰六月遂散軍居南田之懸壘懸壘在海中荒瘠無人山南有

汶港可通舟楫而其北爲峭壁公結茅焉從者惟故參軍羅子木門生王居敬侍者楊
 冠玉將卒數人舟子一人初公之航海也倉卒不得盡室以行有司保累其家以入告
 世祖以公有父弗籍其家卽令公父以書諭公公復書曰願大人有兒如李通弗爲
 徐庶兒他日不憚作趙苞以自贖公父亦潛寄語曰汝弗以我爲慮也壬辰公父以天
 年終郵人李鄴嗣任其後事大吏又強公之夫人及子以書招公公不發書焚之己亥
 始籍公家然猶令鎮江將軍善撫公夫人及子而弗囚也嗚呼世祖之所以待公者
 如此蓋亦自來亡國大夫所未有而公百死不移不遂其志不已其亦悲夫於是浙之
 提督張杰懼公終爲患期必得公而後已公之諸將孔元章符瑞源等皆內附已而募
 得公之故校使居舟山之補陀爲僧以伺公會公告糴之舟至以其爲故校且已爲僧
 不之忌也故校出刀以脅之其將赴水死又擊殺數人最後者乃告之曰雖然公不可
 得也公蓄雙猿以候動靜舟在十里之外則猿鳴木杪公得爲備矣故校乃以夜半出
 山之背攀籬而入暗中執公并子木冠玉舟子三人七月十七日也十九日公至寧杰
 以輶迎之方巾葛衣而入至公署嘆曰此沈文恭故第也而今爲馬厰乎杰以客禮延

之舉酒屬曰遲公久矣公曰父死不能葬國亡不能救今日之舉速死而已數日送公於杭出寧城門再拜嘆曰某不肖有孤故鄉父老二十年來之望杰遣官護行有防守卒史丙者坐公船首中夜忽唱蘇子卿牧羊曲以相感動公披衣起曰汝亦有心人哉雖然吾志已定爾無慮也扣弦和之聲朗朗然歌罷酌酒慰勞之而公之渡江也得無名氏詩於船中有云此行莫作黃冠想靜聽先生正氣歌公笑曰此王炎午之後身也浙督趙公寄公獄中而供帳甚隆許其故時部曲之內附者皆得來慰問有官吏願見者亦弗禁公終日南面坐拱手不起見者以爲天神杭人爭賂守者入見或求書公亦應之嗚呼制府之賢良在張宏範之上然非

敢施非公之忠亦無以邀

聖祖之惓惓也九月初七日公赴市遙望鳳凰山一帶

曰好山色賦絕命詞挺立受刑子木等三人殉焉公諱煌言字元箸別號蒼水浙寧波府鄞縣西北廂人也父刑部員外郎圭章祖應斗曾祖尹忠太夫人趙氏感異夢而生公公神骨清削勁挺生而跣跣不羈喜呼盧無以償博進則私斥賣其生產刑部怒先宗伯公之中孫穆甫雅有藻鑒曰此異人也乃以已田售之得金三百兩爲清其逋而

勸以折節讀書思陵以天下多故令諸生於試經義後試射諸生從事者新莫能中公執弓抽矢三發三中舉崇禎壬午鄉試感憤國事欲請纓者累矣而卒以此死公初以爭頒詔事與同里楊侍御文瓚忤遂不復面及戊子侍御一門死節公哭之慟曰負吾良友所親有失節者公從海上貽之書曰汝善自衛勿謂鞭長不及汝吾當以飛劍斬汝公之初入海也嘗遭風失維飄至荒島絕食夢一金甲神告之曰贈君千年鹿遲十九年還我次早果得一鹿蒼色人食一嚮積日不餓及被執又夢金甲神來招之蓋十九年矣雅精壬遜之學己亥之渡東溪也占得四課空陷方大驚而兵至羅舟未返卽以金甲之夢占之大凶方呼居敬告之而兵至生於萬歷庚申六月初九日得年四十有五娶董氏子萬祺並先公三日戮於鎮江女一卽歸予族祖穆翁爲子婦予族母也初杭有舉人朱璧者抗詞作保狀以百口保萬祺母子不得今以再從子鴻福爲公後公之未死也嘗賦詩欲葬湖上岳忠武王于忠肅公二墓之間於是鄞人故御史紀五昌捐金令公甥朱相玉購公首而杭人張文嘉沈橫書等斂之有朱錫九錫蘭錫旂錫昌兄弟者豫爲公買地經紀之而鄞人萬斯大等葬之南屏之陰從公志也姚江黃公

宗義爲之銘子木等三人附焉至今七十餘年每逢春秋佳日游人多以隻雞絮酒酹公墓下者而吾鄉亦以公忌日祭之羅子木者名綸以字行溧陽人也己亥公在江上子木挾策上謁公以其少年而負奇氣有清河李夢之目欲留之幕中以父老辭及公之蕪關子木之族父蘊章故在成功軍中引見成功江寧之敗也子木涕泣頓首固請成功無遽去而不能得成功因強子木奉父泛海子木至海上不欲參成功軍事旋奉父北行將赴公營卒與大兵遇格鬪子木墜水得救起而其父被縛去子木展轉閩南思出奇計以救父逾時不得音問嘔血幾死復赴公營公勉以立功即爲報讎遂相依不去以死冠玉鄞人制府以其年少將脫之固請從死王居敬者字畏齋一字采薇黃巖人也公被執居敬以計得脫其後爲僧名超遜頗能言公遺事亦不負公者而前此誘執公之故校得以功授千戶奉大帥命巡海島猝遇公之舊將憤其害公執而殺之予嘗謂公解軍而後已將以懸壘爲首陽向非張杰生事微功公似可以無死然是時公猶未五十非甘心黃冠以老者也若留公至十年以往三藩之禍公決非肯晏然處觀者而謂中土能忘情於公乎此文山之所以不見保於夢炎也且天下無惜死之忠

臣剖肝絕脰正所以全歸也公丙戌以前文字皆無存者今所存者奇零草甲辰六月以前之作也冰槎集其雜文也北征錄己亥紀事之綱也采薇吟則散軍以後之作而蒙難諸詩附焉共八卷公既愛防守卒史丙之義遂日呼與語因得藏公之集有宜興人徐堯章者從丙購之曰公之真跡吾日夕焚香拜之不可以付君堯章乃抄以歸嗚呼吾鄉死事諸公公爲最後而所成亦最偉然世人但知誇公之忠誠而予更服公之經略故涉歷山海之間且耕且屯而民樂輸賦招撫江北三十餘城而市不易肆小住緱城而陂塘之利傳之無窮惟其深仁以成遺愛斯在古人中諸葛孔明渭南之師不過爾爾諸葛有荊益之憑藉所以得成三分之業而公無所資終於齎志以死則天也嘗有盜公之衣者部下禽而獻之公曰衣在我爲我煖在爾爲爾煖其煖一也即以其衣賜之其大度如此姚江黃公之誌其紋公北征稍詳而前後多所罣漏至於公之官階終尙書浙督趙公會以其印上之而高氏雪交享集以爲閣學黃氏墓誌以爲侍郎皆不合翁洲新志則謂公於己丑己官尙書亦不合若杭人吳農祥所作公傳尤誕妄不足取信予乃攷公集中諸事跡合之野史所紀并得之先族母之所傳者別爲碑銘

一篇或曰公子萬祺在鎮江故嘗有侍婢舉一子守者憐其忠嗣私爲育之然今無可攷矣其銘曰

天柱不可一木撐地維不可一絲擎豈不知不可聊以抒丹誠亦復支吾十九齡啼鵲帶血歸南屏他年補史者其視我碑銘

清波小志

僧問石法名超直鄞州陳氏子來錢唐薙髮湖南白蓮洲甲辰七月王先生被執至武林至九月七日就義從者二人皂隸葉雲侍者冠玉同死焉石公共收而瘞之南屏之

原陳景鍾曰徐先生忠中所稱王先生葬處即蒼水先生也其初人多譁言之云

清波小志補

雍正丙午予遇四明董小缶胡駿於遂安縣署言蒼水先生死節事甚詳方其被執至杭送居蕭寺足下常著木屐臨刑時亦然至市口占四語云我年四十九卻逢九月七大廈已不支成仁事始畢其遺骸及楊羅二骨俱爲先生同郡釋間石暨武林好義之士收葬南屏山原邵皇親墳外郡士胡克生寅以一端石硯背刻張先生姓名旁刊羅

楊二諱藏諸壙中其詩文集名奇零至今鄞人尙有藏其副本者

雍正乙巳春予外父俞公漢卿曾誤買其墓前地欲營葬太岳後土人告曰此忠臣墓也訪之得實急退還不索其值予是時偕外父過其墓松柏鬱然馬鬣之封尙無恙因奠一卮而返近傳遺骨已爲萬九沙先生攜回四明卜地改葬者誤也

張忠烈公祠堂碑銘

前明張忠烈公止命於杭州實我

聖祖皇帝康熙三年九月七日越二百十二載

爲今天子光緒元年同郡諸君始建祠於仁和衆安橋之側與岳忠武廟毘近又十七年八月沛以事赴省垣拜公於祠諸君請爲記公以勝國遺臣飄泊海上幾二十年亦嘗深入長江震動半壁

世祖幸南苑將議親征而以延平金陵之挫列城崩潰

倉卒揚帆公亦流離轉徙一蹶而不可復振嗚呼豈非天也永歷主殉於滇魯監國殂

於金門

明史本傳陸榮之說謂魯王爲成功所沈全氏張公神道碑則云亮於台灣皆誤時成功已先卒王亦未嘗入台也

延平之子

鄭經偷息於台灣公始無望散軍居南田踰月被執又兩月被難完名一死以作三百年來忠臣之殿公之有光於明何其偉歟方公之逮杭也總督趙公廷臣延入賓座與

之抗禮

忠烈年譜注總督不見公誤也

盛設供帳處公於舊府

神道碑云

寄公獄中亦誤公與總督書云羈留旅邸其非獄舍

明甚陳景鐘清波小志補則云送居蕭寺亦非獄也

司道守令以次入謁公終日南面拱手不起舊部歸命

者皆來慰問杭人爭賂隸卒以一見爲榮或出縑素求書公亦應之總督有意生公而

疏入於朝刑部議不可公遂就市挺立受刑故御史紀五昌捐金購公首杭人張文

嘉鄞人萬斯大等收瘞於南屏山荔子峯下乾隆四十一年高宗皇帝予公諡忠

烈杭人陳鱣鄞人萬福等始書故官立石於墓門議爲公設田以供祀事而逡巡未就

及是祠成桐城吳大令廷康與鄞人范敦授樾倡其議按察使蒯公賀蓀主其事鄞人

錢理問鄞包同知傅萊襄其役集資於衆而鎮海方君義路復出千金佐之堂宇竣工

奉安神版衣冠俎豆歲祭如典例洵鄉國之盛舉也沛昔閎廬宜續表忠記謂公少白

哲中年以後高顙長髯嶽嶽千仞迄今過公祠下徘徊瞻仰猶恍見當年羈管杭邸巍

然高坐方巾葛袍鬚髮森動之槩公死此邦公祠亦此邦千載而下猶凜凜有生氣而

況相去僅二百餘年耶至公墓在湖上乾隆中一修於道士吳乾陽嘉慶中再修於秦

臬使瀛道光中三修於慈人張君梅咸豐中四修於慈人馮君珪同治中五修於鄞人

臬使瀛道光中三修於慈人張君梅咸豐中四修於慈人馮君珪同治中五修於鄞人

陳君政輪今建饗堂與城內之祠同時告成預其事者亦附及焉銘曰

矯矯張公起自甬東始終爲魯仗義從戎左拍錢沈右挈孫熊西陵一潰乃駕艤臚指
揮鯨鱷驅策蛟龍啣石填海噓氣成虹昆倚大木儼若附庸監國降號表安隆再登
金山題詩梵宮遙祭孝陵涕淚沾胸長驅入江逞其軍鋒魯陽揮戈日幾再中天實厄
之大舉無功隻身南歸草澤潛蹤告敗於滇爵秩加崇明代樞輔公乃其終東王訖命
西主塵蒙一線已絕公亦橐弓散軍未久遽入羈籠斷頭瀝血慷慨從容公魄在土公
魂在空願以祠祀表厥精忠岳廟之右堂廡垣墉丹心報國前後符同我作此文維石
斯礪下馬過者式茲英風光緒壬辰四月吉立

奇零草後序

甲辰七月望後八日余病暑偃臥床中有客忽來告曰蒼水張公被執至矣余驚起問故曰公自延平旣歸孤軍海上音援俱絕六月間散遣士卒隱居島中而每資糧於普陀提督張杰知之令奸僧爲導率健卒數十人僞爲僧服奪米舟以濟島中不知也遙望以爲米舟及至帳下衆始覺而公已被執矣余亟往覘之見公葛袍方巾直立牙門外神色自若左右令公自角門入公不動杰知之令啟中門公入長揖杰遂延公入內上坐且以好言慰公公仰屋梁嘆曰此沈文恭故第耶二十年前余嘗會文於此終無他言杰令僦民舍寬公列卒守之至夜半忽一校隔窗唱牧羊記蘇武屬李陵詞音調激楚公擊節稱善吁校蓋亦有心人哉越旬日檄公至省杰命以四人輿公前後列騎導從至城門公令駐下輿北面稽首曰臣志畢矣復向城拜曰某不肖徒苦故鄉父老二十年有辜屬望又再拜曰自此不復見張氏家廟矣道旁觀者數千人無不流涕至杭總督趙廷臣不見令盛設供帳以禮待公且令諸降弁曰爾輩舊主也盍往見之於是爭以酒食饋公公是以有聞樂放歌諸詩臨刑口占絕命詞令人書之偶訛一字不

能改正公笑曰他日自有知之者客羅子木一童子皆不屈死時甲辰九月初七日也公之被難始末如此此奇零草乃公所自定而采薇集則釋兵後作公自注起甲辰六月而七月被執矣讀斯二集公之二十年行事始末具可概見時同往一卒爲余言公帳下積書充棟旁置一棺棺中貯米數斗牀頭利劍一被執時遽起拔劍而以帳蒙公遂不及公之志何如哉嗚呼公之功業天下共知之矣公之文章天下未必盡見也公之慷慨赴難天下共見之矣公之從容就義天下未必盡知之也茲於去年幸購得公草而采薇集更幸爲公手藁復於降弁得公之遺文因彙錄成集記其始末以俟後人之采焉高允權

此篇末有海濱遺老錄畢訖七字其題一作跋詞一作託言一本題下注廢翁文稿四字諸本語亦略有異同 王慈識

奇零草後跋

盛世之音和以平衰世之音哀以促此言聲音之道與天運通也維詩亦然吾郡張元箸先生當天步艱難之世從亡海島志在中興自丙戌至甲辰十九年間飄泊於波濤

颺浪之中竭蹶于干戈顛沛之際履危蹈險辛苦萬端宜其音之哀且促矣今觀奇零
草文辭和雅氣韻平舒有從容瞻就之風而無淒颯倉皇之態有慷慨奮起之情而無
卑靡挫折之念至若興趣所臻風流跌宕冠裳所集意象崢嶸巖壑體製有直追嘉隆
盛時諸作者何其音之不類也噫我知之矣昔者典午淩夷江左繼祚新亭之會四座
興悲而王茂弘獨曰當共戮力王室恢復中原奈何作楚囚狀邪元箸之意蓋在於此
推其志直以明室中興可操左券故家亡不悔身喪不顧雖王謝偏安之業猶不屑言
詎肯以德祐諸君子自況邪發諸歌詠固宜與盛世同符而天心夢夢力不從志豈其
始願哉夫人以詩傳者王維儲光義非不名家而本領未正忠義之道疑矣詩以人傳
者淵明欽酒臯羽晞髮千載下讀之猶沁人心脾是草亦作如是觀若王李鍾譚各標
壇坫特雕蟲小技之倫耳未可爲忠義者道也余之書此將傳諸不朽也歲在甲子中
秋日莫邑秦川題

其姓名耶

夏啓芬曰莫邑合爲鄭字秦川合諺諺字即慈谿鄭諺所稱爲平子先生也意國初藏是集者恐有忌諱故隱拆

書奇零草後

從來鼎革之際殉難者惟勝國爲盛而於四明之產爲獨多蒼水張公其尤從容就義者也公絕命詩云我年四十五偏逢九月七大廈已不支成仁萬事畢則公之倡大義也年才二十六耳是時我世祖已受命而作之君固不肯順天應人而跋涉山海至十有九年甘喪元漶族而後已蓋自古亡國大夫之所罕覩也余嘗畫公像寶藏之頃于役江南由京口至蕪湖追想公領軍長江凡瓜洲燕子磯觀音門諸勝皆駐師之所而尋其遺跡渺不可得爲慨然者久之蕪關受降最早公居之幾近一月余以君子過化之地神必存焉擬請當道於江口睢陽祠附祀之以公忠烈足媲美也匆匆返棹而中止家居曝書得奇零草爲先副使所手鈔蓋公自定之詩殉難時以重價購得諸老兵而流傳者公自序深歎筆墨之不幸而散亡何身在行間而猶沾沾於詞翰也然所存雖渺全豹已見且當日軍旅往來於長江一帶歷歷可數其詩不媿作者殆所謂必窮而後工乎公固不藉以詩傳而即此一編足長留天地間矣夫公梗化亦爲其主當不諱之朝文字無所疑忌謹抄此冊以廣其傳附以北征錄者俾後有所考云道光

五年冬慈谿後學鄭喬遷識

題明張蒼水獄中詩稟後

殘明餘烈至甬東而極微然其間義士頑民慘慘故國之心久而未熄藐爾翁洲浮泊海上君若臣倉皇逋竄窮而無歸甲乙之後忍死圖存其忠毅之氣摧喪殆盡及至懸壘一老與援狙共居此中聲息卒不能隱如蒼水先生之全節於武林尤可哀也當先生沒時間粵滇中諸小腆多已消滅雖堂堂致身授命興朝甚禮重之惟一時不能即予褒卹東南懸艾方急無敢控懇以乞異恩閱百年而始蒙通諡在遺獻黃先生志墓之初與謝山全先生撰碑之日皆尙未知有日後之表章也若其生前官階或傳已加至台輔又傳正命爲自經遺獻無此言自係傳聞之譌俱不足據矣吾門陳生爾幹其先世與先生同事監國舊有令緒今幸收先生獄中詩歌草彙錄南留之銘而合裝之爲一冊舉以示稷辰稷辰先世亦曾有從亡海島者是皆患難與共之人古誼相關追述無盡讀此冊不禁爲之縈歎也同治六年三月後學宗稷辰謹題

采薇吟跋

粵逆所過殘滅失而不可復得者書籍翰墨之禍烈焉余家藏書雖不甚富然世有善

積今顧不能滿行篋至先世著述精神節行之所寄託往往可以不朽力不能俾行篋亦焚毀不可掇拾心竊痛之每過坊肆雖殘編墜簡蠹蝕蠹損必一寓目而忠烈是篇雖殘破碑帖中塵冒塗圯觸手虛穢見字畫蒼勁拂拭讀之乃大驚益搜得十餘紙雖損壞尙可比次所失多寡未之或知詩詞悲壯憤鬱末學又奚贊一辭哉顧念先太常公於順治丙申授命舟山則海上經營與忠烈共事先車駕公左右魯王毀家饁士事終不濟乃逃於禪則亦忠烈之居懸壘也而所著陶菴集二十卷無刻本逮予世已亡六卷今僅史論四卷雜文一卷蓋逆氛又亡其大半矣夫文硯謝琴僮一器用後之人猶或撫其形式播之詩歌不見其物羣相珍重矧是冊爲忠烈手藁雖不無佚闕而完好可誦者猶三十有七篇梨洲誌公墓已云翰墨流傳視爲至寶矧經吳火煨燼之餘幾淪斯擲哉余不自意得之收輯潢治與陶菴集同藏篋衍知孤忠遺蹟偶留天壤雖世變迭遷有決不磨滅者誌云九月七日遇害而放歌行乃書十月七日梨洲不應有誤則亦如毛羽之書羽毛祖之書祖忠烈偶未改正歟同治丙寅仲春二十七日山陰後學陳爾幹

采薇吟跋

張忠烈公北征錄冰槎集潘文慎公刻入乾坤正氣集其采薇吟則散軍以後之作而蒙難諸詩增焉甬上有傳錄本而蒙未之見此手書殘稿十八紙紙七行行字不等凡詩三十四詞三向爲陳柏堂孝廉所藏歿後其家人鬻諸市蒙購得之第九紙孤竹餐周粟一篇失其題不知以上亡若干紙字多塗乙紙微損裝潢時波磔闕蝕幾不可辨未敢臆補放歌自注時甲辰十月七日按忠烈正命在康熙三年九月七日是年閏六月時憲術與大統術置閏不同故書十月陳跋以爲筆誤非也忠烈被執辭故里詩凡五篇沈梅史纂公傳載其一其三與明季南略三圖識略字句微不同計氏又載其二曰何事孤臣竟息機魯戈不復挽斜暉到來晚節慚松柏此去清風笑蕨薇雙鬢難容五岳住一帆猶向十洲歸疊山遲死文山早青史他年任是非其四曰擲掄一息尙圖存吞炭吞氈可共論復望臣靡興夏室祗憑帝眷答湯孫衣冠猶帶風雲色旌旆仍留日月痕贏得孤臣同碩果也留正氣在乾坤其五曰不堪百折播孤臣一望蒼茫九死身獨挽龍鬚空問鼎姑留螳臂強當輪謀同曹社非無鬼哭向秦廷那人可是紅羊

剛換却黃雲白草未曾春當在所亡數紙中計氏失載其三又以爲臨難絕命詩爲微誤耳徵君纂王翊傳載公挽詩云憶君被禍草間來慷慨論兵未易才薄海誰堪師畫邑下江應許畫雲臺星沉漢壘貪狼耀風競胡營戰馬哀仗劍猶聞歌正氣心懸陵母亦哀哉明詩綜錄樅陽謠云八尺風帆百丈牽樅陽湖裏去如烟江南米價秋來長喜殺桐糟賣稻船沿湖下網蕩湖船網得纖鱗錦樣鮮燈火湖光兒女笑魚秧種得不須田皆奇零草也羅參軍字諸家作子木柳亭詩話作自牧此作子慕當以公手書爲定侍者楊冠玉柳亭作楊貫或其名云光緒丙子正月二十三日山陰平步青跋尾跋

全庶常祖望既定尙書詩文集十二卷附鄉薦經義一卷又爲作詩話二卷年譜一卷以詳其集中贈答之人與其事可謂有功表章矣勳嘗見之而未及錄忽忽十餘年重見年譜於姚江黃氏附錄詩話亟假歸手鈔旬餘而畢尙書以康熙三年甲辰殉節於杭從死者故參軍羅子木侍者楊冠玉及舟子三人尙書嘗賦詩欲葬湖上岳忠武王于忠肅公二墓之間於是鄞人故御史紀五昌捐金令尙書甥朱相玉購首領而杭人

張文嘉沈璜等殮之有朱錫九錫蘭錫旂錫昌兄弟者預爲買地經紀而鄞人萬斯大等葬之南屏荔子峯下從公志也姚江黃公宗義爲之銘子木等三人附焉後七十餘年道士吳乾陽修復墓道全庶常復爲神道碑銘又三十餘年爲乾隆四十一年詔定勝朝殉節諸臣錄尙書以原官褒謚忠烈越十六年壬子鄞萬斯大之孫福謀立石於墓之門海甯陳鱣大書曰 皇清賜謚忠烈明兵部尙書蒼水張公之墓勲等輸財設祀春秋薦以蘋蘩迄今已未歷有八載忽見離墓丈餘有新塚二查係土人翁耀卿與謝上達私賣井削餘地耀卿故守墓者勲謂同社曰是不可長也於是公請之方伯謝公署廉使秦公委縣丈量徵地一畝七分五厘畫界繪圖立張忠烈公祀戶入冊遂上之大中丞王公將建坊湖上以昭 朝廷獎忠之典以示地方禁塋之防先是勲摹尙書遺像於杭蓋甲辰錢塘獄中所畫藏於萬氏者並附記於年譜之後以備叅攷時九月七日正尙書殉節日也擲筆不禁泣然鄉後學鄭勲謹跋

是編從丁松生明府借讀暇日手校數過是正頗多借所載祇奇零草

采薇吟即散
柑奇零草中

北征錄鄉薦經義暨全氏所撰年譜而冰槎集全闕爰據湖郡李氏舊鈔潘文慎乾坤正氣集補所未備彙鈔一帙以贈較之昔人還書一藪之事意似少厚增識以博松老一笑光緒甲申仲冬下浣大興傅以禮識于臨漳行館

集內諸文皆有時事可攷而李氏舊鈔乾坤正氣集兩本均先後失次殊不可解爰合奇零草采薇吟北征錄參證明季稗野重加排比勒定張忠烈公文集十二卷而以經義年譜增之視謝山張尙書集序所載祇闕詩話一種耳他日當將嫌諱字句刪潤繕梓以永其傳識此聊當息壤甲申嘉平朔日燈下以禮又記

卷之四

刊

吾郡南屏山麓張忠烈遺墓在焉庚辛兩劫幾於湮沒粵賊既平余訪其遺址言於四明諸君而重修焉顯塋域距城稍遠歲時瞻謁人以爲艱於是公之鄉人卜地於衆安橋南岳鄂王祠之側釀資別建一祠春秋奉祀士女來者連袂接踵所以成公志也顧公集先無刻本蓋授命後其遺稿爲人所祕全謝山竭力搜羅僅得八卷當日傳鈔亦鮮遺本余不忍公集湮沒求之故家偶得舊鈔數冊喜而欲狂顧編錄失次香雜不可整理因寄示傳節子太守太守與余同有志於刊校公集者也太守費數月之力編成十二卷因併經義及年譜墓誌合成一集而公之詩文所遺者寡矣篇章未泯光燄萬丈世有闡揚忠節者知必有亟刊是集以慰後學景仰之志者余將拭目俟之光緒乙酉辜月松存老人丁丙謹識

刊

行

跋

予校蒼水集三年於茲矣中間湖海往還或吳或粵人事多端顧未嘗一日不置之行篋間也祇今始畢矣悲夫蒼水之被難也口占絕命詞令人書之偶訛一字未及更正蒼水笑曰他日自有知之者夫今日所據以校諸本之異同而兩存之皆訛之自後而不及正者多矣訛之當日不假蒼水頃刻之命使得而正之而轉令其期之他日之後人後人將何據而正之然則予所據以正諸本之訛者非蒼水所望知於他日者也蒼水所望知於他日者蓋不徒知其文也知其志也然則予於蒼水集知其文且弗悉而遑論其志悲夫是豈蒼水所望哉予去夏游武林失道南屏問蒼水墓有不知蒼水爲何若人者名與姓之勿知也而又遑論其志然則知其文者或鮮矣夫蒼水亦期他日之有知其文者以是暝矣其文存則其志存矣悲夫然則是集之刊也願與讀蒼水文者毋忘其被難時所望有知於他日之人之一正其訛云爾己酉六月戊寅荆越四日後學順德黃節校畢謹跋於廣州

補遺

與某書

弟自奉簡書還越雖投閒冷署亦每以馳驅往來矢石間否則代庖制勅坐是失疏候問弟之罪也弟憂時冷眼濟世熱腸苟有利於國家有益於桑梓無弗竭蹶以告當事縱未必盡爲吾鄉所知忽求無愧此衷足矣每想盟翁具大學問大經濟尙爾隱臥東山焉得不令艱難困門所以區區說項者不過仰藉老盟翁一起支拄南天耳接手教慰誨之管泉湧颺發謬及揄揚弟何克承此若夫盟翁鶴立雞羣弟所素稔而復且抱膝長吟惟占風於白水真人更足羞投吳抵壁一流昨見象老題疏首列尊銜殊增封事之色但因臚叙太繁畫老殊費平章再四與弟躊躇如盟翁業擬覆於謁銓時優授京秩此弟推轂秘私蓋未拜命之先遂有是議然疏列百位覆亦不上十人惟由一勤時兩兄同預此例他不及也部曹之諭容再圖之發羽忽次率勒上報不文之誚統恃鑒在弟名正具左裕

此書無所寄姓名黃東井先生云攷續耆舊集當是與林西明岳隆者說見四時談

助慈入太學棄之張煌言招以書歎曰天所棄殆不可復徒死無益竟不肯從云又据談助稱西明一慈近得一本作與林用圭書案用圭爲國博祚隆子字觀叔參議林公祖述次子祚事宏珪也崇禎己卯副車父子並受江上一官事敗歸而著書有澹窩筆語函石吟說亦談助記之一本作此或別有据又古董范莪亭前輩云余家舊藏公寄錢肅樂諸公劄子十餘幀而燬於庚午之變知如此書留貽人世當復不少惜今亦不可問矣 王慈識

閏元宵 辛卯

斗柄春來又幾旋昨宵今夕倍堪憐一年那得燈重滿五夜何曾月再圓星漢依稀火樹裡風光次第杏花前上元別是佳游節選勝還疑小有天

己亥元旦

海雲冉冉曙光催百谷新口旭日開筵得革來原遇已春從臘至似方孩聲靈共識尊中夏氣象初驚動上台自笑封侯安有骨爲言強仕更徘徊

寄紀侍御衷文

憶昔同堂勉聖賢正當國難慨滄田桃源有路君知避博浪無椎我欲顛臥雪山中堅
晚節揚波海上怒冲天赤松游在安劉後郭李功名史並傳

其二

識得深山可避秦豈容高蹈樂天真夏興猶賴臣靡力楚復還憑包胥身應念同仇多
死友休言有母不售人陸沈誰向中流砥天闕招尋鍊石神

海上二首

仗劍浮身幾度秋關河遍誓客孤舟一尊酒盡千山曉七字詩成華谷漚浩氣填胸星
月冷壯懷裂髮鬼神愁龍池一日風雲會漢代衣冠舊是劉

屈指蒙塵近十秋每懷若作濟川舟公卿竄憶朝元暮士庶空餘思漢謳報越有君誰
共難椎秦無力獨勝愁螭龍豈是池中物文叔當年自謂劉

此二首夏校本未之
搜入近得之藕陳

君汾所藏本爲附
錄焉王慈注

闕題

青山疊疊晚烟迷幾點疏燐斷瀾西夜雨寂寥山鬼泣春風無主鷓鴣啼酒爐如故生

補遺

與某書

弟自奉簡書還越雖投閒冷署亦每以馳驅往來矢石間否則代庖制勅坐是失疏候問弟之罪也弟憂時冷眼濟世熱腸苟有利於國家有益於桑梓無弗竭蹶以告當事縱未必盡爲吾鄉所知惣求無愧此衷足矣每想盟翁具大學問大經濟尙爾隱臥東山焉得不令艱難困阨所以區區說項者不過仰藉老盟翁一起支拄南天耳接手教慰誨之音泉湧颺發謬及揄揚弟何克承此若夫盟翁鶴立雞羣弟所素稔而復且抱膝長吟惟占風於白水真人更足羞投吳抵璧一流昨見象老題疏首列尊銜殊增封事之色但因臚叙太繁畫老殊費平章再四與弟躊躇如盟翁業擬覆於謁銓時優授京秩此弟推轂秘私蓋未拜命之先遂有是議然疏列百位覆亦不上十人惟卣一勲時兩兄同預此例他不及也部曹之諭容再圖之發羽忽次率勒上報不文之誚統恃鑒在弟名正具左裕

此書無所寄姓名黃東井先生云攷續者舊集當是與林西明岳隆者說見四時談

助

慈據鄞縣志引續傳岳隆字祝公諸生善書喜吟詩淡於榮利丙戌應貢入太學棄之張煌言招以書歎曰天所棄殆不可復徒死無益竟不

肯從云又據談助稱西明一慈近得一本作與林用圭書案用圭爲國博祚隆子字觀叔參議林公祖述次子

評事宏珪也崇禎己卯副車父子並受江上一官事敗歸而著書有澹窩筆語函石吟說亦談助記之一本作此或別有據又古董范我亭前輩云余家舊藏公寄錢肅樂諸公箭子十餘幀而燬於庚午之變知如此書留貽人世當復不少惜今亦不可問矣 王慈識

閏元宵

辛卯

斗柄春來又幾旋昨宵今夕倍堪憐一年那得燈重滿五夜何曾月再圓星漢依稀火樹裡風光次第杏花前上元別是佳游節選勝還疑小有天

己亥元旦

海雲冉冉曙光催百谷新口旭日開筵得革來原遇己春從臘至似方孩聲靈共識尊中夏氣象初驚動上台自笑封侯安有骨爲言強仕更徘徊

寄紀侍御衷文

憶昔同堂勉聖賢正當國難慨滄田桃源有路君知避博浪無椎我欲顛臥雪山中堅
晚節揚波海上怒冲天赤松游在安劉後郭李功名史並傳

其二

識得深山可避秦豈容高蹈樂天真夏興猶賴臣靡力楚復還憑包胥身應念同仇多
死友休言有母不售人陸沈誰向中流砥天關招尋鍊石神

海上二首

仗劍浮身幾度秋關河遍誓客孤舟一尊酒盡千山曉七字詩成華谷漚浩氣填胸星
月冷壯懷裂髮鬼神愁龍池一日風雲會漢代衣冠舊是劉

屈指蒙塵近十秋每懷若作濟川舟公卿寧憶朝元暮士庶空餘思漢謳報越有君誰
共難椎秦無力獨勝愁螭龍豈是池中物文叔當年自謂劉

君汾所藏本爲附錄焉王慈注

此二首夏校本未之搜入近得之藕卿陳

闕題

青山疊疊晚烟迷幾點疏燐斷瀾西夜雨寂寥山鬼泣春風無主鷓鴣啼酒爐如故生

荆棘畫棟淒涼落燕泥開謝桃花誰過問萋萋芳艸牧羣歸

感懷步扇頭韵

誰復高樓醉月筵到來天半落青霞葡萄宛馬風塵暗蘆荻驚鴻雪影斜山寺磬中吟
桂子江城笛裡賦梅花可憐燕趙多游俠不及投金一浣紗

此詩王履運學博所鈔示云得之西津周氏所

藏先生墨蹟也爲次補焉王慈注

湖心亭書壁

風吹野火火不滅老鴉夜啼山鬼泣菰蒲秋晚閣汀洲斷樹殘枝不堪折蘇公隄上衰
艸黃愁雲慘淡鎖垂楊家家夜月鳴砧杵處處秋聲欲斷腸空有好花簪不得萬條弱
柳垂金色紅塵埋殺合歡枝春風自解同心結翡翠堂前明玉璫佳人雲散泣蓮房至
今惟有湖心月猶自娟娟上粉牆

此詩與前闕題一律皆夏先生得自鎮邑江
南謝氏條幅中欸題蒼水二字謂玩其書法
詞意疑是張公真蹟當補入茲爲附錄焉至
七律舊無題目因作闕題二字王慈注

江上聞笛

江濤日夜堆雲屋有酒莫向江瀨漣忽聞笛韵橫江來金山數峰盡青簇笛聲不似水

聲幽聲慘潮生響飛瀑亦有羈人青雀舫穩載客愁愁千斛起舞鸚鵡欲奮飛四顧蒼
茫復慟哭獨汲江心水一盂活水烹來滌煩煥餘情嫋嫋江影低拍手長吟和孤竹歌
者有意吹無心嘈然那分竹與肉嗟嗟江上聽笛人獨抱琵琶就人宿知音若我世所
稀隣舟逋客眠正熟

此詩古堇耐軒前輩范懋裕云見忠烈書扇墨蹟爲家
莪亭叔珍藏名人題跋甚多錄附於此茲從范氏藏本

鈔附焉
王慈注

國粹叢書

刊

行

詩詞

哭兵部左侍郎兼翰林院學士鄞縣蒼水張公

壬午舉人慈按兵部上本無哭字但詩爲哭歷朝殉難諸

臣之七首慈故以哭字冠之

鄞縣林時對璽庵

浴日扶桑不計年，難將振旅賦闐闐。宜中已遁占城島，君實終沈碇海船。只有精誠酬國士，空留熱血答皇天。孤臣軼事憑遺老，寫向琅函萬古傳。

遙把生芻一奠之，五坡吞腦是今師。丹心百折還扶鼎，直道千秋應奉祠。從此星躔高北斗，也知花發向南枝。素冠祖祭懷炎午，莫向西山飯伯夷。

君以孝廉從龍上台，授翰林簡討。越城潰，即棄髮。父及妻子入海，依張元戎。名振振，歿代統其兵。己亥入京，公長驅至蕪湖，赴義者踵接。題詩金山，以擬燕然。事敗，復徵服至象山，隱於百丈街。在臨甌南田中間，孤懸絕島。甲辰七月，解甲散兵，將披緇行遁。遣標弁駕小艇訪舊識於翁洲，令爲嚮導。爲邏者所獲，引至百丈街夜半，就縛不屈。解至武林，遇害。有致命詞。我年四十五，今朝九月七。含笑從文山，一死萬事畢。墓客句容羅綸童子，鄞人楊冠玉從死。會城好義者爲醵金葬於西湖南屏之麓。君蒙

難著有北征記與文山指南錄並傳又詩鈔名奇零草

林公詩百餘首合爲一卷

慈見之鄧邑陳氏鈔本未知曾經梓行否
先生與忠烈同時茲故以是詩冠首焉

哀蒼水

案蒼水上本無哀字但詩爲八哀之一茲錄此首慈故以哀字冠之

黃宗羲 梨洲

廿年苦節何人似得此全歸亦稱情廢寺釀錢收棄骨老生禿筆記琴聲遙空摩影狂
相得羣水穿礁浩未平兩世雪交私不得只隨衆口一閒評

尋張司馬墓

草荒樹密路三义下馬來尋日色斜頑石嗚呼都作字冬青憔悴未開花夜臺不敢留

眞姓

慈案當時諱
之曰王先生

萍梗還來酹晚鴉牡礪灘頭當日客茫然隔世數年華

以上二詩見南

雷詩

哭蒼水

見雨浙軒續錄
作名斗權蓋高公原名也

高允權 辰

壯心未得同孤偃大節還能愧李陵
慈案水槎集
有李陵論

燈

甬上擬薤露詞

以下四詩均見勾餘土音

全祖望 紹衣

試一擲

張尙書呼盧以此爲其尊公所怒幾乎被逐

百萬亦儋石何妨試一擲阿翁懼我不保家小草遠志定難測他年更一擲幾幾席捲大江北

蘇卿諒弗聽

小校勸忠蘇子卿牧羊曲尙書笑曰有心哉中夜起而和之

穹廬雲冥冥下有李陵說蘇卿蘇卿諒弗聽我懼蘇卿稍愛生莫將百鍊精一旦喪令名蘇卿諒弗聽我假清歌爲寄聲

重九前二日張尙書忌辰設祭因增薤露詞後

少陪九沙萬太史春秋歲祭南屏山九沙忽騎白鶴去南屏漸恨絮酒艱去年燕子磯下泊訪求題字渺禪關

燕子磯寺中有尙書題名今爲僧剗去

菊香正茂薇露馥故園酒熟偷可攀

甬上雜歌

羊山吟

爲蒼水尙書作昌國大洋有羊山多羊然不可烹蓋神物也尙書泊軍山下軍士不知而烹之未熟而風濤大起軍士溺

者無算義陽王亦與其禍

殺函失鹿鹿有歸芒碭斬蛇蛇弗違赤烏白魚歸新命陳倉雌雄寶雞雙雙飛孤臣徒

搏雕虎將何爲爾羊來思角戢戢馴擾直似鷗忘機鷗兒軍士偶不戒誰知忽震天狼
威鞭龍龍髯墜駕鼉鼉梁疲騎鯨鯨尾赤跨鼉鼉背危神鱗出沒封豕隨水犀百萬聲
如雷鵲乎鵲乎一網盡爾羊助天爲虐是耶非孤臣獨抱啼鵲悲吁嗟乎孤臣獨抱啼
鵲悲羊山以羊得名今謂以唐之羊府君得名謬府君固有功於吾土然今海上香火之盛則以山神並非府君也案府君名俱

燕子磯蘭若尋蒼翁題字

以下七詩見鮑琦亭詩集

江東王氣已全枯豈有重興赤伏符半夜秋風出靈谷千船軍火竄焦湖孤生逐日空
三足碧血沈淵尙一壺此日彌甥輯遺事可憐題字竟模糊

予約同人每歲爲蒼水先生設祭今年將有渡江之行先期舉之

此行定是過南屏爲道寒山片石成

時新爲公撰墓碑

故社莫虛黃犢唱同人豫擬白鳩聲

神傷土室哀閔泪

謂先儀部也以公親家共事其後盲瘡者二十年得免

腸斷礪州杜潛兵

謂先侍御也早公死一年香

火敢忘先子命

先王父贈公遺命以公祀事爲屬

殷勤雖黍展微忱

蒼水先生墓道漸溼道士吳乾陽謀修復之和鈍軒韻

一區發鳩巢千年夸父日豈期世外人而念此窀穸在昔正氣歌三分席自擇紀朱張

萬沈相與成勝迹，嶢嶢南雷銘光照。長虹白久久，未開雕貞珉。眠荒陌，我續第二碑。遺事吐格格，一從小跛亡。莫問南屏魄，何家新貴塋。祁連肖，層碧應憐寒谷中。隻輪獨運策，編詩錄許劍。諒屬我之責。

紀九峯朱穆生兄弟張文嘉萬充宗父子沈橫書呂東莊浮屠超遜

我聞彤家言，茲邱真吉宅。渺渺流泉流，藹藹夕陽夕。天定安忠魂，楊癩不及擇。他年萬香火，鄂王共靈迹。冬青花未開，我亦已頌白。中爲魑魅居，旁爲狐兔陌。翩翩有羽衣，高情見風格。朽骨尙關心，何況此毅魄。

吳君方埋枯骨於南屏

當年雪竇翁，茲山先埋碧。丸土不可尋，誰爲問故策。行當更訪求，與君共此責。

謂魏山人耕也

長至日展蒼公墓同江聲用離合格

九沙仙去後，瓣香過者希。觀察真多情，偕我踏山蹊。

謝山致江聲

今日正南至，一陽氣霏霏。

太史多雅懷，來看朱鳥飛。

江聲答謝山

墓前麟辟邪，亦是故園儀。一枝借孤忠，星火以爲依。

謝山承聞豐狐筆，已草黃絹碑。明年速上石，長作山中輝。

江聲

逸田以人日祭蒼翁得三絕句

春來猶自怯霜風，人日題詩醉信公。畢竟蘭家法在細挑，七種菜叢叢。

最憐民部遊仙日正是元樞授命年地下雙雙埋碧血人間久久發陳編

華屋山邱一望中誰來城北弔遺忠張徐楊葉都零落賸有平陵松柏桐

張遺民徐石耕楊竹

欽葉天益皆居城北附近尚書里第今其後人俱亡矣

戊辰元夕芍庭以其世父忠介公生辰爲蒼水先生設祭即用蒼水過忠介瓊江

殯宮韻

淡旬春色碧於油崧嶽神靈在上頭丞相尙傳弧矢怒中樞誰寫蕨薇愁冰槎客散重修祀芍沚堂高續紀遊落落通家幾子弟隻鷄猶克溯弓裘

故國當年事未灰五千甲盾傍江開臥龍伏鳳成羣出鯁壑蛟宮取次陪一自遺民逃絕島更無過客上西臺瓊江死別吞聲後重見南屏白馬來

七夕鈍軒集同人祭蒼翁於隱學山房

今夕是何夕良辰好祭忠秋江潮汝壯銀漢女牛通耿耿扶韓志堂堂磔卞功我歌降

神曲天半吐長虹

蒼翁正命之辰重九前二日也同人聚散故不能盡同此日

爲嘆五君子天中畢命時共姜宣母教樞使有孫枝嫺姬清門重賓寮合食宜多情夷

仗羣從聊以慰陵

是日配食爲若思先生共姜若思母周太安人也大節詳予所傳嫺姬見蒼水哭若思詩

肩誦法華薇應清似粟梅亦大於瓜此日陪靈馭寧慚博望槎

鮑軒曾祖正先大行晚受戒於大梅法幢

禪師與桐城方子留輩並稱上座是日別設伊蒲饌以配之

招魂如可作移榜不須嫌故國無星史伊人在水兼欲推瓣香力遍爲國殤拈此待禮

臣日新題樂府鹽

時余方議合祭甲乙以後二十八忠爲之立嗣

道光壬辰八月朔日同業二天階姚大燮詣張忠烈公墓下并置公詩卷祭之

定海厲志駭谷

南屏颯秋爽蒼陂鬱迴環中有張公墓石碣立巔岼墓傍松林樹樹樹經千年悲風來
衆響淒切裂人肝勝國當叔末大運固不旋用公監國初諸鎮豈足忠九州四府地或
挽半壁天千鈞既已墜一髮烏能援徒使忠悃忱披露楮墨間波濤觸憤狂縲綬結貞
堅湛湛一握血化碧灑九淵平生萬甲兵宇內駭聽觀歛納成文字奧窔孰推詮嗚呼
不朽業小儒難仔肩探懷出諸有經綸本自然鄉里慕諸葛私祭列孟盤精誠信難邁
鉅製猶赫煊惶恐聾聵子疏淪邁流源明州後起人奮力偕躋攀姚子蛟門秀奉公心

拳拳同來燕瓣香倒地拜空山層雲積不行夕鐘咽潺湲逡巡返徑路四望野漫漫

南屏拜張忠烈公墓 詞寄金縷曲

鄧周世緒 克延

便灘刀鈍血尙從容湖頭遙望鳳皇山色席卷大江南北去快比呼盧一擲怪樹梢雙
猿聲澀采蕨南山吟未罷牧羊歌完了蘇卿節秋九月初七 吾家素近先生宅慘
蕭條楊家河畔滿門荆棘岳墓于墳留隙地補種松楸青密更殉義三人同穴明日孤

山梅下拜再東頭靈隱薄殘碣先酌酒麗牲石

楊天璧職方葬孤山
魏雪竇山人葬靈隱

謁張忠烈公墓

海甯吳 騫 槎客

南屏山頭樹撐鐵下有孤忠埋碧血山空雲散樹亦摧碧血團成鐵同熱君不見浮萍
一昔遭雨擊海水羣飛白於雪何處輕艣尙可繫背倚金鼇立宮闕公時獨把魯陽戈
欲挽羲和麾列缺百里纒臙蔽江下千仞石頭飛礮燕雞鳴垓畔露香焚鐵甕城高亦
掀揭白雲遙望一軍哭桴鼓榮陽況連結羽書競欲名城射烽火旋看西浙達天於宋
德久已厭運去空坑終一蹶八公山色寒蒼涼鐵鎖游龍滾江絕十九年來金甲破還
汝迦羅不留脫飄流懸壺軍已散并命江城皆空裂即今孤冢鄰棲霞寒食年年芳草

萬故鄉路隔遺裔盡夜祭墳間定誰醒 聖朝寬仁超萬禩易名曠典昭忠烈相從却

億諸義士穴傍田橫葬猶渴 謂朱相玉張文嘉諸人 英雄事往雖已矣牧豎樵童忍輕襲人心

不死在後死麗牲特表穿中碣江海可塞天柱傾此石君看終不折

南屏拜張忠烈公墓

公諱煌言號蒼水前明累官兵部乾隆四十三年賜九忠烈墓在鹽曜山昌化伯邵林墓左

仁和仇養正

黃葉秋風路青山異代臣易名榮 國典拜墓哭詩人碧澗湖邊水花殘海上春英靈
欣會合于岳兩家鄰

湖上展張忠烈公墓

德清戴高綠

懸壘孤臣淚滿襟南天風雨晝陰陰星河難挽猶援手國脈微延未死心夜壑已隨銅
馬陷霜鐘還應鐵龍吟牧羊和曲聲悲壯欲問蘇卿何處尋圖土南冠尙漢官斷魂山
色繞江干潮回滄海黃塵捲日落荒原碧血寒四鎮蟲沙誰撫劍入公草木舊登壇行
人指點南屏路岳墓于墳一例看

謁張忠烈公墓

海甯查揆梅史

魯藩兵氣黯翁洲丞相祠堂叱牧牛雁宕寒深虹貫日龕山濤落雪驚秋頭顱已送田
橫島妻子虛隨范蠡舟更向江南懷閣部梅花嶺上暮雲愁

西湖謁明權兵部尙書蒼水張公墓

鄧縣張庭學詩

收拾殘灰劫火餘茫茫天運竟何如山頭羊肉烹難食樹上猿聲慘不舒墓地兀參雙
少保海天遙寄一尙書我來敬謁鄉前輩正是西風落木初落日南屏暮色闌羣峰不
改舊時觀西湖碑碣諸忠聚東浙河山一局殘遜迹恥爲遺老便殉身兼及僕夫難繫
纍高冢傳千古松柏蕭森風雨寒

南屏弔忠烈公煌言墓

錢塘汪端女史

窮島猿嘯聲遠林翁洲兵氣結秋陰孤臣自抱餐薇志節士同堅蹈海心就義江頭寒
浪急遺墳湖畔暝煙深青山落日留殘墨一樣東臬浩氣吟

謂宣

南屏山謁張忠烈公墓

錢塘吳鼎元右卿

南屏山上愁雲黑黃土一抔埋不得八尺豐碑三字存大書特書好山色忠烈寄命百
里時地維欲絕擎一絲江干已破崇明陷海天一角猶支持招降有書詞激切一日再

至紛如雪精鐵雖堅尙可磨此心更欲堅於鐵英霍山下浮屠高文山幸作空坑逃誰
說浮屠瘞毅骨壺漿爭見迎師勞滔滔莫挽狂瀾勢魯王旋逐秋風逝大廈安能一木
支持時豈作偷生計結茅懸壘刪春蒿散軍解卻金獅袍草木無聲萬籟寂長鳴惟聽
雙青柔沈沈星月夜將半附葛何人來枕畔夢醒鐙殘鹿已亡奈何徒事同聲喚牧羊
一曲誰歌公十有九載墜奇功滿腔熱血灑何處鳳凰山外苔花紅御史捐金購公首
賃地者誰朱錫九歸然古冢南屏陰償公素志事非偶君不見西泠橋邊岳武穆八盤
嶺下于忠肅一片孤忠兩地同與公鼎峙成三足

南屏張忠烈墓

鄞縣王 燾 梨門

秋風百草亂荒墳獨向南屏拜夕曛亡國山河留正氣中原涕淚泣孤軍頭顱可斷無
降將魂魄相依有舊君賜劍不關天子事莫將于岳論三分

弔張忠烈墓

海甯錢 馥 廣伯

華表何年立豐碑此日題從教樵采者不到邵墳西

慈案此詩据梁玉繩啓記乾隆壬子杭人勒碑表墓後作

也錢爲海甯布衣
有小學簞遺棠

南屏山謁鄉先輩張忠烈公墓

鄞縣 徐甲榮

十九年來事漫論荒塋剪紙奠清尊穴中老狢應腸斷林外啼鵲尙淚痕于岳至今成
鼎足湖山自古屬忠魂我來更有傷懷處黃檠何人拜墓門

錢忠介公葬黃山

再過錢司寇祠兼憶張司馬司馬被執南田各官餞於此祠

慈案甯波府志錢公名唐字惟明象

山人官刑部尚書洪武時諫廢孟子配享者

象山 姜炳璋 白巖

有明三百年之蓋忠司寇開其始司馬收其終有明三百年之學案司馬以苦節司寇
以苦諫憶昔司馬起行時衣冠再拜司寇祠合城官府望威儀里老至今能言之我曾
拜讀司馬集司寇遺文不存一作志幸有黃南山

南山簡要志載公坦腹事甚悉後爲楊誠之所刪遂致周

文穆之疑慈案坦腹即諫廢配享事也

墓碑恨少梨洲筆

梨洲有張司馬墓碑

吁嗟忠義聚吾鄉前有錢公後

有張白石山青甬水蒼

司寇號白石山人司馬號蒼水

黃魚正熟白蟹香我欲建祠祀二公土羹一

盂永蒸嘗

擬謝山先生甬上薤露詞

徐甲榮

好山色 張忠烈公煌言

一食千歲鹿遲以十九春大厦既不支殺身以成仁柴市當年日昏黑鳳皇今日好山
色山色蒼蒼染宿草翹首湖頭兩少保企前型歸南屏瀝丹誠問青冥

南田篇弔張忠烈公

山陳維垣 澹川

南田之田稱沃壤彭蠡諸峰氣滄泱境緣礪僻轉荒蕪地以紆回得宏敞尙書忠義頌
文山周粟不食殊殷頑永明殘局已灰燼復何恃此軍力孱當年逐鹿中原走露紒提
師下京口睢陽竟失賀蘭援玉璧難爲孝寬守蒼頭四潰如隼颺拒車弱臂悲螳螂麻
鞍千里血流肝止無陌路歸無鄉左右從者羅王楊誓死不去同踰險新興所轄無首
陽白雲何地供遊翔八排天壑通雌浪大小浮圖作屏障甌瓦東趨暗礁鈴佛頭西俛
諸峰讓千年老竹宅猿獐一握懸瓠絕依傍公來託足藟姓名簪冠荔帶清風清飽餐
薇蕨枕書臥犇濤落木猶疑兵三聲淚竭靈狻死縋壁姦奴入金齒未容嘯傲隱蘇門
竟綆銀鐺赴柴市駁犖林巒蜚霧包誰翻小海續離騷祇今合電門邊水猶似錢唐白
馬鑒

南田篇弔張忠烈公

象山歐景岱 仲真

南田界象南較象居大半沿革溯宋元回浦隸鄉貫泊自朱明興洲島撥叢亂遂禁民居山遷徙絕薪爨禾黍積莽榛巖嶮錯圩埤傑哉湯信公握籌有成算似識三百年富來義師竄吾郡蒼水公英毅等曹冠軍申京師陷憤起挽狂瀾瓜步初進師戈矛礪乃鍛蕪湖繼登城旗幟奮防扞執意延平藩督練殊怯倭同仇非腹心一挫輒背畔反俾單弱軍整旅作絳灌成敗既異形寤寐深扼腕霍山因奔走踵裂頭亦汗劇覺行路難行行抵鄉閭原非黃冠旋聊作遊汗漫滄洲暨缸井禁山名跋涉苦昏旦遂入甌瓦門窮棲謝羈絆奴養援一雙出入驚鳴喚託此無糧區版籍不能按孤忱效采薇餓作首陽看不知天戈揮翼翼下飛翰日出罔率俾河海詎清晏搜擣窮其區方等不庭輸六位共占空原早識爻象成仁古所難取義今已斷官爵不能縻刀鋸非所挽舉首好山色正氣肅嚴憚但瞻明社屋蘿比中谷嘆嗟嗟公雖死讀集尙薰盥回望洪濤中佛山卓天漢

南田篇弔張忠烈公

象山王蒔蘭 消山

結壤何顯僻所爭忠義居葦爾一丸島疣贅鄉南隅風濤礪危石榛莽盈暗衢遐哉抗

吾想張公會託軀明鼎際淪沒羣英咸義趨我郡更多士奮鏃爭前驅公亦蹤起憤
氣胸臆據魯藩始監國請纓扈行輿退則守崇沙進則摩蕪湖拈棊剖枰吟著著籌贏
輸得機便乘勢偶蹟還引辜心力縱云瘁山水敢思娛海島地偏僻何來結吾廬因人
非善策厦木難獨扶食言勢瓦解痛彼無術夫謂延平霍山逃險來身命幾見屠豈惜
藐躬狗後事將誰圖竟地得首陽不受興朝笈年惟永厯紀志有羅王孚觀時切興
瘼占課驚噬膚風波起不測故校心真狐隄運挽無術雉乃罹置罟遂令一片壤卽爲
致命途斧鑕任加彼山色殊悅吾就刃氣何壯許國心猶初是時暗天日慘淚乾衆徒
正氣藉扶立文山今不孤從義有雙猿猶應媿降奴今餘二百載事已滄桑徂公名滿
天壤童穉猶能呼呵茲懸壘境頽陽遮壤郭居人久絕跡誰爲芟荒蕪

南田篇弔張忠烈公

象山歐景辰 星北

諸藩盡離叛大厦難獨支自分化外身顛顛終采薇南田荒確區宅蜃蜃生瘴徧處同
汜療懸洲四無傍壯哉忠烈公樹節何嶙峋遙奉永厯朔再監定西軍雁石與鯢淵所
事兩不遂滇南一旅孤復聞遭岬潰

皇朝既定鼎，遍域搜亡逋。或乞旦暮生，覩顏投降書。否則抗大義，頸血濺屬鏤。公知事已償，散軍奔崎嶇。竟效魯仲連，長蹈南海隅。鉤時開石堂，牛盤坦沙磧。龍虎夾兩壘，於中結茅宅。朝作采薇吟，夕校冰槎詩。兩援耀管杪，和以商聲悲。眞宰下呵護，孽魑不敢闕。成則天之功，不濟豈臣事。亦既千鈞沈，難爲一髮繫。蒼頭夜縋壁，暗藤淒鵲鳩。竟受意外禽，反接爲囚俘。毅然赴臨安，刑脅志無奪。決皆看南屏，猶言好山色。載賦南田篇，南田今崔巍。蜚霧百八垧，精靈相往來。

南田篇弔張忠烈公

象山陳致新

天兵如龍不可角，且抱丹心潛犖确。恥遵新制改衣冠，抗命窮洋違奉朔。惟公夙受前朝恩，官雖未服科目存。天台泣拜魯王詔，帥五千旅馳八閩。十九年來百餘戰，凍雪彫髯沙陷面。羽書馳報滇南平，洒血林門投誓箭。東瀛懸壘兀以孤，蹊荒土瘠人烟無。兩沙紆港通一島，暗礁牙錯舟難踰。坦塘北豎森鵲鳩，馬童下瞰如懸壺。誅茅且學魯連蹈，有書可讀田可鉏。友者誰羅子木僕者誰楊冠玉，更有門生屠敬王。簪月松廳競歌哭，幅巾大布稱遺民。抵向空山尋結局，不警巢中雙守援。竟庖夢裏千年鹿，後來

錫謚褒殊忠白浦彤庵望並崇
鑒魚山色今無恙開遍愁花鄧
蜀紅

南田篇弔張忠烈公

象山鄧克旬 譜萃

碗碗碗碗大佛頭嶼溟濤拂寒雲浮四十六山山戲穀攬一百八塊呼鷓鴣未須薛荔
唱山鬼忠魂毅魄茲千秋當年勝著置棋局不資援應難虔劉大小壺盧扼要害南閩
綫水通咽喉上龍潭背耀芒戟下龍潭背排長矛燭飛燭發出新壘鷹瞵鸞視驚鳴騶
猿佻忿並疾馳騁左龍右虎相螭蟠矧伊鴨嘴大八丈靈援守隘丹其煩延平王亦萬
戶侯背盟左計無良謀臺灣一去不復返分營各竄車飛輜獨木支厦尙何補孤軍枵
腹誰傳餓風聲鶴唳結疑陣瞻望弗及中心愁沈陰凝沍霧滢浮一朝被執如楚囚竊
比蘇卿仗漢節十有九載潛蛟蚪褚淵之生不足齒采薇遺集長歌謳一寸丹心照懸
海求仁得仁何怨尤遙空獨立恣流覽蒼茫但見林與邱

題張忠烈公遺像

歸安王 淩 講泉

嗚呼忠烈求君丹穴鐵鎖燒絕金甌擊缺卷土志決回天力竭崕山世傑空餘碧血

錢唐高廷蘭

冬穎凌颺其節不屈崇蘭委灰其香不滅矯矯張公忠炳日月玆逢龍漢運當陽九天
步方艱義兵倡首張旆舉幟嘗膽枕戈率爾組練鞭爾鼃鼃奮然聞鼓遑知其佗頽陽
西邁乃欲挽之大廈方傾以一木支其愚難及功墜名垂舍生成義厥維在斯南屏之
麓祁連巍巍天馬雲掩明湖鏡開岳于精魄與爲往來 聖朝表微哲人藏像四明淑
靈百代瞻尙

張 萱

不朽有三太上貴德揜挂彝常爲民之則有明末造魯邸蒙塵南畿失守賴有孤臣三
十一城藉以恢復一十九年力支危局維公仗節凜然枕戈義旂直指遑顧其佗欲憑
赤手廓清函夏豈知一木難支大廈驚門振旅馬騁興師臣力旣竭以死繼之西子湖
光南屏山色維岳與于貞珉並勒盛朝褒卹炳烺乾坤衣冠故國碑碣新 恩非絲之
繡非金之鑄留貌丹青寶茲尺素

仁和孫世學文伯

天柱將傾一木何以撐地維將裂一絲何以結知不可爲而爲之秀夫文山公其師集

著冰樣詩草奇零丹心碧血歸葬南屏

錢唐 朱成穀

孤著圖殘局遺容儼若生
翁洲伸大義媽塋簡精兵
地已三吳略天難一手擎
南屏荒塚在高與岳于爭

治林則徐

聖代重褒忠諡典光泉壤耿耿心不磨
臨風每弔往憶昔明季時張公人共仰
卅城不日收中興如指掌一木竟難支
精忠委叢莽至今展遺容神姿何英爽
焚香一再拜靈風起虛幌

孫燮勳 鐵樓

紅日出海天宇清中涵搏雲跋浪之蛟鯨
長星十丈忽墜地天門鼓角如雷鳴我聞明
季有忠烈義旂矗舉鬼神泣三十一城不日收
狼烽飛亂羽書急天心不與九廟靈竟使孤軍作
雞肋英霍一潰大勢傾雨覆雲翻江月黑嗚呼秀夫
蹈海拚一死鳳山血染苔花紫西湖往往見漆燈
古來忠骨多埋此忠武岸北忠肅南鼎足三忠相對時
惜哉

簫鼓降靈旂不識眞容空仰止喧傳公像出甬江英英凜凜蒼水張畫工極意摹壯烈
忠憤滿腔摹不得惟餘嶺上萬枝松不改蒼蒼舊顏色

朱文翰

忠介集師迎魯王首先舉事蒼水張自天台還奉監國籌軍整旅殊威強翁洲之役廣
集議上虞山寨從平岡田雄張杰王爾祿招徠峻拒詞堂堂鄭招討軍勢最盛要約莫
肯相扶將孤軍獨出樹一幟滾江氣截長江長大義感人爭拜道船板張公姓氏香無
察天心判鼎革子子孤忠暗自傷黃湓偷渡次祁門長亭召募空徬徨成功死矣大事
去散軍懸壘走遐荒遙望南屏好山色于墳岳墓同褒揚

海鹽崔以學 蒼雨

閣部收明局東南又有公讀書思往昔瞻像拜英風魯國相終始唐藩竟合同延平如
聽筴半壁掌心中

獨與李

長朝

軍屯田不擾民師中無義餉海角有純臣荔子峰頭月結埼亭畔春朗

歌文謝句一體共成仁

公有疊山遲死
文山早之句

十九年心事何如蕉夢長蘇卿寤貶節信國豈歸鄉鍾阜悲龍虎臨安感鳳凰好山千里望如畫亦蒼涼

已定采薇志蕭然滄海湄警關仗猿子賣主恨雕兒用王貴事史筆石園闕碑文雙韭彌

騎箕今慰否正氣凜須眉

于 燾 梁門

曾向南屏拜墓門空山荒草夕陽昏餘生肯作黃冠想大地難消碧血痕海外冰槎歌

正氣墳前杜宇哭忠魂畫圖省識英雄面重爵尙書酒一樽

草沒銅駝玉殿寒孤臣猶是漢衣冠平生事業皇天在再造河山赤手難萬里滄波雙

鬢白十年烽火寸心丹鬚眉不改英靈氣擬向淩烟閣上看

董 沛 覺軒

留得忠臣像鬚眉萬古新地無奔鬲路天重報韓人賸水殘山局幾冠博帶身淩烟高

閣上肯與鄂襄鄰

謁忠烈墓卽以拜題遺像

無錫秦 瀛小峴

孤臣夜向翁洲泣要保殘明一點血淚痕滴海海已枯化爲精衛心不滅白楊何處弔
西冷雲車風馬來南屏荒墳月出山鬼叫荔支峰下楓林青

題張忠烈奇零草

鄧縣王 蕭梁門

漢祚終難復英雄劇可傷君臣悲草莽生死繫興亡風景河山恨乾坤戎馬場千秋留
正氣不獨是文章

書張忠烈公煌言采薇吟後

會稽張 邁哲夫

風雨厓山噩夢催運丁陽九總堪哀山中甲子隨春盡海上魚龍跋浪來辛苦不慚文
相節艱難休說武侯才長江不盡東流恨占得湖山土一坏而慈案公詩集曰奇零草
七月己被執矣詩數首耳茲張君詩題
曰采薇吟殆於奇零草未獲一見耶

明張忠烈公手書睢陽聞笛詩墨蹟

仁和 李紹城 淡畦

睢陽城下援兵絕城頭笛聲夜鳴咽軍中聞笛氣慷慨吟成五字皆沾血前明張公竄
海甸手提孤軍猶轉戰時危懷古更堪傷磨盾餘閒親筆硯嗚呼殺身成仁同一死千
載忠魂竟相似君不聞金陵馬阮工填詞白綾小冊寫烏絲家山慣唱無愁曲長笛雖

悲總不知

題張忠烈公石刻遺札

郭傳璞

光緒乙酉八月偶客西泠晤慈谿鄭君海曙以所刻張忠烈公冰槎集手蹟訂本見遺敬賦長律二十四韻奉報繕請點定

北極櫟槍互南都日月昏擎天摧一柱負海撤重藩命世丁衰運辱兵募宿屯六狂生
並起三佛地稱尊密布山爲寨分繚水作臺少康期反正靈武慟遄奔走檄傳江上全
軍覆浦潰不圖高克潰空有楮淵存獨溯中流楫潛棲戢瓦門俛俛新鼎革役役莽乾
坤賣主遭青犢尋仇到白猿株連甘舊幕簿對殉司閹敢幻黃冠想奚鳴赭服冤倡酬
娛請室餽問枉高軒赴義堅臣志成仁懷聖言九歌追汨澤三表抵平原幽壤于墳拱
穹碑岳墓邠易名邀曠典觸諱赦殊恩久歎冰槎軼常疑翠墨髡忽然披訂本直
欲廢兼殮書勢含飛動精誠鬱際蟠誰招蒼雪隱儘惜絳雲燭小影摹鸞筆哀辭酹鶴
魂多勞詒谷口寶貴百瑤琨

張忠烈遺硯詩 見潛齋詩集

定海曹偉皆載記

余於長安市得公道硯裂紋斜拆完好如初左有銘二十四字隸書旁蒼水二字正書謹作詩紀之

憶過甕天居讀公聞笛詩

同鄉范莪亭孝廉識有公聞笛詩扇

秋江寒月落慷慨憶恩宮井水已

渾雪交亭久欵惟公激豪帥海上猶連師溯江越金陵傳檄到彭蠡一旦失所援傾廈

無人支國步已云蹙臣節無可虧當時事戎旅何暇文字爲被逮繫錢塘揮濡幾忘疲

聊以寄素志非欲求人知要其獨到處神采紛騰飛布囊富篇什一炬稀留遺公在錢

有求詩者大吏不禁稿貯布囊中爲獄吏所焚同鄉記宗法前輩拾其餘燼鈕玉樵觚賸錄五首

後輩得遺迹一字猶鐘磬詎意

一片石流傳天之涯舊紋逾拆裂磊落存銘詞購求竟入手如接公光儀慚余愚且賤

何足付畀之顧惟景仰心忠魂或憑依遂令扇與硯均爲同里私珍藏返句甬壁合交

光輝

張忠烈遺硯歌

時避地舟山西垣屬作歌

上元劉雲倣實函

吁嗟乎倒傾海水濡長毫難寫義士心勞忉編摩嗟石揮墨汁難爲孤臣罄歌泣有明
忠烈蒼水公間關來往滄溟中百折不回冀恢復是何氣概真英雄千秋姓氏傳潢海
一硯猶存甬水東吁嗟乎萬里河山都破裂多文士徒銷滅無功筆硯直須焚百戰
磨能挺奇節提師憶昔抵蕪城號召大義騰先聲傳檄幸能通郡縣貽書不克挽延平

石頭鐵甕倉皇走英霍途窮空欲行痛心家國無收拾惟將一硯託平生讀公采薇吟一片忠貞鐵石心讀公北征錄載磨載勵何堅確讀公冰槎集淚痕隨筆淋漓溼讀公絕命詞不磨血性死何辭締結石交非一日竟與成仁萬事畢毅魄長留天地間歷劫不渝剛正質王君奇士非好奇讀書論世擴襟期感公忠義寶公硯珍藏重若鼎與彝我來海外探奇跡獲觀公硯爲深惜不是尋常滑澤光墨漬爛斑凝血碧難與燕然並勒勛數行古篆銘心赤吁嗟乎赤心與石結精誠百計深圖事未成古來大節文山並此硯何殊玉帶生

張忠烈公遺硯歌

楊泰亨

硯戩定海王西垣明經榮沐家余於咸豐辛酉八月朔見之長八寸有奇高厚稱是西垣屬余作歌

蟾蜍一滴蛟蛇掣誰其用者張忠烈哀哉故國無片土茲硯不與山河裂崎嶇馬角十九年中原虛喝張空拳側身天地成孤注采薇吟罷墨漬鮮公心如石不可變半壁南朝廷一綫補天無力起媧皇落落銘詞鑿石硯讀銘二十有四字字字如銘公素志忠肝鐵石夙研磨海上孤軍公舉義小臣拚爲高皇死瓦全不得玉碎耳視硯爲海筆束

雲血戰龍腥上激水三十一城旦夕復鸛鶴往歌來即哭蠟丸問道失師期鎖鑰金焦
坐棄速師行不戒羊山濤何物石君能遁逃壁友並聯羅子木摩挲盾墨天爲高徵兵
一紙淚眼枯偷安鄭經總非夫勾勾海水梵音亂羅舟未返公已俘山色好向南屏望
青花未殉孤臣葬故老猶談劫燼灰世軸掀翻硯無恙吳山物色萬九沙海內典型文
獻家多善陶法奉以走夢隨飄瓦落天涯三甕老人亦好事得之陝右如彝器攜歸海
嶠經兵燹瓦礫斜陽秋草地王郎博古翰墨藪購求公硯窮不醜我來海外訪成連翁
洲風雨驚龍吼自昔石交零落存雪交老梅爲公壽南田不死死西湖湖海不枯石不
朽吁嗟乎玉帶生卜卦硯文山疊山竟不面公之忠魂石一片

張忠烈公遺硯歌

王元圻 芹香

王郎寶硯踰珪璧重爲殘明忠烈惜忠烈苦將敗局爭補天無功遺片石衮尺有咫廣
如之二十四字隸劖磨劫不渝銘勒在明明爲表堅貞姿昔公誓師赴海縣移檄長
江幾鏖戰陣雲翻墨天水昏氣振軍聲晴曜電無何陽九厄運遭一十九戰心徒勞慨
從被逮甘就義詞成絕命猶引毫殉身友僕惟恐後轉恨不予一攜手南屏悵別俠右

奔滿目風塵衆增醜九沙三襲賞鑒精後先歡結文字盟物色今從楊太史招邀昌國
歸四明人言神呵護我道忠魂附碧血爛斑繡石花二百年來質如故吁嗟乎志雖未
遂名不涇錢唐義合柴市仁玉帶生應笑相慰吾曹亦復同千春

題張忠烈公遺硯

王迪中 硯雲

硯藏年伯楊理亭太史家長八寸有奇裂紋斜拆左有銘云投鼠支
牀幾經磨剝堅貞不渝何嫌破裂佐我揮濡長此斯夕計隸字二十
四旁題正書
若水二字

山河破裂石猶靈想見揮濡照汗青片念同堅天日皦一軍傳檄海風腥負隅自盡孤
臣力入地難寬勝國刑可惜當時好山色不曾蘸墨向南屏

題雙忠書畫冊

一倪文貞公畫蘭石圖一張
忠烈公自書江上聞笛詩

厲志

靈武靖康不可爲大江日落寒濤堆攀髯膠龍追帝馭出郭望山還賦詩二公心迹揭
日月遺墨暗慘生塵埃媧皇束手已莫補睢陽在圍空自哀姚江董江水縈廻江頭蜀
魄啼陰霾柳梢雙停無人哭南嶺冬青花又開

倪文貞張忠烈兩公書畫卷爲范丈莪亭 永祺題

邵志純

南都事尙可爲倪尙書語史冊垂南都事不可爲張尙書起荒江陲兩尙書先後死名節兼通書畫旨倪公畫蘭破陳格不著繁華著孤石張公手書聞笛詩詩中字字精光射嗚呼兩公書畫餘事耳長卷裝成誇合美姓氏由來重天壤後人寶貴良有以盡日空齋把卷看回首春燈與燕子

題明倪文貞公蘭石畫簾張忠烈公江上聞笛詩牋合卷爲葉琴樓作 尹元燁
鼎湖龍去頽陽滅滄海橫流大地裂誰歟慷慨誓捐軀前有文貞後忠烈兩公勁節世罕有一死長安一浙右只今遺墨留人間尙覺英光射牛斗祝融回祿不敢篡輾轉今落琴樓手琴樓嗜古好弄藏閒來示我千縑緗況復忠魂墨氣所凝聚尺素烈烈含秋霜我觀倪公畫巉巖一卷峙疾風勁草知勿渝石可朽爛心不死我讀張公詩江聲笛鳴咽舵樓焚香發長嘯老魚出聽潛蚌泣珠聯璧合聚光怪倏忽風雷起暗噫君不見衣雲閣下竹蕭蕭落日翁洲響暮潮萬事回頭如轉燭百年劫火已全銷此卷流傳至今獨不滅以手摩挲三歎息請君珍重慎勿褻此中恐有千載未化蓑宏血

題倪文貞元璐蘭石便面張忠烈煌言自書江上聞笛詩合裝冊子贈琴樓光祿

王 燾

琴樓手持畫卷長百尺呼我焚香拜毅魄摩挲雙眼翦燭看滿幅淋漓血痕碧知是忠烈之詩文貞之石殘牋牘墨落人間惆悵江山分半壁蘭葉森森不著花清風江上聞孤笛英雄豈屑事雕蟲聊借霜毫寫胸臆憶昔龍飛鼎湖水黃狐跳梁逐封豕杜鵑啼老海棠秋銅狄銅駝相對愁孝陵白日高皇哭竄武雄關亂飛鏃姜瓖唐通降表來大同宣府城門開題詩抱石淚如霰綱常羞殺卑田院藍袍跣足出宮門相隨只有王承恩天留倪公作男子赤子攀髯髮上指破碎山河奉魯王南都更有張蒼水十九人中鳴噉噉力挽天河回大造朗讀文山正氣歌丹心嘔出奇零草霜清月白城如斗鐵騎依然向南走五色文章鍊不成空費媧皇補天手血戰歸來白袍紫報國無成天意耳天意不諒人孤臣投繯死談笑謝羅生從容赴柴市海枯石爛孤竹裂一片精誠留素紙石勢崢嶸軒欲舉詩情激烈聲淒楚天半陰風捲雨過啾啾似聽忠魂語此卷舊藏石湖家氏卷係范舊物文綾玉岫籤紅牙名公鉅卿爭題跋陸離文采披雲霞光燄上燭祝

融怒號召喧呼紛攫捕萬卷灰飛獨無恙定知遺蹟神靈護琴樓琴樓君家翰墨高充
屋六朝金粉牛腰束千秋浩氣在乾坤莫共尋常書畫讀

題甬上范氏所藏雙忠卷卷爲倪文貞公蘭石畫張忠烈公江上聞笛詩墨蹟各

一紙調寄百字令

孫德祖

浙東人物染前朝碧血儘多同調殘局崖山全局汴殉國何論遲早玉碎蘭焚江淒笛

怨合寫孤臣照海雲如墨幾人到此憑弔還記旭始堂前擘窠文錦渴筆題鴻寶

文貞爲先

院判公題旭始堂額
辛酉已前尙無恙

那更湘纍描恨譜印向奇零殘葉紅藕湖秋白蓮塞夕綠遍孤

墳草憑誰呵護劫餘此卷完好

范莪亭孝廉得二扇面一爲倪元璐畫石一爲張煌言自書江上聞笛詩合裝成

卷索題散書於後

趙翼

巡遠睢陽哀張陸厓門厄皆因同死事連傳在史策此卷兩忠臣先後廿年隔一擘鼎
湖龍一銜精衛石死固非豫訂生并或未識手筆乃各傳無端作合璧四明范莪亭夙
有嗜古癖書畫廣購藏兩篋快新獲歎其義烈同聯之幅盈尺我閱倪公畫片石寫寒

瘠想見骨力堅卓立千仞壁我讀張公詩聞笛秋江夕和以激楚音直迸烟竹裂二公
染翰時豈意共素冊遺墨一朝聚相映光愈赫遂覺橫卷中淋漓滿紙熱石無巨鼉戴
笛有老蛟泣當年滄桑痛耿耿尙如結兩氣化一虹雙血凝一碧自非搜剔勤曷萃此
名蹟殉節前賢事表忠後人責縑素垂千秋應可慰毅魄

文

張督師畫像記

全祖望

吾鄉傳張督師畫像者頗多其遺集卷首亦有之而神氣骨相各不同先伯母自黃巖歸予以叩之則曰無一肖者嘗聞先公於甲辰錢塘獄中曾寫一像常有存者汝曷訪之予乃貽書訪之萬九沙先輩而九沙曰有之因摹寄焉先伯母曰是已予遂取姚江黃先生之志楊徵士遴之記及吳農祥傳讀於旁先伯母曰惟吳傳舛戾無可信者然吾所記軼事雖毫忘十九尙有足以補黃楊之闕汝其識之先公生平不執宿見畫江之役閩中以詔書至張公國維熊公汝霖謂不宜開讀以阻軍氣朱公大典錢公肅樂恐啟爭端相持未下當時庶僚疏論此事者李侍郎長祥與先公右張而楊侍文瓚右朱先公卽出竭力排楊由是相爲水火及議遣大臣入閩先公方以翰林兼行人請得輔行以折閩人之詰難已而楊之兄弟娣姒一門死義先公在海上貽書汝諸祖以爲媿良友今其牘尙有存也舟山之陷也張名振初聞大兵三道並出自以習熟形勢謂蛟關天險不可旦夕下乃悉其銳師奉王揚聲趨松江以牽舟山之勢是時先公亦

爲所拉同在行間不料蕩吳失守以火攻死一夕昏霧 大兵畢渡名振已抵上海聞變遽還則不及矣謂其輕出則可謂其奉王以逃則誤也是時名振老母愛弟妻子俱在城中卒以一門殉使其逃則何不盡室而行乎甲午名振邀先公入長江誠意伯劉孔昭亦同行或言孔昭先朝巨奸豈可與共事先公曰孔昭之亂南都擢髮不足罄其罪然當趙之龍輩迎降恐後獨全軍出海則尙有可錄者今託同仇之義以來疾之已甚恐其爲馬士英之續也聞者矐焉乙未名振病卒遣令以部卒來屬先公麾下始盛鄭氏遣人來通好先公言監國乾侯之辱鄭氏修唐藩頒詔之隙也然鄭氏不肯負唐吾又豈敢負魯故雖與鄭氏合從而終爲魯鄭氏亦諒先公之誠也以公誼相重焉是時鄖陽山寨有所謂十三家軍者滇事之急先公嘗遣吳職方祖錫往說之令出兵撓楚以救滇而不克壬寅而後先公貽書汝諸祖以事不可爲欲散其軍然日復一日以王在也直至甲辰王薨而後決計入山故采薇之吟自此而始先公有從弟從軍海上入山以後不知所終聞有冒其名至錢唐者爲諸遺民所詰而去先伯母之所傳如此是時年八十矣牙齒俱脫懸畫像於房喃喃然且泣且語每語又於邑聞者皆泣下而

督師之鬚眉亦浮動紙上平時年十八據觚而聽聽已卽記之然其文章草未就也未幾先伯母返黃巖踰年而卒雍正己酉始重爲詮次而記之畫像之首歐公記王彥章畫像多正舊五代史之謬者予文雖劣亦不爲無補也

與趙谷林辨嘯臺集中紀蒼水事迹書

全祖望

吳農祥嘯臺集其文散漫冗長固不足言而所紀明季事尤失實如謂劉閣部中藻與李尙書向中揮戈海上瞿臨桂死黔中陳大樽之殉節隆武贈官

大樽死於丁亥章隆武亡於丙戌

格菴爲閣部

章官少宰

信口妄言欺世人之不知愚不能屈指數也請但以張侍郎一傳

言之其曰監國賜公進士出身授兵曹按公釋褐官檢討掌制誥事兼行人使閩非部耶也其曰改兵科監張名振軍出松江颶風覆舟六日錢唐失守扈監國出舟山依名振名振死公領其衆舟山破扈監國至廈門按公由檢討擢僉都非兵科錢唐破監國至舟山黃斌卿拒不納監國入閩至長垣而公始監名振軍出松江斌卿敗監國始入舟山舟山破名振尙未死農祥所言無一不錯其曰是時隆武亡鄭成功聞監國至而喜來受約束迎公廈門按監國再由舟山入閩成功起兵已六年謂隆武至是始亡異

矣成功以隆武與監國不相能始終不奉監國謂受約束異矣公與成功雖往還而未嘗合軍謂迎入廈門異矣其曰己亥之役琉球日本師皆會按周鶴芝嘗使日本乞師不得阮美又嘗乞師俱在舟山未破之先成功未嘗乞師也其時成功全軍而出公以所部別爲一營無外番之師也其曰河北圻南響應輦下議遷都以避則野人之言矣公師欲下九江以取楚聲息何能達近輔襲曹魏畏關公之語不知 本朝德威之盛也其曰公之散軍脫歸九死一生惜無記錄之者然則農祥并公北征錄亦未見而妄爲公傳無惑乎其妄言也至謂公屯田林門島中被執則不知公被執時已散兵謂公子死白下則不知其在京口總之無一語足據者郢書燕說混淆信史吾不知其何意也農祥自負博物近則方文輞杭大宗皆力推之不知其言無足采也

張忠烈公遺像徵詩啟

徐 淳

乾隆四十有一年我 高宗純皇帝追謚明臣蒼水張公曰忠烈易名異代猶炳丹青補傳勝朝長留氣概廿載之孤忠斯慰千秋之曠典恭膺以視敕季布之誅崇余闕之祀者不尤幸歟何其盛也公有遺像藏自先人什襲以珍六丁斯護鬚眉勁挺骨格清

瀟寫警欬而如生覺憔悴其可憫惟公慷慨尙義跡弛不羈一騎若飛三發皆貫當鄉
薦之伊始卽國步之方艱濤翻炭海日隕煤山魚羊食人龍蛇厄運烈帝遐升北闕赧
王失守南畿乃有遺臣圖存故國爭迎魯邸新唱錢來稽山之甲楯五千江岸之軍屯
十七公招兵媽鑿扈主翁洲流離鰲島之間屯練鷺門之下諸將已皆挫衄鄭氏且有
嘗嫌爲唐爲魯既各奉其君若張若黃更交構其隙公獨周旋悍帥之府籠絡義旅之
心潛入吳淞頻居台越合清河之衆出沃海之師遂掠丹陽進窺白下遙瞻石闕望祭
孝陵乞九廟之威靈誓三軍而慟哭顧乃上游失信左次空還旋統名振之軍再結成
功之約山羊啖而銅脰碎江龍斷而鐵鎖開礮火灼夫舵樓雪浪濺其纛帳秣陵烽急
瓜步雷轟鄭自京口而南趨公自蕪湖而東徇時則艘未盈百兵不滿千連下三十一
城祇及旬有五日神機捷於風雨黎獻慰其雲霓幾幾乎大義同伸中興可冀矣不謂
成功敗北變計東歸遽撤鎮江之舟圖霸臺陽之島公以孤軍獨留重地遂潰師於英
霍爰遁迹於宕巖還駐天台仍集故部惠溥陂塘之利恩結隴畝之歡有茲一旅一成
終欲十盪十決旣乃親王弗祿率土皆平清涼夏社祇有巢人斬絕姬宗寂無宣靖天

柱難擎於一木地維詎繫乎單絲公即解散部曲棲遁巖阿參軍侍史猶從從叔家人
早逮仙鹿隨夢神而逝靈猿引邏卒而來桐棺之餘米未餐竹簾之遺編若燕西市就
鳳山之麓南屏崇馬鬣之封蓋從公之命欲與岳于而爲隣而論公之忠則較文謝而
尤苦也恭際不諱之朝每興追慕之感尙書集在笑貌猶新遺挂圖存清高可仰所冀
學林咸鳳韻府文獅惠以瑤華泐之石墨搜軼聞於浙水傳寶繪於甬江益增松柏之
榮抑亦扮檢之幸也道光甲午夏鄞後學徐某敬啟

張忠烈公像贊 并序

吳德璇

勝國之季鄞張忠烈公事魯王以一身膺重任歷艱危者十有九年卒之從容就義忠
蹟彪炳史乘黃黎洲徵君旣誌公之葬其後全謝山太史復撰公神道碑銘益詳哉其
言之矣徐君泗亭夙秉懿德之好尤切桑梓之慕以公遺像徵題敬爲贊曰

烈烈張公遭時之艱有赫帝命曷知其遷大厦之傾許身一木孰與爲旁疇員於輻豈
曰失圖險不可踰日之暮矣云何其吁臨危致身旣鞠旣瘁困上滅頂志亦云遂廬仁
翼義終焉處休舍生獲所抑又何求仰瞻光儀式欽遺則頌聲洋洋垂之無極

題張忠烈公遺像

童槐

前六十年吾宗老以六月九日會同人城北祀蒼水公歸語客曰往年但剪紙爲神主
今遇有人出公獄中像瞻拜幸甚因具道公狀貌客色駭連詰像藏誰氏蓋一發難將
立禍者宗老笑斥之喻以朝廷曠典方專諡公曰忠烈矣乃逡巡避去既而有書備
受富人雇爲繕公奇零草並代覓工繪像卷首者忽相約獻之官欲以違悖制富人良
久方解是時錫諡蓋已十載餘猶尙如此及嘉慶戊午余在武林以寒食拜公墓側
丙辰詔與孝廉方正之徵士余浙十一人咸在或議樹碑以彰褒諡且欲購公像上
石萬近蓬先生補其祖父故謀葬公者私謂余曰當時之人度朝廷視公爲擾攘草
澤故從而詬病莫敢贊公一詞豈知聖度如天披發白日若此哉余因對華表占句
云神化留丹青人情枉翻覆蒼蒼南屏山見公眞面目此數事常往來余胸中不能釋
者今徐孝廉忠代其宗人屬題此卷余思公事詳南雷鮚埼兩集鴻筆之人自必能藉
以發藻抑天褒震輝萬古奚更需揚扞爲獨數十年來國恩所被收藏家得無意
外之虞以至於今是其可深幸而更宜慎守之者觀縷書此誌幸也道光己亥十月童

某敬識

錢唐趙之琛次聞

忠烈張公大名垂於宇宙史冊昭昭奕禩無不景仰曩在吾杭何丈春渚家見有小傳一本係陳句山太僕所作載公生平行事甚悉余甚愛之惜以價重未得購求余家亦舊藏有公手書尺牘及詩藁裝潢成冊寶若連城暇日燕鷗鵠斑偶一展玩令人欽仰不已今林君雲樓從甬上歸來出示公像云是徐氏泗亭所藏鬚眉蒼古忠義之氣湧於眉端何時得三者合成一冊卽南面王不易也道光丙申二月十九日觀於補羅迦室并識數語以質雲樓并質之泗亭

句吳錢

泳

時年八十有七

余自乾隆四十一年以後卽往來杭州每至湖上必謁表忠觀及岳鄂王于忠肅張忠烈諸公墓下仰瞻松柏俯視几筵輒令人慷慨悲歌而不能自己也偶見甬東徐君泗亭所藏忠烈蒼水公畫像而又屬西梅顧君縮臨小卷卽以刻石適余將回吳門不及賦詩作讚於後聊書數語以志泗亭博雅嗜古表揚前哲之義云

翁洲厲志

往從諸君子與祭於佑聖觀瞻公遺像烏帽緋袍面長一尺眉高於目寸有二分額與耳齊鼻中懸如柱鬚五出索索如有鋒目平視而微低黯然若有憂色夫公與寇遠而侯奉魯王出翁洲定遠死而兵屬公十九年任大責重公之有憂色也固宜至其道服乘輿來武林正命之日猶歎賞南屏山色之佳則可知公之知不可爲而爲之者特以求遂其志而已矣此小像甬上徐君泗亭家藏謂是其先世留遺當時繪於獄中者公獄中所爲詩文讀之悠然怡然如在江湖不覺其爲縲紲中人今觀其標石兀坐悠然怡然又可想見公在獄中作詩文時意像信在江湖非縲紲中人也以此爲獄中所繪或可信歟

胡敬

甬上徐氏寶藏蒼水張公像云已三世今從馮君秋田郵示索余跋語夫公之爲人誠千古所景仰而徐氏又遍徵題詠使忠義之氣不致泯沒於天壤其志誠可嘉也天下忠義男子孰不當鑄金事之丙申四月題

陳勵

行

吾堇城北徐氏舊藏張忠烈公遺像已歷三世復倩顧君西梅摹爲橫卷廣徵題詠
尊君師特著乾隆嘉慶間近事爲收藏家幸時爲道光己亥越咸豐辛酉粵賊寇郡此
卷輾轉流落明年寇退有攜此求售者純舫童君素欽張公忠義大節且以先人手澤
所在出重價購之屬題數語使展卷者知流傳之緒焉

上童君二字
原作五世兄

任邱邊葆誠

明季死事諸臣如張忠烈公及瞿留守被執不屈從容就義迹略相類然留守時永歷
尙在据粵西地猶冀可以有爲公則監國已亡故地已失蒙犯險難獨以其身著人臣
之義而持明運之終此固論人者所深惜而千古所同悲矣公會駐兵林門置其被執
稱在懸壘同治乙丑秋海寇竊踞南田官軍往勦余身在行間訪公遺迹偏歷南田一
百八舉無所謂懸壘者惟樊畧一島峻拔雄奇据全山之勝意公結茅當在於此樊畧
懸音相近載記所傳或語訛耳余嘗議於樊畧林門兩地爲公建祠公弟嘉言子萬祺
及從難之羅子木楊冠玉均得埒祀因地屬禁山不果迨南田得請弛禁而余亦旋去

官矣歲戊寅余將移官江蘇同年童純舫農部出公小像屬題薰沐展卷肅然起敬公之書法鄧故家尙有存者倘異日建祠南田即以此像及公墨蹟上石俾垂久遠庶公之靈爽可遇諸層巖疊障間乎

楊泰亨

光緒庚辰九月七日爲張忠烈公康熙甲辰正命之日童純舫農部集同人於舊第中像設而祭泰亨與焉因得瞻禮是卷急請歸屬工別摹一幀以爲瓣香之奉公之事蹟具在史冊正氣彌綸於兩間非唯浙東人士所得私其欽瞻泰亨爲公鄉人同治甲戌歙郡人醵貲祠祀公於會垣衆安橋宋岳鄂王廟右以公獄中詩遺蹟上石寅諸祠壁且營享堂於南屏山墓所至丙子春次第落成泰亨得襄其役嚮往之私竊用自慰曩者多方購致得公墨蹟巨幅一屏幅八比又得公遺硯一方於翁洲王氏篆二十四字則公手製銘也忠肝義膽一展觀而如或遇之謹什襲以爲家寶附志於此以諗後之景慕我公者

南屏社簿序

童揆尊

同治壬戌郡城初復王英甫舍人茂煥於營卒處得一卷示余乃忠烈張蒼水公遺像也余出重值購之昨歲七月章蕓卿舍人鑒攜一立幀來係慈水鄭簡香勳所藏余又購之見狀貌清癯兀坐石上面帶憂色與前卷逼肖余既珍藏前卷將此幀重付裝池糾合同志立一祀會以輪承之祀以公之誕辰六月九日又以成仁之期爲九月七日也夫公之生卒爲吾鄉所鼎重及期設祭自雙韭全氏倡始於前踵之者已不乏人何必贅余曰是舉也專以輪藏遺像而設也昔閩百詩求王厚齋先生遺容三使至鄞循搜不得遂以吾郡故老不解留心掌故爲誚其實係搜之者之不力也然亦由藏之者之不廣也今設斯舉其可免外人竊笑也夫厲君慕韓學潮曰所謂像卷者得非先君定海縣谷先生志有題誌決爲獄中之容據坐爲肺石也乎余曰然此幀蓋即摹於此卷者冠履衣飾曾不少改余先君亦題於卷端述乾隆初欲以像嫁禍事甚悉並及已所口占蒼蒼南屏山見公眞面目之句蓋以公從容就義歎美南屏山色之佳於此乃足見公之眞也夫南屏之蒼面目之眞千秋萬世在人之心何事像設爲然有是像設而益存眞面目於千秋萬世之人心則斯像顧不重哉故名其社曰南屏若夫吾郡城南

旌忠廟之石刻則形而不神矣願我同志永傳是會以永保是像於勿失與南屏永焉也

雙忠硯室記

孫德祖

物聚於所好珠玉錦繡服玩之屬之可以財力致者不與焉其在圖書金石彝器古人靈爽之所憑固將呵護於冥漠而出之於歷劫之風霜水火待其人而傳之世有專所好者神與迎訢斯合矣狄夫植兩間之正氣扶千古之大節而片石磨其碧血貞珉勒其忠肝有若雙忠硯者由勝國已來閱二百餘年而聚之於慈谿楊太史秦亨之室非偶然也太史勵學好古尙友彙哲鄉先正之以忠節傳者尤珍其手蹟寶若球琳嘗以衆金購得鄞張忠烈公草書巨幅什襲藏之洎光緒己卯而獲忠烈遺硯於定海王氏硯之脩可四寸廣有其三之一裂紋斜上勒銘其左公手筆也有曰堅貞不渝何嫌破裂蓋奇零屬草石亦慘傷固已金甌俱缺矣萬九沙得之吳山書肆不知何年流轉入陝嘉慶朝定海曹偉官於其地物色以歸英吉利之燹淪棄荆礫王榮沐收之而歸於太史明年而趙戶部家薰獲上虞倪文貞公之硯硯之銘凡十二言亦文貞所自製

兼勒小像於其背須眉疏逸縈拂豪芒拭背方畫僅乃可察然而淳淵崎嶇英氣儼然
洵瓊寶也中間收藏者凡幾姓亡所於攷意其再更夷粵之變不玉碎者幾希乃完而
屬之戶部太史以爲得是而忠烈之硯不孤也從而求之戶部亦無所靳從而歸之乃
合二硯匱以文檀弢以蕃錦潔精舍而並弄之謂其室曰雙忠硯室又明年以示會稽
孫德祖爲之記德祖文貞郡人先人院判府君文貞執友也文貞嘗爲先院判顏其堂
曰旭始而以百年燕翼承前哲萬卷貽謀敗後人題其楹楮寇之難敵廬燼焉寶墨劫
灰蓋精氣猶懸於心目而鄣范氏所藏文貞蘭石畫簷忠烈江上聞笛詩草合之以爲
雙忠卷者德祖嘗填詞於其尾及覩斯硯有以瞻先正之遺容想見我祖之與共晨夕
而以文字相贈貽也可不謂厚幸哉慨夫有明甲申之事攀胡髯而上升者吾越施忠
介周文節諸公光照汗青而文貞實爲稱首渡江而後則明州忠義肩比踵接至忠烈
就逮於懸壘而後朱家殘局死灰不然太虛浩氣畢萃於浙東矣二公者居之相去百
有餘里文貞之以大司馬筦中樞也忠烈方罷公車居於鄉其生平殆未有一日之欸
曲何況正命之日中更三紀乃雙忠之卷既合之范氏而雙忠之硯復聚之於太史之

室竊謂谿上界乎明越之間東望赤董不隔雲烟西瞻稽陰僅限帶水將使江山故宅
魄猶存 手澤所經精神斯屬茲二硯者勿亦二公之靈實式憑之而聚而傳之於太
史之專所好尋常財力之所能致者固不可同日而語也抑亦有以見太史之嗜好殊
俗而聚之之洵非偶然焉

張忠烈遺硯跋

萬經授一

讀銘詞見公忠烈之氣隨在流露經於吳山書肆得之裂文斜拆完好如初手澤所存
默有呵護者矣雍正甲寅九沙萬某敬識

王榮沐

忠烈公遺硯經萬氏之後不知流傳幾姓嘉慶間吾邑曹澹齋先生偉皆自號三甕老
人爲陝右貳尹得之如獲拱璧徧告同鄉徵詩紀幸道光庚子三甕後嗣攜歸故里會
遭兵燹復遺棄於瓦礫間沐百計購得之每於明窗淨几焚香端坐摩挲舊物雖誦銘
詞并朗詠采薇吟奇零草北征錄數過精神激越如聞聲歎之聲而公之正氣乃長留
於宇宙間矣勿僅作文房寶玩也咸豐十一年辛酉八月四日定海西垣王某某敬識

慈按此硯於光緒已卯秋歸慈南經畚塹楊氏以百金質之云

前明張蒼水尙書題言破硯題詞

臨海宗世榮

蒼水自銘曰投鼠支牀幾磨琢堅貞不渝何嫌破裂佐我揮濡長此
所夕八分書款蒼水二字昌國曹少府偉皆得之陝右市肆中索題此

天枯海竭曾訂石交投鼠支牀猶留墨繡摩挲太息亂縷長言夫以尙書志切移山技
窮返日礪崖已覆憐塊肉之僅存種蠹并殲矢裏尸以報國當夫烏沈匱壑奮當車
招揭竿斬木之徒支牀水殘山之局蠟丸封去烽火倏達於金陵羽檄草來樓船尙環
於幕府惟此硯供其揮灑鑒厥忠誠助墨海之波濤走筆鋒之精銳嗚呼何其壯也洎
乎長城竟圯大廈全傾崎嶇疊疊之鄉破碎山河之痛牘芙蓉之一片浪說補天弔蘿
蘿於三生幾時填海歌成正氣鳳咮爲之銜悲賦就懷沙雒眼爲之滴淚旣而林猿不
叫檻虎就擒後至終戮夫防風先鳴難贊夫郭最攀龍髯而有路甘作周頑騎箕尾以
長征仍持漢節而此硯未淪海底尙存人間氣欲貫夫白虹名直齊夫玉帶休嫌破裂
試招屈子之魂怪底爛斑定染萑宏之血三百年蟲沙劫換石不能言廿四字鴻爪痕
留銘還可讀

此篇見礪山駢體文鈔

題張忠烈公石刻遺札

會稽孫德祖彥清

德祖自束髮習史事竊聞之先大夫謂宋之亡也以嗟山明之亡也以懸轡兩張公者一息尙存雖天命有歸而兩朝統系猶未絕也由是始知有鄧張忠烈公歲己巳與修鄧志於范氏獲見雙忠卷其一爲忠烈公江上聞笛詩爲題百字令一闋今來與修慈谿志於楊氏雙忠硯室獲見忠烈遺硯又爲之作記則皆與吾越倪文貞公爲合璧蓋自聞庭誥於今餘三十年再克遂其嚮往之私矣今年冬志事告竣且別去鄭君海曙以冰槎集見遺則楊氏所刻海東逸史忠烈傳附注七律五首及江上聞笛一律皆在焉蓋忠烈就逮後獄中手書亦范氏所藏海曙購以兼金不可得因假以摹勒上石者也忠烈正命武林墓在湖上宜有祠粵難後建造墓祠又修復岳鄂王廟當事者議以廟壙隙地助爲忠烈祠海曙力任興築祠成而此石刻適斷手遂奉以嵌之祠壁祠之建海曙旣出資爲倡其工力皆出自四明吾聞江上之役明州忠義爲多宜其風烈所傳至今多好義之士不惟敬恭桑梓私於其鄉先正也海曙名寅慈谿半浦人其族祖秦川先生漆亦明室遺老行蹟類天水所南翁舊志有傳今志德祖所修訂也

張蒼水先生墨蹟跋

錢維喬

右張蒼水先生遺翰前後無款惟首署元箸印一先生諱煌言字元箸國朝康熙間追諡忠烈此藁乃先生手謄雖改竄塗抹字字皆有規矩不失常度實爲奇蹟洵足寶諸盥讀之下令人肅然起敬想見孤忠大義盎然溢於天地間矣至其時事詳載誌乘茲不復贅我亭范君出以示予因識數語乾隆四十八年歲在癸卯九月望日毘陵錢維喬跋於四明官舍

跋張忠烈公墨迹

王家振

張忠烈公墨蹟藏鄞范氏光緒初元鄭君海曙借摹上石揭諸忠烈祠壁爲文一詩四十三詩餘七所謂被執在獄中遺稿也忠烈所著奇零艸采薇吟詩也冰槎集北征錄文也其書未付削氏傳鈔之本遍于鄉國此冊乃公手書流逸之中時露勁氣間有塗乙點竄處核以諸本齟齬尙多莫知適從予謂奇零艸冰槎集宜錄其長者若采薇吟則當以此冊爲定本以出公手書故也忠烈生平世以方文信國其忠義氣節真不相

下即詩若文亦文山之亞以此知匹夫雄民能激一時之義至夫睿容計畫百折不回非知道而能文章者不足與於斯也今夏四月邂逅鄭君於邑西善堂予與棠齋詢以此冊鄭君見遣一帖遂跋數言於後

再跋張忠烈公墨迹

王家振

壬辰午日日下遷會虞君印軒棹西津詣周氏觀藏卷周君瑞卿出示蒼水先生遺墨凡二十頁予取教忠孝堂石本讎之多七律一首題爲感懷步扇頭韻遍檢全集無有也其紙幅寬於石本者寸字亦較大明窗展玩光彩奕奕逼人視石本索然矣大抵雙鉤雖極精工恆形不副神況未必工乎詩中塗乙改竄間有不同莫辨爲初定本其非贋本則斷斷無惑也未附乾隆癸卯前郵令毘陵錢維喬跋語謂范君戩亭出以示予石本則錄范君自跋兩冊似不相謀先生當日稱情落筆其遺翰或尙不止於此而范君先後獲此雙璧而其子孫不能世守物以好聚聚無不散良用惋歎感懷詩曰誰復高樓醉月筵到來天半落青霞葡萄宛馬風塵暗蘆荻驚鴻雪影斜山寺磬中吟桂子江城笛裡賦梅花可憐燕趙多游俠不及投金一浣紗似亦羈囚中作異日有爲先生

全集計者次補采薇吟後可也

祭蒼水張公文

全祖望

嗚呼十九年之旄節此日全歸三百載之瓣香一朝大去漢皇原季布 聖朝之大度如天柴市殪文山異世之孤忠若一爲問南屏深處孤魂已爲忠武忠肅之隣試看朱鳥飛來野祭半在重三重九之日惟茲扮社雖甲乙之侶無存瞻彼蠓灘顧蘿蒿之遺未替適逢忌日蒲薦生芻溯遺事於七十八歲之遙若存若歿夸豐功於三十一城之捷可涕可歌固知此志之長存更幸 熙朝之不諱重歌薤露以當平陵

合祭錢張二公文

錢公以六月五日卒張公以六月九日生

嗚呼琅琦江上溯往事以魂消雍睦堂中間遺年而腸斷豈意上相歸魂之日正值元樞降嶽之辰前輝後光同符合撰悲風來黃蘗百年尙有孤兒夜雨落南屏一綫更歸何處古稱忌日不著生朝屬在故人何妨合席敬陳二簋以迓雙車

四明談助蒼提督保一條又云公苗姓世爲旗弁嘗語黃東井曰吾姓非苗也祖上傳其忠密爲娶婦生子而以爲己子以至於今吾張氏也東井聞此語筆於蒼公傳

爲已子以至於今吾張氏也東井聞此語筆於蒼公傳後以爲世傳蒼水有子存於
旗下其言猶信慈旂蒼公任浙江提督時在嘉慶三年此說謝山先生固未之聞也
故文中有一綫更歸何處句慈識

合祭錢張二公於砌街李氏文

嗚呼義公魯公爲梓里忠貞之重此堂此祭原砌街文獻之遺黯淡南雲魂魄化爲朱
鳥蕭寥北郭精英猶在蒼宮唯甲乙之子弟尙存卽蒿薤之哀思弗替敬陳明水醑茲
忌辰謹以李氏宗海先生杲堂先生配席尙享

以上文三篇均見鮑琦亭集外編

旌忠廟祭正室錢張二公文

黃桐孫

四明
縣助

孤臣九死之心莫扶墜日 聖代十行之詔深恤遺忠恭承 綸綍之頒宜潔蘋蘩之
薦惟 神畫江翌主浮島麾軍勵身世於滄桑幹乾坤於板蕩志同張陸在天籲十三
世之靈事異宗韓亡國綿十九年之緒一呼而摧閩嶠三度以震吳疆風馬雲車頻戰
怒濤於東海心城血路幾開半壁於南天碧血終埋丹忱未折久蒙 盛典敢布明禋

國米言
鳴呼返文山之骨燕市招魂收國子之元齊廷著節今則琅埭南驚羅刹西流空思表
墓於他鄉幸奉崇祠於故土廟麗膠庠之右近接馨香時逢霜露之需同歸肝蠶衣冠
滇相羣瞻舊日之儀型介胄殷遺共沐興朝之雨露魯社則僮瘍並祀卞家宜父子
同登某等居梓里以仰精忠卜良日以陳俎豆春秋時獻與雙湖日月而俱長櫓宇憑
依偕泮水宮牆而並永敬奉侍從某某祔席尙饗

楊氏經畚塾祭文

楊家駒

鳴庠維公大節異代孤忠維公偉烈震耀浙東緬公降生明敏軼類奉使行人錢來起
義從魯入閩成功合兵遼漢正朔響應諸城大事再去遜迹南田妖僧值謀飲刃呼天
頭則可斷膝不可屈文山疊山庶幾志節天子褒公崇封綽楔士民仰公享祀勿替
南屏九曜靈爽式憑山川脩阻鞠跽不勝爰就鄉塾肅奠椒漿敬恭桑梓鑒此馨香

明張忠烈公墓石記

邵志純

皇帝御極之四十一年詔定勝朝殉節諸臣錄凡三千六百餘人其通謚忠烈者百
二十四人鄧蒼水張公名煌言者赫然在其列越十六年壬子公故人萬斯大之孫福

謀立石於墓之門海甯陳鱣大書曰 皇清賜諡忠烈明兵部尙書蒼水張公之墓嗚呼公亡百三十年矣當我 大清兵之南下也名城大邑望風瓦解其時重臣宿將投戈棄甲北面 新朝爲前驅以圖功名者豈勝數哉公顧以一孝廉逆魯王爲建國嘗率所部集譚家洲舟皆衝飛礮以渡及鄭成功圍金陵公別略地至蕪湖而成功驕不受要約師先潰下流道梗公乃間行走天台以集散亡軍復振厥後魯王被成功害公始竄海上然且招之不至威之不降殺其身而不悔夫豈不知魯王之弱成功之驕不足與有成歟大廈之傾非一木所能支歟又豈豫計身後之榮名而好爲其難歟乃自起義以迄於亡積十有九年之久自古亡國大夫抗命新朝未有如此之烈者洪惟我 皇帝度越天地德邁隆古發史家未有之公論植萬世忠義之大綱凡昔之爲前驅以圖功名者類標其名曰貳臣分爲甲編乙編矣如馮銓龔鼎孳輩之曾給美謚者且按名追削矣梁雲構衛周祚之曾祀鄉賢者又廷議撤出矣而十九年抗 命之孤臣轉得邀 國家易名之典則今立石表墓之舉所以昭 聖度之宏勵臣道之防者甚鉅志純幸與斯役執筆以紀誠非有私於公爲之闡潛德而發幽光者比也公字元箸蒼水其號墓在西湖南屏山荔子峰之下北嚮塚凡三公居中旁則葬其幕客羅千木

侍者楊冠玉及舟子一人聞之長老言渴葬時以尺許端硯刻姓氏納壙中先是諱其名爲王先生又以所著有奇零草或曰奇零先生至今議與不識皆稱忠臣墳立石爲九月二十八日前數日積雨凝晦屆期林木暉朗湖山爽耀仁和朱文藻作文祭之同時集墓下者十有五人鱣文藻志純而外鄞萬福海鹽張柯海甯吳騫錢馥餘姚盧文昭盧文韶仁和王丞錢塘張凱關洲及志純之兄志顯志錕于書稼又輸財而不果至者若干人墓地若干畝其輸課也向爲土人翁耀卿得增書按公配董氏子萬祺先公三日畢命鎮江士大夫或先或後必有推聖天子廣大之恩以表其墓者志純尤樂得而記之也

書張忠烈公墓石記後

無錫秦瀛小覲

國初浙東鄞縣錢公肅樂以勝國舊臣首創義旅起海上而張公煌言實襄其役公之死以康熙三年甲辰於殉節諸臣中死最後故參軍羅子木門人王居敬侍者楊冠玉及舟人從公死鄞人紀五昌出賞購公首葬諸西湖之荔子峰下公死後閱百十三年

特荷今 皇帝褒錄賜諡忠烈乾隆五十七年其鄉後進萬福陳鱣等立石墓門而錢唐邵志純爲之記嗚呼天之棄明久矣方公督師行間明命已訖公詎不知事不可爲而乃流離遷徙之死靡他其目九江遁還歸隱海南嘗自製一碑置寺中俟糧且盡死有兩猿守之有警猿必跳躑哀鳴蓋公之精誠亦足以動天地泣鬼神矣姜西溟氏序寄零草謂齊武帝令沈約立袁粲傳元爲宋李芾建祠明長陵不罪藏方孝孺書三者皆帝王盛德事今 天子詔錄遺忠其抗命 本朝者均予易名之典尤爲度越千古而浙中士夫尙節好義訪公之墓設祭立石其事皆可書公官或稱兵部尙書東閣大學士或稱兵部侍郎或稱權兵部尙書兼翰林院侍講學士今墓碑稱兵部尙書者蓋以公之死浙江總督曾以其尙書印上之以是稱兵部尙書云至公之事蹟已見於黃梨洲先生墓志全吉士祖望神道碑銘及志純所爲記不復詳

按梨洲先生墓志全吉士嘗其多疏漏且當公藁葬時未識曾納諸壙否吉士文甚詳備而辭太冗今公神道亦無是碑得邵子是記公不朽矣又記

張忠烈公詩文題中人物攷略小引

國朝黃仲則先生兩當軒集增錄先友爵里名字攷一卷其以先友稱者攷爲黃氏後人爲之也茲援例以作攷略於名無取焉故但曰題中人物而已說所從出隨所見書紀之惟傳列明史者則曰明史有傳不更詳他書所出如府志有傳者則不稱及縣志焉有所不知蓋從闕如但仍列其目曰某某而紀未詳俟攷四字於下

後如別有攷得者擬此條

下注曰補見後三字

至於次序先後隨見隨錄不復以詩文篇第爲準凡重出者從省不復列目

云慈憐味遺漏多人愧未詳盡獨念張公所與交者爵里名字藉見一二斯則知人論世之微意爾所期諸君子匡我不逮他日作爲重攷俾後之讀者一無缺憾豈惟是慈爲之快觀已哉歲在光緒乙未孟冬全潯王慈識

國粹叢書

刊

行

水榭集題中人物攷略

永歷皇帝 永歷桂藩永明王也名由棖

南疆釋史
棖作榔

神宗孫桂恭王常瀛子乙酉冬

恭王薨請諸唐王以王襲爵丙戌九月唐王陷於汀州兩廣聞報總督丁魁楚巡撫瞿公式超等大會肇慶請王監國是年十一月即皇帝位以明年爲永歷元年然兩粵之間奔走不遑行在亦無定所卒爲孫可望所制以致緬甸之禍壬寅四月卒於滇都見西南紀事及南疆釋史

李陵 案漢書附李廣傳

子房 案子房漢張良也漢書有傳

徐允巖 未詳俟攷

馮生 未詳俟攷

僧履端 未詳俟攷

唐枚臣 案交行詩彙稱有唐梅臣者當卽此餘未詳再攷

毛參謀 未詳俟攷

曹監軍 監軍蓋卽曹雲霖也詳奇零草攷略

張承恩 案承恩事詳校勘記又攷其入閩也山陰周國奎從之破賊有功授延平副

將 此說記得是見某縣志中究出何書則忘之矣

田雄 雄字明宇宣府左衛人本靖南侯黃得功左協部將南京陷負宏光降附

國朝官提督見明季南略

張杰 杰字鴻勳遼東人明季降附舊臣

國朝康熙元年任浙江提督以擒張公有功別無善政後入名宦祠全謝山先生案四明談助但云一鄉先生從全氏年譜攷得之始游庠調學宮見之憤甚取其主捶碎之擲諸泮池

見四明談助

王爾祿字天錫號念尼保定人 海東逸史沈崇掄傳稱黃陂王爾祿云云明季舊臣 據鄧志周志畏傳注崇禎癸未進士

國朝順治六年任海道副使迄癸巳數載間除害賑饑禮士卹民立倉置田仕終刑部左侍郎崇祀名宦祠著有麻姑洞主人詩文集懷社同聲集不二真詮明州賑饑紀事救荒卹貧錄又輯刻保陽張氏殉難錄聞子鑑湖七觀見四明談助

耶廷佐 廷佐漢軍廂黃旗人先世居廣寧父熙載以生員歸 國朝廷佐由官學生授內院筆帖式順治二年擢侍讀尋遷秘書院學士已而出爲江西巡撫晉江南江西總督嘗以事革職繼復原官後以福建總督卒於任祀江西名宦祠國史有傳

鄭羽長

羽長夏校本云名彩攷海東逸史監國紀魯王二年丁亥正月晉鄭彩建國

公

攷唐王晉封爲永勝伯故此曰晉也

與本題所紀封爵合羽長陳本作羽祥案彩與羽長或羽

祥義均相近夏本是也

奇零草題中人物攷略

徐闇公 闇公名孚遠號復齋南直隸華亭人南京刑部侍郎涉曾孫崇禎壬午舉人

兩京陷與夏公允彝陳公子龍謀勤王不克遂間道入閩唐王時由司李加兵科

給事中閩浙繼陷魯王航海從之至舟山擢祭酒從至廈門拜左副都御史滇中

遣使通間隨使入覲至交趾而返有交行詩藁松江破死島中

徐公死所其說非一詳楊本海

東逸史注中
茲從明史 明史有傳

吳佩遠 佩遠名祖錫號稽田晚年亡命更名鉏浙江嘉興人吏部文選郎昌時子爲

世父貴州按察使昌期後資地鼎盛才具軼羣尤喜結納豪俊見中原大亂思有

以自見與劍客土豪講求出奇應變之學在滇中任職方郎中辛丑鄖陽十三營

尙保殘局嘗勸其出師撓楚以救滇也

詳見全
撰詩話 鮎埼亭集外編有傳

陳文生

文生名修福建榕城人

出何書
忘之矣

官侍御見五律題中及張公年譜餘未詳

再攷

張鯤淵

鯤淵

南疆釋史小腆
紀年說均作鯤

名肯堂字載甯華亭人天啟乙丑進士崇禎末以僉

都御史巡撫福建乙西南都亡鄭氏擁唐王入閩以勸進功擢兵部尙書改掌都察院事尋復加少師少保兼戶工吏三部尙書丙戌八月閩陷飄泊海外嘗出私財募兵乙丑十月至舟山魯王拜爲東閣大學士加太傅張定西奉魯王搗吳淞以爲留守舟山破衣蟒玉南向坐從容賦詩自縊死

國朝賜諡忠穆明史有傳

紀石青

石青紀許國也攷福建通志選舉志崇禎壬午舉人有泉州同安人紀許國

今觀詩中云云石青爲壬午同年

七律中又明有年丈之稱

且曰閩南紀生而通志是年舉

於鄉者紀氏祇此一人蓋可知矣又鮎埼亭集錢忠介公碑文中稱故儀部紀許國據此則其職官爲禮部主事或郎中也後卒於島見張公年譜

楊芳生

芳生爲徐闇公高弟見本題餘未詳再攷

琴師

未詳俟攷

駱亦至

亦至嘗從桂王於梧州又嘗爲僧見本詩餘未詳再攷

萬美功

美功初擬是萬允康也攷鮎埼亭集外編李杲堂先生軼事狀云癸巳黃岡

僉事允康來吾鄉及別去先生餞之座客爲筮易得睽之三皆大駭先生因固請
僉事潛身甬上僉事不可行至吳中楊崑之變作先生終身痛之觀詩爲壬辰所
作七律時張公在閩竊謂由閩至甬則癸巳矣七律過訪陳齊莫詩注萬楚人與
李狀黃岡合美功或允康之字義亦相近其殆即一人乎茲据南疆繹史允康名
曰吉崇禎庚辰進士知崑山縣罷去乙酉起爲僉事分巡建甯事敗遂遊江左楊
崑以滇中敕存問舊臣七人曰吉興焉已而巡按獲崑曰吉爲人所告故死之觀
此則允康非美功名也然曰吉或一字美功是亦未可知耳再攷

萬靜齋 靜齋爲美功弟見本題餘未詳再攷

姚興公 興公夏校本云法號耀公名翼明慈放鮎埼亭集錢忠介公碑文稱葉尙寶
謀葬公海寧故職方姚翼明披緇海上尤力助之又云姚爲僧即所稱獨耀上人
也見外編葬錄題詞知夏說良是

邱含三 含三名子章一字梅仙浙江鄞縣人九歲卽援筆成文尋爲諸生而卒不得
一第及魯王監國以薦授中書舍人江上師潰從亡入舟山復從至廈門已而轉

輟遷徙難一二記最後教授東洞庭山中歸則年已七十矣未幾卒於家鄞縣志有傳

朱子成

未詳俟攷

近人趙君之謙撰年譜按子成疑即高河賣藥朱君字也

監國魯王

魯王名以海太祖第十子荒王檀九世孫也父肅王壽鏞以崇禎丙子襲

封己卯薨子以派嗣壬午兗州破自縊死甲申二月王嗣立尋京師陷南奔乙酉四月福王命徙江廣暫駐台州南京亡潞王居杭州亦出降浙東起義迎王居紹興諸軍畫江而守丙戌六月江上師潰張定西以舟師扈王出海投舟山黃斌卿不納鄭彩奉之如廈門改次長垣既或次閩安次沙埕及諸將殺斌卿乃居舟山時定西爲政舟山陷定西扈王至廈門厥後鄭成功奉王居金門又次南澳澎湖諸地壬寅冬薨於臺葬金門城東鼓岡湖西見海東逸史東南紀事及南疆繹史諸書

羅子木

子木

鈕氏觚賸作自攷

名綸以字行應天溧陽人

或作丹徒人

家貧授徒蘇州

性尚義年少有奇氣張公一見器之留之不可既而以父爲

大兵執去誓欲爲父報仇遂詣張公行營相依不去以死見全撰張公碑文東南紀事諸書

顯甥

顯甥傳攀龍也字蓉鏡一字容敬

据鄞志注案奇零草小字阿顯故知即此鄞縣人有雋才諸

生隨父從軍洊歷患難亂定遨遊諸幕府後設教鹽官以自晦焉鄞縣志見其父

奇遇傳

趙氏年譜謂購公首日者朱相玉全氏書公甥或爲一人

黃虎癡 虎癡名斌卿字明輔福建莆田人

海東逸史作與化衛人

其先以禦倭功授千戶父

奢死崇明之難又督世襲崇禎末爲翁洲參軍福王時陞九江總兵改廣西征蠻將軍未赴唐王立擢水陸官義兵馬招討總兵官封肅魯伯太子太師賜尙方劍印屯舟山後晉爵威魯侯性沈毅好聚書夜讀史雞鳴治軍日以爲常著有來威堂存覽東南紀略駢麗疏鈔閩浙雜詠凡數十卷己丑九月

全撰張公年譜作庚寅年爲諸

將所討沈於水死

國朝賜諡節愍海東逸史東南紀事及福建通志均有傳

黃金吾

金吾疑是黃斌卿弟孝卿也攷海東逸史監國紀己丑三月黃斌卿遣其弟

孝卿借僉都御史馮京第乞師日本今觀題與馮侍御並列則金吾爲孝卿蓋可知矣故全撰詩話亦舉以爲說若詩爲其年十月間作則黃似梨洲先生然時馮公已晉兵部右侍郎而梨洲先生之官爲左副都御史亦見逸史殊不相合孝卿官金吾雖無明文竊謂可據以補他書之闕

馮侍御 侍御卽後詩馮躋仲也名京第號簞谿浙江慈谿人福王立以禮部主事召未赴南都亡與浙東諸公起義魯王擢御史尋晉僉都江上師潰從王航海入閩已而結寨四明山中山寨破爲其叛將所縛致之寧波諭降不從死之海東逸史及鄞縣寓賢志有傳

安昌王 王名恭揚

楊或作提

爲周藩安昌王長子浮海朝唐王因封安昌王張公肯堂

議行日本乞師之說嘗請王偕行張定西王朝先輩討黃斌卿又嘗與張公肯堂上章待罪且爲之議和於諸營焉見張公年譜及海東逸史東南紀事

張侯服

侯服名名振山西人南京錦衣衛籍

結埼亭集作南直隸江甯人

崇禎末以副將任

台州石浦游擊封富平將軍乙酉杭州失守潞王降浙東起義以兵赴之魯王監

國封富平伯江上師潰棄石浦扈王出海投黃斌卿於舟山不納遂飄泊海外及王居廈門晉爵定西侯討斌卿後王駐舟山加太傅當國政舟山陷居南田屢經提師北發乙未冬卒遺言以兵歸張公張公爲葬於蘆花驛海東逸史東南紀事及南疆繹史均有傳

据朱氏讀書志稱張父曰少溪者當是號也其弟曰名甲名揚名遠繼榮則爲名衣見帝里人文略一篇

朱聞元 聞元名永祐字爰啟南直隸上海人崇禎甲戌進士授刑部主事改吏部文選司罷歸南都亡豫於松江陳夏之事唐王立以郎中召改戶兵二科都給事中遷太常寺卿兼原官張公肯堂薦爲北征監軍閩中破魯王擢拜刑部侍郎監軍如故尋轉吏部左侍郎舟山建國晉工部尙書仍兼吏部事辛卯城破執之令跪挺立不屈大罵而死

國朝賜諡烈愍海東逸史及南疆繹史有傳

沈公子昆季 公子疑是慈谿沈公彤庵子也若崇明沈公五梅子据海東逸史稱丁亥松江之役有嗣子元泰同就戮一語夫曰嗣子似崇明無子而以從子爲嗣者則卽稱嗣子爲公子恐無昆季之說矣未知是否俟攷

古虞口令 令疑是施鳳翼字子翔也攷上虞縣志職官表載

國朝知縣順治朝首朱應鯤次劉方至山東人次卽施稱施爲江南上元人丙戌進士表雖未詳年分而張公詩作於己丑時丙戌進士自可爲令矣詩旁注有乃祖官尙書五字若謂令是朱應鯤案明史七卿表隆慶二年任工部尙書者雖有朱衡其人檢衡傳曰萬安人與應鯤爲崑山人不合則衡非應鯤祖可知也史表宣德十年有施禮任刑部尙書或禮爲鳳翼先世雖時代亦遠而所謂乃祖者不必定屬王父高曾以上皆是焉又鮎埼亭集諸書載王公翊事稱戊子三月破上虞殺其署縣事者据縣志兵事稱是年三月破上虞視篆劉方至遇害然則繼之者卽施鳳翼雖諸書有再破上虞走其知縣云云亦在己丑春意者張公貽以詩後而施仍居是官故再破而走之耳

案上虞志兵事所殺者既爲劉方至走者爲施鳳翼自無疑矣施後爲邊

勝算亦見志表或施既走而國朝以邊爲令張公因其新任而以詩貽之歟然七卿表邊氏無官尙書者殊與詩原注不合後細檢七卿表不載南尙書則未敢必謂邊氏無之矣再攷

希聞上人 未詳俟攷

沈五梅 五梅名廷揚字季明南直隸崇明人少爲諸生崇禎中由國子生爲武英殿

中書舍人以海運功擢郎中尋加光祿少卿仍督運駐劄登州京師陷福王立命

以海舟防江尋命兼理餉務南都失守航海入浙魯王加以戶部侍郎兼右僉都

御史總督浙直未幾爲時相所忌乃至舟山閩中亦授以總督

海東逸史云唐王在福建授以

兵部右侍郎總督水師

丁亥以應松江吳勝兆之師被執不屈死之年五十三後贈戶部

尙書

國朝賜諡忠節明史有傳

屠天生 天生名獻宸一名宸

本張公年譜

初名懿忠

本屠氏見開錄

鄞縣人

小腆紀年兵作定海人

部侍郎大山曾孫以諸生從軍魯王授兵部車駕司主事江上師潰失守而歸戊

子豫於翻城之役事洩被執不屈死魯王還舟山贈大理寺丞

國朝賜諡烈愍海東逸史南疆繹史及鄞縣志均有傳

天生元配

元配夫人朱氏賢而有文天生死姥恐其殉也守之夫人好言如平日潛

賦絕命詞俟姥歸自縊死鄞縣志有傳

楊瑤仲 瑤仲名文琦號楚石鄞縣人鏡川文懿公之後唐王立以貢生召對授惠安訓導尋加監紀推官視惠安諸軍閩亡返浙豫於翻城之役事洩被執不屈死魯王還舟山贈兵科給事中海東逸史南疆繹史及鄞縣志均有傳

華吉甫 吉甫名夏一字過宜號默農世爲浙江定海人即今鎮海後遷鄞以恩貢入太

學嘗與王石雁同受業於倪公元璐黃公道周又並參劉公蕺山講席乙酉與錢忠介起義蓋時所稱六狂生之一也魯王授兵部司務晉職方皆不受請以布衣從軍江上師潰慟哭歸戊子復謀翻城之舉事洩被執當事詰問同謀者慷慨獨承之在獄中鼓琴賦詩如平日絕命時有白光一縷衝天而去魯王還舟山贈簡討門人私謚曰毅烈海東逸史南疆繹史及鄞縣志均有傳

楊元石 元石結琦亭集元作閩名文瓚字贊玉瑤仲季弟也崇禎己卯舉人父秉鼎監紀

推官畫江之役嘗率諸子從軍魯王授元石監察御史閩中頒詔力言宜合不宜分入閩命掌貴州道又力言當聯絡以爲同仇閩浙繼亡乃返故里戊子豫於翻城之役事洩被執不屈死魯王還舟山贈右僉都御史

國朝賜諡烈愍海東逸史南疆繹史及鄞縣志均有傳

侍御室人 室人姓張氏名玉如杭人工翰墨侍御死負屍歸以紉聯其身首慟哭盡

哀哭已衣其故時衣服題絕命詞一首拜謝太公前遂解所佩帶自縊而絕寧波

府志有傳

海東繹史南疆逸史事載元石傳中

董若思

若思名德欽鄞縣人

小腆紀年作定海人

兵部侍郎光宏孫南都亡納衣巾於文廟

慟哭及浙東起義以諸生從軍海上魯王授監紀推官不受師潰乃歸戊子豫於

翻城之役事洩被執不屈死魯王還舟山贈兵部郎中海東逸史及鄞縣志有傳

王完勳

完勳名翊號篤庵慈谿人

越殉義錄作上虞人南疆繹史作餘姚人

少孤爲諸生有智略魯

王監國因與王公江同起兵海濱爲江上諸師聲援授兵部職方主事浙東失守

航海至舟山已入四明山結寨於大蘭居之號大蘭洞主設五營五司已主五營

之軍而五司主餉俾江任之魯王次健跳擢河南道御史及朝見行在拜右僉都

御史魯王駐舟山再入朝陞兵部侍郎兼官如故尋晉尙書 大兵惡山寨積年

倔強遂分道進伐乃爲圍鍊兵所執在獄中賦絕命詞從容束幘謂守卒曰使汝

曹見漢官威儀也及諸帥會訊不屈死

國朝賜諡烈愍海東逸史東南紀事及南疆繹史均有傳

馮躋仲 躋仲卽前詩所稱馮侍御也詳上

吳懋雅 懋雅吳公鍾懋也說詳校勘記一字峻伯別字稗山學者稱爲霞舟先生南

直隸武進人少爲諸生海內推爲名宿晚以明經教諭光州從河南鄉舉崇禎甲

戌成進士年已五十八矣授長興知縣辛巳謫紹興府照磨踰年移桂林推官福

王立授禮部主事

南疆繹史作吏部

未至而南都亡轉赴閩中唐王以原官召轉員外

郎痛陳國事王不能用出爲廣東副使而閩又亡魯王監國入朝拜通政使尋晉

禮部尙書原官如故兼督學政辛卯舟山破賦絕命詞至文廟右廡奉先師神位

舉火自焚死年七十有五

國朝賜諡忠烈海東逸史及南疆繹史有傳

劉允之 允之名世勳南直隸上元人好儒雅能詩崇禎末以武進士歷官都督僉事

助防舟山魯王時晉安洋

海東逸史安作平

將軍辛卯張定西奉王出海而使爲城守

城陷朝服北面望海拜謝自刎死

國朝賜諡忠烈海東逸史及南疆繹史有傳

翁永年 永年官中翰見本題餘未詳再攷

沈彤庵

彤庵名宸荃字友蓀

東南紀事錢公肅樂傳附載作字葵中

慈谿人崇禎庚辰進士授行人

奉命旋里福王立復命南都擢山西道御史時馬阮亂政上疏論之出爲蘇松兵

備僉事未赴而南都亡與浙東諸公起義魯王授以右僉都御史及江上師潰從

王入閩累官至兵部尙書

南疆繹史作工部

東閣大學士復從至舟山加太子太傅舟

山破又從王泛海抵中左所及金門後即以本題所稱遭風沒於海

國朝謚賜忠節明史有傳

馬爾統

爾統官職方見本題餘未詳再攷

陳齊莫

齊莫名士京號佛莊先世爲浙江奉化朱氏明初遷鄞改姓陳崇禎末京師

陷浙東畫江之役薦授職方主事

海東逸史作郎中

戊子魯王在閩安擢兵科給事中

遷光祿寺卿奉表粵中桂王加都察御史

一作重授職方主事

固辭不受而歸己亥鄭成

功入長江參豫島上留守事觸疾卒年六十有五

國朝賜諡節愍海東逸史及鄞縣志有傳

鄧如磐 如磐爵安福伯見本題餘未詳再攷

石田和尚 和尚疑是黃宗會字澤望也攷南疆繹史黃宗炎傳末附載澤望事有石

田先生性更狷介國變後嘗髡髮作頭陀狀云云竊謂黃爲頭陀時故張公以和

尚稱之耳

文定澤望廣誌有學佛之說

熊雨殷 雨殷名汝霖浙江餘姚人崇禎辛未授同安知縣擢戶科給事中以諫謫福

建按察司照磨福王立以原官給事中起用轉吏科南都亡起義浙東魯王擢右

僉都御史防江嘗由海甯渡江與浙西義軍相應加兵部右侍郎兼左副都御史

總督義師閩中頒詔出檄拒之江上師潰扈王出海晉東閣大學士

海東逸史作丙戌五月事

在江防未失以前且云晉兵部尚書兼大學士茲從南雷文約行狀及東南紀事諸書

海中而死

國朝賜諡忠節明史有傳

鄭履公

履公

南疆釋史紹興府志公均作恭

名遵謙餘姚人父之尹進士官山西提學僉事徙家

會稽履公少爲諸生跡弛任俠南都亡浙東起義爲集其徒號義興軍以從魯王

詔爲義興將軍已而拜中軍都督府左都督封義興伯江上師潰從王入海次琅

琦晉爵爲侯熊公爲鄭彩所害心不平彩亦使部將擒之遂躍入海死

南疆釋史傳附熊傳後

國朝賜諡節愍海東逸史東南紀事及紹興府志均有傳

蔡元戎

未詳俟攷

義陽王

王名朝暉戊戌溺於羊山見鄴任光復海上記及張公年譜

海上記慈得諸夏校本而

小韻紀年引有汪光復航海遺聞是否一書俟再攷

程嶼嘉

嶼嘉官將軍見本題餘未詳再攷

吳山人

未詳俟攷

盧牧舟

牧舟

福建志舟作淵

名若騰字閑之福建同安人崇禎庚辰進士召對稱旨即授

寧紹台道僉事京師陷南都命以都御史撫鳳陽未行而南都亡閩中拜兵部尙

書撫軍永嘉甫至而事勢已瓦解遂航海至舟山間行入大蘭山寨後依鄭氏以

終海東逸史及福建通志有傳

黃粹伯 未詳俟攷

蔡無能 未詳俟攷

陳燦珠 燦珠疑是陳輝也海東逸史朱之瑜傳缺楊刻本据朱氏家傳補之据傳中稱張名振死以兵屬鄭成功與忠靖伯陳輝云云其爵既與本題相符而以燦珠爲輝之字義亦近是竊謂當即一人

謝仲彝 未詳俟攷

周九苞 九苞疑是周瑞也攷鮫埼亭集錢忠介公碑有閩安伯周瑞與海東逸史監國紀同今觀本題作侯雖微有違異然攷逸史瑞爲平彝侯周鶴芝弟鶴芝之字爲九元小腆紀年元作京是九苞當爲瑞字耳蓋兄弟均用九字作字亦足爲之一證至冰槎集祭平西侯周九苞文一本平西作平彝恐是閩安之譌

錢希聲 希聲名肅樂一字虞孫號止亭鄞縣人崇禎丁丑進士授太倉知州遷刑部員外郎丁憂歸乙酉南京亡與時所稱六狂生者起義畫江而守奉魯王監國擢

爲右僉都御史尋晉右副都御史復加兵部右侍郎江上師潰航海至舟山唐王召之甫入境而延平陷丁亥魯王入長垣召爲兵部尙書戊子王次閩安拜東閣大學士時鄭氏專權遂憂憤作疾卒於海外琅琦山贈太保賜諡忠介後六年葉尙寶葬之福清黃蘗山

國朝改諡忠節明史有傳

郭聖竑 未詳俟攷

傅惕庵 据本詩有鄉土六橋云云當是杭人餘未詳再攷

于堪之 未詳俟攷

宋子猶 子猶名龍號菊齋崇明人諸生留心救世之學錢忠介公一見奇之置諸門下上座未幾大亂嘗泛海至舟山祝髮歸爲閩帥所窘出厄後遷居太倉以醫術自給寓鄞時居陸氏湖樓蓋明室遺老云鄞縣寓賢志有傳

劉復陽

復陽

東南紀事
復作伏

名孔昭浙江青田人襲誠意伯官操江祖尙忠歿世父萊

臣以年幼爲孔昭父蓋臣襲其爵蓋臣歿孔昭又冒襲之崇禎時與諸胥小相比

及南都立復與馬阮亂政說見明季南略明史名附劉基傳

阮季友 季友疑是阮駿也攷海東逸史駿初官英義將軍既加封英義伯舟山破與張定西扈魯王出海屯廈門乙未與總制陳雪之共復舟山丙申又陷與雪之並赴海死今觀本題伯作侯雖微有違異竊謂當即一人

沈東生 据本詩有婁東及三泖云云當是吳人餘未詳再攷

朱夏夫 夏夫名兆殷曾受知於于公穎者甲申後爲于公募船領水師有功見東南紀事張公傳後增錄逸事

陳立之 据本題是送還閩或爲閩人餘未詳再攷

金二如 未詳俟攷

朱建武 建武初擬卽北征錄中所稱舊時賓從歙人朱君也上二如或卽逆旅中所遇金某亦歙人故張公作詩並爲寄訊歟尤若茲則詩當屬己亥以後矣今列之戊戌年恐非如慈所擬焉然觀詩中語意所擬殊亦近似豈詩列己亥以前爲舛誤乎俟再攷

張書紳 据本題是贈還錢塘或爲杭人餘未詳再攷

蔣馭鴻 馭鴻疑是名漸逵或一字漸達也攷徐公交行詩藁有贈蔣漸逵詩云我入交州何所得君來相訪若有覲不巾不屨神貌殊自言混迹無人識一從去國幾何年往日冠簪今渺然姓氏直同梅尉隱方書多自葛洪傳知君夙昔有兼才筆墨紛紜入手裁且莫佯狂長避世遙聞天廡選龍媒而張公二律語意與此相似且題下注今入道云者蓋謂入道精修學老子教者也故詩末句云柱下五千辭耳徐詩亦有葛洪方書云云馭鴻漸逵義亦相合當即一人

曹雲霖 雲霖蓋即曹從龍也攷結埼亭集張公碑文有遺曹監軍從龍書云云而水榭集中雲霖詩敘稱其膺帝眷秩中丞佐雄師陪名藩則居然曹監軍從龍矣且復曹監軍書一本作蒼曹雲霖書觀此益信不特謂從龍字雲霖爲義相合也

黎大行 未詳俟攷

姜張二友 未詳俟攷

董天鑑 天鑑名德稱字平之

鄞志引墓表之作子

一字銘存鄞縣人同知應圭子諸生少負

氣節與族兄守諭齊名世稱守諭曰北董稱天鑑曰南董乙酉畫江之役破家輸餉魯王授以戶部主事時適居憂故不受官事敗後而山寨海槎時通消息晚年目疾猶終日手鈔書不倦爲詩感慨身世原本忠孝云甯波府志有傳

趙友 未詳俟攷

宋蕙湘

蕙湘金陵人宏光宮女也年十四歲爲兵掠去題詩汲縣旅壁云風動江空

羯鼓催降旂飄颻鳳城開將軍戰死

慈案此疑是指黃靖南得功也

君王繫薄命紅顏馬上

來張公所和韻者其詩如此但難女復有一絕意者傳聞於張公者無之故未和耳不然或張公詩有散佚歟詩又曰廣陌黃塵暗鬢鴉北風吹面落鉛華可憐夜月空篴引幾度穹廬伴暮笳二詩均見明季南略

東山子

未詳俟攷

卜天種

未詳俟攷

王媿兩

媿兩名忠孝與徐公孚遠輩以從亡入臺爲鄭氏國老其後並卒於島見張

公年譜

沈復齋 復齋名佺期亦爲鄭氏國老見張公年譜

淵明 案淵明晉陶潛也晉書宋書南史均有傳

從弟嘉言 嘉言字未詳案永槎集文稱爲三叔長子又据

國史吳萬福傳載嘉言爲閩島總鎮林國梁所斬今觀詩意似未審存亡者疑當

時被擒而死海島隔絕故不知確耗耳

大雲山房集 譚遜庵先生家傳稱張公與鄭成功同江甯敗走訛傳其弟

鴻翼爲先生門人從師匿云云此鴻翼不知是名是字即曰字焉恐未必爲嘉言字也茲姑坵注之以備攷

朱伯遷 未詳俟攷

范子瞻 未詳俟攷

紀衷文 衷文名五昌號九峰鄞縣人年十六補諸生乙酉舉鄉貢畫江之役入錢忠

介幕府多所贊畫題授行人司行人陞監察御史忠介航海以親老不行遂奉父

母入太白山卒年六十二甯波府志有傳

延平王 王福建南安人本姓鄭氏名森字大木生有異表父芝龍攜之謁唐王唐王

奇其貌賜國姓改名成功命典禁旅以駙馬都尉體制尊寵之丙戌春封忠孝伯

福州破芝龍議降持裾泣諫不納及北去因與其客及所部乘巨艦入海踞南澳居焉並攻閩之沿海屬邑下之已丑桂王封爲廣平公戊戌晉封延平郡王嘗偕張公大舉以入江南即張公所紀北征錄中事也庚子攻荷蘭於臺灣及克臺以安平鎮名之遂自立爲國壬寅五月卒年三十九事詳賜姓本末一書東南紀事及南疆繹史有傳

趙督臺

督臺名廷臣字君隣

一作時隣

漢軍鑲黃旗人

國朝順治二年由貢生知山陽縣遷江甯府同知十年洪承疇薦授下湖南兵備道十五年定貴州遂授巡撫明年擢雲貴總督十七年以勦平土酋功加兵部尚書康熙元年調浙江總督八年卒於官謚曰清獻

國史有傳並見李氏先正事略

林荔堂

荔堂名時躍字霞舉鄞縣人特進保之後門人私謚孝介名文燮者子生而

穎異於書無所不讀與華王輩爲講社所稱鶴山七子者也乙酉入太學錢忠介薦爲大理左評事直制誥晉御史未上而江上師潰遜入桓溪山中猶恆豫時事

晚年輯甲申以來死事諸公各爲小傳而取其平生著述之有係於名節者附之曰正氣錄及卒同志私謚曰端節鄞縣志有傳

中峯大師 大師元時錢塘人

或作朱氏子或作孫氏子或作李氏子未定孰是

釋名明本一作本惠年十五

祝髮於天目山嘗至鄞之海會寺開法有梅花百詠

張公蓋用其韻而追和之仁宗賜號廣

慧至治三年歿英宗賜謚智覺鄞縣仙釋志有傳

國粹叢書

東方雜誌

卷八

刊

行

張元箸先生事略

行朝錄

張元箸先生

即煌言寧波舉人

先從魯監國監國敗率殘兵數百飄蕩海上延平招之入島

表爲兵部尙書俱至金陵王謂煌言蕪湖上游門戶偷留都不旦夕下則江楚之援日至控扼要害非先生不可七月初七日煌言率師至蕪湖馳檄郡邑江之南北相率來附未幾延平敗走煌言趨銅陵與楚師遇兵潰變姓名從建德祁門山中出走天台以入海仍與延平同定臺灣見延平甘王扶餘不復與太原公子角逐爲詩刺之曰中原方逐鹿何暇問虹梁曰圍師原將略墨守亦莽風曰只恐幼安肥遯老藁床皂帽亦徒然曰寄語避秦島上客衣冠黃綺總堪疑延平一笑而已未幾延平薨會東寧有難不能出海年餘鄭經定位益庸劣無比不足與謀乃散其部曲拂衣竟去浮海涉江竄至杭州西湖上覓山僻小庵隱焉瞻望邊藩猶有所冀爲杭守臣覘得與健僕楊貫玉愛將羅自牧同被執兩人皆萬人敵就逮之日先生烏巾葛衣不言不食越數日唯啜水而已臨刑二卒以竹輿舁至江口先生從輿中出見江上青山夾岸始一言曰大好山色因索筆硯賦絕命詞三首付行刑者端坐受刃自牧貫玉同斬笑一振臂綁索俱斷立受

刃屍不仆刑者惟跪拜而已正甲辰年中秋日也故東庄聞而誅之所著詩詞貯一布囊悉爲邏卒所焚其絕命詞曰

義幟縱橫二十年豈知閨位在于闐桐江空繫嚴光釣笠澤難回范蠡船生比鴻毛猶負國死將碧血欲支天忠貞自是孤臣事敢望千秋青史傳 國亡家破欲何之西子湖頭有我師日月雙懸于氏墓乾坤半壁岳家祠慚將赤手分三席真不愧特爲丹心借一枝他日素車東浙路怒濤豈必盡鴟夷 何事孤臣竟息機魯戈不復挽斜暉到來晚節慚松栢此去清風笑蕨薇雙鬢難容五嶽住一帆仍向十洲歸疊山遲死文山早青史他年任是非

思舊錄

黃宗羲

張煌言字元箸其父圭章字兩如甲子舉人嘗教授余家元箸爲人躍冶而明敏過人故能就死從容有文山氣象當其被獲也已散遣士卒懸洲獨處亦如田橫之在海島而已而補陀僧有借之以媚大師者遂遇難

張煌言列傳 羅綸 葉振名

東南紀事

張煌言字元箸甯波鄞縣人崇禎壬午舉鄉試時年二十二雋邁自喜常著絳衫已聞寇勢迫更刻意勤苦澹泊求論兵事乙酉五月南京敗與同郡錢肅樂沈宸荃馮元颺等倡義奉魯王監國紹興授翰林修撰掌勅令丙戌師潰歸別父母妻子扈王石浦明年以右僉都御史持節監定西侯張名振軍援吳勝兆於松江龍颺覆舟陷敵中七日再戰黃巖北軍射而圍之以數騎突免於是益習騎射又明年丁亥移節上虞之平岡山與王翊等犄角結寨庚寅以平岡兵授劉翼明陳天樞率親軍朝王舟山屢請益兵當定關辛卯父艱訃至晨夜痛哭 大清提督田雄海道王天錫以書來說使解兵煌言復言不屈其年舟山破及名振奉王南入金門閩政自鄭氏出煌言和謹調護王賴以安壬辰監名振軍過舟山抵崇明沙指金山江淮響應癸巳上洋山再駐崇沙冬破崇明步騎萬餘於平洋甲午再入鎮江觀兵儀真夏逼吳淞戰捷皆與名振俱乙未延平王朱成功遣阮駿陳六御與名振復舟山台州守將馬信舉城降使煌言以沙船五百迎之名振卒信棄台州明年丙申舟山再破煌言移軍秦川時魯邸舊臣皆盡而孤軍流寄窮島鄭氏部曲陵暴煌言惟御之以忠誠阮美陳文達爭餉地爲婉解曰大敵

在前何暇私鬪美軍有犯輒曰我大臣寧與麾下爭曲直獲內地邏諜亦好語酒食遺之由是主客浹和邊鄙感悅遺黎亡卒多爲耳目者戊戌大清兩江總督耶廷佐以書陳說天命曉諭利害復之略曰夫揣摩利鈍指畫興衰庸夫聽之或爲變色而貞士則不然所爭者天經地義所圖者國恤家仇所期待者豪傑事功聖賢學問故每氈雪自甘膽薪彌厲而卒以成事自古以來何可勝計若僕於將略原非所長祇以讀書知大義痛恨災氛左祖一呼甲盾山立區區之意以濟則賴君靈不濟則全臣節遂憑陵風濤縱橫鋒鏑之下迄今踰一紀矣豈復以浮詞曲說動其心哉來書溫慎故報數行如斬使焚書適足見吾意之不廣僕亦不爲也煌言勸成功取南京日興偏裨較射鹿頸頭神氣勗厲羅致中土名士商度方略山陰葉振名三渡海從煌言其年奉桂王命以兵部尙書視師浙直同成功北舉復抵羊山遇風碎舟還故廷佐等急招之而煌言措置開廣成功亦以是重之謂其知江上形勢使前驅己亥六月成功師至崇明煌言議崇沙江海門戶懸洲可守宜先定之爲老營不聽大清於金焦間用鐵索橫江夾岸置西洋大砲煌言次浦口風急流迅且戰且卻露香祝江神遂鼓棹而入詰旦成功

克瓜洲欲取鎮江慮南京援騎至煌言議舟師先擣觀音門則建業震動自守不暇何
能分援他郡卽屬煌言西上至儀真吏民賫版圖迎進次六合聞成功已拔鎮江卽作
書致五軍張英謂兵尙神速若由水道遲拙非策煌言已抵觀音門令輕舟數十徑抵
蕪湖身爲殿自浦口轉戰而前七日掠江浦入之次日成功抵七里洲先所遣蕪湖諸
將捷書至蕪湖已降成功趣煌言急趨蕪湖以遏江楚之援于是江南北相率來歸太
平寧國池州徽州廣德及屬邑皆下無爲和州含山舒城廬江高淳巢遣吏請降凡得
四府州三縣二十四時煌言兵不滿萬船不滿百惟以先聲號召大義感孚謄書縉紳
馳檄守令所過秋毫無犯入謁先聖坐明倫堂長吏故官或青衣待罪或角巾抗禮考
察黜陟如州牧行部事父老望其衣冠莫不流涕江楚魯衛豪雄多詣軍門受約束請
歸襁褓相應方部署諸軍思直取九江而南京敗書聞先是瓜鎮既下不出兵攻略旁
邑丹陽句容皆虛無喉蘇松援騎平行陸走南京成功師圍南京二旬耶廷佐哈哈木
管效忠守益堅煌言馳書成功謂頓吳堅城下師老易生他變宜分兵盡取畿輔諸郡
若金陵出援可邀擊殲之無何

原書無此二字慈取
諸北征錄以加之

大兵盡出再戰成功大敗煌言

在寧國得報急返蕪湖思彈壓上游與瓜鎮犄角鎮江書生羅子木亦勸成功乘敗出不意轉帆復西成功遽退師并棄瓜鎮上游兵因遂潰太平守將首變志煌言遣兵復取太平斬其將 大清軍水陸邀煌言楚將羅八戰艘數百已渡安慶煌言恐衆寡不敵勒全軍指繁昌欲以礮艘徑趨鄱陽合召義旅回旗再取四郡進次銅陵衆散與麾下數百人至無爲州焚舟登岸歷桐城黃金棚入霍山界以書通于陽山賊帥褚良輔求借屯不納移札東溪嶺思走英山爲追騎所及將士疲困皆竄山谷煌言突圍得土人爲導乘月變服夜行兩日至高河埠投逆旅有徽豪金某徐某揣知煌言入見曰江上未解嚴誰能爲蘆中丈人者乃匿煌言于家數日由樅陽出江渡黃湓走徽嚴山行道東陽天台以達海壖海濱人傳張兵部得生還相與悲喜久之先是羅子木在江中遮說道路屬目遂奉其父從大軍入閩庚子煌言收燼于浙駐師林門子木復奉父北行至三山父被執去子木詣林門以家國之難慟哭告煌言邀成功再舉兵煌言曰吾力不獨克彼意似不欲本朝復興徒以我素謹弱爲彼禦定關通中原音息故不我圖且彼無愛民之心來亦正毒百姓姑待之子木遂留事煌言及 大清遷界海上餉絕

佐煌言開屯南田順治十八年辛丑成功攻台灣煌言以書力諫是年移軍沙埕康熙元年壬寅聞緬甸信欲復擁戴魯王上啟言莽移漢祚光武中興丕廢山陽昭烈踐祚懷惑北狩晉元稱制徵欽蒙塵宋高繼立以視今日誰曰不然顧島上勳貴罔識春秋大義而臣實兵微將寡餉匱援窮既見宗國之亡而不能救且幸舊主之在而不能扶所以中夜椎心淚盡而繼之以血也謹遣官賫獻膳銀南望倉皇罔知所措時成功已入台灣僭帝制王在金門不免飢寒煌言以舊從歲時供億又慮鄭氏見疑十年未敢入覲成功死海上解散煌言益不振衆議入雞籠島煌言謂偷生朝露寧以一死立信卒不行癸卯王殂于金門甲辰移營桃花山買米舩爲補陀僧所獲降人孫維法引張杰襲煌言遂被執從者羅子木及守備葉雲王發侍童觀毓慈案疑此人即楊冠玉也七月十九日至甯波方巾葛衣轎而入覲者如堵墻張杰舉酒屬煌言曰遲公久矣答曰父死不能葬國亡不能救死有餘罪常進功謂子木海上知我名否子木曰但識張司馬何知常進功他有所問大笑不爲語至杭州總督趙廷臣禮以上賓聽故部曲來庭謁司道府縣至者但拱手不起列坐于側士民賂守者求視煌言翰墨酬接無虛日九月七日死

于彌教坊有絕命詞曰我年四十五恰逢九月七大厦已不支成仁萬事畢候卒致詞請坐與子木同畢命觀統大聲曰我亦不跪者雲發面煌言跪是日驟雨晝晦杭人知不知皆慟哭同郡萬斯大仁和張文嘉與僧超直葬之西湖南屏山夫人董與嗣子先羈管杭州防久而疏煌言遣力士引嗣子出曰母可偕乎我獨往母必死敬拜力士而辭有勸煌言納賸者曰吾妻子如是何忍倡義以來未嘗一近女色且死生成敗殊未料多累何爲馬信將陳木叔女奉煌言謝曰忠臣之裔不可以辱吾義不再娶厚贈遣之病不飲藥大洋中能自運舵每歎曰沿海膏脂盡矣幸其出戰勝則進取否則一跳海中畢吾事耳嘗與葉振名論古今人物曰紹興死事者多吾慕之清夜嘗愧之歷十九載卒踐其言故其經故里詩有蘇武管寧求仁得仁句云自煌言仗節寧波士風振起同時如諸生華夏揚文瓚等皆以死殉義知名當世子木名綸嘗爲書責成功浙中傳之振名字介韜以隻雞哭煌言於越王岑其文累數千字死於康熙壬戌窮無子女壽七十餘見張司馬二客傳

慈按此云壽七十下又云六十有八均誤

論曰王文成公有言死天下事易成天下事難此責成於可成之日不以一死塞也若

以律文天祥張世傑豈其然哉世傳已亥長江之役有壬午舉人方會試下第歸對其家人如醒如嚙咄咄仰天曰同年生作何等事而我自顧爾乎信由斯言煌言固死而不死不成而真有成也余未得見先生而曾讀冰槎集奇零草悲其志又從介韜翼明兩君悉先生生平乃鄉人尙有不爲徐庶加之罪者於乎九原可作其何敢辭

附錄逸事

煌言壬午舉人出山陰令吳淞錢世貴之門口朱夏夫兆殷曾受知於知府于穎穎遷寧紹台分守與煌言同謁穎以意氣相許談朝政得失朝臣覆餗狀不勝髮指勸穎招技勇備不虞亡何有東陽許都之變事寧肄業駝峰十七年秋至南京交劉伏陽

按伏陽奇零草作復陽

孔昭子永錫見伯溫先生遺書秘記

金陵不守于穎移檄浙

東煌言來會同盟于學宮誓以死衛社稷至杭州候巡撫張秉貞議所立上潞王璽綬王長齋繡佛無帝王氣慨大失望煌言別祖廟聯絡紳士痛哭于王之仁張名振散家財俟大舉田雄導大軍東下潞王率文武降閏六月七日煌言合錢肅樂沈宸荃馮元颺元颺全之仁名振舉兵寧波移檄遠近九日孫熊舉兵姚江十一日錄

公子舉兵紹興 先是于穎命徐允升募兵金華使夏夫募舡沿海會內臣高起潛引所部五百餘輜重數萬自海道至白洋夏夫留之不果得其副將余應元都司王有功守備孫勇等數十人與違謙約日舉事于穎駐兵西郭使夏夫促違謙出兵曰公在驛候進發今張慄彭萬里已授首事至此寧可緩乎杭城一葦朝發夕至何以處之違謙以事未集需後期夏夫曰若爾浙東魚肉矣于穎自率團練兵五百道陸至西興而夏夫水師由海道會遂統應元等并鄉兵百餘船百艘薄暮抵錢塘值大軍半渡邀擊斬其前鋒六十餘級而退于穎至又調蕭山團練五百配以中軍耶文明任朝晉張宏兆竄波義師亦來會乃定守江之計 于穎督師丙戌移屯三江夏夫以護軍從時大軍在前內多悍將衆嘆悲時事不支煌言獨慷慨必矢興復酒間歌嘯義形詞色侍者莫不髮指衝冠迨五月富春竊渡士卒不戰而潰于穎疾馳留方國安王之仁固守不可煌言與張國維護魯王過曹江歸別父母妻子從駕石浦越日孫熊鄭三家繼至聞于穎以船溺微服去魯王至舟山黃斌卿曰臣受先帝命守舟山主上猶的也的所在思射之矣乃幸補陀夏夫同王有功候定西肅北二

藩進止煌言以定西護軍同肅北護軍曹從龍將軍黃朝先入三江煌言復大會諸將于駝峰亾何二藩搆隙阮進護魯王至閩曰迎定西至林臺曹從龍大掠而歸煌言不得已上會稽山列營平岡與王完勳王虎等唇齒以書招夏夫會魯恂被胡錦首死獄中不果行庚寅夏魯王至舟山有旨召煌言歸山中諸將以不相統攝散亡辛卯吳淞定關分道入海煌言同西護魯王親行先退大軍於崇明以阮進守大泥灣劉世勳守舟山陳錦田雄覘知精兵北去乘霧而出進不之覺及至接戰倉卒擲火毬遇桅反擊自焚下水被擒輿之以說城中進至言煌言等已大捷旦夕凱旋令城中死守被圍十日砲火俱盡定西中軍金允彥踰城降具告虛實遂百道攻城夜分星隕如雨九月二日城遂破定西太夫人全家自焚定西聞報急返至火燒門止隔兩潮無及遂護魯王入閩明年春討舟山守將巴臣興降乘勝入長江煌言同英義將軍阮駿先登陷陣崇明鎮江二戰俱捷爲文祭孝陵三軍縞素哭聲雷震徹城中會以閩師被撤無援而退大軍以巨艦鐵鎖橫金山遏之大戰沈舟截鎖而出是役也以少擊衆士氣百倍明年復統師入江江北豪傑聚衆歸者接踵適諜者

間於鄭撤回闕來歸者慟哭別事遂不可爲矣及至與鄭極陳利害諫不可信和不可從鄭趨之乃再引兵北上駐舟山以圖恢復密檄四出招徠人心響應乙未馬信以台州降值定西以訖卒信聞計大慟遂棄城入海以煌言在鰲挾陳木叔女奉之曰忠臣之裔不可以辱且室人董爲我陷獄義不再娶厚贈而遣之葬定西舟山之沈家壑由是權歸陳六御而將士解體 煌言屯鹿頸頭以書招夏夫由臨山航海至咨以軍旅宜帥出海八月廿四日大戰於蛟臺阮駿恃勇輕敵陷陣失水自辰至未大軍番休疊戰遂不支并喪劉永錫張晉爵陳六御張宏德降顧忠王有才舟山復破夏夫從煌言至沙埕而還

葉羅二客傳

越有志節士曰葉振名字介韜山陰湖塘里人少方迂行六人呼六腐氣獨喜自負家貧居壞室敝帷結席不能拒蠅蝸旁一土爐當冷不燃几欲朽雜疊爛編數本目不遠矚行持一短屨藉鄰火煨柏葉代茗餽餅啖客不廢酒客不飲則自盡之外屏粘心喪謝客實無喪也柱上署聯大約以死爲樂擇死之最首者迅雷事親孝母吳

垂革時泣曰使名終身困窮可也否則此心之痛何如耶嘗娶婦婦逝即不續過人
即索酒取架上書偏讀讀竟輒哭能古文謂自周秦至今不入九家而自詡充其數
書法解學士前無古人已書足紹之冠道士冠行道上穆穆如無人張煌言屯軍鹿
頸頭渡海訪之煌言曰比年無一端人至君來吾輩其有興乎攜之觀射酌以大觥
因嘆息人才難得振名謂煌言取人當以守爲尚煌言曰軍中須才智不須道學道
學何與兵事振名曰患道學不真耳真道學必善用兵且昔烈皇帝尙才劉子尙守
其後國破君亡未見才之效諸殉難者悉有守清節士豈非明鑒時振名以煌言委
信非宜左右或緣奸僞故語及之煌言作留侯李陵論譏切時輩又欲作陶潛論以
斥逍遙泉石無意當世者振名曰人心胥溺幸二三遺民高尙其事留此面目公論
出無乃激使往乎乃止己亥夏候煌言金堂陳三策大約欲暴延平之罪擒斬之奪
其兵以圖興復言多闕迂不可行其秋師潰安廬島上未得煌言消息符文煥遣官
延請振名暫護視師之署振名至會煌言返晤于鹿頸辛丑正月又謁煌言林門至
秋而歸其後鄭氏東入台灣煌言竟被執死杭州振名持隻雞黍酒獨登越王嶺哭

祭爲文六千五百餘言時京口羅子木隨侍煌言同殉節君爲作行略振名官翰林修撰兼兵科給事中生萬歷戊午卒年六十有八無子友人王某爲之殮葬

慈案張公傳末

稱葉死於康熙壬戌以此云生萬歷戊午核之則六有八十當作六十五俟攷

羅綸字子木鎮江丹徒人或曰應天溧陽人性尙義家貧授徒蘇州一日讀史可法安攘疏大慟不止延平王朱成功師度金焦亟往觀變謁煌言于儀真一見器之命草檄諭江南北煌言欲留之子木曰親在未敢許人也族叔羅蘊章時爲成功左鎮乃入其營不數日成功東奔子木在金山猶疑陽敗已望見大鯨過焦山乃乘小艇徑奔成功船大呼曰我羅總兵姪也超登曰公何以費十年之力辜天下望成功不答子木大慟曰公兵勢尙強奈何以小舫挫志彼戰勝而情轉帆復進南都必破失此事機欲再振其可得乎持成功手頓足號慟不已成功默然竟令左右扶去乃急入鎮江扶父隨蘊章至溫州尋到廈門中所知成功不可恃復奉父北行至三山父被執去慟哭詣林門叩煌言告難請邀成功北出煌言曰彼力憊而神耗不來也子木曰小子以書請何如煌言曰可遂自作書奉成功小報在煌言帳中遇事直言左

右皆忌之會遷界禁下餉絕佐煌言開屯南田甲辰煌言移桃花山賓佐多散子木朝夕敬護不去左右已同被執入定關常進功欵宴問子木曰海上知我名否曰但公識張司馬何知常進功他有問大笑不爲語至杭城會議府不跪次煌言席地坐煌言與總督趙廷臣語次往復子木抗聲曰公先後死耳何必與若輩絮語煌言初欲絕食子木笑曰大丈夫死忠任其處置可也飲啖如平時九月七日死于彌敦坊論曰張公恭以禮士士不憚險阻歸之然所得客獨葉羅二人爲最羅之從死天下業見之矣葉先生無日不以死自處者偶不死也余三過先生湖塘被其容接出濁醪酌余語及興亡之際言隱而慮深同坐者不知也朝議方事台灣先生輒上姚督書勸其緩攻事雖不行然于故國之義亦已盡矣附舟人遙示書稿署其函曰葉六腐氣受而展之滔滔萬言不可窮謁其意氣之盛固與羅生同其壯哉

張煌言列傳 子萬祺甘輝羅子木僕楊冠玉珩

海東逸史

張煌言字元箸號蒼水鄞縣人刑部員外郎圭章子少時跌踢不羈常負博進錢醉臥社祠中夢神謂之曰君宜自愛他日成大事者君也由是感悟折節讀書崇禎十五年

舉鄉試明年下第歸京師陷憤不欲生乙酉閏六月錢肅樂等舉兵移檄會諸鄉老煌言先至即遣迎魯王於天台授行人至會稽賜進士出身加翰林院編修改兵科給事中入典制誥出籌軍旅頗見其優紹興破泛海入舟山道逢富平將軍張名振扈王入閩從之既至招討使鄭成功以前頒詔之隙修寓公之敬於王而不爲用煌言勸名振還石浦謀再舉加右僉都御史自立一營曰平岡軍時黃斌卿守舟山名振以石之軍與爲犄角明年春

小腆紀年作丙戌四月監國紀同

吳淞提督吳勝兆請以所部來歸斌卿不欲往

煌言勸名振應之遂監其軍以行抵崇明大風舟覆煌言等皆被執乘間脫歸已諸將殺斌卿王至舟山煌言以所部入衛拜兵部右侍郎辛卯八月

紀年作九月監國紀同

舟山破

煌言與名振扈王再入閩次廈門時滇中已封鄭成功爲延平王軍容甚盛不肯奉王煌言獨以名振之軍爲王衛時時激發諸藩使爲致貢然煌言極推成功之忠嘗曰招討始終爲唐真純臣也成功聞之亦曰侍郎始終爲魯豈與吾異趣哉故成功與煌言所奉不同而其交甚睦癸巳春會名振之師入長江烽火逮金陵江南震動時上游故有宿約而失期不至左次崇明甲午再入長江故誠意伯劉孔昭以軍來會或以孔昭

南都亂臣宜絕之煌言曰孔昭罪與馬阮等然馬阮再賣浙東而孔昭以操江親兵棲遲海上累年則其心尙可原也明年名振卒遺言以所部歸煌言是王已去監國號通表滇中桂王遣使加煌言左侍郎兼翰林院學士己亥成功與煌言會於天台悉師北上六月成功攻鎮江煌言以偏師薄觀音門乘虛

原作應以意改

入江浦會所遣別將以蕪

湖降書至乃至蕪湖傳檄郡縣大江南北相率來歸其已下者四府三州二十四縣而成功以累捷又聞江北如破竹謂金陵可旦夕下前鋒將余新銳而輕士卒樵蘇四出營壘一空北師諜知之以輕騎襲破前屯擒新去成功倉猝移帳諸營瓦解其將甘輝

紀年云澄海人

以馬蹟被擒死之軍遂大潰竟撤鎮江之師出海煌言歸路已梗乃引舟歸鄱

陽八月七日與楚師遇而兵潰焚舟登陸士卒尙數百人歷霍山英山度東溪嶺追兵奄至士卒皆竄止一童一卒從迷失道乃賂土人爲導變服夜行由樅陽湖出江渡黃

溢抵東流之張家灘陸

原作隨以意改

行建德祁門

原譌山据釋史正

兩山之中由休寧入嚴州既

而山行自東陽義島出天台以達海壩樹叢鳴角散亡復集遣使告敗滇中且引咎桂王手敕慰問加煌言兵部尙書兼東閣大學士命仍奉魯王監國而成功自喪敗之後

不能自振思取臺灣以休士煌言貽書挽之謂軍有進寸無退尺今入臺則將來兩島皆不可守孤天下之望矣成功不聽壬寅春滇中陷五月成功亦卒於臺北安撫使以書來招煌言煌言復書略言不佞所以百折不回者上則欲匡扶宗社下則欲保捍桑梓乃因國事之靡甯而致民生之愈蹙十餘年來海上芻蕘糗糒之供樓櫓舟航之費敲骨吸髓言之慘然况復重之以遷徙訖以流離哀我人斯亦已勞止今執事既以保民息兵爲言則莫若盡復濱海之民即以濱海之賦畀我在貴朝既捐棄地以收人心在不佞亦暫息爭端以俟天命當與執事從容羊陸之交別求生聚教訓之區於十洲三島閒而沿海藉我外兵以禦他盜是珠厓雖棄休息宜然朝鮮自存艱貞如故特恐執事之疑且畏耳則請與幕府約但使殘黎朝還故土不佞即當夕掛高帆不重因此一方也十一月魯王薨於金門煌言泣曰孤臣之栖栖有待徒苦部下相依不去者以吾主上也今何望乎甲辰六月遂散軍於南田之懸壘小腆紀年作懸山壘其地在海中荒瘠無人山南有汭港可通舟楫而其北爲峭壁煌言因結茅居之北帥懼終爲患募得其故校以夜半從山背緣蘿踰嶺而入暗中執之七月十七日至甯波紀年云十七日破執越二日至甯波

北帥舉酒屬曰待公久矣煌言曰父死不能葬國亡不能救死有餘罪今日之事速死而已何必多言至杭州供帳如上賓自督撫而下無不敬禮之浙人賂守者得覩一面爲幸煌言方巾葛衣終日南面坐不言不食惟啜水而已見者以爲天神九月七日臨刑赴市在竹輿中遙望鳳凰山一帶始一言曰好山色因索筆賦絕命詞數章挺立受刑年四十五國朝賜諡忠烈參軍羅子木僕人楊冠玉殉焉子萬祺已先三日死鎮江子木名綸以字行漂陽人已亥煌言師出長江子木挾策上謁煌言奇之欲留之幕以父老辭成功因強其奉父泛海子木至海上不欲參成功軍事因奉父北行將赴煌言軍猝遇北兵格鬪子木墮水得救起而其父被縛去子木展轉閩南思出奇計以救父逾時不得音聞嘔血幾死復赴煌言軍煌言勉以立功卽爲報讐遂相依不去竟同死冠玉鄞人

張煌言列傳

羅子木楊冠玉王居敬附

南疆繹史

張煌言字元箸號蒼水鄞縣人崇禎壬午舉於鄉父圭章刑部員外郎母趙感異夢生而神骨清癯豪邁不羈能文章善騎射思陵以天下多故令諸生於試經義後試射

矢三發三中常感憤國事願請纓及錢肅樂集師檄會諸鄉老煌言獨先至肅樂且喜且泣即遣之天台迎魯王授行入紹興監國賜進士加翰林院編修入典制誥出籌軍旅閩中頒詔之役自請爲使釋二國嫌既歸累有建白丙戌師潰泛海將之舟山道逢富平將軍張名振扈監國入閩從之行招討鄭成功不奉命乃勸名振還石浦與戚繼侯黃斌卿爲犄角加右僉都御史明年松江提督吳勝兆請以所部來歸斌卿不樂從乃與故都御史沈廷揚御史馮京第共說名振應之遂監其軍以行至崇明颶風覆舟廷揚死煌言名振等皆被執有百夫長者導之走間道復還入海時肅樂已奉監國出師於閩浙東山寨亦羣起遙應煌言復集義旅箭上虞之平岡諸山寨咸事鈔掠獨大蘭王翊東山李長祥與煌言而三履畝勸稅相安無擾己丑從居健跳庚寅聞師敗諸將以監國退保舟山名振當國召以所部入衛加兵部右侍郎辛卯降將田雄官浙江提督以書來招峻拒之是秋大兵下潯州名振奉王搗吳淞翼有所牽制邀與俱舟山城破扈監國再入閩次鷺門時成功縱橫海上軍獨強遙奉隆武爲號於監國則修公之敬而已惟煌言以名振軍爲衛成功因之有加禮煌言亦極推其忠嘗曰招討

始終爲唐眞純臣也成功亦曰侍郎始終爲魯與吾豈異趨哉癸巳冬復間行入吳淞尋招軍天台明年軍吳淞會名振之師入長江趨丹陽掠丹徒登金山望石頭城遙祭孝陵三軍慟哭皆失聲烽火連江江甯震動而上游有夙約失期不至乃左探崇明俄復入江掠瓜洲儀眞薄燕子磯而所期終不至師徒單弱遂乘東流下仍駐潯州是年名振卒遺言盡以鄱下歸諸於是軍容始盛乙未成功書約大舉丙申駐天台冬又駐秦川丁酉大兵遷舟山之民煌言還軍舟山王去監國號通表滇中戊戌永明王遣進使成功延平郡王加煌言兵部左侍郎兼翰林院學士江督耶廷佐具書相招峻拒詞之七月成功興師以監軍會之北行泊舟羊山山故多羊見人馴擾然弗可殺殺則風濤立至軍士不能戒烹之羊熟而禍作碎船百餘義陽王溺焉遂返旆之潯州治舟已亥五月會於台悉師以行游軍至鄞之東鄞師次崇沙煌言曰崇沙爲江海門戶有懸洲可守不若先定之以爲老營脫有疏虞進退可据不聽因請以所部爲前軍時大兵於金焦間以鐵鎖橫江所謂滾江龍者潭家洲岸皆西洋大礮雷鎗而煌言孤軍出入其間成功遣將助之令善泅者截斷滾江龍將奪上流木城而舟多爲礮沒不得

前乃登舵樓焚香祝天飛火夾船下遂以十七舟翦江渡木城俱潰明日成功至城中出戰不利成功欲趨金陵煌言欲先鎮江成功曰我頓兵鎮江金陵援騎朝發夕至爲之奈何煌言曰我以偏師水道薄觀晉門金陵自救不暇豈能他顧成功請卽行煌言遂襲儀真未至五十里而士民迎降六月二十七日成功來告鎮江之捷煌言兼程還抵觀音門致書成功請以步卒陸行赴白下時江督耶廷佐懼甚不意成功仍從水道來而大吳之征黔者凱旋聞信馳至請同城守於是嚴備已具秋七月朔以哨卒百人乘虛掠江浦取之初四日成功水師方至次日蕪湖降書至煌言所遣之將也成功慮江楚援師且及必得控制上游蕪湖往來要道也七日煌言至蕪湖相度形勝一軍出溧陽窺廣德一軍鎮池州截上流一軍拔和州以固采石一軍入甯國以區徽州傳檄郡邑大江南北相率送款郡則太平甯國池州徽州縣則當塗蕪湖繁昌宣城甯國南甯南陵太平旌德涇縣貴池銅陵東流建德青陽石埭含山巢縣舒城廬江建平高淳溧水溧陽州則和州廣德無爲凡得四府三州二十二縣煌言考察官吏黜陟廉明江楚魯衛人士多詣軍門願受約束歸許起兵相應八月方諸徽郡受降而江甯之敗

乃聞亟返蕪湖初煌言貽書成功曰師不可老老則生變宜速遣諸將分徇近邑如金陵出援我則首尾相擊如其自守我則堅壁以待如四面克復則收兵鱗集金陵在我掌中矣成功以累捷自驕又聞江北如破竹勢謂城可旦夕下但命八十三營牽連立設屯雲梯地雷置木柵釋戈開宴軍士率捕魚縱酒爲樂而官軍之各路援師已長驅偵至其不備乃以輕騎穴城出襲破前鋒擒其將余新倉猝間士氣已餒拔營遁壘竈安未 大兵復傾城出諸營瓦解成功之良將甘輝馬蹶被擒死遂大敗成功亟登舟流乘下海鎮江諸師并撤去先是鎮江之捷有漕督以援兵中道溺死松江水師提督密以書請降自巡撫而下皆欲出走以故力勸成功持久觀變至是江督耶廷佐復以書招嚴拒之廷佐乃發舟師扼其歸路下流已梗煌言與諸將議將入鄱陽招集故楊萬諸子弟號召江楚八月七日舟次銅陵與援師之自楚來者遇奮擊之沈其四舟已而夜戰不利義士魏耕請赴英霍山寨乃焚舟登陸士卒尙數百人初之霍山已受撫轉乃入英山甫度東溪嶺而追者至衆皆竄相從止一童一卒迷失道賂土人爲導變夜服行天明而跡之者夥導者亦脫去以賂散諸迹者然茫茫無所歸念皖有故人竇

於樂高許埠復路一人偕之姑投之投則故人無在也故人之友亦以觀變自江上來識者爲張司馬憐其忠悃敎由樅陽渡黃湓溯江而上抵東流之張家灘登岸走建德門祁亂山間比又病瘡力疾趨休寧買棹入嚴陵浙之人熟其貌仍作山中行自東陽烏義出天台達海壖復樹蠡鳴角招集亡散成功聞之遣吳來助海上有長亭鄉者多田而苦潮乃募義民築塘捍之至今猶蒙其利遣使告敗於滇且自引咎永明王專勅慰問晉本部尙書庚子駐師林門尋駐桃渚辛丑入閩次沙關時成功已抵澎湖乃遣幕客羅子木以書責成功出師謂軍有寸進無尺退今一入臺則將來兩島恐并不可守是孤天下之望也不聽時成功雖東下而大兵尙忌之懼其招煽沿海之民於是遷有界之役民多不願以威脅之猶遲延不發煌言頓足歎曰棄此十萬生靈而爭紅乎夷復以書招成功謂可乘此機以取閩南卒不聽乃遣書故侍郎王忠孝都御史沈荃期徐孚遠監軍曹從龍勸其力挽成功而終不能用於孤軍徘徊兩島間已而滇中事急復遣子木入臺苦口責之成功以方得臺不能行無已乃別遣職方郎中吳鉏挾帛書入鄖陽山中說十三家軍使之撓楚救滇而十三家已衰敝不敢出壬寅滇中

陷成功亦卒於臺乃哭曰已矣吾無望矣復還軍林門會閩南諸老以成功卒謀復奉
魯王監國貽書來商喜甚即以書約故尙書盧若騰而下勸以大舉又擬上詔書一道
并約成功子經勸以亞子錦囊三矢之業復厲兵束裝以待是年浙督與中朝所遣
安撫使各以書相招煌言答簡謝之略曰不佞所以百折不回者上則欲匡扶宗社下
則欲保捍桑梓乃因國事之靡寧而致民生之愈蹙十餘年來海上芻蕘糗糒之供樓
櫓舟航之費敲骨吸髓可爲惕然況復重之以遷徙訖以流離哀我人斯亦已勞止今
執事旣以保兵息民爲言則莫若盡復濱海之民即以濱海之賦畀我在貴朝旣捐
棄地以收人心在不佞亦暫息爭端以俟天命當與執事從容羊陸之交別求生聚歎
訓之區於十洲三島間而沿海藉我外兵以禦他盜是珠厓雖棄休息宜然朝鮮自存
艱貞如故特恐執事之疑且畏耳則請與幕府約但使殘黎朝還故土不佞卽夕挂高
帆不重困此一方也又復督府書曰執事新朝佐命僕明室孤臣區區之誠言盡於此
閩南消息旣杳鄭經則偷安海外因悒悒日甚甲辰六月乃散軍居南田之懸壘懸壘

在海中荒瘠無人烟惟山南有汊港可通舟楫而其北則峭壁巉巖人不能及遂結茅以居從者祇故參軍羅子木門生王居敬侍者楊冠玉將卒數人舟子一人是時閩粵俱靖惟煌言獨在議者謂煌言不死海寇且復逞也奉 旨搆之有司繫累其妻子族

屬以待募得其故校使投滃州之普陀僞爲行脚僧以伺會煌言告羅之舟至羅人眠其故侶且爲僧不之忌故校遽出刀脅之其將赴水死又駢殺數人最後者乃告之曰雖然公則不可得也公蓄雙猿覘動靜船在十里外猿輒鳴樹杪公得爲備矣故校乃於夜半潛出山背緣蘿踰嶺而入暗中執煌言并子木冠玉舟子三人七月十七日也越二日至甯波提督張杰以轎迎蓋故校之募出杰意也煌言方巾葛衣入歎曰此沈文恭故第今而爲厠乎杰延以客禮舉酒屬曰遲公久矣曰父死不能葬國亡不能救死有餘罪今日至此速死而已比至杭州供帳如上賓督撫而下皆敬之凡故時部曲之內附者許得存問官吏願見亦勿禁省中人賂守者以得覩一面爲幸九月七日起市遙望鳳皇山一帶曰好山色賦絕命詞挺立受刑年四十五子木冠玉舟子並從死于萬祺械至鎮江先三日死煌言精壬遜之學己亥渡東溪嶺占得四課空陷方大驚而追騎至羅舟未返課象大凶徘徊假寐夢金甲神告曰上帝日中取汝方呼居敬告

之言未既而兵入浙人張文嘉萬斯大等爲舉其骸葬諸南屏山麓子木等三人埒焉

勘本曰吾於蒼水張公傳勘補初畢而惻乎有動於中也觀其孤行守忠投荒落海蓄猿備警神夢告終非一片至誠所格耶全氏云公解軍後將以懸罍爲首陽向非張杰生事微功公似可以無死然是時年未五十非甘心以黃冠老者若留至十年以逞三藩之禍起亦決不肯晏然坐視而謂中土能忘情於公乎此文山之所以不見保於夢炎也案壬寅冬十一月魯王薨於臺公哭之曰孤臣之栖栖有待徒苦部下相依不去者以吾主上也今更何待乎癸卯遣使祭告於王初公之航海也倉卒不得盡族行我世祖以公有父命勿籍其家但令公父以書諭之公乃復之曰願大人有兒如李通弗爲徐庶兒他日不憚作趙苞自贖父亦潛寄聲云汝弗以我爲慮也壬辰父以天年終有司又強公夫人及子招以書不發趣焚之己亥家始被籍然猶令鎮江將軍善遇之勿囚鳴乎自來亡國大夫所未有者我世祖之所以待公也至矣其先入海時嘗遭風絕食飄至一荒島夢金甲神告曰翌日贈君千年

鹿遲十九年還我果得一蒼鹿食一鬻積日不飢及被執神又來招蓋十九年云赴省時大吏遣官護行公出甯波城載拜曰某不肖有孤故鄉父老二十年之望比登舟有防卒史丙者中夜坐篷下唱蘇武牧羊曲公披衣起扣舷和之且酌酒勞之曰爾亦有心人也吾志已定爾無慮後公之詩文集皆丙所藏或有從而購之者丙曰公之眞蹟吾日夕焚香拜安得付子是不可謂噲等無奇士也渡泉塘時於船中拾一箋句云此行莫作黃冠想靜聽先生正氣歌公笑曰此王炎午後身耶夫人董公子萬祺送鎮江先公三日受刑死杭有朱孝廉璧嘗投狀請以百口保其母子不得公著有奇零草冰槎集北征錄采薇吟 羅子木名綸以字行漂陽人已亥公在江上乃挾策上謁以其年少負奇氣欲留之幕下以父老辭金陵之役其族父引之見成功及敗子木頓首涕泣固請勿遽去成功弗聽且強令之奉父入海旣而不樂參其軍復奉父赴公營中道與 大兵遇格鬥墜水得救起則父已被縛去因展轉閩南思出奇計以救父久之不得嘔血瀕死公以立功卽屬報仇遂相依以及於死楊冠玉鄞人制府謂其年少也將脫之固請從死卒死之王居敬字畏齋一字采薇

黃巖人公被執以計得逸後爲僧名超遜頗能道遺事亦不負於公者前張杰所募之故校以誘執公功授千戶後奉師巡海島猝遇公之舊將憤其害主也突刺殺之此與熊公汝殷錢公肅樂兩傳同列第十六卷古高易氏吳郡李瑤勘本於目錄後各有論案茲就論忠烈公者增錄於後曰張司馬蒼水則顓事監國而其節尤苦始也在江上則力爭頒詔自請使閩釋嫌在海上則轉移鄭氏化舊隙以致用洎至晚歲以蒼頭異軍流離山海間屢起屢蹶末復欲奉王再舉逮夫力必不支而後撤軍避世是蒼翁之始終爲監國結果也謝山全氏曰公富安撫書前半如謝疊山之却聘後半如陳文龍之請漳泉三郡以存宋祀凡此數大節目皆爲蒼翁十九年中之最大作用也觀其堅持苦節百死不移而惟我仁祖宥卹孤忠惓惓無已直是亘古所罕觀備之詳之正所以見我朝列聖如天之度拾遺補闕攬溫氏之本則猶矣

慈案吳興溫晒園氏原本釋史作佚史而勘本作釋史云借釋爲佚者非襲馬驢之稱蓋以此爲尋釋諸史以成之書爾說詳李氏自序

按本朝之夫不遺籍公之家及籍而不遺殺蓋欲降公耳及公卒不肯降而公之夫人與公子卒不免全氏謝山乃謂本朝待公厚豈其然哉

明季南略

張煌言字元箸號蒼水鄞縣人崇禎壬午舉于鄉魯王監國授翰林院編修丙戌師潰泛海已丑從魯王居健跳庚寅閩師潰諸將以監國退舟山張名振當國召以所部入衛時鄭成功縱橫海上遙奉隆武爲號於監國則修寓公之敬而已惟煌言以名振軍爲衛成功因之加禮煌言極推其忠嘗曰招討始終爲唐真純臣也成功亦言公始終爲魯與吾豈異趨哉迨後勢孤力竭與心腹十餘人將至普陀落伽山祝髮爲僧內一人欲降大清遂私見浙江趙部院趙曰汝欲爲官必先建功爲進身地其人以某日張煌言至普陀告糴遂率師擒獲公方巾見趙略敘寒溫蓋趙曾入海與公會者只論海中事降公之意絕不談久之趙始曰公若肯降富貴功名可致公正色曰此等事講他怎的在小弟惟求速死而已趙知公意不回遂館公疏聞廷議有謂宜解京斬之者有謂宜拘留本處者又有謂優待以招後來者久不決部覆云解北恐途中不測拘留恐禍根不除不如殺之臨刑挺立俟死乃曰陣上交鋒被獲死亦甘心今如此死于心不服作絕命詩四章衆競傳之方殺時刀折爲兩成大異焉其詩曰義幟縱橫二十年豈知閔統屬于閩湘江只繫嚴光鼎震澤難廻范蠡船生比鴻毛猶負國死留碧血欲

支天忠貞自是人臣事何必千秋青史傳何事孤臣竟息機暮戈不復挽斜暉到來
晚節慚松柏此去清風咲蕨薇雙鬢難堪五嶽往一帆猶向十洲歸疊山遲死文山
早青史他年任是非擲揄一息尙圖存吞炭吞醢可共論復望臣靡興夏祀祇憑帝
眷答商孫衣冠猶帶雲霞色旌旆仍留日月痕贏得孤臣同碩果也留正色在乾坤
不堪百折播孤臣一望蒼茫九死身獨挽龍髯空問鼎姑留螳臂強當輪謀同曹杜
非無鬼哭向秦庭那有人可是紅羊剛換劫黃雲白草未曾春 附記富鄭成功趨
圍南京張煌言一軍抵蕪湖令甚嚴一兵買麪價直四分止與十錢店主哄起白張
張問兵曰誠有之時無錢耳張曰汝食大糧何云無錢將藍旗投下曰拿下去左右
縛兵兵問故曰張爺令斬汝兵大驚曰吾罪豈至此乎容吾回稟張曰吾有諭在外
卽一錢亦斬況四分乎遂斬之諸軍肅然秋毫無犯商舟數百隨張張俱給一小旗
白心元色鑲邊豎舟前軍士望見即呼曰此船板張爺船也賈舟雖出入兵間無不
獲全者凡舟壞俱稟張總管故兵呼船板云

小腆紀年

徐 鼐

臣竊曰煌言仗劍起義跋涉海隅部卒僅三百人歷年幾二十載痛厓門之流離私草文山之檄憤錢鏐之玩愒再投羅隱之詩迨至壘樹鳴猿信孚異類荒島贈鹿誠格皇天戍兵錄零丁之詩弟子志西臺之慟史傳忠義如公幾人 純皇帝之諭曰諸臣瑣尾間關有死無二人臣忠於所事實爲無愧大哉 王言垂教萬世而明史不爲煌言立傳謂非史臣之不職哉

案紀年一書詳叙明季諸王始末近六合徐彝舟檢討肅譔於咸豐間者書例如通鑑綱目而一條之後多自爲評論則劉氏書法尹氏發明又兼而有矣所紀張公事實例屬按年分隸語雖詳備自與列傳之體不同其說且時見於他書亦未容修合爲一篇也抑攷原書別有紀傳未之刊行愆故祇錄公遇害後評論數語而已惟書中復載公受刑時一振臂綁索俱斷屍不仆行刑者跪而拜之此說据愆所見均未之及爲增紀焉至注中所攷引行朝錄及南略所載絕命詞後稱按行朝錄謂詩詞貯一布囊爲邏卒所焚而南疆繹史勘本謂煌言所著有奇零草冰槎集北征錄采薇吟又謂詩文集皆防卒史丙所藏有購之者曰公之眞蹟吾日夕焚香安得付子

或丙死後遂無傳歟觀此則公集殆徐氏未見乎然吾郡藏書家實多什襲而儲矣
案徐氏攷異復有一則茲亦錄而存焉攷曰煌言久抗 朝命竄伏海隅有謂己亥
之役兵敗出赴官軍曰我侍郎張煌言也死當於明處遂遇害慈案此疑是以北征錄所稱死固我分也
藉土人巨測吾當明言姓氏令昇至建康從容就義耳云云傳誤李世熊寒支集張元著先生傳則誤以元著
爲定西侯張名振所叙事蹟亦誤合名振煌言爲一人傳聞異詞謬誤如是賴黃宗
羲全祖望萬斯大諸人表章之有功先生不淺 慈識

明季殉節諸臣事迹

張煌言字元箸父圭璋刑部員外郎煌言年十六補諸生莊烈帝時多命學使於試文
之後校射煌言三發皆破的舉崇禎十五年鄉試錢肅樂之起兵遣煌言迎魯王於天
台授行人魯王至會稽賜進士加編修魯王敗奔閩煌言聚衆於上虞之平岡聞魯王
保滃洲以所部入衛加兵部右侍郎 大清兵破滃洲復以兵從魯王入閩次鷺門
時鄭成功兵最強自以唐王舊臣不肯奉魯王煌言亦稍稍籠絡冀收其用尋返海上
數以舟師由海道入江窺伺京口桂王在滇南遙授兵部左侍郎煌言後據滃洲順治

十六年與鄭成功合兵由海道入煌言以所部攻江浦抵蕪湖諸城頗有響應者及成功敗於江寧遁入海而煌言之衆亦潰變服間道歸天台部衆復集桂王加以兵部尙書東閣大學士煌言移軍林門往來海島間聞滇南平散遣部曲遁於南田之懸壘壘在海中惟山南汊港可通舟楫從者惟故參軍羅子木門生王居敬侍者楊冠玉將卒數十人舟子一人浙江提督張杰慮煌言終爲患募故校爲僧者偵之乃以夜由山後襲執之諭之使降則曰父死不能葬國亡不能救今日之舉速死而已賦絕命詞從容就義子木冠玉及舟子三人亦同死郵人紀五昌出賞購其首葬於西湖之南屏乾隆四十一年賜諡忠烈

張煌言列傳

象山縣志

寓賢傳

張煌言字元箸號蒼水鄞縣人崇禎壬午舉人乙酉與錢忠介同事師潰泛海至翁洲依黃斌卿旋監定西張名振之軍入長江遇颶風舟幾覆斌卿爲名振等所誅大兵破翁煌言至閩復監定西軍再入長江登金山遙祭孝陵而還時閩事皆主延平而煌言與之抗禮順治十六年延平統舟犯內地煌言亦掠甯國等郡總兵梁化鳳等大破之

未幾滇南潰乃散兵歸象山之南田結茅居焉從者羅子木王采薇其僕則楊冠玉也
康熙甲辰七月十七日孫維法等夜半緣藤穿後壁踰入執煌言自石浦至邑錢司寇
祠方巾葛衣觀者如堵至杭總督趙士麟勸降當以原官大司馬起用煌言抗節不從
九月七日畢命於杭臨絕詩曰我生適五九更逢九月七大廈已不支成仁萬事畢葬
於岳墳于墳之間子木冠玉俱從死子木名綸句容舉人冠玉鄞人采薇爲僧不知所
終同時有史謀者參名振軍陳峽字壁園鄞人參陽信王軍皆坎塹而死

附錄軼事

張元箸寓懸壺齋一猿奴候動靜其性通靈每海舶在十里外猿輒呼鳴樹杪公得
爲備若僕卒之護其主然故以奴目之後降卒以夜出山背不令猿知遂獲之猿竟
失所在或云跳躑而死

當時學士家
爲作猿奴行

張煌言列傳

定海廳志

寓賢
傳

張煌言字元箸號蒼水鄞縣人崇禎十五年舉於鄉常感憤國事願請纓及錢肅樂起
師遣煌言之天台迎魯王授行人王監國紹興賜進士加翰林院編修入典制誥出籌

軍旅丙戌江上師潰煌言泛海入翁洲道逢富平將軍張名振扈王入閩從之行招討鄭成功不奉命乃勦名振還石浦興威衛侯黃斌卿爲犄角加右僉都御史庚寅王居舟山名振當國召煌言以所部入衛加兵部右侍郎辛卯九月舟山陷扈王再入閩晉兵部尙書兼翰林院學士乙未名振卒遺言以部下歸煌言於是軍容始盛戊戌七月監成功軍北行抵羊山孽龍爲虐海舶碎者百餘乃回舟山修葺已亥成功全師犯江甯煌言以所部二千並發連下徽州等處四府三州二十四縣旋以成功江甯之師釋戈縱飲爲官吳所襲破成功倉卒移帳遂乘流入海并撤鎮江之師而去煌言歸路已梗乃變服潛行二千餘里出天台以達海壩樹叢鳴角散亡復集壬寅十一月魯王薨於臺煌言哭曰孤臣之栖栖有待者以吾主上在也今更何所待乎癸卯遣使祭王甲辰遂散軍居南田之懸陳提督張杰懼煌言終爲患募得其故校詐爲僧人服使居普陀以伺會煌言羅舟至故校出刀脅之詢以所在遂導以執焉監紀漂陽羅子木綸故人子鄞人楊冠玉等俱被執煌言烏巾葛衣途中吟詠不絕至甯波張杰以客禮延之煌言求速死至杭總督趙士麟再三勸降煌言正色答曰二十年窮海孤臣豈至今日

忽改節耶九月七日起市賦絕命詞挺立受刑鄧萬斯大與朱錫九兄弟葬諸南屏之

陰

國朝賜諡忠烈

參南疆釋史南天狼臺灣記賜姓本末黃宗義撰墓志全祖望撰神道碑殉節諸臣錄附錄舊縣志寓賢傳

傳云謬煌言號水鄧縣人壬午舉人初煌言與錢肅樂同事授翰林編修出籌軍旅入與制誥丙戌泛海依肅肅於翁洲後復往來於閩海溫台之間

己亥金陵軍敗壬寅復歸浙海甲辰兵散居懸嶼懸嶼海中荒瘠無人處結

菲於邊巖峭壁之下從者爲深陽羅子木綸鄧人楊冠玉有降卒欲致煌言

以爲功與其徒數人僞爲行脚僧踪跡之夜半出山背緣藤蔓而入執煌言

及子木冠玉時七月十七日也十九日至甯波方巾葛衣坐竹輿觀者如堵

至省供帳如上賓總督趙時麟勸煌言歸誠煌言抗首陽節不從有書答趙

督海內傳誦謂勝疊山卻聘書也九月七日戮於武陵之西市子木冠玉皆

從死子萬祺先

三日死於鎮江

節附遺事

舟山既平凡海外浙閩之境皆屬僞延平王鄭成功節制獨煌言一軍自屯鹿頸頭

不肯隸藩下延平亦以主賓禮待之延平死煌言率舊侶數人捨舟登懸壘斬茅居

之諸部多散去康熙甲辰七月十七日孫維法及曼和尚夜半緣藤蔓穿後壁踰入

生獲煌言解至甯波有以瓦礫寫詩投之者云此行莫作黃冠想靜聽先生正氣歌

九月乙亥受戮於省城此從舊縣志節鈔者慈識

四明人物傳

蛟川劉慈孚 午亭

張公諱煌言字元箸號蒼水鄞縣西北鄉人舉崇禎壬午鄉試當宏光出走南都既覆公家居聞之慷慨而起與同里刑部郎錢公肅樂立魯王於紹興思爲畫江以守大吳東渡江干失守公偕張名振奉王退居翁洲且招義兵屯四明山遙與鄭延平相呼應尋大舉入內江圖京口薄金陵軍聲所播幾搖動東南半壁聞師敗績公出入萬險僅以身免歷重險保彈丸翼爲崖山之偏局而終以勢去不能挽回魯王薨於臺公乃散部曲遁入南田爲提帥張杰購獲執赴杭州防守卒史丙者夜坐船頭唱蘇子卿牧羊歌公披衣起扣舷而和之至守獄中終日南面坐諭降不從正命以死遺民數人覓其骸骨葬南屏山荔支峰下公舉義凡十九年魯王朝賜進士晉翰林院編修加兵部右侍郎權兵部左侍郎兼翰林學士乾隆間高宗純皇帝以勝國諸忠臣繫於綱常名敕賜諡忠烈公著有冰槎集奇零草采薇吟北征錄詳載結埼亭集

鄞志大事紀

聖祖仁皇帝康熙三年六月

年月据張公年譜補

張煌言散遣部曲居懸壘爲官兵所襲執降

不從死之

勝朝殉節諸臣錄

煌言散軍居南田懸壘壘在海中山南有汶港可通舟楫而其北爲峭壁提督張杰懼煌言終爲患期必得而後已煌言部將孔元章符瑞源等皆內附

全集張總督尙書碑

趙廷臣赴定海與杰議檄水師由甯台溫三府出洋搜勦降副將陳棟知煌言竄海

島選徐元張公午

○案二人亦公故核

飾爲僧率健丁潛伏普陀朱家尖蘆花驛三路以伺

國史趙

廷臣傳會煌言告羅之舟

半書碑尙

急擊之擒林生陳滿誘使言煌言竄處卽駕所

獲船乘夜下懸山自山後潛入擒煌言獲其敕印

趙廷臣傳縣志並云

孫維法及曼和尙

獲爲

數日送杭州煌言方巾見廷臣略叙寒溫久之廷臣曰公若肯降富貴功名可

致煌言正色曰何出此言弟惟求速死而已廷臣知其意不同遂疏聞

○案廷臣疏云張煌

言盤據浙海抗不就撫借名歸隱尙伴海外臣密令守備徐元張公午扮

成僧民獲活口林生等知煌言現在懸山花壘卽駕所獲賊一艘乘夜進小

港從山後覓路突入帳房遂擒煌言及其親信餘黨搜出偽視師兵部銀印一偽關防九有謂宜解京師斬之者有謂宜拘

留本處者有謂宜優待以招後來者部覆云解北恐途中不測拘留慮禍根不除不

如殺之

南

略九月乙亥斬於市

鎮海縣志

臨刑挺立俟死刀折爲兩成大異焉

詳見人

物傳

西渡僧擲詩瓦

四明談助

冰槎之被執也舟次西渡有和尚特擲詩瓦於前疾行而去其外有紙裹之紙上有詩今僅傳其二句云此行莫作黃冠想靜聽文山正氣歌冰槎笑曰此王炎午之後身也然此和尚究莫知爲何人吾鄉遺民爭物色之不可得亦異人也 見續耆舊傳

阜隸葉雲

茶香室續鈔

國朝徐逢吉清波小志云甲辰七月王先生被執至武林九月七日就義從者二人同死焉自注云阜隸葉雲侍者冠玉按王先生卽張蒼水也當時諱之故曰王先生攷觚牘所載從蒼水死者一姓羅一姓楊此乃云葉雲冠玉知之者罕故表出之 慈案羅

自牧楊貫玉自牧卽子木貫玉卽冠玉楊冠玉諸書多載及之惟葉雲洵知之者罕矣又据新鄞志張公列傳注中引清波小志有煌言遺骸及楊羅二骨云云觀此則同死二人小志亦當慈据邵念魯東南紀事所載作子木冠玉而此注忽出葉雲何也彼阜隸耳 又有王發其人均作守備殆鄭志注中所引爲陳氏小志補缺 乃得流芳後世此與桃花扇傳奇所載徐公子之爲阜隸者同一

阜隸而薰齋異矣

跋

蒼水公全集余于丙午冬鈔自杭州丁氏善本書室人事勞勞未遑刊丁未春余同學友黃晦聞來自粵中與余同居藏書樓謀共刊古人遺書迺舉此集以屬晦聞校勘編補刊而行之晦聞用力于是集甚勤掇拾微茫一字一句必細心考訂復從此本謝山年譜內尋出詩話蓋詩話一種後人即散附于年譜之內于是而謝山所編十二卷原本迺復其舊蒐補既竟旋校旋刊月成一編未幾晦聞別余歸粵携其稿而南一卷校竟仍郵其稿至滬中間或刊或輟蓋自丁未春以訖已酉秋全稿始畢刊已歷三年矣顧于已酉八月晦聞方以其全稿寄滬刊成將發坊而余復于滬遇蒼水鄉人赴杭州九月七日之祭者叩以蒼水集迺出王棠齋慈所編本見脉于是取王編本校此本凡此本所無者增補遺一卷題詠上下各一卷姓氏考略一卷傳略補一卷更囑公鄉人爲雇工拓取蒼水祠堂壁間石刻各墨蹟墨蹟內詩有耦限二首梅花第
四首憶菊一首爲集中所無及蒼水遺硯拓本及甬上三忠墨蹟內蒼水手札并攝影蒼水之墓爲之鏤銅石印冠之卷首繇是而蒼水全集可稱完本矣顧予獨怪蒼水殉節後二百餘年間士大夫皆知寶其

遺著家有鈔本

王榮齋云據所見有鄭氏二硯齋本有蔡氏墨海樓本有何范明經本有蛟川夏佩香本而夏氏本所采輯復爲古董徐董諸

本然亡有爲之鏤版以行世者直至今而餘杭章氏得鈔本于甬上張氏始爲刊行顧
缺略尙多至今而予友晦聞始編補完善天假之緣集將刊成而適遇公之鄉人得王
氏本墨蹟等而後公集迺大備嗚呼豈非公之精靈歷久不泯適于是時默爲呵護者
哉然則公集雖晚出而愈顯蓋可信矣抑余猶有感者二百年來文網尙密故士大夫
寶公集者寧不避傳鈔之勞而亡敢爲之刊印今文網疏闊矣而士大夫方馳心域外
豈復置意于鄉邦文獻余與晦聞合二人之力此區區十餘卷之書以迫于人事及刻
工江海浮沉亦必歷三年之久始成使不幸而中綴而有意外之變則此集卒不成而
卒成之豈非幸歟已酉十月二十五日後學順德鄧實謹識于滬上

宣統己酉九月初十日印成

編印者

國粹叢編社

發行所

上海四馬路老巡捕房東惠福里口
國粹叢編社

分售處

各省國粹學報代理處

張若水全集三冊

價洋一元八角

0

4

1